

საქართველოს სსრ მეცნიერებათა აკადემია
ივ. ჯავახიშვილის სახელობის ისტორიის, ფილოლოგიისა და
ეთნოგრაფიის ინსტიტუტი

ალექსი ონიაური

ქართული ხალხური დღეობების კალენდარი

ხევისურეთი

(არსობის თაობა)



„მეცნიერება“

თბილისი

1988

საქართველოს სსრ მეცნიერებათა აკადემიის ისტორიის, არქეოლოგიისა და ეთნოგრაფიის ინსტიტუტის ეთნოგრაფიის სექტორში დაცულია დიდალი მასალა ქართული ხალხური კალენდარული დღესასწაულების შესახებ. იგი შეკრებილია ჩვენი საუკუნის 40-იანი წლების მიჯნაზე პროფ. ვ. ბარდაგელიძის უშუალო ინიციატივითა და ხელმძღვანელობით. ხევისურეთისა და ფშავის დღეობები ალ. ოჩიაურის მიერ არის აღწერილი. ეს მასალა გამოირჩევა სიზუსტით, დეტალურობითა და მრავალმხრივობით. შეიცავს ისეთ მონაცემებს, რომელთა ფიქსაცია დღეს სრულიად შეუძლებელია.

წიგნში წარმოდგენილი მასალა ნაწილია ქართულ ხალხურ დღეობათა კალენდრის მთლიანი კორპუსისა, რომლის თანდათანობითი გამოცემა განზრახულია შემდეგ წლებში. ეს მასალა ხელს შეუწყობს ქართველი ხალხის ძველი მსოფლმხედველობის კვლევას, დღესასწაულთა წარმოშობისა და ფორმირების შესწავლას, მდიდარი ხალხური ტრადიციების გამოვლენას, რასაც მეცნიერულ ღირებულებასთან ერთად, ფართო პრაქტიკული მნიშვნელობაც აქვს.

რედაქტორი ისტორიულ მეცნიერებათა დოქტორი თ. ოჩიაური
 რეცენზენტები: ისტორიულ მეცნიერებათა დოქტორი ჯ. რუხაძე
 ისტორიულ მეცნიერებათა კანდიდატი ი. სურგულაძე

შ ე ს ა მ ა ლ ი

ბევრი იწერება ხევსურეთის ყოფა-ცხოვრებასა და ზნე-ჩვეულებაზე, მაგრამ ბევრი რამ სიმართლეს მოკლებულია. ხევსურეთში, როცა გზები გაიხსნება და სიარულის დრო არის, მაშინ ხალხს საქმე აქვს (მზადება სამეურნეო იარაღებისა, ხენა, თიბვა, მკა, საზამთროდ შეშის მომზადება, თივის და ძნის მოტანა და სხვა). ზაფხულის ვანმავლობაში დრო არ რჩებათ, მოსულ კაცს ჩამოუსხდნენ და ყველაფერი დაწვრილებათ უამბონ, ხშირად შეკითხვებზე არასწორ პასუხს აძლევენ, ცდილობენ თავიდან როგორმე მოიცილონ და თავისი საკუთარი საქმე არ დაჩქით გაუკეთებელი. მათ არ იციან, მკვლევარს რატომ აინტერესებს სწორი ცნობების ჩაწერა, ამიტომ ტყუილსაც ხშირად აწერიან. ამავ დროს, ზოგიერთ რამეს საკუთარ საიდუმლოებად თვლიან და მას არავის ეტყვიან, მითუმეტეს, თუ ატყობენ, რომ განათლებული ხალხის შეხედულებით, თავიანთ ზნე-ჩვეულებაში რამე უარყოფითი აქვთ. თვითონ ასეთი რამ თუმცა უარყოფითად არ მიაჩნიათ, სხვას მაინც არ ეუბნებიან, რადგან დაცინვის და გაკიცხვის ეშინიათ. აქვთ სარწმუნოებაში თავისებური საიდუმლოებანიც, რომლის თქმაც დაღუპვად, ესახებათ. ხევსური თავის უარყოფით მხარეს ყველასთან ფარავს, დადებითს კი გაზვიადებულად მოუთხრობს.

უნდა ითქვას, რომ ზალხურ პოეზიაში არსებულ თავის უარყოფით ლექსებსაც კი არავის ჩააწერინებენ, დამარცხების ამბებს არავის ეუბნებიან, გამარჯვებისას კი ერთი ათად აზვიადებენ. ამიტომ საჭიროა ყველაფერი აიწეროს ისეთი კაცის მიერ, ვისაც ეს ჩვევები თვითონ შეუსრულებია და განუცდია. საჭიროა, აგრეთვე, მასალა შეიკრიბოს ხნიერი და ჰკვიანი ხევსურების დაკითხვით და არა ისე. გზაში შემთხვევით შეხვედრილ ხევსურს რომ ეკითხებიან, მის მიერ თქმულს ეყრდნობიან, არ არჩევენ, ის კაცი რა ჰკუთს პატრონია და რამდენად შეუძლია სწორი ცნობების მოწოდება.

მე განვიზრახე მასალის შეკრება ხევსურეთის ირგვლივ, რათა მკითხველს საშუალება ჰქონდეს ერკვეოდეს, თუ ხევსურები რანი იყვნენ წარსულში და რანი არიან ახლა. აღვწერე რელიგიური დღესასწაულების წლიური კალენდარი ზუსტად და უტყუარად, დაწყებული დღე-

სასწაულებისათვის საჭირო პურის მოყვანიდან, დამთავრებული წლის განმავლობაში მისი დახარჯვითა და მოხმარებით, დამახასიათებელი სათანადო წეს-ჩვეულებებითა და ლოცვებით. პირველ რიგში აღვწერე არზოტის თემის დღესასწაულები, რომელთა შესრულებაში უშუალო მონაწილეობა მიმიღია.

ჯვარის მამულების ხვნა არხოტის თემში

ხვნა იწყება გაზაფხულზე, დაახლოებით აპრილის ნახევარში სახატო მამულის, ე. წ. „ჯვარის ყანის“, მოხვნით. ხვნას შაბათ ღღეს იწყებენ.

პარასკევს ხუცესი ავა მაღალ ბანზე, საიდანაც მთელი სოფელი ჩანს და ყველა გაიგონებს მის ხმას. ხმამალა დაუძახებს ზალხს:

„სოფლელებო, მაგდიოდასთ ყველას, ვისაც არ მაგდისთ, ერთმანეთს გააგებით. თუ გწყალობსთ არხოტის ჯვარი ზვალ თავის საქმეზე არცად-ვინ წახვიდათ. ჯვარის ყანა ივენის. ყველამ დაამზადეთ ღღეს ჯარის იარაღი. ზვალ დილას ყველა გამედიოთ, ბერი-ღ ახალი. ზოგი მამულშიით ქვას გადახყრის, ზოგი ჯარებს დაწრაფავს, ზოგი კიღე მაქნავს. გაიგონეთ ჯვარის ყანაის ჯვარის სადიღებლადა-ღ თქვენ სამწყალობნელად“.

ამას სოფლის მცხოვრებნი მოისმენენ და ამზადებენ უღელს, საუღლეს, გუთნებს, სახვნელს. დასტურები კი ერთ სახლში შეიკრიბებიან და შემდეგ წესს ასრულებენ: არხოტის ჯვარში სამი დასტურია, ისინი მიიტანენ ხორცს, ყველს, ერბოხს და ფქვილს. დიასახლისი ხორცს დაჭრის წვრილად „საპარსვლით“ (ღუქარდი), ყველს („სატანს“) ჩათლის დანით და შეიძლება ქონიყ აურიოს. არევეს ერთმანეთში, მოზელს ცომას და გააკეთებს გულიან ქაღებს ოცდაათამდე, რამდენსაც ხუცესი ეტყვის. მათი რაოდენობა განისაზღვრება იმით, რომ ხუცესმა უნდა იცოდეს, ხვესურეთში რამდენია მთავარი სალოცავი და რამდენი უნდა ახსენოს მან. ქაღები იქნება თითო დიდი და თითო პატარა. დიდს ჰქვიან „სასანთლე“, პატარას „საკვირაო“.

დასტურები ჩამოქნიან სანთელს იმ რაოდენობით, რამდენსაც ხუცესი იტყვის. დიასახლისი ქაღებს და საკვირაოებს დააჭრელებს „საჭვრეთათი“ და დააცხობს „ზედგანზე“. ზედგანი რკინი რგოლზე დადებული სიბი ქვაა, რგოლს ხელი აქვს ისევე რკინისა და ჩამოკიდებულია ქერში. ჩამობმულ რკინის საკიდელზე. სიბს ახურებენ ცეცხლით და აწყობენ ზედ სასანთლეებს და საკვირაოებს. დიასახლისი მათ აბრუნებს ხან ერთ გვერდზე და ხან მეორეზე. როცა ორივე გვერდზე ცოტათი გამოცხვება (ამას ხვესურები უწოდებენ „მოჭირთებას“), დიასახლისი მათ ჩაფლავს ცხელ ნაღვერდლიან ნაცარში. აქაც გვერდს მოუბრუნენ-

ბენ და სხე გამოაცხობენ. მერე დიასახლისი ნაცარს გააცლის შებერვის საწეულებით და ერთიმეორეზე აწყობს. ცხობას რომ მოათავეებს, ჩააბანას წყალს ბაკანში, გააბანებს სასანთლე-საკვირაოებს და დააწყობს ტაბლაზე. შემდეგ ერთი გაპონს ყველას დაქრელებულ გვერდზე. კრძელ ფიცარზე დააწყობს თითო სასანთლეს და ზედ თითო პატარა საკვირაოს დაადებს. დასტურები სანთელს ბოლოზე მიაკრავენ პატარ-პატარა წვეკლის ნატეხებს და იმ წვეკლებით ჩაარკობენ საკვირაოში, რომ ცხელმა საკვირაომ სანთელი არ გააღლოს და არ წაიქცეს. სანთლებს მოუჯიდებენ ცეცხლს და ხუცესი ერთი პირიდან მოყვება სასანთლეების მოხსენებას. ჯერ პირველ სასანთლეზე მიუთითებს და იტყვის: „ამ სეფე-სანთელზე შენ გადიდას, გაგიმარჯოს ღმერთმა, მიქიელ მთავარო ანგელოზო (ან რომელი სალოცავია და სად სრულდება ეს წესი, მის სახელს ახსენებენ, მხოლოდ არხოტში იწყება ასე, როგორც აქ არის ნათქვამი). შენა სამთავროდ, შენა გასამარჯოდ მაიკმარი ეს სეფე-სანთელი, ნათელ-ბნელი. შენ ახიელელთად, ტახტის ყმათად საშველად, სახოიშნოდ, სამწყალობნელოდ მაიკმარი, ხთის კარზე შაიტანი, ღმერთი შენს ბატონობას გაუმარჯვებს“.

მეორე სასანთლეზე მიუთითებს და იტყვის: „ამ სეფე-სანთელზე შენ გადიდას, გაგიმარჯოს ღმერთმა მთის ვეშაგ წყაროს თავისაო, მოძმევ მიქიელისაო, ღმერთმა გადიდას ამ სეფე-სანთლით, ღმერთმა გაძრიელას, შენა სამთავრო — გასამარჯოდ მაიკმარი ეს სეფე-სანთელი. შენ ახიელელთად საშველო-სახოიშნოდ, სამწყალობნელოდ მაიკმარი, ხთის კარზე შაიტანი, ღმერთი შენს ბატონობას გაუმარჯვებს“.

მესამე სასანთლეზე ახსენებს კვირაეს და იტყვის: „ამ სეფე-სანთელზე შენ გადიდას, გაგიმარჯოს ღმერთმა, კვირაევ — ძალო ხთისაო, ძალო და მადლო კვირაისაო. შენა სამთავროდ, შენა გასამარჯვოდ მაიკმარი ეს სეფე-სანთელი, ნათელ-ბნელი, საშველო-სახოიშნოდ, სამწყალობნელოდ მაიკმარი, შენ ახიელელთად, მაგათ თავისად, ჯალაფობისად, ხთის კარზე შაიტანი, ღმერთი შენს ბატონობას გაუმარჯვებს“.

მეოთხე სასანთლეზე იტყვის: „ამ სეფე-სანთელზე შენ გადიდას, გაგიმარჯოს ღმერთმა, ჯაჭველო კმელის გორისაო. შენა სამთავროდ, შენად გასამარჯოდ მაიკმარი ეს სეფე-სანთელი, ნათელ-ბნელი, შენ ახიელელთად სახოიშნოდ, სამწყალობნელოდ მაიკმარი. ხთის კარზე შაიტანი, ღმერთი შენს ბატონობა აღიდებსა-დ აძლიერებს“.

მეხუთე სასანთლეზე იტყვის: „ამ სეფე-სანთელზე თქვენ გადიდასთ, გაგიმარჯოსთ ღმერთმა, მიქიელის მწევარნო, მწყალ-სისხლიანნო. საკიდლიანნო. თქვენა სამთავრო-გასამარჯოდ მაიკმარით ეს სეფე-სანთელი-დ ნათელ-ბნელი. თქვენ ახიელელთად, მიქიელის ტახტის ყმათად საშველად, სახოიშნოდ, სამწყალობნელოდ მაიკმარეთ, ხთის კარზე შაიტანეთ. აგრემც თქვენს ძალსა, დიდებას მეამატების“.

მეექვსე სასანთლეზე მიუთითებს და იტყვის: „ამ სეფე-სანთელზე თქვენ გადიდნასთ, გაძრიელნასთ ღმერთმა, მიქიელის ლაშქარხო. ხთისაგან გამაშობილხო, ხთისაგან წყალობა ნაქნარხო. ღმერთმა გადიდნასთ; ღმერთმა გაძლიერნასთ, თქვენა სამთავრო-გასამარჯოდ მაიკმარეთ ეს სეფე-სანთელი-დ ნათელ-ბნელი. თქვენ ახიელელთად, მიქიელის ტახტისა ყმათად საშველოდ, სახოიშნოდ, სამწყალობნელოდ მაიკმარეთ, ხთის კარზე შაიტანეთ, ღმერთი თქვენს ძალსა, დიდებას მათმატებს“.

ნეშვიდე სასანთლეზე იტყვის: „ამ სეფე-სანთელზე შენ გადიდას, გაგიმარჯოს ღმერთმა, ლალო იაკსარო. შენა სამთავროდ, შენა გასამარჯოდ მაიკმარი ეს სეფე-სანთელი, ნათელ-ბნელი. შენ ახიელელთად, მიქიელის ტახტის ყმათად საშველად, სახოიშნოდ, სამწყალობნოდ მაიკმარი, ხთის კარზე შაიტანი, შენიმც ძალი-სახელ დიდდებისა, ვსენდების“.

მერვე სასანთლეზე იტყვის: „ამ სეფე-სანთელზე შენ გადიდას, გაგიმარჯოს ღმერთმა, იაკსარ სეტად ჩამოსულო. ღმერთმა გადიდას-დ ღმერთმა გაძრიელას. შენა სამთავროდა, გასამარჯოდ მაიკმარი ეს სეფე-სანთელი-დ ნათელ-ბნელი. შენ ახიელელთად, ტახტის ყმათად საშველოდ, სახოიშნოდ, სამწყალობნოდ მაიკმარი. ხთის კარზე შაიტანი, ღმერთი შენს ბატონობას გაუმარჯვებს“.

მეცხრე სასანთლეზე მიუთითებს და იტყვის: „ამ სეფე-სანთელზე შენ გადიდას, გაგიმარჯოს ღმერთმა, პეტრეო ნადურის პირისაო. ღმერთმა გადიდას, ღმერთმა გაძრიელას. შენა სამთავროდა გასამარჯოდ მაიკმარი ეს სეფე-სანთელი-დ ნათელ-ბნელი. შენ ახიელელთად სამწყალობნოდ მაიკმარი, შენ ძალსა, დიდებას მათმატების. ხთის კარზე შაიტანი, ღმერთი შენს ბატონობას გაუმარჯვებს“.

მეათე სასანთლეზე მიუთითებს და იტყვის: „ამ სეფე-სანთელზე შენ გადიდას, გაგიმარჯოს ღმერთმა, მიქიელ წყალშუისაო, მოძმევი მიქიელისაო. შენა სამთავროდ. შენა გასამარჯოდ მაიკმარი ეს სეფე-სანთელი, ნათელ-ბნელი. შენ ახიელელთად, მიქიელის ტახტის ყმათად საშველად, სახოიშნოდ, სამწყალობნოდ მაიკმარი. ხთის კარზე შაიტანი, შენიმც სახელ დიდდებისა, ვსენდების“.

მეთერთმეტე სასანთლეზე იტყვის: „ამ სეფე-სანთელზე შენ გადიდას, გაგიმარჯოს ღმერთმა მიქიელ კიშველისაო, მოძმევი მიქიელისაო. შენა სამთავროდ. შენა გასამარჯოდ მაიკმარი ეს სეფე-სანთელი, ნათელ-ბნელი. შენ ახიელელთად, მიქიელის ტახტის ყმათად საშველად, სახოიშნოდ, სამწყალობნოდ ხთის კარზე შაიტანი, ღმერთი შენს ბატონობას გაუმარჯვებს“.

მეთორმეტე სასანთლეზე იტყვის: „ამ სეფე-სანთელზე შენ გადიდას, გაგიმარჯოს ღმერთმა, ლალანგურ წმიდაო გიორგიო, შენა სამთავ-

როდ, შენა გასამარჯოდ მაიკმარი ეს სეფე-სანთელი, ნათელ-ბნელი. შენ ახიელელთად, მიქიელის ტახტის ყმათად საშველად, სახოიშნოდ, სამწყალობნოდ ხთის კარზე შაიტანი, ღმერთი შენს ბატონობას გაუშარკვებს“.

მეცამეტე სასანთლეზე მიუთითებს და იტყვის: „ამ სეფე-სანთელზე შენ გადიღას, გაგიმარჯოს ღმერთმა, გიორგივ ნაღორშვენიერო, რჯულიან-ურჯულოთ სალოცაო. შენა სამთავროდ, შენად გასამარჯოდ მაიკმარი ეს სეფე-სანთელი-დ ნათელ-ბნელი. შენ ახიელელთად, მიქიელის ტახტის ყმათად საშველოდ, სახოიშნოდ, სამწყალობნოდ ხთის კარზე შაიტანი. შენიმც ძალი, სახელი დიდდებისა-დ ზსენდების“.

მეთოთხმეტე სასანთლეზე იტყვის: „ამ სეფე-სანთელზე შენ გადიღას. გაგიმარჯოს ღმერთმა, გმირო კოპალავ ლახტიანო. შენა სამთავროდ, შენა გასამარჯოდ მაიკმარი ეს სეფე-სანთელი-დ ნათელ-ბნელი. შენ ახიელელთად, მიქიელის ტახტის ყმათად საშველად, სახოიშნოდ, სამწყალობნელად ხთის კარზე შაიტანი, შენიმც სახელი დიდდებისა-დ ჯენდების“.

მეხუთმეტე სასანთლეზე იტყვის: „ამ სეფე-სანთელზე შენ გადიღას, გაგიმარჯოს ღმერთმა, დიდო სახმთოო გულანის ჯვარო. შენა გასამარჯვოდ მაიკმარი ეს სეფე-სანთელი-დ ნათელ-ბნელი. შენ ახიელელთად, მიქიელის ტახტის ყმათად საშველოდ, სახოიშნოდ, სამწყალობნელად მაიკმარი, შენიმც ძალი, სახელი დიდდებისა-დ ჯსენდების“ (ასე გრძელდებოდა მთელი ხევსურეთის სალოცავების ხსენება თითოეულ სასანთლეზე). ბოლოს ზუცესი იწყებს ყველა ზთიშვილთ (ხევსურულად ასე ეძახიან) საერთო მოხსენიებას, ხუცობას და კურთხევას, — სამივეს ერთად შემდეგის წესით: ჯერ იქნება მოხსენება, მას მოეხმის ხუცობა და ბოლოს კურთხევა.

ზუცესი ამბობს მოხსენებას: „ღმერთმა ადიღას თქვენ ძალი, თქვენ სახელ-სამართალი, ნაცხენებნო ანგელოზნო. თქვენა სამთავრო-გასამარჯოდ მაიკმარეთ ეს გარიგებული სეფე-სანთელი-დ ნათელ-ბნელი, თქვენ ახიელელთად, მიქიელის ტახტის ყმათად, საყმოსადა-დ საგლესად („საყმო-სგლესო“ აქ უკვე ერთვის და იგულისხმება ტახტის ყმების გარეშე ყველა, ვინც კი ლოცულობს მიქიელს) საშველოდ, სახოიშნოდ, სამწყალობნოდ მაიკმარეთ. ჯარისად მშვიდობით დადებულ უღელი-დ გატანილ საცვნიელი მშვიდობით დაამთავრებით. ბევრ მშვიდობის გაზაფხულ მადგვარეთ, ღალიან-ბარაქიან წელ დაუყენეთ, ღმერთი თქვენს ბატონობას გაუშარკვებს“. შემდეგ იწყებს ხუცობას: „ა-ა-ა, დიდება ღმერთსა (ზოგი ამბობს: „ამინ, დიდება ღმერთსა“. მხოლოდ უმრავლესობა ასე იწყებს: „ა-ა-ა, დიდება ღმერთსა“), მადლი ღმერთსა, დიდება დღეს დღესინდელსა, ძალს ზთისას, ძალს კვირაისას. დიდება-დ გამარჯვება თქვენდა, ნაცხენებო ანგელოზნო. ღმერთმა გადიღნასთ, ღმერთმა გაძრიელნასთ, ღმერთმა მაგცასთ ცამ-

ღონ სიმაღლე, ზღვაშიდინ სიმაგრე, შველა, რგება, ზოიშნობა თქვენთ მე-
ხვეწურთად, მიქიელის ტახტის ყმათად, საყმოსად, საგლეხოსად. გეძა-
ხანთ თქვენ მეხვეწურნი, გეხვეწებიანთ, — შიხვეწნიდით. მე თქვენად
შამამიხვეწებიანა-დ თქვენ თქვენს გამჩენს მორიგეს, დამრიგეს ღმერთს
შმახვეწნიდით. რასაც მკარზედა, გულზე გეძახდნათ, — იმ მკარ, იმ
გულზე გაუგონიდით, რასაც წყალობას გეთხოებოდნათ, — გამჩენს მო-
რიგეს ღმერთს დაუთხოიდით, წინაპირა კაცის მეხვეწურნი კაცსა კას
ღროს მაუმატიდით, ღონე ქონეს მაუმატიდით. ველთ ვინ გავიდოდას,
თქვენის მეხვეწურის ყულროში ბედსა, დავლათს თქვენს აკსენებ-
დას, — თქვენ ბედი, დავლათ დააქმარიდით, შორს მყოფნ ახლოს
დაუხვდიდით, თქვენ კაბის კალთა ჩაუფარიდით, მიწრიელ-ქვეცრი-
ელ დაულაგმიდით, მტერზედა, ნადირზე გაუმარჯვიდით. სხო ზთის
ნაბადებ თუ რა უწყებოდას, უმრუდდებოდას, — მადლ დაუთხროი-
დით, თაოდ პირწალმა, გულ-წალმა დაუბრუნდიდით, სხო ყულრო შარა
გაასწავლიდით.

ზთის იასაულნი გამავიდოდან ზთისაგან გამაშობილნი, კორციელთ
ბეგრევდან, ყალანს იღებდან, — თქვენ მეხვეწურთ ყულროს ნუ მახ-
კერძებთ. ეკერძებოდას, ნებით აცდივიდით, ნების ბეგარ აატანივიდით,
იხვინიდით თქვენ მეხვეწურნი, იხვეწნიდით ავის დღისად, ლლის
მტრისად, მწარის სიკვდილისად. ჩემგნივ რაც ძახილსა, კსენებდას
გაკლდებოდასთ, თქვენ თქვენს წყალობას მაუმატიდით. თქვენ მეხვე-
წურთად — კაცისად, საქონისად, ქუდოსან-მანდილოსნისად, ყურთად
მსმენისად მშველელნი, მლხენელნი, მზოიშნებელნი, წალმა მდევნიმც
ზართ. შველდითა, სწყალობდით, სცევდითა. ზფარევდით. გამარჯვება
თქვენდა, თქვენის გამჩენის ზთისად“. მერე შეუდგება კურთხევათ:

„ღმერთო, დიდება შენდა, ღმერთო, მადლი შენდა, სახარება ვიკი-
თხათ მარკოზის თავითა, დღესა ამ შაბათსა ზედა რომენი ვარდამოხ-
დებოდა მარიამ უკდანელი, იასო ქრისტე კოლოზმანელი, ვინ იყვენით
მაძებარნი, ნაზლობ ჭვარნი მცემარენი, მოვიდეს და მოახსენეს, ქრის-
ტეს მისცეს მოწაფეთა, ეგენი შაშინებულან, ეგენი შაკვირებულან. ეტ-
ყვიან გალილეასა; ეგაც შენა ხქენ, უფალო? შენ დაამტკიცე ბნელი და
ნათელი, ღმერთო, შენია დღე და ღამე. პავლე მოვიდოდა, ცოდვითა
მოკვდა, ცოდვითა ყრიან ჩემზედა. აიღებდეს, გაიღებდეს ას თორმეტთა
მოკიქულთა, ზოლო ღმერთსა მადლი ვსთხოვათ. ღმერთო, გინათო,
ლოდი ვინ გადააგორა, კარნი მათნი გადააღნა, შიგ ცქვენნი შააშინნა,
უდედონი მგლოვიარენი, უწყა დიდება ქვრივებია ადგომასა უფლისასა,
ოხითა გიორგისითა. გიორგივ, შენი სიწმინდითა მოხვიდოდი ყივი-
ლითა — განიკურნებითავ, განიცხადებითავ. შენითა მოწყალებითა მამ
მაგიერება არს, მაგ ჭეშმარიტმა ავექსნა სულნი ჩვენნი, მადლა შახკრნა

თვალნი, თაყუნა მგალობელნი, გალობენ თორმეტნი თორმეტითა სან-
თლითა, საწამებლა არს გიორგი. ზოროზობილნი მამისაგან გარმაშო-
ბილნი დედამ ჩვენმა დამსვენება, დაადგინა აფარულნი, ველი მისცა,
ყვავის ყვავილი, არცარა იყო, არაცარა ჩანდა ამ ადგილსა სამყოფელსა
უფლისასა. აღამ ხილვად გამოვიდა სტვინებითა გველისითა, ცდენითა
ენაქისითა, ტყუებითა დედაკაცისითა, ღმერთო, გვიკენ და, ღმერთო,
გვაკურთხე. კურთხევა დაწესებულია უფლისა მაცხოვართაზე, მოწა-
ფე ანგელოზია ივანე ნათლიმცემელი ხუთითა სანთლითა, ხუთითა ან-
გელოზითა, ხუთითა მგალობლითა. პირველი სანთელი პავლე პატიოსა-
ნი, მეორე სანთელი ივანე ნათლიმცემელს, მესამე სანთელი გაბრიელ
მხარობელს. ნავახე ვთქვათ რა ამავეთქვათ მია ძრიელებსა, რაც თუ
ღმერთმა უფალმა გადმანამწესნა, აგნელოზები ქვეყანათაზე მოციქუ-
ლობდნენ, ქვეყანა გახალწმუნდებოდა. მიიკრიფე, მაიკრიფე არმული
ღრეჭა კბილისა, სრულდა ხსენება სეფე სანთლისი, დანისი წმინდისი
მანისი, ძისა, ჯვარისა წმინდისა, მთავრობა ნეფისკობოზისა. აღილუა-
აღილუა, მზე საფლავით გამოწკინდა, გაეღნეს კარნი ცათანი, ოი ამ
კაცსა იტყვიან და ისია, რომენსა ქარნი და ზღვანი ერჩიან და ემორჩი-
ლებიან. მოვიდეს და უთხრეს მოციქულთა ანგელოზთა: ადე, მაცხო,
რადა გძინავს, განიღვიძე, განიცხადე, ადგა, მაცხომ განიღვიძა, არ
უტივნა ჩვენკე ტილონი ქეშმარიტებისა, ეეწ მოვიდა უფალი ბევრითა
ბევრეულითა, ათასითა გუნდითა, ათასითა მგალობლითა, ათასითა ანგე-
ლოზებითა. ბერი და მღვდელი გალობდა, სოფელი დიდმი ხვიოდა, ან-
გელოზები მთავრობდა. მოვიკსენათ ძალი ხთისა, სიტყვა კვირაისა,
უკვდავის მარეიმისა. სიხარულნია იხარებენ, დედაე ჩვენო ქეშმარიტო.
ქეშმარიტობა შევიყვარათ, მაცხადე საცხადებლით, მაკვირე საკვირე-
ბელით, ან უფროსი გამანაწმინდე ოქროს შტოლის ტაბაკში. გავიდეს
და გარისხდეს, კლევდეს ჯვარსა ჩვენსა წინა წმინდასა, სტეფანესა ზღვა-
სა იმას, და კარსა იმას. დღესა სამყოფელო უფლისა მაცხოვართი,
უფალო გვიკენ და უფალო გვაკურთხე. მიწანი ვართ კაცისანი, თვალ-
ნი ჩვენნი მძლეეარენი, სულნი უფლისანი, კორცნი მარწყვილთანი,
რომენმა უფალმა გარმანამზადენ წვიმანი ქვეყანათაზე, ამაუტიენ მწვა-
ნილნი, იდგა ბორბალი დიდის ქარისა, დიდის ღელისა.

მთარაენე მეცვლება, ჯვარი წმინდა ამაღლდება, ჯვარა დგომა ამაღ-
ლდება. სანამდე ვიყვნეთ, სანამდე მსახურნი ორთ უფლისანი, მაიღებენ
სანმელთა, სახელის ცხოველთაზე. ვხაზობდით და ელოცვილობდით. მა-
მაო, შაგვინდევ, ძეო ჯვარო წმინდაო, მკითხაო საიდუმლოსა, ბეჭედო
უკვდავებისა. შამყარენ ბრალსა მწარენი. მე არ ვიყავ, მე არობით შე-
ნითა ქენ ივანე ოქროპირისა, სანატრელო ხთისა, რქსა გაფიცებ მთვა-
რასსა. მწკინვარებას ანგელოზთას; ღმერთის დიდებით, წირვალოცვის
მაღლით. ანგელოზთ გამარჯვებით, მეხვეწურთ ყუღროდ გადიოდას ვა-
რი მაცნავი, წყემსი, მუშაი, მოლაშქრე, მონადირე, მეველე, მეკაბარქე.

გახყევ, გაუმარჯვე, მაღლო სამწირველოსა, მლოცაო სახარების. დღეს მწირველნი, შამწირველნი, გარეშმო ატაზარი ეკლესია, ალვის ტანი აშენე, აკურთხე, დასწერე ჯვარი სამართალო ხთისაო“.

დამთავრებს ხუცესი სამივეს ერთად — მოხსენებას, ხუცობას და კურთხევას — და დაამწყალობნებს დასტურებთან ერთად საყმო-საგლეხოს. ყველანი ხმამაღლა აყვირდებიან შემდეგი სიტყვებით:

„სწყალობდას საყმოსა, საგლეხოს ნაცსენებთ ანგელოზთ დავლა-თი. მშვიდობით შაინახნას, მაღლიან-ბარაქიანი, მშვიდობიან წელ და-უყენას. მშვიდობით დადებულ უღელ კარისად მშვიდობით ააჯღივას.“

თქვენ მაგცასთ წყალობა ჯვარიონთ, დასტურსა, ხელოსანსაც. ხუ-ცესს ენა-პირ გკურთხას, შაუცოდერად, შაუწყენრად შავინახას, დიდ-ხანს გაგიყოლას.

დიასახლისს მისცას წყალობა, ნუ შაინახს მსახურობაი-დ კეთილის კაზმვა“ („კეთილის კაზმვა“ — გამოცხობა სახატო პურებისა, რაზედაც ხსენდება სალოცავები). დამწყალობინებას რომ გაათავებენ, სანთელი თუ კიდევ დარჩა დაუწვავი, აიღებენ, ერთად მოაქუჩებენ და სადმე დააკრავენ კედელზე, სადაც ერთად იწვება. მერე შეაგროვებენ სა-კვირაოებს და მისცემენ ხუცესს. სასანთლეებს ერთიმეორეზე დააწყო-ბენ, რადგან ისინი ხუცესს ეკუთვნის და მას შინ მიაქვს. ხუცესი აიღებს დანას და ერთმანეთზე დაწყობილ სასანთლეებს ჯვარედინად დასჭ-რის შემდეგი სიტყვების წარმოთქმით: „ღმერთო, გაუმარჯვი ნაცსენებთ ანგელოზთად ნაცსენებნო ანგელოზნო, თქვენ წყალობა მიეციოთ საყმო-სა, საგლეხოს. ბევრ ჯვნა მშვიდობისა მალგვართ“. შემდეგ ყველანი დასხდებიან, დაწყობენ დაპრილ ქაღებს, დიასახლისი დაუდგამს ჯამე-ბით გამდნარ ერბოს და დასტურები და ხუცესი პურს ურთად ჭამენ. პურის ჭამას რომ გაათავებენ, დიასახლისი ცალკე ჭამს პურს, რადგან ხევისურეთში ქალები მამაკაცებთან საჭმელად არ სხდებიან. რაც დარ-ჩებათ სასანთლეების ნაჭრები, დიასახლისი გაპყოფს თანასწორად და ყველანი წაიღებენ თავის ხედრს, არ წაღება არ შეიძლება, რად-გან, შაათი რწმენით, უკადრისობა გამოდის და სალოცავი გაწყურება.

მეორე დილას დასტურები აწყავენ კიღობნებში შენახულ საათეს-ლე ქერს იმ ვარაუდით. თუ რამდენი სჭირდება ამა თუ იმ მამულს. ეს კარგად იცის ხუცესმა და დასტურებს ის ეუბნება, რამდენი უნდა აწყან. აწყვა ზდება კასრით, რამიც ჩადის ერთი ფუთი ქერი. შივლენ „ჯვარის ყანაჯი“, სადაც სოფელი დილიდანვე გასულია და კოლექტი-ურად ხნავენ. მიიტანენ დასტურები ქერს. ფარჯხს და დაამწყალობნე-ბენ: „გაგმარჯნასო. გწყალობდასთ მშრომელოს, ჯვარის საქმეში წინ მავალს, უკან წამავალს, ბევრ გაზაფხულ მშვიდობისა მაგგვარასთა, მშვიდობით გაგატანივასთ საცვნიელი“, „თქვენ იყოს მწყალობე-ლი“ — უპასუხებენ.

აზრივად, სოფელი ხნავს ამა თუ იმ სახატო მამულს, ზუცესი თე-
სავს, დასტურები კი ფარცხს აუბამენ და შეუდგებიან დაფარვას.

აქვე წყდება საერთო ხვნა-თესვის სახელმწიფო საკითხები. საღამომ-
დე მიწა მოიხვნება და დაიფარცხება. ამის შემდეგ ეძლევა გაფრთხი-
ლება ზუცესისაგან სოფლებს ჭირნახულის დასაცავად და სხვა.

შემდეგ ნება აქვს ყველა ადგილობრივ მაცხოვრებელს, მიიტანოს
გუთანი თავის მამულში და შეუდგეს ხვნას.

მხოლოდ დასტურებს აქვთ სახატო მამულები, რომლებიც უნდა
დააქუშაონ მათ. მოსავლის ნახევარს ისინი არგუნებენ ხატს, ნახევარი
კი თვითონ მიაქვთ.

ამ სახატო მამულებს „საიფქლეები“ ჰქვია. მისი პურისაგან ცხვე-
ბა სახატო ქაღები (საერთო ნახნავიდან კი მზადდება ლუდი). დას-
ტურები სამნი არიან და ისინი საიფქლეების ხვნას ერთად შეუდგებიან.
ჯვარს ამ მამულს საიფქლე ჰქვია იმიტომ, რომ აქ წინათ წმინდა
პურს თესავდნენ. ეს იყო არჩეული საუკეთესო მამულები და მასში
ამიტომ პურიც კარგი მოდიოდა. საიფქლეებს ხვნა-თესვის დაწყები-
სას დიასახლისი გამოაცხობს ხაეწიან ქაღას, რომელსაც „ულელზე
გაჰაჭრელი“ ჰქვია; მას მიიტანენ მამულში და, როცა პირველად გუ-
თაში ხარებს შეაბაჟენ, ერთ-ერთი დასტური ქაღას დასდებს ულელზე,
დან-თ გაჰჭრის ჯვარედინად და იტყვის:

„ლქერთო, გაუმარჯვი დიდს მიქიელსა (თუ რომელიმე სხვა სალო-
ცავის მამულზე არიან, მაშინ მისი სახელი ჩსენდება. აქ კი აღებულია
არხოტის ჯვარი და მისი ირგვლივ წესების შესრულება), დიდო მიქიელო,
შენ სწყალობდ შენთ ყმათ, ჯვარიონთ, დასტურსა, კელოსანს. შენი
წყალობით შაინახენი, წელ მშვიდობისაი, დალიან-ბარაქიან დაუყენ,
დალოცვილო. ბევრ კვნა-თესვა მალგვარი მშვიდობისა, კარგად ყო-
ფისა“. მერე დადებენ საპურე გუდას, დაწყობენ ზედ ქაღის ნაჭრებს,
ყველა დასტური აუთივე სიტყვებით დაილოცება და შეუდგებიან ჰა-
მას. საერთოდ ულელზე გაჰაჭრელი ქაღა ყველა მცხოვრებმა იცის თა-
ვის საკუთარი გუთნის პირველად გატანის დღეს. საიფქლეებზე დასა-
თესად აქვთ ცალკე შენახული ამავე მამულზე მოყვანილი საუკეთესო
ქერი ან გაზაფხულის სვილი (კვაევი) და, თუ მოდის, შეიძლება დიკაც
დაითესოს. ხვნა რომ მოთავდება, დასტურები იცავენ ხატის ყანებს.
ისინი მოსაჭლეობას უკრძალავენ ცხენს დაბმასაც კი იმ მხარეზე, რო-
მელ მხარეზეც სახატო ჭირნახულებია. სოფელიც მათს განკარგულე-
ბას ემორჩილება ხატის ან და დასტურისაგან დარისხების შიშით
(დასტურისაგან დარისხება, ე. ი. დაწყველა დაღუპვად მიაჩნიათ). ამ
დროს დასტურები არიან ორ პირად: ძველი დასტურები, რომლებიც
ემსახურებიან სადღესასწაულო ამბებს, როგორცაა ლუდის დუღება,
შიგნით ხატში წესების შესრულება და სხვა, ხოლო მეორე დასტუ-
რები, რომლებმაც საიფქლეები მოხნეს და სალუდე მამულებიც და-

ფარეს, ესენი არიან ახალი, მომავალი დასტურები. უკანასკნელნი უკლიან ახალ ჭირნახულს და მისი მოტანის და გაღწევის შემდეგ (რასაც ისინი თვითონ აკეთებენ) პირველად გიორგობას შედიან ჯვარში. ამ ახალი ჭირნახულებიდან აღებული ქერისაგან კეთდება ყველაფერი, რაზეც შემდეგში იქნება საუბარი.

საიფქლეებს თვით დასტურები მკიან. სალუდე მამულების მომკაკი ისევ კოლექტიურად ხდება. ყანა რომ სამკალად მოპირდება, მაშინ ძველი დასტურები დაამზადებენ ლუღს იმდენს, რამდენიც ხუცესის მითითებით საჭიროა მოიხარშოს „სამშკლოსათვის“ (ასე ეძახიან საერთო ხატის მამულის კოლექტიურად მკას). აღუღებენ ჩვეულებრივ ლუღს. მას ხუცესი „შახყრის“ (ასე ეძახიან ასათუებლად ლუღის დაყენებას). ამას ისეთ დროს ურჩევენ, რომ სამშკლო შაბათს შეხვდეს. პარაკეც სადამოს ხუცესი ისევე, როგორც ხენაში, ეძახის სოფელს: „სოფლელებო, გაიგონეთ. ვისაც არ მაგდისთ, ერთმანეთს გააგებოთ, ხვალ სამამკლოი ას. თუ გწყალობსთ არხოტის ჯვარი, ხვალ თავის საქმე არავინ გაიჩინათ, კაცი, დიაცი, ვისაც შაუძლავ მასვლა, მეედით ყველაილ მამკევით არხოტის ჯვარის სადიდებლად, თქვენ სამწყალობნოლ“.

ხალხიც მეორე დღისათვის მზად არის. სოფელს წინაშე გამზადებული ჰყავს საში ან ოთხი საკლავი. ერთი მათგანი არჩეულია მთელი სოფლის ცხვირიდან და მას „სათაო“ ჰქვია. ძველი დასტურები და ხუცესი ჩვეულებრისამებრ თავს მოიყრიან ხატის „დარბასში“. სამშკლოში დიასახლს არ მოიყვანენ. დიასახლსი ერთ-ერთი დასტურის სახლში აცხობს „ღამის სამთელოს“ და „უამის საწირს“ და იქიდან ჯვარში მიიქვს. ღამის სამთელო არის ერთი დიდი ხავიწიანი ქადა, ცხრს პატარ-პატარა თხელი პურები უგულო და ოთხი საკვირაო. დიდ ქადაზე უგულო პურებს აწყობენ სამად. თითოზე იქნება სამ-სამი ცალი, ზემოდან ხავიწიან თითო საკვირაოს დაადებენ და სამივეს ერთად ზედ დაედება ერთი უფრო მოზრდილი საკვირაო. ყველა ეს პურები დაჭრელებულია ერთ გვერდზე „საჭერეთათი“ და გაპოხილია ერბოთი. უამის საწირი არის საში დიდი ხავიწიანი ქადა ერთმანეთზე დაწყობილი და მათზე სამ-სამი ე. ი. ცხრა, უბრალო თხელი პურია. თითო ხავიწიანი საკვირაო და ერთიც მოზრდილი საკვირაო ზედ იქნება დადებული (ამისი გამოცხობის წესი ზემოთ სასანთლეების გამოცხობაზე აღწერილია და ასეთივე წესით ცხება ყველაფერი). „ღამის სამთელოს“ დასტურები მოიტანენ და დაწყობენ ჩვეულებრისამებრ ტაბლაზე. ანთებენ სანთელს და ხუცესი შედის საკოდეში, სადაც ლუდიანი კოდი (ე. ი. კასრი) დგას. აქ ხუცესის გარდა, ვერავინ შევა. ხუცესი დააკრავს სანთელს კოდზე, მოაშორებს ლუღზე მოდგმულ ქაფს, რომელსაც ჰქვია „ქიჭი“, და ჩასდებს მას წინათვე დაამზადებულ ჩაღლიან ბაკანში.

დასტურები მიუტანენ სპილენძს ჩხუტს, როქელსაც „რვლის ჩხუტა“ ჰქვია, აგრეთვე სპილენძის „კოშს“ (დიდი თასია სპილენძისაგან გაკეთებული, როქელსაც აქვს სახელური და იხმარება კოდოდან ლუდის ამოსადებად. ხანდახან პატივსაცემ სტუმარსაც კოშით მიართქვენ ლუდს. „კოშის მიტანა“ დიდ პატივსაცემას ნიშნავს). ხუცესი ამოიღებს ლუდს და ჩაასხამს რვლის ჩხუტაში. მიიტანენ „სახუცო კოჭობს“ (სახუცო კოჭობი დიდი ვერცხლის თასია, რომელსაც ზედ შებძული აქვს მრავალ სამკაული — შეწირული ხალხისაგან, შავ. საყურე, ქარაის ნაქერი, ვერცხლს მასრის თავი, ვერცხლის ფული, ყაწიმი, შიბი (ძეწკვი და სხვა). ხუცესი ამოიღებს ლუდს სახუცო კოჭობითაც, იქვე დაღვამს, დააკრავს სანთელს და შეუდგება მოხსენებას, ხუცობას და კურთხევას:

„ღმერთმა აღიდას შენ ძალი, შენ სახელ-სამართალი, დიდო მიქიელი. შენა სამთავროდ, შენა გასამარჯოდ მიიქმარი ე კოდ-საფუარი, სადიდებელი. შენ ახიელელთად, ტახტის ყმათად, საყმოსად, საგლეხოსად სამველად, სახოიშნოდ, სამწყალობნელოდ მიიქმარი. გევედრებიან, დალოცვილო, გეხვეწებიან ახიელელნი, ტახტის ყმანი-დ შენ საყმოსაგლეხო, შაიხვეწენი, შშვიდობით ატანილ ნამგალი, ცელი შშვიდობით დაადები. უშველ, დალოცვილო, შენდ წესი, საშსახურ არ დაუყრაჲა, შენს წყალობას ნუ დააკლებ, ღმერთი შენს ბატონობას გაუმარჯვებს“.

ა-ა-ა-ა, დიდება ღმერთსა, მადლი ღმერთსა. დიდება დღეს ღლენინდელსა, ძალს ხთვისას, ძალს კვირაისას. დიდება-დ გამარჯვება შენდა მიქიელ მთავარო ანგელოზო. ღმერთმა გადიდას ამ კოდ-საფუარზე, სადიდებელზე. ღმერთმა გაძრიელას, ღმერთმა მაგცას ცამდინ სიძალდე, ზღვაჲდინ სიმაგრე, შველა, რგება, ხოიშნობა შენთ მეხვეწუროთად, მიქიელის საყმოსად, საგლეხოსად. გეძახანთ თქვენ მეხვეწურნი, გეხვეწებიანთ, — შაიხვეწნიდით. მე თქვენდ შამამიხვეწებიანა, თქვენ თქვენს გაჩენს მორიგეს ღმერთს შაახვეწნიდით. რასაც მკარხედა, გულზე გეძახებდან, — იმ მკარ, იმ გულზე გაუგონიდი. რასაც წყალობას გეთხოვებოდან, გამჩენს ღმერთს დაუთხოიდი. წინპირა კაცის მეხვეწურნია, კაცსა კას დროს მაღნატიდი, ღონე-ქონეს მაუმატიდი. ველთ ვინ გავილოდას შენის მეხვეწურის საყმოსა-საგლეხოს ყულდროიით. შენს ბედსა-დ დავლათს ეძახდას, — შენ ბედი, დავლათი დააგმარიდი. შორს მყოფი ახლოს დაუხვდიდი, შენ კაბის კალთა ჩაუფარიდი, მიწრიელ-ქვეცრიელ დაულაგმიდი, თავი შააქცივიდი, ზღვას გააქცივიდი, მტერხედა, ნადირზე გაუმარჯვიდი. სხო დაუთხოიდი, სხვასთან უშეიდი, თაოდ უშველიდი, თაოდ პირ-წალმა, გულ-წალმ დაუბრუნდი. ზონს იასაულნ გამავილოდან ხთვისაგან გამაშობილნი, კორციელთ ბეგრევდან, ყალანს ილებდან, — შენის მეხვეწურის ყულდროს ნუ მა-

ხერძებ, ეკერძებოდას, — ნებით ავლივიდით, ნების ბეგარ გაატრევი-
დით, იხვიენიდით, იხვეწილდით ავის დღისად, ლალის მტრისად, საზი-
ანოს საქმისად. ჩემგნივ რაც დიდებასა, კსენებას გაკლდებოდას, დიდო
მიქიელ მთავარო ანგელოზო, შენ შენს წყალობას მაუმატიდი. შენთ
მეხვეწურთად ახიელელთად, ტახტის ყმათად, საყმოსად-საგლეხოსად,
კაცისად, საქონისად, ქულოსან-მანდილოსნისად, ყურთა მსმენისად
მშველელი, მლხენელი, მხოიშნებელი, წალმა-მღვიგმც ხარ, შველდი,
სწყალობდი, სცევედი, ხფარევედი. გამარჯვება შენდა, შენის გამჩენის
ხთისად“.

„ღმერთო, დიდება შენდა, ღმერთო, მაღლი შენდა, ღმერთო, დას-
წერე ჭვარი კოდსაფუარსა, სადიდებელს. ქრისტე ღმერთო, აყურთხე,
დასწერე ჭვარი, სამართალო ხთისაო, ღირსად ხსნილობა, დღეს ჭვარ-
სა კურთხეულობა. დღესა დღენდღელსა ამას აწდა მარადის უკუნუთი
უკუნისამდე. წმინდა სამებაო, შაგვიწყალენ ჩვენ ყოველნი, შაგვიწყ-
ალნა ჩვენ ყოველნი სამება წმინდამა. გვაცხოვრენ და გვაკურთხენ.
ურჯულოება არს ჩვენი, ევედრია სული ჩვენი ჩვენ ღმერთსა, ჩვენ
მამასა მოწყალესა. მამაო და ღმერთო ჩვენო, რომენი ხარ ცათაჲია,
აჲითა ორ ცათაზედა, მერე ხოყანათაზედა, პური შენი არსობილთა, ნუ
შაგვასხამ განსაცდელსა, მცდელსა შენსა. არას უფალო რა ღმერთო
ძალი, ბძანება, მაღლი და თაყონისცემა. მამისა, ძისა, ჭვარისა წმიდისა.
სხვა ბძანება მისისა, ხოლო კაცის სიმაღლე დადაბლდებოდეს, სიდაბლე
ამაღლდებოდა. რა ეამთა მოვეწიენით კაცთა მდინარეთა, მცხრომალ-
თა ამპარტიონთა. კურთხევა კრავის ცოცხლისა, ადამ ღირდა სულთა-
ხდა. მაშ გაგვიხსენ თვალნი ჩვენნი მცრემალენი, ფეხნი ბირკოლები-
საე, სულნი სიკვდილისანი, მორე მოვიდოდა, ადგილსა ამას ფილიპე
კითხულობდა, ჩვენთა რალა თქვიან ძეთა კაცისათა. პეტრესა თქვეს:
ეგე ვინ გგონიათ, უიშერია თუ უიშერელია, თაიცი იხსნა, ჩვენც გვა-
ცხოვრნა, რომელმა ქრისტემა ჩვენ მოგვცა კლიტენი ზეუფლისანი,
ქრისტეო, შენთან ამოთქვა ქება თაყონის ცემა მამისა, ძისა, ჭვარისა
წმინდისა. ფარაო და ღმერთო, დადგა ერი მისა, წახდეს წინასწარმეტ-
ყველნი, ჩათქნა ზღვამა ურწყლისამა. ჩვენ საკლავ მაგას შავსწორათ,
მაღლი მამასა-ძესა ამას, მერ ჭვარსა წმინდასა, ღმერთო, გვიწყალენ და
ღმერთო, გვაკურთხენ, ღმერთო. აბრამ ისაკესო. ღმერთო, იაკობილო,
ყვავილო თესლებისაო, გზა ყოველ მაცხოვარება, ყოველი ერი შენა
გიეროდა. უფალო, აყურთხე თესლი ეგია, უფალო, აყურთხე მარილი
ეგია. სკანა სკანალე, წყალში ვარდანე, ღვინო გადასცვალე. უფალო,
აქორთხე ზოთი ეგია. რომენი სამნი მონანი ყარმანნი. ჭამენ და მაგათ
არა შეერგინების, არც ტაბლისა, არც კამისისა. ქრისტევე მეფის სამყო-
ფელო, ემა მათი ამაღლდება. ჭვარი წმიდა ამაღლდება. ღირსიები ათ-
ნოები, შავიწირნათ შამწირველნი, შავიწყალნათ კელთა მღვდელისა-
თა. სახელითა ხთისითა, ბაღდადაუა, არა მჭამენ კორცი მისა, არ დას-

თხივს სისხლი მისა, არც წყალივითა ლოცვანი გავხსნათ. აჲ პირითა, ან მასკვლავითა, ან დედღაცისითა, ან მამაკაცისითა, ან ხითთა, ან თარგნანითა, ან ფიცითა არქველი სამოქმედო, მოგვანიჭე დღესე რჯულსა გადატოვება ურჯულოებისა. ღირსა ხსნილობა, ჯვარი კურთხეულობა. დასწერე ჯვარი, ქრისტეო და ღმერთო და დიდო მიქიელო, შენთ მეხვეწურთ. წელ მშვიდობისა და ბარაქიანობისა მიეცი. შენდ საძახური სამამქლო არ დაუყრავ, შენს წყალობას ნუ დააკლებ, ღმერთი შენს ძალსა დიდებას მათუმატებს“.

როცა მოხსენება, ხუცობა და კურთხევა მოთავდება, ხუცესი იღებს ხელში სახუცო კოჭობს და იტყვის: „გამარჯვება დიდს მიქიელსა. იმის წყალობა ხქონდას საყმოსა-საგლეხოს. მშვიდობით აღებული ნამგალი, ცელი, მშვიდობით დაადებოას, ნამკალი მშვიდობას მათუმატებს. თქვენ გწყალობდასთ, დასტურებს დასტურობა ნუ შაგანანასთ, კლოვ უკეთი გულით მაგკერძასთ. დიასახლისს სწყალობდას, ნუ შაგანანას დიასახლის-სოპაიდ კეთილის კაზმეაი“. დასტურებიც უპასუხებენ: „შენ იყოს მწყალობელი, შენს თავს სწყალობდას“. ამის შემდეგ ხუცესი ლუღის გემოს გაძინჯავს და თავის აზრს იტყვის, თუ როგორი ლუღია. მერე დასტურებსაც მისცემს ამავე თასით ლუღს და ყველანი დაღვევენ ცოტ-ცოტას.

სახუცო კოჭობს ბოლოს ხუცესი გამოასცლოს და იტყვის: „შავსვი თქვენის გამარჯვებისა! ქვემც გწყალობსთ მიქიელის დავლათი“. დასტურები უპასუხებენ: „გაამას ღმერთმ“. „ჩამაიყარი თასი“. — ეტყვიან მერე დასტურნი. ხუცესი ეტყვის: „დაიხურეთ ქუდები, შემრე ჩამავიყრი“ (დასტურნი ქუდმოხზილები დგანან). ბოლოს დასტურები ხუცესს თასს ჩამოართმევენ და კიდევ ეტყვიან: „გაამას ღმერთმ“. „ღმერთმა თქვენ კა მამას! თავ მტრისა მაგცასთ“ — იქნება ხუცესის პასუხი და დასტურები იხურავენ ქუდებს. მერე ხუცესი ლუღიან რვლის ჩხუტას გადმოსცემს დასტურებს საკოდედან (საკოდე დარბასშია ცალკე გადატიხრული). დასტურები ჩხუტას დარბასში დადგამენ, ავესებენ სახუცო და ორ სხვა კოჭობს, ე. ი. ვერცხილის თასებს, დადგამენ ღამის სამთელოზე, საკვირაობზე სამივე თასს და თითოზე მიაკრავენ სამსახანი ღერისაგან ერთმანეთზე გადახვეულ სანთელს. ერთ ღერ სანთელს კიდევ რვლის ჩხუტას დააკრავენ და ხუცესი შეუდგება ღამისთევის ლოცვას:

„ღმერთმა აღიდას შენ ძალი, შენ სახელ-სამართალი, დიდო მიქიელ მოთავარო ანგელოზო. შენად სამთავროდ, შენად ვასამარჯოდ მაიკმარი ეს სეფე-სანთელი, სადიდებელი („სადიდებელი“ — ლუღი), ნათევ დამეიდ-ნათელ-ბნელი. შენ მეხვეწურთად, მიქიელის ტახტის ყმათად, საყმოსადა, საგლეხოსად საშველად, საზოიზნოდ, საწყალობნოდ მანიკმარი. შენდ სამსახურ არ დაუკლავად შენს წყალობას ნუ დააკლებ, დაიკვენი, დაიფარენ ველთაცა, შინაც; წული ღალიან-ბარაქიანი

დაუყენე-დ ნამაშვრალი, ნამუშაელი მშვიდობას მიაკჷმარი, ღმერთი შენს ბატონობას გაუშარჯებს.

ა-ა-ა, დიდება ღმერთსა, მადლი ღმერთსა, დიდება დღეს დღესინ-დეღასა, დიდება ძალს ხთისას, ძალს კვირაისას. დიდება-დ გამარჯვე-ბა შენდა, დიდო მიქიელ მთავარო ანგელოზო. ღმერთმა გადიდას, ღმერ-თმა გაიჩიელას, ღმერთმა მაგცას ცამდინ სიძალე, ზღვაშდინ სიმაგ-რე, შველა, რგება, ხოიშნობა შენის მეხვეწურისად, შენს საყმო-საგლე-ხოსად. გეძახან შენ მეხვეწურნი, გეხვეწებიან, — შაიხვეწნიდი. რასაც მკარზედა, გულზე გიძახებდან, — იმ მკარ, იმ გულზე გაუგონიდი. რა-საც წყალობას გეთხოვებოდან — გამჩენს მორიგეს ღმერთს დაუთხო-იდი. მე შენდ შამამიხვეწებიან შენ მეხვეწურნი, შენ შენს გამჩენს შო-რიგეს, დამრიგეს ღმერთს შაახვეწნიდი წინაძირა კაცის მეხვეწურნი. კაცსა კას დროს მაუმატიდი, ღონე-ქონეს მაუმატიდი, წელი მშვიდო-ბისაი, ღალიან-ბარაქიანი დაუყენიდი. ველთ ვინ გავიდოჯას, შენ მეხ-ვეწურთ ყუღრონი შენს ბედსა, დავლათს აკენებდან, — შენ ბედი, დავლათი დაკჷმარიდი, შორს მყოფი ახლოს დაუხვდიდი, შენ კაბის კალთა ჩაუფარიდი, სხვა ხთის ნაბადებ თურა უწყებოდას, უმრუდ-დებოდას, — მადლ დაუთხოიდი, თაოდ უშველიდი, სხვასთან უშუიდი. ხთის იასაულნ გამავიდოდან ხთისაგან გამაშობილნი, კორციელთ ბეგ-რეოდან. ყალანს იღებდან, — შენ მეხვეწურთ ყუღროს ნუ მახკარებ, ეკერებოდას, — ნებით აკდივიდი, ნების ბეგარ გაატანივიდი. იხვიენი-დი, იხვეწნიდი ავის დღისად, ღლის მტრისად, მწარის სიკვდილისად, საზიანოს საქმისად. ჩემგნივ რაც დიდებასა, კსენებას გაკლდებოდას, მი-ქიელ მთავარო ანგელოზო, შენ შენს წყალობას მაუმატიდი შენ მე-ხვეწურთად, ახიელელთად, ტახტის ყმათად, საყმოსად-საგლეხოსად, კაცისად, საქონისად, ქუდოსან-მანდილოსნისად, ყურთა მსმენელისად. შველიდი, სწყალობდი, სცევდი, ხვარევიდი. გამარჯვება შენდა, შენის გამჩენის ხთისად“.

ხუცობა რომ მოთავდება, სახუცო კოჭობს აიღებს ერთი დასტური და ხუცესს მისუცემს, ხოლო ორ დანარჩენ თასს დასტურები დაიჭკრუნ (უნდა ითქვას, რომ სახუცო კოჭობს ყველა ვერ ჰკიდებს ხელს; ვერც ორ დანარჩენ სადიდებლის თასს დაიჭკრუნ ყველა და ყოველთვის. ამ თასებს ვერ გაეკარებიან მაშინ, როცა რაიმე მიზეზის გამო უწმინდუ-რად სთვლიან თავს, მაგალითად, ტანი თუ სათანადოდ ვერ დაიბანეს, ან ცოლი საშრელოში ჰყავთ, მოკლე ხანებში ქალთან სიახლოვე ჰქონ-დათ და სხვა). ხუცესი კიდევ იტყვის მოკლე ლოცვას, რომელსაც „გა-დიდება“ ეწოდება. სახუცო თასს, რომელიც თვითონ უჭირავს, მადლა ასწევს და იტყვის: „ამ კიქა-ბარძიშზე შენ გადიდას, გაგიმარჯოს ღმერთ-მა, მიქიელ მთავარო ანგელოზო, შენა სამთავრო-გასამარჯოდ მაიკჷმარი ეს კიქა-ბარძიმი, სადიდებელი. შენ ტახტის ყმათად, ახიელელთადად

საყმო-საგლეხოსად საშველად, სახოიშნოდ, საწყალობნოდ მიიქმარი. ხოთ კარზე შაიტანი, ღმერთი შენს ბატონობას გაუმარჯვეს“.

მერე მიუშვერს მარჯვენა ხელს სადიდებელზე, რომელიც დასტურს უპირავს, და იტყვის: „ამ ქიქა-ბარძიშე შენ გადიდას, გაგიმარჯოს ღმერთმა, მთის ვეშაგ წყაროს თავისაო, მომშვე მიქიელისაო. შენა სამთავროდ. შენა გასამარჯოდ მიიქმარი ეს სადიდებელი, ქიქა-ბარძიში. შენ ახლულლთად. ტაბტის ყმათად, საყმოსად, საგლეხოსად საშველად, სახოიშნოდ, საწყალობნოდ მიიქმარი, შენიმც ძალი, სახელ დიდდებისად ესენდების“.

მესამე თასზე მიუთითებს და იტყვის: „ამ ქიქა-ბარძიშე შენ გადიდას, გაგიმარჯოს ღმერთმა. კვირავე ძალო ხთისაო, ძალო და მადლო კვირაინაო (ამ დროს დასტური ხსენებულ თასს მარჯვენა ხელით მალა ასწევს და ისე იქერს ლოცვის დამთავრებამდინ), შენა სამთავროდ, შენა გასამარჯოდ მიიქმარი ეს ქიქა-ბარძიში, სადიდებელი. შენ საყმოსად, საგლეხოსად საშველოდ, სახოიშნოდ („ხოიშნობა“ — შენდობა, პატიება) მიიქმარი; ხთის კარზე შაიტანი, ღმერთი შენს ძალას, დიდდობას გუმატებს“.

ბოლოს ყველანი მოკლედ იტყვიან: „სწყალობდას მიგვეწუროთ, საწაღმართოდ მათარას, მწვიდობით შაინახნას“. ცოტა ხნის შეჩერების შემდეგ ლუღის დაღვევის წინ ყველანი იტყვიან: „ჯვართ დიდებაი, მეხვეწურთ წყალობა“, შემდეგ ყველანი იყულებენ პირზე თასებს, ცოტ-ცოტას დაღვეენ და ლუღს ზოგი აქებს და ზოგი არა, ყველა თავისი გემოვნების მიხედვით თავის აზრს გამოხატედას. ვისაც სადიდებელი არ უპირავს ხელში. იმინი ფეხზე დგანან, ზოგი კი ცალ მუხლზე ზის თასიანი ხალხის პატრვსაქენად. მერე ერთი მათგანი იღებს ფანდურს ხელში და თასიან ხალხს შეუძღერებს სხვადასხვა ან საგვირო და ან მათ სასიამოვნო საქებ სიმღერას. ერთი დაუკრავს ფანდურს ძალიან მარტივად და დასძახებს. მაგ. ასეთი სიმღერები იციან:

„ჩენის ბატონის კარზედა ხე ალვად ამასულო,
წვერად მათსხამ ყურძენი, საკმელად ჩამასულო,
მაგის უქმელი ქალ-ვაგი უდროოდ დაშულო“.

ამას მღერის ერთი და მერე სხვებიც ამავე ხმით იმეორებენ ამავე სიტყვებს და ყველანი ხმადალა ერთხმად მღერიან. თან მსმენელებიდან რომელიმეს ამ სიმღერის დროს შესძახებენ, მაგალითად, ასე: „აბა მაზინე, შაგე, მაიწყურელი“. ზედამდგენი მღერიან სხვადასხვა „სიმღერეს“ და ჯვარიონნი კი ნელ-ნელა სუამენ. მერე ჯვარიონნიც „შეუძღერებენ“ ასეთსავე სიმღერას და თავისი თასებიდან ცოტ-ცოტას დაღვეეინებენ.

თუ ამ დროს ჯვარში ისეთი გვარის კაცი ვინმეა, რომლის წარ-
მომადგენელზეც ძველი საგმირო სიმღერაა გამოთქმული, აქ სიმღერას
უშლერებენ. თვით მის საქმე და სპაიამოვნო სიმღერებსაც მღერაან.
მაგ. შემდეგს:

„ნეტავ თქვენ, ქურაზიშვილნო, სამი მზე მავა თქვენზედა,
ერთი მზე მამაცობისა, მტერ ვერ გიდგებისთ ძალზედა,
მეორე ნადირობისა, ჟიჟენ ვერ გაგივლენთ მთაზედა,
მესამე პურალობისა, სრუ სტუმარ გისხავთ სკამზედა“.

ამასობაში თასებიც გამოიცილება. „გადაყუდებენ“ ფანდურს და,
გარდა თასიანებისა, ყველანი ცალ მუზლზე დასხდებიან. თასები ვი-
საც ჰქონდა, ისინი იტყვიან: „აი, შავსვი თქვენის გამარჯვებისა. ქვემც
მწყალობსთ ნაკსენებ ანგელოზთ დავლათი“. თასი ვისაც ეჭირა, ისინი
ეტყვიან მუხლზე დამსხდარ ხალხს: „აბრძანდით, გამაიცვალეთ“.
მუხლზე ვინც სხედან, ისინი უპასუხებენ: „ჩამაიყარეთ თასები“ და თან
სწუდებიან თასებს, რომლებიც ჯვარიონთ ხელში უჭირავთ, ჩამოართვა-
მენ, ხოლო თასის პატრონი, თასის გადაცემის დროს, ზედაძღვეს ეუბ-
ნება: „მტერს ჩამახყარი იარაღი, მტერ იყოს შენ ჯელმარეული“. ჩამოშ-
რთმეველი უპასუხებს: „მტერმც ნუ მაგერევის“. მუხლზე მჯდომებს
კიდევ უმეორებენ თასჩამოყრილები: „აბრძანდით“. ისინიც ადგებიან
და ეტყვიან: ღმერთმა გაამაჰათ, ალალი ქნას“. ამჟამ შემდეგ ხუცესი დაჯ-
დება თავის ადგილზე (მას აქვს დარბაზში საკუთარი ადგილი, „სკამი“) და
დასტურებიც დასხდებიან. ერთი დადგება ფეხზე, დარბაზს ლუღს
და იგამართება სმა. სმაში თითოეული მათგანი დაილოცება, როცა ლუ-
დიან თასს შიამწვიდან (ხევსურეთში თამადა არ იციან): „გამარჯვება
კემწიფესა (ასე ეძახიან ადგილობრივ სალოცავს, ან ხემწიფის ნაცვლად
იტყვიან მთავარანგელოზს), იმის წყალობა ზქონდას საყმოსა-საგლე-
ხოს, ახიელელთ ტახტის ყმათ. საწალმართოდ მაუარას, მშვიდობით შა-
ინახნას, წელ მადლიან-ბარაქიან დაუყენას. თქვენ მაგცასთ წყალობა,
დასტურს დასტურობა ნუ შავანანასთ, კელოსან დიდხანს გაგიყოლასთ,
ხუცესს ენა-პირი გიკურთხას. დიასახლისს სწყალობდას, ნუ შანანას კე-
თილის კაზმევი, სამსახური. ხთისაგანამც ილოცებით“. ამ სიტყვებით
დალევენ ლუღს, რამდენიც შეუძლიათ. ამავე დროს აძალებენ ერთი-
მეორეს მის დალევას. ვისაც თასში ლუღი დარჩება და ველარ გამოც-
ლის, მას ისევ ჩაასხამს, საიდანაც ამოღებულა, იმ რვლის ჩხუტაში
(ლუღის ჩაასხმელ ჭურჭელს, რვლის ჩხუტა არის იგი, თუ უბრალო
ჩხუტი, ან ქვაბი, საერთო სახელად „საწდე“ ჰქვიათ).

კარგა ხნის ჰმის შემდეგ გადმოდგავენ „ღამის სამთელიან“ ტაბ-
ლას. ხუცესი ჯვარედინად გაუსვამს დანას ღამის სამთელოს და იტყ-
ვის: „ღმერთო, გაუმარჯვი მიქიელსა. მიქიელო, შენ სწყალობდი ჯვა-

რი-ნა. დასტურსა, კელოსანსა-დ დიასახლისს, შენი წყალობით შა-
ინაზენი“. ბოლოს დასტური იღებს იმავე დანას და ოახად გაჭრილ ქა-
დას კ-დე დასტურის უფრო წერილ „ნაწვრთებად“ (ნაწილებად). უკა-
ნასკენელად ყველას დასვაშენ, წინ ტაბლას დაუდგამენ და პატივებენ
პურის ქამას (ნამაში აქ ქამა არ იყიან), ვინც სხედან, ისინი ფეხზე
მდგომებსაც დაჯდომას სთხოვენ. უკანასკნელი არ სხდებიან და ეუბ-
ნებიან მათ: „რას ამბობთ, თქვენს გამარჯვებას! ერთ ზედამდეგი ჯალაფ-
თაც უნდ“ („ზედამდეგი“ ჰქვია, ვინც ფეხზე, დადგება და სასმელ-საქ-
მელს არიგებს). აიღებენ პურს და ყველა იტყვის: „ღმერთო, გაუმარჯვი
მთავარანგელოზსა! მთავარო ანგელოზო, შენ სწყალობდი ჯვარიონთ,
დასტურსა, კელოსანს, შენი წყალობით შაინაზენი“.

ამის შემდეგ დაიწყებენ ქამას; ზედამდეგებს იქვე საწდენში ლუღი
უნდა ედგეთ. ამოიღებენ თასებით და დაუდგამენ ყველას სუფრაზე
წინ. ამას ჰქვია „კარახანა“. პურს ძალიან ცოტას ქამენ (სხვა მიღებუ-
ლი ხევისურეთში). მერე იღებენ თასებს ხელში და თითოობით ილოცე-
ბიან ისე, როგორც ზემოთ ვთქვით თასის დალოცვაზე. ან კიდევ შეიძ-
ლება თავ-თავის სურვილის მიხედვით დაილოცონ თასი, ვისაც როგორც
სურს, ზოგი ერთიშეორეს ადღეგრძელებს და სხვა. ზედამდეგნი იღებენ
ხელში ფანდურს, ერთი დაუკრავს ჩვეულებრივად და მოკლე-მოკლე
სიმღერებს მღერის. ამავე სიმღერას ყველა ერთ ხმაზე იმეორებს. ასეთ
სიმღერას „ფეხზე სამღერალს“ ეძახიან:

„სუფრას ზის აჯთანდილაი, ნადიშა გაგძელებულსა,
ცხენს უკაზმევენ მსახურის, ლურჯასა გახელებულსა,
ზედ შასმენ ფრიდონის შეილსა, მხედარსა შეფერებულსა“.

ასე მღერიან და მათ თან აძალებენ კარახანის დაღევას. ამ დროს
სუფრაზე მსახურნიც ფეხზე დგებიან, ხელში კარახანები უჭირაეთ და
სიმღერის დროს ეუბნებიან: „დაუტრჩით ერთუცს!“ „დიდხანსამც იმ-
ღერთ კაი გულით!“ თან სვამენ ცოტ-ცოტა ლუღს. მერე თვითონაც
შემღერნებენ ჩვეულებრივ სიმღერას:

„ოშაენო, მშვილდნო რქისანო, გოზა-წითელნო, ფალთონო,
არც მაშინ შაინდებიო, ოში რომ შახოლთ მარტონო“.

ამავე დროს თავისი თასებიდან ყველას დააღევიანებენ. თასები რომ
გამოიცილება, ზედამდეგები ჩამოართმევენ და ეტყვიან: „ღმერთმა გა-
ამასო“. „თქვენ კა მამას“ — იქნება პასუხი და დასნდებიან ისევე სუფ-
რასთან. ტაბლასთან პურის ქამას ვინც გაათავებს, ყველა თითოობით
უკანასკნელ ლუქმას მოტეხს, დაიჭერს ხელში და დაილოცება: „ღმერ-
თო, გაუმარჯვი მთავარანგელოზს. მთავარო ანგელოზო, შენ სწყალობ-

დი ამ ჯვარიონთ, დასტურსა, კელოსანს, შენი წყალობით შაინახენი“
და დაანებებს ქამას თავს.

ყველანი ადგებიან და ზედამდეგებს ეტყვიან: „კელ-ფევი მტერზე
მაგაკმარასთ შორიელზე, ზედამდეგებო, მუტლებ შაგარჩინათ“. ამის
შემდეგ ზედამდეგს მიიწვევენ, დასვამენ ტაბლასთან და აკმევენ პურს.
აქ მტორდება ზემო აწერილი სუფრის წესები. როცა ზედამდეგებთანაც
მთავრდება ასეთი ცერემონიები, ტაბლას აიღებენ და ყველანი ერთ-
მად დაილოცებიან: „ღმერთო, გაუმარჯვი კემწიფესა. კემწიფეო, შენ
სწყალობდი ჯვარიონთა, დასტურსა, კელოსანს, შენი წყალობით შა-
ინახენი“. ამის შემდეგ ჩაასახმენ ერთ ან ორ კომ ლუდს პატარა ქვაბში
და გაუგზავნიან დიასახლისს. ლუდთან ერთად უგზავნიან ღამის სამ-
თელოს მოზრდილ ნაწვრეთსაც. დასტურები წავლენ, ხუცესი და ერთი
დასტური კი რჩება აქ. ამით დასრულდება ღამისთევა. თუ მთვარიანი
ღამეა, ამ დროს სოფლიდან ჩამოვლენ ახალგაზრდები და დაიწყებენ
მკას. „ჯვარიონნი“ (ხატის ვსახურნი) მისცემენ ლუდს. იანიკ
თან სვამენ და თან მკიან ნელ-ნელა. ამ ღამეს მისვლა სურვილზეა და-
მოკიდებული და არა სავალდებულო.

მეორე დღია რომ გათენდება, სოფელი: ქალი და კაცი, ვისაც კი
მისვლა შეუძლია (გარდა დედათწესიანი ქალებისა, რომლებიც უწმინ-
დურად ითვლებიან, იმ დროს განსაკუთრებულ ცხოვრებას ატარებენ
და ეკრძალებათ ხალხის და ხატის ახლოს მისვლა), მიდის ხატის ყანის
სამკალად. მიიყვანენ სამ ან ოთხ კარგ საკლავს და ჩააბარებენ დას-
ტურებს. თვითონ კი შეუდგებიან მკას. მზის ამოსვლამდე დაკვლა არ
შეიძლება. მზე რომ ამოვა, დაუთახებენ სოფელს და შეუდგებიან საკლა-
ვების დაკვლას. აქ მოვლენ მარტო მამაკაცები, ქალები ხატში არ მი-
დიან. ერთ-ერთი დასტური უფრო კარგ საკლავს დააყენებს მიქიელის
სასაკლაოზე (სამხრის დანიშნული ადგილია), თვითონ ვერა მუხლზე
დაჯდება პირაღმოსავლეთისაკენ და ცხვარსაც ასევე დააყენებს. ხუცე-
სი აიღებს დანას ან ხანჯალს, დადგება პირხალხისკენ და იტყვის:
„გწყალობდასთ მიქიელის დავლათი საყმოს, საგლებოს. საწაღმართოდ
მაგიარასთ, მშვიდობით შაგინახნასთ, ბარაქიან-ღალიან წელ დაგიყე-
ნასთ, მშვიდობას მაგაკმარასთ ნამუშაელი“. ასეთსავე სიტყვებს იმე-
ორებს ყველა იქ მყოფი და ისე არევ-დარეული ქოთა, რომ ვერ გა-
არჩევ, რას ვინ გაიძახის. მერე ხუცესი მობრუნდება პირწაღმა, და-
ალირებს დანას კაჟურში ცხვარს და შეუდგება ლოცვას: „ღმერთმა აღი-
დას შენ ძალი, შენ სახელ-სამართალი, მიქიელ მთავარო ანგელოზო, ამ
სამსახურზე, პირისსაბანზე, შენად სამთავროდ, შენად გასამარჯოდ შა-
იკმარი ეს სამსახური, პირის საბანი მაყენებული. შენ მეხვეწურთად,
საყმოსად, საგლებოსად საშველოდ, საზოიზნოდ, სამწყალობნელოდ მა-
იკმარი. გეხვეწებიანა, გევედრებიან შენ მეხვეწურნი, შაინვეწენ, და-

ლოცვილო, შენი ბედითა-დ დავლათით შაინახენი. მე შენდ შამამიხვე-
წებთანა, შენ შენს გამჩენს მორიგეს, დაპრიგეს ღმერთს შაახვეწენ, აგ-
რემც ღმერთი შენს ბატონობას გაუმარჯვებს. შემდეგ შოაყოლებს: ზუ-
ცობას და კურთხევას. ქულდმოხდილი დასტური ცხვარს ოთხივე ფეხს და-
უჭერს და წააქცევს. ხუცესი ჩაუგდება ყელში ზანჯალს და კლავს
ცხვარს (ამ დროს ცხვარი დევს პირწაღმა. ყელში წვერით ჩაარჭობს
ხანჯალს მარჯვენა მხარიდან მარცხენასაკენ და მერე გარუსაკენ გამოს-
ჭრის ყელს). დასტური ცხვარს მიიტანს და დადებს იქვე სასაკლავე
საძზე გასატყავებლად.

ამს შემდეგ ხუცესი იტყვის ხმამაღლა, მთელი ხალხი აპყვება და
ავყირდებიან ასეთი სიტყვებით: „გწყალობდასთ მეხვეწურებს მიჭი-
ელის დავლათი, საწაღმართოდ მაგიარასთ, მშვიდობით გამოყოფნასთ,
ხალიზ მაგცასთ, ბაღნჯ (ავადმყოფობა ან ცუდი რამე შემთხვევა) მა-
გაშორასთ, სიხარულად გაგიკადასთ. სთველ ბარაქიან დაგიყენასთ.
ბევრ სთველ-გაზაფხულ მაგგვარასთ მშვიდობისა, კარგა ყოფისა. ჭვა-
რიონთ მაგცასთ წყალობა დასტურსა, კელოსანს, ზუცეს დიდხანს
გაგიყოლას, ენაპირ გიკურთხას“. ეს რომ მოთავდებდა, მერე დედაკა-
ცებსაც, რომლებიც ძალიან შორს დგანან ხატიდან, დაამწყალობნებენ
ასეთივე სიტყვებით: „მანდილოსნებო, გწყალო-დასთ, მშვიდობით გამ-
ყოფნასთ, ხალიზ მაგცასთ, სანამეტნაო მსჯელებს გწყალობდასთ (ვინც
უფრო ირჯება)“. მეორე საკლავი იკვლება ასეთივე წესით და ლოცვა-
კურთხევით მთის ვეშაგისთვის, მესამე კვირაესთვის, რომელსაც ასე
მიმართავენ: „კვირაევ, ძალო ხთისაო, ძალო და მადლო კვირაისაო“. ში-
სათვის საკლავის შესაწირავი ბატარა კომკი ცალკე არის აგებული და
„კვირაეს“ ეძახიან. მესამე საკლავი, თუ არის, დაიკვლება ჭაჭველისათ-
ვის. მაგრამ შეიძლება არ პყავდეს სოფელს იგი. მას შინც სავალ-
დებულოდ არ თვლიან. სოფელს აქ, დარბასის კარში, ცოტ-ცოტა ლუღს
დაალევიანებენ. აქვე აირჩევენ ორ კაცს ხორცის მოსახარმად („მეხორ-
ცეთ“ ეძახიან). ქალებსაც ცოტა ლუღს გაუგზავნიან და დაალევიანე-
ბენ. მერე ყველა ერთბაშად უბრუნდება სამკალს. სამკალში საწლით
მიპყვებიან ზედამდეგები ხალხს და ასმევენ ლუღს. თან მკიან, თან ხუმ-
რობენ და ოხუნჯობენ — ხან ერთიერთს „ემუჭრებიან“ ქალი და კაცი,
ე. ი. მკამე ეჭობრებიან. ახალი, მომავალი დასტურები კი ძნას აქუჩებენ
და დგამენ „წერილებად“ (ასე უწოდებენ ოქდაერთი ძნისაგან ჭვარად
აგებულ ზვიწას). ზველი დასტურები ჭვარში არიან და ხაჯის წებებს
ემსახურებიან, გაატყავებენ დაკლულ საკლავებს, ტყავებს თვითონ ინა-
ხავენ, რომელიც ჭვარიონთ რჩება. მხოლოდ ხორცს გადასცემენ სოფ-
ლისაგან არჩეულ „მეხორცეთ“. ისინი გაამზადებენ დიდ ქვებს (ჭვარ-
ში ქვაბები ბევრია შეწირული), რომელსაც პქვიან „კარ-ჩამავალი“

(ე. ი. ხარი უნდა ჩაეტეოს ამ ქვაბში მთლიანად). ქვაბს აავსებენ წყლით, საკლავებს დასჭირან ასო-ასოდ, ჩაყრიან ქვაბში და დაუთებენ დიდ ცეცხლს. შტუმს მოტანა ევალებათ ძველ დასტურებს. მათ მოტანილი აქვთ მთელი წლის განმავლობაში რამდენიც დასტურებათ იმ ვარაუდით. ძველი დასტურები ცოტა სამწვადეს შეინახავენ. მხოლოდ ეამისწირვამდინ ჰურს არ სჭამენ. ხუცესი არც ლუღს დალევს, არაყს კი დალევს ცოტას. დასტურები ტყავებს დაამარილებენ, ცოტა ხანს ასე შეახვევენ, მერე ამრობენ და ანაწილებენ (ამის მოხმარების შესახებ ცალკე გვექნება ლაპარაკი). მერე დასტურები მოიტანენ „ყამსაწირს“. როგორც ზემოთ აიწერა, აქ ერთიმეორეზე დადებულია სამი დიდი ქადა, მერე ზედ დაწყობილია სამ ადგილას სამსამი, ე. ი. ცხრა, პატარა-პატარა თხელი პურები, რომლებსაც ჰქვიან „ხშიადები“, ზედ დაედება ყველას თითო „საკვირაო“ (გულიანი პატარა ქადა) და, ბოლოს უფრო მოზრდილი „საკვირაო“ დაედება ყველას ზედ და ამას ყველას ეწოდება „ხშიად-საკვირაო“. ეს ყველაფერი ხუცესს რჩება და გზავნის სახლში (მხოლოდ ქალებს ჰამენ ჯვარში). ასე გაამზადებენ „ყამსაწირს“, ხუცესი ადგება, შევა საკოდეში, დაასხამს საწდეში ახალ ლუღს და მისცემს დასტურებს, რომლებიც იქვე გამოსავალ კარებში ელოდებიან. დასტურები მას დადგამენ დარბასში, ამოიღებენ ერთი თასით საწდელან ლუღს და დაავსებენ წინათვე ყამსაწირზე დადგმულ სამ ვერცხლის თასს. ერთი სახუცო კოჭობია, რომელიც ყამსაწირის შუა ადგილას დგას და ორი სხვა თასი — დააკრავენ ზედ სამსამი ღერისაგან ერთმანეთზე გადახვეულ სამს სანთელს და ხუცესი შეუღდება ხუცობას.

ხუცობა არის ჩვეულებრივი, მხოლოდ ცოტა განსხვავებით, რომელსაც აქ ნაწილობრივ ავწერ. ყამისწირვის კურთხევა კი სხვანაირია. ხუცესი ხუცობს:

„ღმერთმა ადიდას შენ ძალი, შენ სახელ-სამართალი, მიქიელ მთავარო ანგელოზო. შენა სამთავროდ, შენა გასამარჯოდ მაიკმარი -ს ყამსაწირი, სადიდებელი, ბნელი, სისკარი, შენთ მეხვეწურთად საწველოდ, სახიომოდ, სამწყალობნელოდ მაიკმარი. უშველი, დალოცვილო, შენთ მეხვეწურთ ველთაც, შინაც. შენდ სამსახურ არ დაუყარაისად შენს წყალობას ნუ დააკლებ. სთველი მადლიან-ბარაქიან დაუყენი. მე შენდ შამამწვეწებთანა, შენ შენს გამჩენს მორიგეს ღმერთს შაახგეწენი, ღმერთი შენს ბატონობას გაუმარჯვებს. ა-ა-ა, დიდება ღმერთსა, მადლი ღმერთსა, დიდება დღეს დღესინდელსა“. და შემდეგ ჩვეულებრივი ხუცობაა, რომელიც ზემოთ არის მოყვანილი, ხუცობა მოთავდება, ხუცესი იტყვის ყამისწირვის კურთხევას.

კურთხევაც რომ მოთავდება, დასტურები აიღებენ სახუცო კოჭობს და მისცემენ ხუცესს. დანარჩენ ორ თასს დასტურები ერთიმეორეს ევატიებებიან — არა შენ დაიჭირე და არა შენაო. შემდეგ ხუცესი

პატარა ლოცვას კიდევ იტყვის, რომელსაც „ჯვართ გადიდებას“ უწოდებენ. ის თითოობით, როგორც ზემოთ ნათქვამია, ახსენებს ჯერ მთავარანგელოზს მიქიელს, მეორე თასზე მთის ვეშაგს და მესამეზე კვირას. ბოლოს ყველანი ერთად იტყვიან: „ჯვართ დიდებავი, მეხვეწურთ წყალობავი“. ამის შემდეგ დაიწყებენ ნელ-ნელა სმას სადიდებლის თასებიდან (ამ დროს ყველანი ფეხზე დგანან). ერთი ვინმე, რომელსაც თასი არ უჭირავს, იღებს ფანდურს ხელში, დაუკრავს სამღერაულს და ხმა-მადლა მღერის:

„წინ-წინ მზე მავა გომბორზე, შუქი ალავერდ ჩადგება.
ადგილომ დაილოცობს, სადაც თემურაზ ბრძანდება!
დაიქმეს წითელს კარავსა, შიგ ოქროს ავეტი ჩადგება,
დახვევს ახნაურებსა, ქორი სადილზე დაჭდება“.

მსხდომებოც ადგებიან და იტყვიან „მუჭლით გაამასთ, ალალი ქნას

ღმერთმა“.

ამის შემდეგ შეწვავენ მწვადებს და პურს აქმევენ ხუცესს, რომელიც უქველი იყო. ქადას ხუცესი დანას ჯვარად დაუსვამს, მერე დასტურები დაქრიან და სრულდება სუფრის ყოველივე, ზემომოყვანილი წესი, როგორც არის კარაანა, სიმღერა და სხვა.

უამისწირვა და პურის ქამა რომ მოთავდება, დასტურ-ხელოსნები — ყველანი, წველენ სამკალზე. მივლენ ხალხში და ხუცესი ეტყუას: „გაგმარჯვნასთ მიქიელის ზოდაბურის მამკალნო („ზოდაბურნი“ ჰქვიათ იმ სახატო მამულს, რომელიც მუშავდება კოლექტიურად და მოსავალი იხარჯება ლუღისათვის). გწყალობდასთ მიქიელის დავლათი მსჯელებს, წინ მამავალსა, უკან წამავალს (ადრე მომსვლელს სამუშაოდ და გვიან წამსვლელს სამუშაოდან)“. „თქვენ იყოს მწყალობელი“ — იქნება საერთო პასუხი. ხუცესის მოსვლაზე ყველანი დაისვენებენ და გაიშართება ლუღის სმა. მხოლოდ ხუცესი გამართავს საუბარს სახატო ღირნახულის დაცვის და წესიერად გაკეთების ირგვლივ. აგრეთვე სასოფლო გზების ან სხვა რამე საჭირბოროტო საკითხებზე. ყველანი უსმენენ მას და პირდებიან მისგან დავალებულის შესრულებას. ჯვარიონნი აქ დალევენ ცოტ-ცოტას და ბრუნდებიან დარბასში, ხალხი კი განაგრძობს მღუმობას.

ამნიარად საღამოც მოატანს და სამკალსაც ბოლო მოეღება. აქვე ზორციე მოიხარშება, დიასახლისი გამოაჯობო?!. თხელ პურებს, რომლებსაც ეწოდება „სატაბლო პური“. ეს პურები მოტანილია ძველი დასტურების მიერ და თითოობით დაწყობილია გრძელ ფიცარზე. „მე-ქორციენიც“ დააწყობენ ფიცარებს და ამოაწყობენ ზედ მოხარშულ ზორცს. დაქრიან და დააწყობენ „სატაბლო პურებზე“ ვარაუდით, თუ რამდენი მოთავსდება პურზე. ამის შემდეგ ირჩევენ ზედამდეგებს და ხალხი დასრდება გრძლად, მათ წინ დაუღამენ ფიცარზე გაწყობილ

ტაბლას. ხატდან შორს დასხდებიან ქალები და იქაც მიართმევენ ტაბლას. ქალებთანაც იქნება ორი კაცი ზედამდევნი და კაცებთანაც. ზედამდევნები არიგებენ ლუდს და თუ შემოაკლდებათ, მიაქვთ და უშაბებენ მოხარშულ ხორცსაც. მამაკაცების სუფრაზე სრულდება ყველაფერი ჩვეულებრივი სუფრის წესით: კარახანა, ფეხზე სამღერლებს მღერა, ლუდის დაბალდება ერთიმეორესათვის და სხვა. ბოლოს ზედამდევნებს დასვავენ ტაბლასთან, აქმევენ პურს და დაიშლება ხალხი. ჭვარიონნი მოავროვებენ ნაზრენ ხორცს, პურს და ყოფენ ოთხ ნაწილად. ტყავებსაც დაყოფენ (სამი არის დასტური და ერთი ხუცესი). დიასახლისსაც აძლევენ პურისა და ხორცის ცოტა ნაწილს. ტყავში კი დიასახლისს წილს არ უდებენ. ლუდს თუ გადარჩა რაჟე, მეორე დილას მივლენ ჭვარიონნი, სხვებსაც ვისმე დაუძახებენ და დალევენ. ასეთივე წესით მოიძეება სხვა ხოდაბურებიც. ბოლოს დასტურები შეაბამენ ხარებს მარტილში და ძნას სადმე სოფლის მოშორებით, წმინდა ადგილზე. მიიტანენ. წმინდად ითვლება ადგილი, სადაც ქალებს აქვს აკრძალული სიარული, რადგან ხევსურები ქალს უწმინდურად სთვლიდნენ.

ხოდაბურების ძნებს დადგამენ ცალკე და საიფქლეების ძნებს ცალკე. ასევე ილწება ცალ-ცალკე და ჭურჭელიც ცალ-ცალკე აქვთ პურის შესანახად. საიფქლეების პურს ორად ყოფენ, ნახევარი მიაქვთ დასტურებს სახლში, ნახევარი კი ინახება ჭვარში, რომელიც ინმარება ქადებისათვის. ხატის კალოზე ქალის მისვლა აკრძალულია. ლეწავენ მარტო მამაკაცები და პურსაც იგივენი ინახავენ. პური ინახება ფიცრისაგან გაკეთებულ კიღობნებში მშრალად და გრილად, რომ არ გათბეს და ცუდი სუნის არ აუვიდეს. გარჩეულიც უნდა იყოს ძალიან სუფთად. დასტურები, როცა საიფქლეების პურს ანაწილებენ, მაშინ თითო საწყავს თავისი ნაწილიდან სახატოდ ჩაყრიან (საწყავი იწონის ერთ ფუტს). ამას ჰქვიან „სამარცვლე“. სამარცვლე ნიშნავს იმას, რომ კალოზე დასტურების დაუდევრობით რაც მარცვალი დაიფანტება, ხატის ის ისევე უნდა აუნახლაურდეს, რომ არ გაჯავრდესო.

ხევსურების რწმენით, ყველა სალოცავს ჰყავს „მეპარცვლენი“, ე. ი. წვრილი ანგელოზები, რომლებიც მარტო მარცვლელს აქეივენ ყურადღებას და, თუ რომელიმე დასტური დაუდევრად ექცევა, ვაი იმ დასტურის დღეს, ყველაფერს ცუდს მოჰგვრიან იმას; ავადმყოფობა, სხვადასხვა ფათერაკი და ყველაფერი მოუვა, რაც ადამიანთა ცხოვრებაში უსიამოვნოა. ჩალას და ბზეს ინაწილებენ დასტურები. აქ ხუცესს წილი არა აქვს. სახატო მამულებს, მამულის პირებსაც დასტურები თიბავენ, სადაც რა გათიბება.

შემოდგომაზე მომავალმა დასტურებმა სვე. უნდა მოიტანონ კახეთიდან ან კავკასიიდან იმდენი, რამდენიც დასტურს თავის წილად წილი-თი-წლობამდინ ეყოფა. სამივე დასტური წავა ცხენებით. მაგ. ჩავლენ

დაეკავოს ახლო ტყეებში, სადაც სვე ბლომად იცის, გააკეთებენ ერთ კალონ მზავს სუფთა ადგილს, გასწმენდენ ბალახისა და სხვა ნაგავისგან. მოკრეფენ სვეს და მოაქვთ ამ კალოზე. კალოზე ყველას წინ უდევს პატარა ხის გადნაჭერი და ამაზე კაფავენ სვეს ყლორტსა თუ ფოთოლს. ბოლოს აგროვებენ ერთ ადგილას და გადააფარებენ თბილად. სინდლის გამო სვე გათბება და გახურდება (ეს იმიტომ, რომ სვე უფრო მაგარი გამოვიდეს). გახურების შემდეგ კალოზე გაშლიან და გააშრობენ. არის ხშირად შემთხვევა, რომ სვესთვის წასული დასტურები უღარობის გამო ორ-სამ კვირას რჩებიან. გამშრალი სვე გაშსებულდება. დასტურები მას ანაწილებენ და ჩაყრიან სპეციალურად დამზადებულ სასვეე ბარდანებში, შეკრავენ თოკებით, აპკიდებენ ცხენებზე და მოაქვთ შინ. შინ მოტანილს კიდევ გააშრობენ და ინახავენ მშრალ ადგილას — გოდორში ან კიდობანში.

დასტურები აგრეთვე ამზადებენ ორგვარ შეშას. ერთი არის მსხვილი — „პლახები“ — ფიჭვის ან წიფლის. სადაც რა მოიპოვება. ამას ეძახიან „სასადღურეს“. მეორეს ამზადებენ წვრილ შეშას, მას შეკრავენ კონებად და უწოდებენ „შიგსაწევას“. შიგსაწევი ხმარდება ქალების ვამოცნობას, ხორცის მოხარშვას, დარბასში და სადიასახლსოში ცეცხლს დანთებას, აგრეთვე ზამთარში დარბასის კარზე მისულ „მეთანინეს“ და სტუმრებს, რომელზედაც შემდეგ გვექნება ლაპარაკი. „სასადღურე“ კი ხმარდება ლუდის დუღებას. ეს ორივენაირი შეშა უნდა მოიპარაგოს წინასწარ ახალმა დამდგომმა დასტურმა. ნაანგარიშდნა წელიწადში რამდენი ქვაბი ლუდი მზადდება და რამდენი ჯორის საპალნე შეშა სჭირდება თითო ქვას (აქ შეშა ჯორის ზურგით მოაქვთ და ამითვე განისაზღვრება, რამდენი კონა რომელ დღეობაში სჭირდებათ. კონობრივ განისაზღვრება „მიგსაწევი“ შეშა, რომელიც მზადდება ახლო-მახლო ხატის კუთვნილ ტყეებში, ზოლო ჯორობრივ საზღვრავენ „სასადღურეს“, რომელიც ჯორით შორიდან მოაქვთ).

ახალ დასტურს გიორგობის (გიორგიობის) დღეობისათვის ყველაფერი მომარაგებული აქვს, — როგორც შეშა, აგრეთვე პური, სვე და ერბოც. რაც ერთ წელიწადს ქაღებისათვის დასჭირდება. დასტურს ირჩევენ ადებს, რაზედაც ლაპარაკი გვექნება მაშინ, როცა ამ დღეობას აღვწერთ. ეს წინასწარი სამზადისი იწყება პურის მოყვანიდან იმიტომ, რომ გიორგობას ძველი დასტური გადადგება და ახალი იწყებს მუშაობას, რომელიც მთელი მომავალი წლის დღეობებისათვის უნდა იყოს ეზად. ახალი დასტური, როგორც ვთქვით, ზამთარშივეა ადებაში, მაგრამ დღეობებს გიორგობამდე ემსახურება ძველი დასტური, ახალი კი უძღვება ხენა-თესვას, მკას, ლეწვას და ყველა მარაგის დამზადებას. ახალი დასტური პირველად გიორგობის დღეობაში ადუღებს ლუდს.

მოახლოვდება გორგობა. ახალი დასტურები ეკითხებიან ხუცესს — რომელ დღეობაში რამდენი ლუდი მზადდება და რამდენი ფორი (ფორი: ლუდისათვის დამზადებული ქერი) სჭირდება წლის განმავლობაში; ხუცესმა ზეპირად იცის და ეტყვის ყველაფერს. მაშინ დასტურები ამის მიხედვით დაიყოფენ დღეობებს, ვის რომელ დღეობაში დასჭირდება ფორის დამზადება, სვისა და შეშის დახარჯვა. ზეპირად იციან, რომელ დღეობაში რამდენი ფორია საჭიროა და სხვა. დასტურები ზოგიერთ დღეობაში საერთო დასტურების სამწყალოვნოდ საკლავს კლავენ. იმასაც ინაწილებენ — ვის რომელ დღეობაში ხვდება საკლავის დაკვლა, ერბოს დახარჯვა (იციან, რომელ დღეობაში რამდენი ქადა ცხვება და რამდენი ერბოა საჭირო). არის დღეობები, რომელშიც ერთი დასტური ხარჯავს და არის გრძელი დღეობები, სადაც დღეები აქვთ დაყოფილი, ანდა ერთობით ხარჯავენ ყველაფერს. შეშა ზოგ დასტურს თავისთვის აქვს დამზადებული, ზოგს კი საერთოდ.

გიორგობა რაკი ერთდღიანი დღეობაა, აპიტომ ერთ-ერთს ხედება საამისო სამზადისი. რამდენსაც ხუცესი ეტყვის, ხუთს ან ექვს საწყავს (საწყავი კასრია და იმით აწყული გამოდის ერთი ფუთი) ქერს ჩაყრის ბალნისაგან მოქსოვილ ტომარაში, ჩადებს წყალში ისე, რომ ტომარა სულ დაიფაროს. ასე იქნება ორ დღეს და მესამე დღეს გამოაგორებენ წყლიდან. დადებენ წყლის პირში მალალ ქვაზე და ზედაც ქვას დაადებენ, რომ წყალი დაიწუროს, ტომარას წყალი გაუვა, სამი-ოთხი საათის შემდეგ ზურგით მოაქვთ სახლში, ან ხარებს შეაბამენ და მარხილით წაიღებენ. სახლის მალალ სართულში (ქერხოში) დაასუფთაებენ, დაგვიან ერთ ადგილს და ნახევარი არშინის სიმძლავზე დააგროვებენ წყალში დამბალ ქერს, დაახურავენ ზედ ჩალას თბილად და დარჩება ისე სამ დღემდინ, მესამე დღეს ჩალას მოხსნიან და ოდნავ დაჯიჯილებულ ქერს გაიტანენ გარეთ, გაშლიან ფარდაგებზე თხლად, გააშრობენ და გაახმობენ კიდევ. მერე მოაქვთ წისქვილში და ფქვავენ ძალიან მსხვილად (ქატოხანად). წისქვილიდან მოტანილს ინახავენ უფრო ნესტიან ადგილას, ამბობენ: ფორის ფქვილი თუ გამოშრა კარგი ლუდი არ გამოვაო. გიორგობამდინ ერთი კვირით წინ დასტურები ერთიმეორეს შეატყობინებენ: ლუდი ვადულოთ (ამას „ქვაბის დაყრას“ ეძახიან). შიველენ დასტურები და მიიტანენ საამისოდ დამზადებულ ფორის ფქვილს, ასწყავენ „საწყავით“ და ამდენსავე ან ცოტა ნაკლებ სვესაც; სვე ამდენივე თუ დააყარეს, უკეთესი ლუდი გამოვა. ხატში აქვთ სალუდე ქვაბები და აავსებენ ერთ ქვაბს წყლით. იციან ამ ქვაბში რამდენი წყალი ჩადის და რამდენი ფქვილი უნდა ჩაყარონ. გაურკვეველ ერთიმეორეში სპეციალურად გაკეთებული გრძელტარიანი სარევით. როცა კარგად აირევა ფქვილი და წყალი, მაშინ დაუნთებენ დიდ ცეცხლს. ამბობენ: ვიდრე ფქვილს და წყალს ერთიმეორეში არ აურევ, ცეცხლი არ

უნდა დაუნთო, თორემ მერე აღარ აერევა. აღუღებამდინ სარვეით ურე-
ვენ ძირზე, რომ ფქვილი არ დაილეკოს და არ მიიწვას ქვაბის ფსკერში.
აღუღების შემდეგ კი აღარ ილექება. როცა პირველად ავსებენ ქვაბს,
მაშინ ერთ პირში ჩაუყუდებენ სუფთა ჯოხს და დანიშნავენ წყლის
სიმაღლეს. იმას დაიხსოვებენ, რა ადგილზე ჩადეს საზომი.

აღუღების დრო რომ მოვა, ქვაბი ავსებას იწყებს და გადმოვა. კო-
შით ან „ჩანათი“ ამოიღებენ და ჩასხამენ მეორე ქვაბში (ამას ჰქვი-
ან „საჯობი“). როცა იღუღებს და აორთქლდება, ისევ დაასხამენ „ამაჯო-
ბილს“ და აღარც გადმოვა დუღილის შემდეგ. აღუღებენ მანამდინ, სა-
ნამ აორთქლდება და დაიწვეს ერთი მტკაველით დაბლა. ბოლოს, და-
ნიშნავენ საზომ ჯოხზედაც ჩადუღების სიმაღლეს (ჩადუღება ეწოდე-
ბა დუღილის გამო სიმაღლის დაბლა დაწევას). ამის შემდეგ „სწურა-
ვენ ტკბილით“ (ასე ეწოდება). თოკები არის გადაყვანილი სახლის კოჭ-
ზე და ხელ ჩამოკიდებულა ტომრები, ტომრებს ორივე გვერდზე პი-
რებში გაყრილი აქვს ხის ჩხარები და ტომარა იმის საშუალებით ჰკი-
დაა საბელზე. ქვაბიდან სითხე ამოაქვთ ჩამათი (ჩამა: ხისაგან გაკეთე-
ბული სახელურიანი კასრი) და ასხამენ ჩხუტში, რომელიც ერთ კაცს
უჭირავს. ჩხუტს ერთი პირი მაღალი და გადახრილი აქვს და ერთი
ყურიცა აქვს. ამ ჩხუტით ჩასხამენ ტომრებში ფქვილიან ტკბილს.
ტკბილი ტომრიდან გადის და გროვდება ლაბაში, ტომარაში მოხარ-
შული ფქვილი რჩება (ამას ეწოდება „კოტი“). როცა ტომრები ივსე-
ბა (წინასწარ იციან ამა თუ იმ რაოდენობის ფქვილს რამდენი ტომ-
რის დაკიდება სჭირდება). აღროვებენ და ტკბილი დაიწვეს ცოტა დაბ-
ლა. მაშინ მოაკრავენ პირსაკრავებს. პირსაკრავები არის წნელით გადა-
ბმული ორი ჯოხი ერთმანეთზე. ჯოხებს წნელი გადახვეული აქვს შუა
წელზე გადაკდეულ ადგილზე და გადაბმულია ერთმეორეზე დაახ-
ლოვებით ერთი არშინის სიგრძეზე. პირსაკრავები ტომარას მოუჭერს
და გადაიწურება ტკბილი. როცა სითხე კიდევ დაიწვეს, მაშინ გვერდებ-
ზე შემოუჭერენ კეტებს. კეტებს გადასდებენ ერთმანეთზე ჭყარედინად
და ძალზე გაუჭერენ. აქვე აჭვთ „გლახა“, რომელიც ჩამოცმულია კე-
ტებზე და ამაგრებს გაჭერილ კეტებს მოშვებისაგან. როცა რამდენ-
ჯერმე გააწეობენ პირსაკრავების და კეტების მოჭერას, ტომრები
სულ დაიწურება. ბოლოს ჩამოყრიან ტომრებს და გააგზავნიან შინ.
იქ ქალები „კოტს“ ამოწმენდენ, გაფენენ მზეზე და აშრობენ. ინახა-
ვენ ძაღლის ჭერადაც, ძროხებსაც აჭმევენ, ხბოებსაც და სხვა.

ტკბილს ისევ უცან გადასხამენ ქვაბში არწყვიტ, რამდენი ჩხუ-
ტიც უნდა დააყენონ, და იმის სიმაღლეს დანიშნავენ საზომზე. ამის
შემდეგ ასხამენ კიდევ ტკბილს „სადუღრისათვის“, ე. ი. ასაორთქლებ-
ლად. აორთქლების შემდეგ სიმაღლე დაბლა იწვეს — უნდა დაშრეს
ერთი გაშლილი ხელის ოდენი. სვე ჩაყრილი იქნება ამ ტკბილში და

ინარშება შიგ. რამდენადაც საჭიროა სითხე ჩაშრება და მერე გადმო-
იტანენ ისევ ლათბაში. ლათბაში ერთს პირში მოწყობილია „სამწყუ-
ლი“; გადებულია პატარა ჯოხები, ზედ ჩალაა დადებული. ამოაქვთ
სუიანი „სისწვენი“ (ლუდი აფუებამდე) და ასხავენ ჩხუტში, რითაც ჩვე-
ულებრივ გადაიტანენ ლათბაში და დაასხამენ სამწყულზე. აქედან სის-
წვენი გადის და სვე ზევით რჩება. ამ ნარჩენ სვეს გარეთ გადაყრიან,
სისწვენი კი რჩება ლათბაში. გადაყრილ ნახმარ სვეს „ნამგოლს“ უწო-
დებენ. სისწვენი ლათბაშია გაცივებამდის, შემდეგ ინახავენ. იგი ზამ-
თარში უნდა „შაიყარას“ ცოტა თბილი, რისთვისაც კოდზე იქნება ჩალა
დაბურული, ზაფხულში კი, რაც შეიძლება ძალიან ცივად უნდა „შა-
იყარას“ („შაყრა“ ეწოდება, როცა სისწვენი კოდში ჩაესხმება და სა-
ფუარი მიეცემა).

საფუარს აშხადებენ პატარა კასრში ან ქვაბში. ჩაასხამენ სისწვენს,
ჩაადებენ შიგ „ჭიჭს“ („ჭიჭი“ არის ლუდისათვის ადრე მოხდილი ქა-
ფი, ჩალაზე გაცხლებული და გამხმარი), ჭიჭი დალბება და ნელთბილ
სისწვენს ააფუებს. როცა მისი ფუილი გაძლიერდება და სისწვენიც საკ-
მარისად გაცივდება (ზელით სინჯავენ და იციან ვარაუდით, რა დროს
უნდა იყოს მზად სისწვენი შესაყრელად, ზამთარსა თუ ზაფხულში, სი-
ცივება თუ სითბოში), ლათბიდან სისწვენს კოდში გადაიღებენ და შიგ
ჩაასხავენ ერთ ან ორ კოშს საფუარს (დამოკიდებულია სისწვენის რა-
ოდენობაზე. ამ საკითხში დახელოვნებულია ზუცესი, რადგან ის არის
ვალდებული ლუდის შეყრისა მუდამ არა მარტო ჭვარში, სოფელ-
შიც კი საშინაო ლუდს მას აფუებინებენ, როგორც მცოდნეს). მერე
კოდს პირზე მოახვევენ ფარდას და ზედ მაგრად მოუქერენ თოკს.
თუ ზამთარია, ჩალას დააყრიან, თუ ზაფხულია, ლიად რჩება. ასე ფუის
ერთ კვირამდის. დღეობის წინა დღეს ზუცესი გახსნის კოდს და გასინ-
ჯავს — როგორ არის ნაფუარი. თუ ცივია და ვერ იფუცლა საკმარი-
სად, მაშინ აშოილებს და დიდი ქვაბით ცეცხლზე გააცხლებს, ჩაასხამს
ისევ კოდში და მოაკრავს პირზე. ეს სითბო მოაფუვლებს მას საკმარი-
სად. თუ ზაფხულია, სითბო სჭარბობს და ნაფუარი საკმარისად არის,
დამეავების შიშით გადაიღებენ სპილენძის ქვაბებში. მხოლოდ ჭერ
უნდა „მოიჭიჭოს“ (მოხდიან ზედ ზოდგმულ სქელ ქაფს, ჩალაზე წა-
ცხებულს აშრობენ და ინახავენ საფუერად შემდეგისათვის). ამასობა-
ში ლუდი დამზადდება.

გიორგობა საღამოს ძველი დასტურები უნდა გადადგნენ და ახ-
ლებმა გადაიხადონ პირველი ღამის თევა, ეამისწირვა და სხვა ყველა
სახატო ჩვეულებები. ამ დროს ერთ ქვაბ არაყსაც ხდიან დასტურები
საღამოდე ქერიდან. საღამო ეამზე მოვლენ ჭვარში დასტურები (ზუცესი
კი, ლუდი რომ იდულებს, მას შემდეგ სულ იქ ცხოვრობს. ამას ეძა-
ზიან „საწმიდარ ყოფას“. სოფელშიც აღარ მიდის, რომ სადაც ქალის

ფხს გაუვალა, იქ არ გაიაროს), ცოტა არაყს მოიტანენ და თითო-ოროლს დაღვევენ ყველანი. ხუცესი მათთან პატარა საუბარს ჩაატარებს. მომავალი წლის მათ ვალდებულებაზე, თან მისცემს გაფრთხილებებს, რომ ჭვარი არაფერზე გაუწყრეს მათ, ეტყვის, თუ ჭვარს, ე. ი. მათ სალოცავს რა ეწყინება და რა ესიამოვნება დასტურისაგან. დარიგებს: ერთიმეორის ამბავი ხალხში არ გაიტანონ, ერთიმეორე ან ხალხი არ გაკიცხოთ და არ გააჭავროთ. ჩუმად აქედან სახლში არაფერი წაიღოთ — ხორცი, პური და სხვა. სოფელში სიარულის დროს უწმინდურ ადგილას თუ გაიარეთ, აქ ტანდაუნელი არავინ მოხვიდეთო: ეტყვის აგრეთვე, წლის განმავლობაში რამდენი უნდა დაიხარჯოს ერბო, საკლავი, ყველა ან სხვა, ნარჩენი ხორცი, ქადის ნაწილები, ან ტყავები როგორ ნაწილდება და აფრთხილებს, თავისთვის მეტი არავინ მოითხოვოს, თორემ გაჭავრდება სალოცავიო. დასტურები დარიგებას მოისმენენ და ზოგიერთ შეკითხვებსაც მისცემენ. მაგ., ღამე გვიან წასვლა ან მოსვლა აქ შეიძლება თუ არა და სხვა ასეთები.

ამ დარიგების შემდეგ ორი დასტური რეცხავს და ასუფთავებს თანებს და სხვა ჭურჭელს, ერთი კი წავა დიასახლისის მოსაყვანად (დიასახლისი ახალი მოვა გიორგობას, ძველს ყავლი გაუვიდა). დიასახლისი მომზადებულია სუფთა ტანსაცმელში, თავი დიასახლისობის დროს წმინდად უქირავს, უწმინდურ ალაგს არ გაივლის, სამრელოში მყოფ: ქალს არ ელაპარაკება და სხვა. დიასახლისს აგრეთვე გამოცნობილი აქვს პატარა პურები, რომლებსაც გულად ხორცი ან ყველი უდევს. ეს იქნება ათხელნი, ხუთმეტი კი იქნება უბრალო სულ პატარ-პატარა სამკუთხედი პურები. (პირველებს ჰქვიათ „მასანთოები“, მეორეს „ბოჰოლაებ-“). აგრეთვე დიასახლისს სანთლის მაგიერ აქვს დამზადებული „მღეი“ (ცაცხვის ქერქისაგან თოკებისათვის დამზადებული ლაფანი, მას დაჰკრიან სანთლის სიგრძედ). გაუძღვება დასტური დიასახლისს და წავლენ ჭვარში. გულდამია ჩაყრილი ხსენებული პურები. მიუხალოვდებიან ჭვართ და იქ „მწვერის“ საფლავის პირდაპირ დიასახლისი „მღეს“ აანთებს, „ბოჰოლას“ დასდებს და იტყვის: „დალოცვილნი ამ ადგილის სალოცავებო, ნურათ შამიცოდებთ, მიშველეთ ყამსაც, უყამოსაც. მამატივეთ, დალოცვილნი, რასაც გაწყენთ პირის ქართა, ფეკის ნალითა, თუ გულში მაფიქრებით. ნურაის ინაბარს ჩამიდებთ“. აქედან ჩაივლიან ცოტა ქვემოთ „ლაშქართ“ პირდაპირ და იქაც ასე იქცევიან. კიდევ ქვევით ჭვართ გალავანზე გადასვლაში ანთებენ ასევე. აქ ქვევრი დგას არაყისათვის და იქაც ანთებენ. და ბოლოს მიადწვენ სადიასახლისოში. სადიასახლისო ცალკე სახლია, სადაც ცხოვრობს დიასახლისი. ის აქვე ამზადებს სახატო პურებს, ქადებს და სხვა. მასანთოებს აგროვებენ ისევე გულაში და ბოჰოლებს კი დადებენ იქვე, სადაც მოანთეს. მოეგებება ხუცესი დიასახლისს

და ეტყვის: „წყალობა მიქიელისა, დიასახლისო. წაღმ მაგევებას მიქიელის ძალი, ნუ შაგანანას დიასახლისობაი“. დიასახლისი ხათრით უპასუხებს: „შენ იყოს მწყალობელი, შენის ცოლმცილისა, შენს თავს სწყალობდას“. დიასახლისი დაჯდება და ხუცესი აქაც დაარიგებს დიასახლისს, თუ წლის განმავლობაში როგორ მოიქცეს, რა როგორ გამოაცხოს, რამდენი და სხვა. შაგ. „ყვერფში“ (ასე უწოდებენ, სადაც პურებს აცხობენ) ფეხი თვითონ არ ჩადგას ან სხვამ, ცეცხლი არ დაანთოს შუაღამის შემდეგ, ხმამალა არ ილაპარაკოს, არავინ გალანძლოს, ცუდი არავისზე იფიქროს, არავინ გაიციხოს, არავისზე იქორაოს და სხვა. მერე დასტური მოიტანს არაყს და დიასახლისისაც ცოტას დააღვინებს. დიასახლისს აგრეთვე ეტყვის ხუცესი, ქადაგს რამდენი ფქვილი სჭირდება, რამდენი ხავიწი და როგორ გააკეთოს. დიასახლისი შეუდგება ღამის სამთელოს გამოცხობას. დასტურები შემოუტანენ საამისოდ დამზადებულ შიგსაწვევ შეშას. ერთი დასტური მას ყოველთვის ეხმარება. დიასახლისი ანთებს ცეცხლს, დაჰკიდებს ერზოიან ქებას (ერზო აწყულია რამდენაც სჭირდება ამ ღღობაში), ერზოს გადაადნობს, ფქვილს გასცრის (ვარცლი და საცერი იქვე არის შენახული), გამდნარ აღუღებულ ერზოს დააყრის ფქვილს, რამდენიც განსახლერულია. და მოხარნავს ხავიწს. აქვე არის ერთი ჯამის მსგავსი, საკვად მოზრდილი სპილენძის ჭურჭელი. გადმოდგმული ხავიწი როცა გაიყინება, იმ მოზრდილი ჭურჭლით აწყავენ და დააწყობენ შეკრულ, გაყინულ ხავიწს გრძელ ფიცარზე იმ რაოდენობით, თუ რამდენი ღამისსამთელო და ჟამისსაწირი უნდა გამოცხვეს. გაყინული ხავიწი ინახება ცუვადგილას, მერე თითოს გამოიღებს დასტური და ბაკანში დანით ჩათლის ჯამიდან ამოღებულ ხავიწს. დიასახლისი საიფქლეების ნაღალური ფქვილით მოზელავს ცომს და აკეთებს ერთ დიდ ხავიწიან ღამისსამთელოს, ოთხ საკვირაოს და ცხრა ხმიადს. (ღამისსამთელო ერთი დიდი ქადა, ხოლო ჟამსაწირი სამი ქადა ცხება, ხმიად-საკვირაო კი ერთნაირად უნდა). როცა გამოცხვება, დააწყობს საიმისოდ გაკეთებულ ფიცარზე (ამ ფიცარს ჰქვია „კელ-ტაბლა“. კუთხიანია, ერთ მხარეზე აქვს პატარა სახელური). დაწყობილი იქნება ზედ ქადაზე ხმიად-საკვირაოც. როცა დიასახლისი თავის საქმეს აკეთებს, ამ დროს დასტურები და ხუცესიც ტყუილად არ სხედან, ახალ დასტურებს თითოს შეხვდება თითო საკლავის დაკვლა, ერთს — გიორგობას, ერთს ადებს და ერთს ენკენიას. გიორგობა რომელსაც ერგო, ის დასტური მოიყვანს ცხვარს, ყველა დასტურები მოვლენ მიქიელის სასაქლაოსთან. ერთ-ერთი დასტური დაიჭერს საკლავს, დაჯდება ცალ მუხლზე პირაღმოსავლეთისაკენ და საკლავსაც ასევე დააყენებს, სხვა დასტურები ქუდმოხდილები იქვე დგანან. ხუცესი იღებს სასაკლავე გრძელ დანას ხელში, დასტურებს მოუბრუნდება და დაამწყალობნებს: „მწყა-

ლობდასთ ახალ დამდგომთ დასტურთ მიქიელის დავლათი. საწალმარ-
 თოდ ნავიარასათ, მშვიდობით შაგინახნასთ, მშვიდობით დადებულ
 უღელი მშვიდობით ავაცდისთ (დასტურებს „მიქიელის უღელდე-
 ბულთ“ უწოდებენ ამ ჭვარში. რომლის სალოცავის დასტურიც იქნება,
 იმ მის უღელდებულად ითვლება.), ნუ შაგინანასთ დასტურობა, სიხა-
 რულად გავიჯადასთ, კლოვ უკეთი გულთ მაგვერძასთ“. ამავე სიტყვებს
 იმეორებენ სხვა დასტურებიც და ეუბნებიან ერთმანეთს, თან: პასუ-
 ხობენ კიდევ: „შენ იყოს მწყალობელი“. დამწყალობნებას რომ გაა-
 თავებენ, ახლა ზუკესი შეუდგება საკლავის ზუკობას. ხელში უჭირავს
 დანა, საკლავს კისერში დაადირებს და იტყვის: „ღმერთმა აღიდას შენ
 ძალი, შენ სახელ-სამართალი, მიქიელ მთავარო ანგელოზო! ღმერთმა
 გადღას ამ სანსახურზე. პირის საბანზე, ღმერთმა გაძლიერას, ღმერთ-
 მა ნავკას ცამდინ სიმალღე, ზღვამდინ სიმაგრე. გევედრებიან, დალო-
 ცვილო, შენ უღელდებულნი, ახალ დასტურნი, გეხვეწებიან, შაიხვე-
 წენი. მშვიდობით დადებულ უღელი მშვიდობით გადაჯდია. ნუ შა-
 ანანებ დასტურობას, დალოცვილო, სიხარულა გაუკადი შენ ქსენება,
 დიდება. ღმერთი შენს ბატონობას გაუშარჯევებს“. (აქ საჭიროა დაიწე-
 როს მთლიანი ზუკობა, რადგან განსხვავდება სიტყვებით სხვა ზუკობი-
 სგან): „ა-ა-ა დიდება ღმერთსა, მადლი ღმერთსა, დიდება დღეს დღე-
 სინდელსა. ძალს ხთისას, ძალს კვირისას. დიდებად გამარჯვება წენდა,
 მიქიელ მთავარო ანგელოზო! ღმერთმა გადიდას, ღმერთმა გაძლიერას
 ამ სანსახურზე, პირის საბანზე. ღმერთმა მაგვას ცამდინ სიმალღე,
 ზღვამდინ სიმაგრე, შველა, რგება, ხოიშნობა შენ მეხვეწურთად, შენ
 უღელდებულთად ახალ დასტურთად, მაგათ თავისად, ჭალაფისად. გე-
 ძახან ახალ დასტურნი, გეხვეწებიან, შაიხვეწნიდი. რასაც მჯარზედა,
 გულზე გიძახებდან, იმ მჯარ, იმ გულზე გაუჯონიდი, რასაც წყალობას
 გეთხოვებოდან, გამჩენს ღმერთს დაუთხოიდი. წინაირა კაცის მეხვე-
 წურნი კაცსა კას დროს მუშატიდი. სხო ხთის ნაბადები თუ რა უწყრე-
 ბოდას. უმრუდდებოდას, მადლი დაუთხოიდი, სხვასთან უშუიდი, თაოდ
 უშველიდი. ხთის იასულნ გამოვიდოდან ხთისაგან გამაშობილნი, კორ-
 ციელთ ბეგრევდან, ყალანს იღებდან. შენ დასტურთ, შენ უღელდე-
 ბულთ ყურს ნუ მამაკერძებ, ეკერძებოდას, ნებით ავდივიდი, ნების
 ბეგარი გაატანივიდი, იხვეწნიდი, იხვეწნიდი ავის დღისად, ლალის
 მტრისად. საზიანოს საქმისად. ჩემგნივ რაც შეეხება, დიდებას გაკლდე-
 ბოდას. მიქიელ მთავარანგელოზო, შენ შენს წყალობას მუშატიდი
 შენ მეხვეწურთად, შენ უღელდებულ დასტურთად. კაცისად, საქო-
 ნისად, მაგათ თავისად, ჭალაფობისად, ქუდოსან-მანდილოსნისად, ყურ-
 თად მსმენლისად მშველელი, მღხენელი, მხოიშნებელი, წალმა მდევმიც
 ხარ. შველდი, სწყალობდი, სცევდი, ზფარევიდი. გამარჯვებას შენსა, შე-
 ნის გამჩენის ხთისას“.

ამის შემდეგ კურთხევა იქნება. კურთხევაც რომ მოთავდება, ხუცესი კიდევ იტყვის ერთ პატარა ლოცვას, რომელსაც „მასახლება“ ეწოდება: „შენა სამთავროდ, შენა გასამარჯოდ მაიჭმარი ეს სამსახური, პირის საბანი, მიქიელ მთავრო ანგელოზო. შენ ახალ დამდგომ დასტურთად, შენ უღელდებულთად საშველოდ, სახოიშნოდ, სამწყალობნელოდ მაიჭმარი, ღმერთი შენს ძალსა, დიდებას მაუმატებს“. ამ სიტყვებს რომ დაამთავრებს, დასტური ცხვარს ოთხივე ფეხს დაუჭერს, ორ წინა ფეხს მარცხენა ხელით, უკანა ფეხებს მარჯვენა ხელით და ცხვარს მარცხენა გვერდით მუხლზე დაიდებს. ხუცესი დანას ყელში გაუყრის. დასტური თავმოჭრილ ცხვარს წაიღებს და იქვე გამზადებულ სისაკლავე სიძზე დადებს. მერე ხუცესი იტყვის და ყველანი ერთხმად ხმამაღლა ამავე სიტყვებს გაიმეორებენ: „გწყალობდასთ, დასტურნო, მიქიელის დავლათი, საწაღმართოდ მაგვიარასთ, მშვიდობით შაგინახნასთ, ნუ შაგანანასთ დასტურობა, კლოვ უკეთი გულით მაგჯერძასთ, მშვიდობით დადებულ უღელ მშვიდობით გადაგაჯდითოსთ“. ამ დამწყალობნებას რომ მოათავებენ, ერთი დასტური საკლავს გაატყავებს, სხვები კი დარბასში შევლენ.

ლული ღამისთევამდის არ გაიხსნება. ამ ამბავში საღამოც მოატანს და შეუდგებიან ღამისთევას. ერთი დასტური გამოიტანს ხელტაბლაზე დაწყობილ ღამისსამთელოს. დარბასში არის სპილენძის საქმეხიანი მრგვალი ტაბლა და მას იმაზე დადებენ. ხუცესი შედის საკოდეში, ანთებს „ჩირახს“ (კვარი, ფიჭვის ძირი) ან სანთელს და გახსნის ლულიან კოდზე მოხვეულ თოკს. მიუტანენ „საქიკე“ ბაკანს. ხუცესი ჭიკს მოხდის ქაფქირით და ჩაღაჩაწყობილი ბაკანში ჩადებს. აქვე მიუტანენ სახუცო კოკობს, რელის ჩხუტს და კოშს. კოშით ამოიღებს ლულს და ჩაახსამს ჩხუტნი. აგრეთვე აავსებს სახუცო კოკობს და დადგამს კოდზე დადებულ ფიცარზე, სადაც ერთი სისანთლე და სამი საკვირაო ძევს. დააკრავს კოკობზე სანთელს და შეუდგება მოხსენებას, ხუცობას და კურთხევას: „ღმერთმა აღიდას შენ სახელი, შენ ძალი, მიქიელ მთავარო ანგელოზო! შენა სამთავრო, შენა გასამარჯოდ მაიჭმარი ეს კოდ-საფუარი, სადიდებელი შენ დასტურთად, შენ უღელდებულთად. შაიხვეწენ, დიდებულო მიქიელო, დაიციენი, დაიფარენ ველთაც, შინაც. წელ მშვიდობისა დაუყენ, დალოცვილო, მშვიდობით დადებულ უღელ მშვიდობით გადაჯდი, ღირსეულად იწირე, სამთავრო გასამარჯოდ მაიჭმარი, აგრემც ძალსა, დიდებას მაგემატების. ა-ა-ა დიდება ღმერთსა, მაღლი ღმერთსა“... და შემდეგ, ჩვეულებრივი ხუცობა წავა, მხოლოდ აქ ჩაემატება უღელდებულთ სამწყალობნელო. შემდეგ გრძელდება კურთხევა ჩვეულებრივ. დასასრულ დაამწყალობნებენ, ისე როგორც „სამამკლავს“ ღამისთევაშია მოყვანილი.

ხუცესი ლუღს გემოს გაუსინჯავს და შეაფასებს, თუ როგორი ლუღი გაპოვიდა. მისუკემ დასტურებსაც ამავე თასს და ისინიც გაუსინჯავენ გემოს. ბოლოს რვლის ჩხუტს გადასცემს დასტურებს და ისინი დადგამენ დარბასში. განოვა ხუცესი და დადგება პირაღმოსავლეთისაკენ. დასტურები ჩვეულებრივ ავსებენ სახუცოს და ორ სხვა თასს, დადგამენ მათ ღამისამთელოზე და აანთებენ სამ-სამ ღერს, ერთმანეთზე დაგრეხილ სანთელს. ხუცესი შეუდგება ხუცობას. ჭერ მოახსენებს, იხუცებს და კურთხევასაც იტყვის ღამისამთელოზე: „სუთე-სანთელი, ღამის სამთელო-სადიდებელი, ნათელ-ბნელი“. აგრეთვე ახვეწებს უღელდებულ დასტურთ, დანარჩენი სულ ჩვეულებრივ ჩატარდება: ხუცობა, დიდება. დაბოლოს ფეხზე სამღერლებსაც უმღერენ თასიანებს: თასიანები ამ მღერის დროს ცოტ-ცოტას სვამენ და ეუბნებიან: „დიდბანამც იღერთ კაი გუღით“. მერე თასიანებიც შემღერნებენ და დაალევიანებენ თავისი თასებიდან ყველას:

„თქვენ ჩვენად რამ ჩამაგყარნათ, არწივნო ქუშნო მთისანო?
სასტუმროდ საყვარელნი ხართ, მასპინძლად შექნო მზისანო“.

და ბოლოს, ვისაც ექირა სადიდებელი, ისინი გამოიცილიან თასებს და ეტყვიან: „გწყალობდათ მთავარანგელოზი, შავსვი თქვენის გაპარჯებინა“. ფანდურს „გადახყუდებენ“ იქით და ცალს მუხლზე დაჯდება ყველა, ვისაც თასი არ უქირავს. პირველები ამბობენ: „მტერს ჩამახყარეთ იარაღი, თქვენ კელ-კვალი ერეოდას“. მეორეები ეუბნებიან: — „მტერიჲც ნუ მაგერვეისთ“. შემდეგ ადგებიან და ეუბნებიან: „გაამასთ ღმერთჲ“. „თქვენ კა გვაამას“ — უპასუხებენ მათ. ამ ხანში დასტურიც საკლავს გაატყავებს, შემოიტანს და გულ-ღვიძლ გამოცილილს იქვე რკინის ჩანგალზე ჩამოკიდებს. აქ ჭერ ცოტა ლუღის და არაყის სმა გაიმართება, მერე საკლავის ნაწილს მოხარშავენ. თან დასტური შეუდგება მწვადის კეთებას (ხუცესი აქ არაფერს აკეთებს).

თუ სოფელში ახალი მიცვალებულის პატრონია, მისი ხათრით არ იღერებენ. მაგრამ ჭირისუფალი ვალდებულია ჭვარში მივიდეს ღლეობის დაწყებისას. იგი ადრეანად მიიტანს ფანდურს (თუ მიცვალებულის პატრონი მოხუცია, ან კაცი არ არის ოჯახში, მაშინ მისი გვარიდან მიდის ერთ-ერთი კაცი ჭვარში). ჭვარიონნი მას კარვად გაუმასპინძლებიან. მერე ჭირისუფალი („ჭირის პატრონი“) იღებს ფანდურს, დაჯდება ცალ მუჯლზე და იღერებს ძველ საგმირო სიმღერას:

„სიკვილიმ თქო: არ დავიჭერებ, ნაბჰანგმს ვიჰამ ხთასასა,
სულთ ჟარს შავხური კევსურთა ნარჩევის ვაუბისასა“ — და ა. შ.

ბანდახან სოფელში ღლეობა ორ-სამ ადგილას არის და ამ საღამოს, ე. ი. ღლეობის დაწყებისას, ყველგან წავლენ ჭირის პატრონის გვარიდან „ფანდურის გასატეხად“.

ლამისთევა რომ მოთავდება, ღასტურები მწვადს შეწვავენ და, როგორც ნათქვამია, ღამისსამთელოს დაჭრიან, სუფრას დაღგამენ. ზეღამღეგები ჩვეულებრივ ფეხზე დაღგებიან, კარაჩანას დაუღგამენ და უმღერებენ:

„ვინა თქვა მთავრის ბაქალა ქორისა გეზღოლო,
ან შვილი კას მამისა მამღღარა, რეგენიო“.

თუ აქ სტუმარია, ესეც შემღერებენ:

„მე აქა მასღლა არა ვთქვი, მამოვა ამ ბალახისა,
აეხლა წასღლა არ მწადის, გაწირვა ამ ქალქისა“.

ვიღრე პურის ქამას დაიწყებღნენ, დასტური დიასახლისს წაუღებს ერთ კოშ ლუღს, ხავიწიანი ქადის ნაწვრეთს და მწვადსაც. დიასახლისი ლუღს ცოტას დაღევს, დასტურსაც შეიპატიეღებს და რაც დარჩება შინახავს. მერე ან უფროსი კაცი ვინმე მოვა, ან სხვა პატივისაცემი სტუმარი და იმას დააღვეინებენ.

ზემოთ ვთქვი, რომ ხანდახან ერთ სოფელში დღეობა ორ-სამ აღღიღას არის. სწორედ გიორგობასაც ახიელში სამ აღღალას დღეობობენ. ერთი არხოტის ჭვარში, რომელსაც ილოცავს მთელი თემი (ეს არის სათემო სალოცავი), მეორე მთის ვეშაგში (ეს ეკუთვნის ცისკარაულეღბის გვარს) და მესამე ჭაჭველში (ოჩიაურებღის გვარს ეკუთვნის). საშივეგან მზადღება ლუღი, მხოლოდ ცისკარაულეღები ისეთ აღღიღას დღეღსასწაულობენ, რომ იქ ესწრებღიან არა შარტო მათი გვარის, არამედ სხვა გვარის ქალეღებიც. თითოეული ქალი იმოვის ერთ ბოთლ არაყს, გამოაცხოზს ყვეღიან ან ხორციან ქადას და ერთ პატარა ქადას, რომელსაც საკვირაო ჰქვია (ამის გარშემო ზევითაც იყო ლაპარაკი), წაიღებს ერთ ღერ სანთელს და მივა ცისკარაულეღბის დღეობაში. აქ ისინი სტუმრეღებს ძაღიან კარგად გაუმასპინღღლებღიან. მოტანიღლ სასანთლეღებს იქაური დასტურეღები დააწყობენ ერთად, სანთლეღს აანთებენ და ზუცესი იხუცეღებს.

ხუცობის დროს ყვეღლანი ფეხზე დგანან და პირჭვარს იწერენ. ბოღლოს ხუცესიც და იქ მყოფი სხვა ხალხიც დააწყაღლობენ მესადღღეებღებს და ეტყვიან: „გწყაღობღდასთ, საწაღმართოდ მაგიარასთ, მანდიღლოსნებო, ხალიზი ნუ დაგიკარგასთ, კლოვ ეკეთესი გულით გიმსახურნასთ“. ისინიც ჩვეულებრივ პასუზობენ: „თქვენ თავს სწყაღობღდას, თქვენ იყოს მწყაღობელი“ და სხვა. დაასამენ არაყს ყანწში და დასტურეღები ყვეღლას დააღვეინებენ. ქალეღებს ლუღით, მოხარული ხორციით გაუმასპინღღლებღიან. დანარჩენი დღეობა, ღამისთევა და უამისწირვა ტარღება ჩვეულებრივი წესით.

ოჩიაურებღის სალოცავშიც, რომელსაც ჰქვიაან ჭაჭველი, სრულღება ჩვეულებრივი წესეღბი. სასანთლეღები იქაც მიაქვთ ქალეღებს, მაგრამ ახლო

ვერ მღვან. სასანთლის მიმტანები შორს დასხდებიან (იციან თავიანთი მისასვლელი ადგილი). დასტური მივა, ლუღს გაიტანს ქვაბით ან რვლის ჩხუტათი და იქ დაალევენებს. მეტი პატივისცემა აქ ქალებისათვის არ იციან. ასევე არხოტის ჭვარშიც შორს არის ქალების დასაჯდომი ადგილი, იქ ლუღს გაუტანენ და სხვა პატივისცემა არც არაფერი აქ იციან ქალებისადმი.

ღამისთვის შემდეგ ერთი დასტური იგზავნება მთის ვეშაგ-დან არხოტის ჭვარში. მას მიაქვს რვლის ჩხუტით ლუდი. ჯაჭველიდანაც მიღის ერთი დასტური და მასაც მიაქვს ლუდი არხოტის ჭვარში.

ამ დასტურებს არხოტის ჭვარის ჭვარიონნი ძალიან კარგად ხვდებიან, ასმევენ ლუღს, შეუწევენ იწვადებს და ძალდატანებით ასმევენ. ლუღს შეაოწმებენ. ჯერ ხუცესი გასინჯავს, მერე დასტურები. გეჰოს, ფერს და ყველა თვისებას შეუფასებენ. ბოლოს იტყვიან ვისი ლუდი სჯობია. არხოტის ჭვარის ჭვარიონნი ცდილობენ მოსული დასტურები ძალიან დაათონ. რომ იქიდან ვეღარ წავიდნენ, ამით მასპინძლები თავს ისახელებენ. მაგრამ დასტურებს ზალხი ელოდება. შუაღამის შემდეგაც რომ არ მოვიდნენ, შინ არავინ წავა. აინტერესებთ, ვისმალუღმა აჯობა, ან როგორი პატივი სცეს არხოტის ჭვარში. დასტური როცა თავს დააღწევს არხოტის ჭვარის ჭვარიონთ, თავის ჭვარში მივა.

ღამთავრდება ღამისთვის წესები. დასტურ-ხელოსნები და ხუცესები ჭვარში დარჩებიან, სხვა ზალხი კი წავა თავთავიანთ სახლებში.

არაყის დაშხადება იციან მარტო არხოტის ჭვარში, დანარჩენ ჭვარებში არა. ხოლო დიასახლისი მთელ ხევსურეთში მარტო გუღანის ჭვარში და არხოტის ჭვარში ჰყავთ.

ბ ი ო რ გ ი ო ბ ა

გათენდება გოორგიობა (გიორგობა) დღე. დასტურები ადრე იღვიძებენ. ვერცხლის სურით მოიტანს არაყს ერთი დასტური, რომელსაც არაყი აბარია და ხუცესს ლოგინში დაალევენებს (სადილაოს ეძახიან. ეს იქნება ძალიან მაგარი არაყი). მერე დასტურებსაც დაალევენებს და ბოლოს დიასახლისსაც მიაკითხავს. არაყის დალევის შემდეგ ყველანი ადგებიან და ისაუბრებენ კიდევ. დიასახლისი შეუდგება ჟამსაწირის გამოცნობას იმავე წესით, როგორც ზემოთ არის ნათქვამი. გაამზადებენ, გაბანენ, გაპოხავენ და დაწყობენ ერთი მეორეზე სამ დიდ ქადას, ცხრა პატარა ხშიადს და ოთხ ზავიწიანსავე პატარა ქადას, რომლებსაც საკვირაო ეწოდება. ჟამისაწირს გაიტანს ერთი დასტური და დაწყობს სპილენძის ტაბლაზე. დადგამენ ზედ ჩვეულებრივ სამ თასს, გამოიტანს საკოდედან ხუცესი ახალ ლუღს და

დაავსებენ ამ ლუდით თასებს. ხუცესი შეუდგება ხუცობას. სანთლებიც ჩვეულებრივ ენთება. ხუცობა არის ჩვეულებრივი. ხუცობა და კურთხევა რომ დამთავრდება, სადიდებელი თასის დაღვევის დროს კიდე იმღერებენ ფხზე საგმირო შინაარსის სიმღერებს. მაგ.

„გაბანდა ჯაბუშანურმა ციხის ჩარდაში ჯღანო,
აიჭით გადმუფრინდა, დახევა დიღუღის ჯარიო“.

გააჩნია, რა გვარის კაცს უმღერიან და თუ მის გვარს აქვს ძველი საგმირო სიმღერა, აუცილებლივ მას უმღერებენ.

მღერა, თასების გამოცლა და ჩამოყრა მოთავდება. თასებს ჩამოართმევენ ჩვეულებრივ და დადგამენ თავის ადგილზე, დასტურ-ხუცესებიც დასხდებიან და შეუდგებიან სმას. ამ დროს სოფლიდან მოვფეროთი კაცი და მოიყვანს საკლავს, რომელსაც „სარიგო“ ჰქვია (სარიგო არის საკლავი ცხვარი, რომელიც სოფელს მოუდის რიგით. ვისაც რომელ დღეობაში შეხვდება, შინაც რომ არა ჰყავდეს, უნდა იყიდოს და მოიყვანოს). სარიგოს დარბასის კარზე დააბამს, გაივლის წინ, დაიწერს პირჯვარს და ამბობს: „ხთისაგან გაგემარჯოს, შენის გამჩენისაგან წმიდაო მთავარო ანგელოზო, ნურაით შამისაწყინდები, ნურაის ინაბარს ჩამიდებ, დალოცვილო, ჰირ მახზარი შენს კარსა, შენს კამალას“. ამას რომ მოათავებს, დარბასის კარზე მივა (დარბასში გარეშე ხალხი იშვიათად შედის) და დარბასში მყოფთ დაუძახებს: „აშენდით, წალმამც წაგიოსთ დღეი, დღებაი“. დასტურ-ხუცესები უპასუხებენ: „დამშენდი, მაგვხე მშვიდობით, მშვიდობით შენ მასვლაი“. გამოვლენ დასტურები და კიდევ მიესალმებიან: „წყალობა ჯემწიფისა, წყალობა, წალმ მაგეგებას ჯემწიფის დავლათი“. „მესარიგო“ (ასე უწოდებენ სარიგოს მომყვანს) უპასუხებს: „თქვენ იყოს მწყალობელი“ („წყალობა ჯემწიფისა“, ან „მიქიელისა“, ან „მთავარი ანგელოზისა“ ეს ყველა ერთსა და იმავეს ნიშნავს). მესარიგოე დაჯდება დარბასის კარში და იქიდან ესაუბრება სოფელში მომხდარ ამბებს: ჯარათ ჯარზე ან ოჩიაურთ ჯარზე როგორი სმა ან ლუდებია, ან სოფელში ვინ მთვრალია და ვინ ფიზელი (ჯარათ ზედმეტ გვარად უწოდებენ ცისკარაულებს. ვიღაცა ჯარა ყოფილა მათ გვარში. ოჩიაურთ და ჯარათ, როგორც ზემოთ მოვიხსენიეთ, აქვთ თავთავისი დღეობა. მისულ ხალხს, რომლებიც დასხდებიან სასმელად, „ჯარი“ ჰქვია. თუ ლუდის სასმელად ვინმე მიდის ჯარათას ან ოჩიაურთას და შეეკითხებიან — სად მიხვალო, უპასუხებს: ჯარათ ჯარზე, ან ოჩიაურთ ჯარზე მივალო), დასტურ-ჯელოსნებიც თავის ამბავს მოუყვებიან, ხუმრობენ, იკინიან (ჩვენ აქ მუდამ ვწერთ „დასტურ-ხუცესებს“ შკითხველისათვის უფრო გასაგებად, თორემ „დასტურ-ჯელოსნებს“ ეძახიან. ჯელოსანი ჰქვია ახალ

ნისულ მედროშაეც, რომელიც დროშას ატარებს. ამაზე შემდეგ ცვლდება საუბარი).

ბშირად არის შემთხვევა, რომ ხუცესი მოპყვება სიზმარს. მაგალითად. სოფელში — თუ ავად ვინმე არის, ამაზე ნახავს სიზმარს და აქ იტყვის. იცის, რომ იმათ ყურამდე მივა და აქ უნდა მკითხაობით ავტორიტეტო აიმაღლოს. მაგ, ასე იტყვის: სიზმარში ესა და ეს კაცი ტალახში დადიოდა, ან ნავავს ჯვარის კარმიდამოში გადაჰყრიდა, ან ჰამდა რამეს ცუდს, ან ვინმე მოკვლას უპირებდა და მივეშველე, ან ცუდი საქციელი მე დავუშალეო, ან წყალში ჩავარდა და მე გამოვიყვანეო. ამ სიზმარს ისეთ მნიშვნელობას მისცემს, რომ ავადმყოფის პატრონი აქ თუ საკლავს არ მოიყვანს. ხატი მასზე გამწყარალია და აუცილებლივ ცუდად წავა საქმე. ეს ამბავი შეწუხებული კაცის ყურად მალე მივა და, სახლშიც რომ არ ჰყავდეს, შოულობს და მიჰყავს საკლავი (მოზვერი), რაც ხუცესმა თქვა. ტყავ-ხორცი ჯვარიონთ რჩება, თვითონ კი ცარიელი ბრუნდება შინ.

ამ საუბრების დროს მსარიგოვს დარბასიდან ლუღსაც აწვდიან და დააღვივებენ. მერე მესარიგოვ ხუცესს სთხოვს: თუ შეიძლება სარიგო დამიკალიო. ხუცესი კი თუ კაი გუნებაზე არ არის, მთელი დღე ალოდინებს გარეთ სიცივეში და ეუბნება — მე ჯერ დრო არა მაქვს და ვალდებული ხარ მომიცადო. ხუცესები აქ დიდ პატივში არიან. დასტურნიც მზად არიან მათ პატივსაცემად და მათი სურვილების შესასრულებლად. მოსულებს ხატის ეშინიათ და ჰგონიათ, რასაც ხუცესი ეტყვის ხატს, ის შესრულდება. ამიტომ ხუცესის წყენინებას ყველა ერიდება. რა გზა აქვს საწყალ კაცს — მესარიგოვია, თუ ისე „მეზღვნე“, უნდა უცადოს ხუცესის მოგუნებიანებას, რომ მან დაკლას მოყვანილი საკლავი (მეზღვნე ეწოდება, ვინც საკლავს მიიყვანს შესაწირავად ან შკითხავის, ან თავისი სურვილით). დასტური სარიგო საკლავს დაიჭერს და დააყენებს სასაკლავესთან. დასტური ჩვეულებრივ ერთ მუხლზე ზის და ცხვარიც პირაღმოსაყლეთისაკენ უჭირავს. ხუცესი მივა ამოღებული დანით და შეუდგება ზუტობას. აქ ზუტობა განირჩევა სხვა ზუტობისაგან თითოროლა სიტყვით. ხუცესი ამბობს: „შენა სამთავროდ, შენა გასამრჯოდ მაიკმარი ეს სარიგო სამსახური, პირის-საბანი, მიქიელ მთავარო ანგელოზო. შენ შენთ მეხვეწურთად, ახიელელთად, ტახტის ყმათად საშველოდ, სახიონზოლ, სამწყალობნელოდ მაიკმარი ქტახტის ყმათ ახვეწებენ სარიგოზე, რადგან ის სოფელში ყველას ხედება დასაკლავად). გვედრებიან, გეხვეწებიან ახიელელნი, ტახტის ყმანი, დალოცვილო, შაიხვეწენი. შენდ სარიგოი, რიგ არ დაუკლავისად შენს წყალობას ნუ დააკლებ. მე შენდ შამამიხვეწებიან შენ მეხვეწურნი, შენ შენა გამჩენს მორიგეს ღმერთს შაახვეწენი “ და ა. შ.

მერე ხუცესი დაამწყალობნებს და აქ მყოფნიც ყველანი ამავე სიტყვებით აყვირდებიან:

„გწყალობდასთ მიქიელის დავლათი ახიელელთ, ტახტის ყმათ. საწალმართოდ მაგიარასთ, მშვიდობით შაგინახნასთ, ხალიზად მაგეასთ, ბალინჯ მაგაშორასთ, მესარიგოეს გწყალობდას, ნუ შაგანანას, კლოვ უკეთი გულით გიმსახურას. ჭვარიონთ მაგცასთ წყალობა, დასტურსა, ველოსანსა, ხუცესს ენა-პირ გიკურთხას. შაუტოდერად, შაუწყენლად შაგინახასთ“. საკლავი ჩეუულებრივად იკვლება. დასტური მას სასაქლავე სიპზე დადებს. შემდეგ წავა კურთხევა ჩეუულებრივად. მობრუნდებიან და ჭვარიონნი ისევ დარბასში შევლენ. თუ მესარიგოე პატივისცემა კაცია, მასაც შეიყვანენ, თუმცა ის ძალიან ჩხატრებს, რადგან ჭვარიონთ გარდა აქ არავინ შედის. თუ ხუცესმა დაპატრეა, მას არ გაუტეხს ხათრს და შევა. ჭვარიენებმა დარბასში შესული კაცისათვის კაი პატივისცემა იციან. რაც შეუძლიათ გაუმასპინძლდებიან ლუდით, არაყით, ხორკით და სხვა. მხოლოდ ის ჭვარის შიშით ყველას ხათრით ექცევა, საუფროსო სკამზე არ დაჯდება, ხმამაღლა არ ლაპარაკობს და სასმელსაც ძალით დააღევინებენ — ხათრს კი ვერ გაუტეხს.

მეზღვენე-მესარიგოეებისათვის ტაბლის დადგმაზე შემდეგ გვექნება საუბარი. ამ დღეობასთან დაკავშირებით კიდევ სრულდება ზოგიერთი სხვა წერილმანი წესიც.

არხოტის ჭვარიდან სოფელს „მიუდის“ (ერგება) ამ დღეობებში ექვსი ჩხუტი ლუდი. რადგან ჭვარში საჯარე ბინა არ არის და გარეთ ცივა, სოფელში გამონახავენ თავისუფალ ჭერხოს (ზეპო სართული ხევსურული სახლისა), დაასუფთავენ, შეიტანენ ხეებს და დაწყობენ სკამებად კედლის პირებზე. მერე გაგზავნიან ბავშვებს და სოფელში ყველას შეატყობინებენ, რომ ამა და ამ ჭერხოში დასხდება ჭარიო. ამ საქმეს ხელმძღვანელობს ახალი მიცვალებულის პატრონი (ჭერის პატრონი). საღამო ხანზე ხალხი აქ მოიყრის თავს. ჭვარში გაგზავნიან ახალგაზრდებს ქვაბებით და ასაწევი კეტებით, ამათ ჰქვიათ „მელუდენი“. მელუდენი მივლენ დარბასის კარში, ქვაბებს (ხევსურულად საწლეს) დადგამენ და პირჯვრის წერით ეხვეწებიან: „ხთისაგან გაგემარჯოს შენის გამჩენისაგან, დიდო მთავარო ანგელოზო, ნურაით შამისაწყინდები, ნურაით შამიცოდებ, პირის ქართია, ფეკის ნალითა, ზღვნითა, სათლით გადამაქდი, დალოცვილო, ნურაის ინაბარს ჩამიდებ“. მერე მივლენ დარბასის კარებთან და დარბასში მყოფ ჭვარიონთ დაუძახებენ: „ამენდით, ჭვარიონნო, წალმამც წაგივათ დღეი, დღეობაი“ — „დამშვენდით, მაგვიხედით მშვიდობით, წყალობა მიქიელისა, წალმ მაგეგებასთ მიქიელის დავლათი“ — უპასუხებენ ჭვარიონნი. მელუდენი დასხდებიან ქერს სკამებზე. დასტურები დარბასიდან გამოუტანან ლუდს

თასებოთ და დაალევიანებენ. მერე მელუდენი ხუცესს სთხოვენ ლუდის დასხმას. ხუცესი ხანდახან გაჯიუტდება, მოუგონებს შარებს: იმან ყანა „დაალევიანა“ ცხენს და დანალევზე გადაწყვეტილი პური არ მოუტანიაო. იმან დროზე ჯვარის ყანა ვერ მოხნა, ვერ მომკოო და სხვა. თუ ზემოთ ნახსენები სარიგო მოყვანილი არ არის და ვინმეს აკლია, ხომ სულ არ დაუსხამს ლუდს. ვიდრე არ მოაყვანიანებს, ბევრს ეფერებოდა მელუდენი და დასტურებიც ხუცესს, ბევრს ეხვეწებოდა და გააბედონებენ ლუდის დასხმას, ხანდახან კი მივა ჩხუბამდის, ზოგი მელუდუ ვეღარ მოითმინს და ეტყვის: ეგ ლუდი ჩვენი ოფლით არის, ვხნავთ. ვთესავთ, ვდასტურობთ და შენ ვინა გდიხარ, რომ არ მოგეცეო. ამას კიდევ სხვები გაუჟავრდებიან: როგორ შეიძლება არხოტის ჯვარის ჯელოსნის გაჯავრებაო.

როგორც იქნება, დაასხმევიანებენ ლუდს. ამოუღებენ თავის საწლდე-ბიდან და დასტურებს შეპატიებენ: დაგვლოცეთო. დასტურებიც დაილოცებიან: „გამარჯვება კემწიფესა, იმის წყალობა გქონდასო სოფლის მელუდეთ, მშვიდობით გამოფნასო, ბევრ სთველ-გაზაფხულ მაგვეკარასო მშვიდობისა, კარგა ყოფისა“. „თქვენ იყოს მწყალობელი“ — პასუხობენ მელუდენი.

დალევენ ლუდს, ასწევენ კეტით ქვაბებს და წამოიღებენ. მივლენ სოფლის ჯარზე, დადგენ ლუდს და ეტყვიან: „ლუდი წინა, ვაეებო“, წამოღება ფეხზე ხალხი და ეტყვიან: „მამტან ბედნიერი, მავვიხით მშვიდობით“. მელუდებს მიიპატიებენ სკამზე და დასვამენ ცეცხლთან ახლო (მოსულები სოფლიდან ყველა მოიტანს შეშას და აწყობენ იქ და ამითი ანთებენ ცეცხლს). გამოიკითხავენ ჯვარიონთ ამბავს, როგორ დაუხვდნენ ჯვარიონნი, ვინ მთვრალი იყო და ვინ ფხიზელი და ა. შ. სოფლის ხალხს ჯერ ლუდი არ უნახავს როგორია და ამაზედაც ეკითხებიან. ამ დროს კიდევ ორი ან სამი ყმაწვილი გაგზავნილია თასების მოსატანად ჯვარში. იქ სპილენძის თასები ბევრია შეწირული. მათ ლუდის სასმელად ხმარობენ. მოიტანენ თასებს, გარეცხავენ და ახალგაზრდები დადგებიან ფეხზე. თასებით საწლიდან ამოიღებენ ლუდს, მისცეპენ უფროსებს და თუ დარჩა უმცროსებსაც მიაწოდებენ (ხალხი, ე. ი. ჯარი“, ორად არის გაყოფილი. უფროსები სათავეში სხედან, უმცროსები კი ბოლოში. ამას „საუფროსო“ და „საუნცროსო“ ეწოდება). ერთი-ერთი უფროსი ხალხის თხოვნით ადგება (ჰანამდე სასმელს არავინ დალევს და არც დაილოცებიან) და მიცვალებულებსათვის „დალოცავს“ ერთ-ერთ საწლდს და ავსებულ თასებს. ვინც უფრო მოკლე ხნის მკვდარია, მოიხსენიებს იმ მკვდარს და დაუმატებს: „მისის მასპინძლობით, რაც წელს ახილას დააკლდეს, იმათაც შაუნდანს“, ე. ი. შეიწყალოსო. დაეუშვათ, ახალი მკვდარი ამ სოფელში კვირიკა არის,

მაშინ ასე ეტყვის (ხელში თასი უჭირავს): „ღმერთო, დიდება შენდა, ღმერთო, მაღლი შენდა; ღმერთო, კაციც შენ გეხვეწებიან—დ სულიც შენ გებარების, ღმერთო და დიღო არხოტის ჯვარო, ნუ დაღლევი ახი-ელელთ თქვენს საღიდებღად, სულის საჯსნელად. ხთისა, კვირაის საღი-ღებელი ასა-ღ ზთისა, კვირაის ღიდებით, ჩემის სიტყვის მავსენებით, ზედ-ღამარჩოების დღეგძეღობით, ხთის წესითა, მღღღის წესითა, იერუჰსალეთის ნათღით, ქრისტეს გარიგებით, სააქაოს ნათქვამ თუ სა-იქიოს მოღიოდას, წესი სამართალ იყოს, სულს შანღობა მიუღიოდას, ეს საწღდეცა-ღ ეს ავსებულები თასებიც (სავსე თასებით ხელში ხალხი ხმაამოუღებღივ ფეხზე დგას) სულსამც კვირიკაისა-ღ იმის მასპინძ-ღობით წელს რანიც ახიელას დააკღდეს, იჰათამც მავქმარების“. „შა-უნღნას ღმერთო“ — იტყვიან ყვეღანი. ამ ღროს შეხუღრება იციან; ერთი ვინზე დიდიხებს: „შანღობა ხუტესს“. მაშინ ვინც დაღოცა, ის ვაღღებუღია, ეს თასი დასაღევად გაღასცეს იმას, ვინც დიდიხა: „შან-ღობა ხუტესს“-ო, მაგრამ შეჰატიუებაზე ასე იტყვის: ვინაც ღოცა, იმანვე კოცნა. მე სხვა ამივსეო და არ ჩამოართმევს იმ თასს. მერე ვინც დაღოცა, იგივე გამოცღის თასს, მეორეს კი საწღდიღან აუღსებს იმას, ვინც შენღობა დაუდიხა. იმას დაღოცავენ ყვეღანი: „გამარჯღება კემწი-ფესა, იმის წყაღობა გქონღასთ ახიელელთ, საწაღმართოდ მაგიარასთ, ბევრ გიორგობაი, სთვეღ-გაზაფხულ მაგგვარასთ მშვიღობისა: კარგა ყოფისა, თასიანებს ჯელთა გაამასთ, მემუჯღეღებს მუჯღებ შაგარჩინასთ (ახაღაზრღები უფროსების პატივისაღემად ცაღ მუხღზე დასხღებიან, ვისაც თასი არ უჭირავს), შაუნღნას, ვისაღაც ღღოცეთ, მავქმარას“.

ზეღამღეღები ყვეღას დააღვეინებენ თასებით ღღღს (აქ მარტო მაშაღაცები არიან); ბოღოს ახალი ჰირისპატრონი მოიკითხავს ფანღურს. როგორც ჯვარში, ისე სოფღის ჯარზე საქიროა „ფანღურის გატეხა“. ჰირისპატრონის ხათრით ფანღურს არავენ დაუქრავს, არც იმღერებს და არც ითამაშებს, მანამღის ის თვითონ არ იმღერებს. ჰირისპატრონი აიღებს ფანღურს, წავა და ჯარის ბოღოში ერთ მუხღზე დაჯღება. ახაღაზრღები დაარიგებენ ღღღიღან თასებს. ყვეღას ხელში უჭირავს თასი და ჩუღმად სხედან. მერე ჰირის პატრონი დაუქრავს და ხმაამღღა-იმღერებს ძვეღ საგმირო სიმღერას. სიმღერის ღროს მას თასით ღღღს დააღვეინებენ. ფანღურის დამკვრელი ადგება, ერთ ხელში ფანღურს. დიქერს, მეორეში თასს. პირვეღი მომღერალი იმ თასს საწღდიღან ისევ აავსებს, მიუტანს, ხელში მისცემს და ეტყვის: „ჯვარ დაგიწერას. ღმერთო“. „ჯვარის წყაღობა გქონღას, მტერ მაიყვანი ნებას“ — ეტყვის. მეორე. წავა, იქვე დაჯღება და გააგრძეღებს მღერას. ვისაც თასები უჭირავს, მღერის ღროს იმას თითოობით ეუბნებიან: — „ა, დიღხანამც იმღერ, ღმერთმა ნუღარაით შაგაწუხას“. ამ სიტყვების თქმის ღროს ცოტ-ცოტას სვამენ. გაათავეღს მღერას, ადგება ფეხზე და იტყვის: „აი

ოწვენი ს გამარჯვებისა“. ერთი ვინაჲ მივა და ეტყვის: „აჰაღე, ჩამამე-
ტანე. ყელ ამავრებოდ. აჰაღე შასვი“. მომღერალიც ეტყვის: შენის
გამარჯვებისაო და დაღევს ლუღს. ამის შემდეგ ვისაც სურს, იმღე-
რებს, ვისაც სურს ითამაშებს და იმხიარულებს. თამაშობა ასეთ ჯარზე
ინვიტაჲდ იციან. აჲ უფროს კაცებს თითოობით მისცემენ ფანდურს
და აღღრებენ ჲველ საგმირო სიმღერებს. მღერის დროს ასრულებენ
ზემოთ მოყვანილ წესებს. ჯარიდან შეიძლება ლუღის ნაწილი მიეცეს
ახალგაზრდებს, ისინი წაიღებენ რომელიმე ოჯახში, ან თუ ახალი მო-
ყვანილი რაჰლია სოფელში, იჲ უფრო წაღვენ რძლის პატივსაცემად,
დააბჯებენ ქაღებსაც. რომლებსაც დააღვეინებენ ლუღს, რადგან
სოფლის ჯარზე და ხატში ქაღები არ მიღიან. იჲ იმართება ცეკვა, მღე-
რა და მხიარულება. სოფლის ჯარზე კი უფროსი ხალხი რჩება; ნელ-
ნელა სვამენ და მუსიკაობენ ხევსურეთის წარსულ ამბებზე, გაღმო-
ცემებზე, რჯულზე. ასე ატარებენ სოფელში დროს.

ჯვარიონნი დარბაში ქეიფობენ, შეიძლება მეზღვენებიც მოუვიდ-
ნენ, ზოგს ავადმყოფი ჰყავს, ან ჰყავდა და მკითხავი ეტყვის საკლავის
ან კურტის დაკვლას. ის მოიყვანს საკლავს, დააბამს დარბაშის კარზე,
იჲვე კოშკები დგას და მიუახლოვდება, დაიწერს პირჯვარს და „მო-
თხოვს მადლს“ (მადლის მოთხოვნა ჰქვია, მისული კაცი რომ ჯვარში
იარჯვას იწერს და ვეღრება აღგილობრივ სალოცავს). შემდეგ მივა
და დარბაშის კარიდან ეტყვის: „ამშენდით, ჯვარიონნო, წაღმამე წაგი-
ოსთ დღეი, დღეობაი“. ჯვარიონნი უპასუხებენ: „დამშენდი, მაგვიხვედ
მშვიდობით, მშვიდობით შენ მასელა“. — „წყალობა კემწიფესა, წყა-
ლობა. წაღმ მაგეგებასთ კემწიფის დავლაით“. „თქვენ იყოს მწყა-
ლობელი, თქვენის თავისა“. გამოუტანენ და დააღვეინებენ ლუღს. და-
ღვეის წინ დაილოცება ჩვეულებრივ: „გამარჯვება კემწიფესა. იმის
წყალობა გქონდასთ ახიელელთ“... და გააგრძელებს, როგორც ზემო-
მოყვანილია თასის დალოცვა. იტყვის, რატომ მოიყვანა საკლავი და რა
მიზეზით. მიზეზი კი მრავალია. ერთხელ ერთი ჩვენებური კაცი გადა-
ეკიდა დასტურს — შენ ჩემზე სიზმარი თუ რამე ნახეო. არაფერიო, —
უპასუხა მან. მაგრამ ის კაცი რომ აღარ მოეშვა, მოატყუა: შენს მეორე
ცოლს კალთაში ვაჲი ჰყავდა სიზმარში. მხოლოდ არხოტის ჯვარში ხარი
უნდა დაკლავო. მესამე დღეს ხარი დაკლეს, მაგრამ ის კაცი ბოლოს მაინც
უშვილოდ მოკვდა. დასტურმა თქვა — ვიცოდი, რომ მას მეორე ცოლი
უყვარდა, ვაჲს მისგან მოელოდა და რომ არ მეშვებოდა, მეც ის ვუ-
თხარი. რაც მას ენატრებოდაო. ასეთი სხვა მიზეზები ბევრი არის და
რაიმე მიზეზის გამო იქნება მოყვანილი საკლავი, რომელსაც დასტური
ჩვეულებრივ დაიქერს და ხუცესი ხუცობს: „ღმერთმა აღიდას შენ ძა-
ლი, შენ სახელი, მიქიელ მთავარო ანგელოზო. ამ საჲსახურზე, პირის

საბანზე, წენა საშთაეროდ, შენა გასამარჯოდ მაიხმარი: შენ მეხვეწურ-
თად (სახელი) მამაშვილებისად, საშველოდ, სახოიშნოდ, სამწყალობ-
ნელად მაჯემარე, ღმერთი შენს ბატონობას გაუმარჯვებს!“ ბოლოს
კვლავ ხუცესი დაამწყალობნებს: „მწყალობდასთ მამაშვილებს, მეზღ-
ნედ მასულთ, მიქიელის დავლათი, საწაღმართოდ მაგიაარასთ, მშვი-
დობით შაგინახნასთ, ნუ შაგანახასთ ზღვნობა, ყმობა, მსახურობა,
კლოვ უკეთესი გულით მაგკერძასთ“. ამასვე ეუბნებიან დასტურებიც
და ყველანი ამ სიტყვებს ყვირიან ხმამაღლა — „თქვენ იყოს მწყალო-
ბელი, ჭვარიონთ გწყალობდასთ, დასტურსა, კელოსანსა, ზუცესს ენა-
პირ გიკუროხასთ, შაუცოდვრად, შაუწყინრად შაგინახნასთ“, — ეუბნე-
ბა მეზღენე.

ჯვართ პირდაპირ, მოშორებით, შეიძლება ვინმე ქალები იყვნენ
მოსული ამ ოჯახიდან, დასტურ-ხელოსნები იქაც ხმამაღლა ამწყალო-
ბნებენ: „მანდილოსნებო, გწყალობდასთ მიქიელის დავლათი“ და მი-
დის ჩვეულებრივი დაამწყალობნება. ბოლოს მამაკაცებს გაუმასპინძლ-
დებიან დარბასის კარში, ქალებს კი გაუტანენ საწდით ლუღს. იქ ლუღს
დაალევიან დასტური და ეტყვის: „ჯერ არ წახვიდათ, წყალობას გე-
ტყვით“. დასტური მიმართავს დასტურ-ხელოსნებს: მანდილოსნები მი-
დიან, წყალობა უთხარიით. დასტურ-ხელოსნები გამოვლენ. ქალები
რომ მათ დაინახვენ, ადგებიან, პირჯვარს დაიწერენ და წავლენ.
დასტურ-ხელოსნები დაუძახებენ: „წყალობა წაიღით მიქიელისა, მან-
დილოსნებო, წყალობა! წაღმ გამაგყვასთ მიქიელის დავლათი“. ქალები
დიდხანს პირხატისაკე, უკუღმა მიდიან პირჯვრის წირით და ბოლოს,
როცა დასტურ-ხელოსნები გაჩუმდებიან, ისინიც მიზრუნდებიან და
წავლენ. მეზღენე მამაკაცი კი დაჯდება დარბასის კარში და იქ და-
ალევიან ლუღს. ასეთი მეზღენე შეიძლება ოცამდინ და მეტიც მო-
ვიდეს. დასტურები ყველა საკლავს ატყავებენ, ტყავს მარილს დააყრი-
ან და იქვე ქანდარაზე გადაჰკიდებენ. დარბასში კი მთელ საკლავს ერთი
ფეხით რკინის ჩანგალზე ჰკიდებენ.

გიორგობა დღე ღამდება ასეთი წესებით. მეორე დღეს დასტურები
მოხარშავენ დიდ ქვაბში ხორცს, დააწყობენ გრძელ ფიცრებზე პურს,
ხორცს და დაუძახებენ მეზღენებსა და მესარიგოვს. დასეამენ მწკრივ-
ზე და დაუდგამენ წინასწარ დამზადებულ ტაბლას წინ. დასტურები
ფეხზე დადგებიან, აავსებენ თასებს, დადგამენ სუფრაზე და ხუცესი
ეტყვის შენდობას მეზღენების მკვდრებისათვის. მისცემენ ხუცესს
ერთს ლუღიან თასს ხელში და ხუცესი იტყვის: „ღმერთო, დიდება
შენდა, ღმერთო, მადლი წენდა, ღმერთო, სულიც შენ გებარებისად-
კაციც შენ გეხვეწების. ხთისა-დ კვირაის სადღდებლისად, ხთისა-დ
კვირაის დღდებით, ჩემოს სიტყვს მაკსენებთ, ხთის წესითა, მღღლის
წესით, იერუმსალეთის ნათლით, ქრისტეს გარეგებით, სააქაოს ნათქვამ

თუ საიქიოს მიდიოდას, წესი მართებულ იყოს, ზულს შანდობა მიუღი-
 ოდას. ეს დავეხებულები თასებზე, ეს გარიგებულ ტაბლაიც, მეზღვნეებო,
 სულსავე თქვენს მკვლართას მიაქნებინა“. გადახრის ხუცესი თასს და
 ცოტა ლუღს ტაბლაზე დასხამას. „შაუნდას“ — იტყვიან სხვებიც. ერთი
 აიღებს თასებს. დაურიგებს ყველას და ფეხზე ნადგომები იმ თასებს
 დალევენ. მერე მეზღვნეებს დასვამენ, დასტურები კი ფეხზე დგანან.
 ერთი დასტური იღებს ტაბლიდან პურს და იქვე ტაბლასთან ერთ-ერთს
 ნისკემს, რომელიც ერთ პირზე პურს მოჰკიდებს ორივე ხელს, მეორე
 პირზე დასტური. დასწევენ და გატეხენ ამ სიტყვებით: „ღმერთო,
 გაუმარჯვი კემწიფესა; კემწიფეო, შენ სწყალობდი შენ მეზღვნეებს,
 ჯვარიონთ — დასტურსა, კელოსანს, დაადგე წაღმ, შენი წყალობით შა-
 ინანენი“. გატეხენ პურს, მოიტეხენ თავისთვის ცოტას და დანარჩენს
 იქვე დადებენ. დასტური ყველა მეზღვნეს ასე გაუმეორებს და გაუ-
 ტეხს პურს (სხვათა შორის ხალხში დარჩენილია შეხედულება, რომ
 პურის გატეხის დროს ვის მხარეზეც დიდი პური დარჩება, დედომანი
 გაუმარჯვლებიანო; ხევსურულად დედულნი). მერე შეუღებებიან ჭამას;
 ხორცი აწყვია ასო-ასოდ დაქრილი, ცივად მოხარშული, ადგილ-ადგილ
 ტაბლაზე მარცხსა დააგროვებენ, რადგან ხორცი უმარილოდ იხარ-
 ნება. წვენი არ იყიან. პურის ჭამის დროს დასტურები ფეხზე დგანან,
 ამოიღებენ იქვე დადგმული ლუდიანი საწლიდან ლუღს და ყველას და-
 უღგაპენ ტაბლაზე წინ. აჰას ჰქვიან „კარახანა“. დასტურნი პურის ჭა-
 მის დროს ცოტახანს ასე ადროვებენ. მერე როცა ვინმე უქანასკნელ
 ლუქას დაიჭერს ხელში და იტყვის: „ღმერთო, გაუმარჯვი კემწიფესა,
 კემწიფეო, შენ სწყალობდი მეზღვნეებს, ჯვარიონთა, დასტურსა, კე-
 ლოსანს, დაადგე წაღმ, შენი წყალობით შაინანენი“, დასტური ეტყვის:
 „აილი კარახანა. წყალ არ მაგწყურდა?“. მეზღვნეც აიღებს და ილო-
 ცება: „გამარჯვება კემწიფესა, იმის წყალობა გქონდასთ ახიელელთ,
 მეზღვნეებს. დასტურსა, კელოსანს, ჯვარის გამძღოთ, საწალმართოდ
 მაკიარასთ, მშვიდობით შაგინანასთ, ბევრ გიორგობაი, სთველ-გაზა-
 ფხული მშვიდობისა მაგვკარასთ, კარგად ყოფისა. შაუნდას, ვისა-
 დაც დაილოც კი“. ასევე იქცევიან სხვებიც, ვინც პურის ჭამას თავი და-
 ანება. ამ დროს ერთი დასტური ფანდურს უქრავს ფეხზე მდგომი და
 სხვა დასტურებიც გვერდზე უდგანან. პირველად ერთი იმღერებს ძველ
 რამე საგპირო სიმღერას. სხვებიც ამასვე გაიმეორებენ და ხმამ: ღლა
 ყველანი ერთ ხმაზე ყვირიან:

„თქვენ ჩვენად რამ ჩამაგყარანთ, არწინო, კუშნო მთისანო,
 სასტუმროდ საყარელნი ხართ, მასპინძლად შუქნო მზისანო“.

„სტუმართად მასპინძლობისა დღეს ჭერი ჭამარისია,
 უკეთ-უკეთო სტუმარი, ომალის თამარისია“.

ახლა მეზღვნეებიც უპასუხებენ თავის მხრიდან:

„მე აქა მასვლა არა ვთქვით, მაძოვებ ამ ბაღახისა,
აეხლა წასვლა არ მწადის, გაწირვა ამ ქალაქისა“

და სხვა.

ბოლოს ეს ამბავიც მოთავდებდა და აუმატებენ სუფრას (ასე ეტყვიან — „სუფრას აუმატეთ“). სუფრას რომ აიღებენ, დასტურები ყველას დააძალებენ ლუდს და როცა სმაც მოთავდებდა, ადგებიან მეზღვნეები, მივლენ კოშკებთან ახლო, პირჯვარს დაიწერენ და იტყვიან: „დიდება ძალსა შენსა, დიდო მთავარო ანგელოზო, ნურაით შამისაწყინდები, ნურაის ინაბარს ჩამიდებ, დალოცვილო, მეწაღმართე ანგელოზი გამამყოლო, რასაც შეგაწყენ, ზღვნითა, სანთლით მავდი, დალოცვილო“. ამ სიტყვების შემდეგ მობრუნდებიან იქვე მდგომ ჯვარიონთაკენ და ეტყვიან: „ჯვარ გეწერასთ ჯვარსაც, კაცსაც, ჯვარაონთაც“. „ჯვარის წყალობა გქონდასთ, წყალობა წაიღეთ მთავარანგელოზისა, წალმ გამაგყვასთ მთავარანგელოზის დავლათი“ — იქნება ჯვარიონთ პასუხი. მეზღვნეები გამოვლენ დარბასის კარიდან (დარბასის კარი არის დარბასის წინ პატარა შემოღობილი ეზოს მსგავსი. დარბასიდან ბანი არის წამოგრძელებული, რომლითაც დარბასის კარი ნახევრად წამოფარებულია), ჯვარიონნი გააცილებენ და კიდევ ეტყვიან: „ველ შაგიმართასთ ღმერთმ, წყალობა წაიღით მთავარანგელოზისა“, მეზღვნეებიც უპასუხებენ: „ჯვარ გეწერასთ, თქვენ იყოს მწყალობელი“. ეს რომ მოთავდებდა, ახლა საჭიროა „აშლის დაშლა“. „აშალი“ არის ძალიან თხელი პატარა პურები. თუ რომელიმე ბავშვს მუწუქები აქვს, ან სურდო შეხვდა, ან ცოტათი ავად გახდა, ან სხვა ოჯახური წვრილმანი საქმეები რამე წაუხდათ, „დობილთ“ დააბრალებენ. დობილნი ვითომ ყველა სალოცავებს ჰყავს. მიქიელს უფრო მძლავრი დობილები ჰყვანან, რომელთაც მეტი ვნება შეუძლიათ. მიქიელის დობილთ განსაკუთრებული სახელი ჰქვიათ — „მიქიელის ლაშქარნი“. მიქიელის ლაშქარში, მკითხავეების თქმით და ძველი ხალხის რწმენით, არიან წვრილი ბავშვები ძალიან მრავალნი. როცა გამოვლენ, ერთი მინდორი სულ უჭირავთ. ისინი გამოვლენ მზის ამოსვლისა და მზის ჩასვლის დროს. ამ დროს, მე მახსოვს, იქ ბავშვებს არ გაგვიშვებდნენ: „მზის წვერნია“ (ასე უწოდებენ მზის ამოსვლის და ჩასვლის დროს), ლაშქარნი იქნებიან გამოსულნი და იქ გავლა არ შეიძლებაო, ვინც გაივლიდა, თუ ის ავად გახდებოდა, ან მუწუქებს გამოაყრიდა, დააბრალებდნენ დობილთ: აგერ „დობილთ გამოთელეს“ და ავად გახდა, ან მუწუქი გადმოაყარაო. დობილთ დაუშლიან „აშალს“ და თუ ძალიან გაჭაგრებულნია, მაშინ თიკანს დაუკლავენ, მეტი მათ არაფერი ეკუთვნით. ამ პატარა შესაწირავზე ისინიც მოიბრუნებენ გულს და მოარჩენენ ავადმყოფს.

სწორედ ასეთი ნამკვიზავებისათვის ყველა ოჯახი გამოაცხობს. აშალს. აშალს თვლიან ხუთმეტობით და აშობენ. რომ აშალი „სამხეთ-მეტი უნდაო“, ე. ი. სამჭერ ხუთმეტი, — ორმოცდა ხუთი და ერთი ც ყველის ან ხორცის გულიანი პატარა ქადა, რომელსაც „საწინაო“ ეწოდება. როგორც ვთქვით, აშალი ძალიან თხელი და პატარა ზომის პურებია. ამათ მიიტანენ ჯვარში და ერთ რაპე ქურქელში აგროვებენ. ბოლოს საღამო ჟამზე, ან დილას, როცა „მზის წვერნია“, დასტურები ასწევენ ამ აშალს, გაიტანენ იქ, სადაც საამისო ადგილი ცალკე არის მიჩენილი, და ხუცესი მოახსენებს შენდევნაირად (აშალს ხუცობა არ სჭირდება): „ღმერთა ადიდას თქვენ ძალი, თქვენ სახელ-სამართალი, მიქიელის ლაშქარო, ხთისაგან გამაშობილნო, ხთისაგან წყალობა ნაქნარნო. თქვენად სამთაგროდ, თქვენად გასამარჯოდ შიკმარით ეს სათამაშო (აშალს ასე უწოდებენ მკითხავის ენით), თქვენ მეხვეწურთად საშველოდ, სახიოშნოდ, სამწყალობნელოდ მაიკმარით. თქვენდ სათამაშო არ დაუკლავისა-დ თქვენს წყალობას ნუ დააკლებთ, შანაცოდგარი, შანაწყინარი შაუნდევით, დალოცვილნო, რასაც შაგაწყენენთა, შაგოდევებნთ პირის ქარითა, ფეკის ნალითა, იხვიენილით თქვენ მეხვეწურნი, დალოცვილნო, იხვეწნილით, მე თქვენ შამამხვეწებიანა-დ თქვენ თქვენს გამჩენს მორიგეს ღმერთს შახვეწენით. შველდითა, სწყალობდით, სცევდითა, ზფარევიდით თქვენთ მეხვეწურთ. გამარჯვება თქვენდა, თქვენის გამჩენის ხთისად“. დაწერენ ყველანი პირჯვარს და იტყვიან: „სწყალობდას მეხვეწურებს მიქიელის ლაშქარნი, საწალმართოდ მათარას“.

სანამ ხუცესი მოხსენებას შეუდგება, მანამდინევე ერთი დასტური ხმაჟალა დაიძახებს: „ყმაწვილებო, აშალი, აშალი!“. სოფელში ამ ხმას ბავშვები ადვილად გაიგონებენ, რადგან სინარულით ელოდებიან და ცამორბიან აქით, სადაც „აშალი უნდა დაიშალოს“ (ასე უწოდებენ). მოიყრიან თავს, ხუცესი ისევ დარბასში წავა და დასტურები აარჩევენ „საწინაოებს“ (საწინაო იმიტომ ჰქვია მას, რომ აშლის დაშლის დროს პირველად მათ გადაუყრიან ბავშვებს). ზოგი ბავშვები შეამხანაგებნიან და ამ შეამხანაგებას „ბელი“ ჰქვია. ერთიმეორეს ეტყვიან: „ბედნი ვიყვნათო“, ე. ი. ამხანაგნი, და აშალს რასც მოკრეფენ („დაიტაცებენ“), ბოლოს გაიყოფენ.

დასტურები პირველად საწინაოებს თითოობით შორს გადაუგდებენ ბავშვებს. ბავშვებში ვინც მარდია, მოასწრებს და აიტაცებს. საწინაოების გადაყრა რომ მოთავდება, მთელს აშალს გადაუბნევენ. აქაც ბავშვები ეცემიან და იტაცებენ, რასაც ვინ მოასწრებს. აშლის და საწინაოების გადაყრის დროს დასტურებმა ხუმრობა იციან, გაუქნევენ ხელს ბავშვებს, ვითომც გადაუგდებენ რაშეს და როლში შესული და აშლის ტაცებით გატაცებული ბავშვები ხელის გაქნევაზედაც ერთი-

მეორეს აწყდებიან. აწლის დაწლა მოთავდება. ვინც თავისთვის და-
იტაცა აწალი, ხოც მიაქვს მარტოს და თუ ვინმე ვისიმე „ბედნი“ იყო,
ასინი იყოფენ. შეიძლება სამ-ოთხნიც იყვნენ „ბედნი“ და ორნიც.

ეს ამბავიც რომ მოთავდება, ახლა დასტურებს უნდა გამოლოცვა
(ასე ჰქვიან ხატიდან გამოსვლას და შინ წასვლას). გამოლოცვისათვის
დიასახლისი გამოაცხობს ერთ დიდ ხავიწიან ქადას და ერთ საკვირაოს.
გააკეთებენ სანთელს და სამ ღერს ერთიმეორეზე დაგრეხენ. დადგა-
მენ „გამასამალოზე“ (ასე უწოდებენ ამ ქადას) სახუცო კოჭობს, ჩა-
ასხამენ ლუდს და ხუცესი შეუდგება ხუცობას (გამასამალოზე მთა-
ვარანგელოზს აღარ ახსენებენ, ახსენებენ მედარბასე ანგელოზთ.
ხალხის რწმენით დარბასს ჰყავს თავისი საკუთარი ანგელოზები, რომ-
ლებიც ყარაულობენ მას და გამასამალოთი უნდათ ეს ანგელოზები
მომადლიერონ). ხუცესი იწყებს შემდეგ ხუცობას: „ღმერთმა აღიდას
თქვენ ძალი, თქვენ სახელი, მედარბასენო ანგელოზნო, თქვენად სამ-
თავროდ, თქვენად გასამარჯოდ მაივმარით ეს სეფე-სანთელი, სადიდე-
ბელი“ და ა. შ. ამაჲ რომ დაამთავრებს (კურთხევა არ უნდა), ჯერ ხე-
ლოსანი იტყვის, დასტურებაც ჰყვებიან და ამწყალობებენ: „გწყა-
ლობდასთ ჯვარიონთ მედარბასეთ ანგელოზთ დავლათი, მშვიდობით
გამყოფნასთ, ნურაით შავისაწყინდასთ, მეწალმართე ანგელოზი დაგა-
ყოლასთ, დასტურთ დასტურობა ნუ შავანანასთ, კელოსან დიდხან გა-
გიყოლასთ, დიასახლისს სწყალობდას, ნუ შავანანას დიასახლისობა, კე-
თილას კაზმვაი“.

ამის შემდეგ ხუცესს მისცემენ სახუცო კოჭობს. ისაც პატარა დი-
დებას კიდევ იტყვის: „ღმერთმა აღიდას ამ ჰქვა-ბარძივზე, სეფე-სან-
თელზე თქვენ ძალი, თქვენ სახელი, მედარბასენო ანგელოზნო, თქვე-
ნა სამთავროდ, თქვენად გასამარჯოდ მაივმარეთ ეს სეფე-სანთელი, სა-
დიდებელი, ხთის კარზე შაიტანეთ, თქვენიმც ძალი, სახელ დიდდები-
სა-დ ჯსენდების“. ამ სიტყვებით ხუცესი თასს მაღლა ასწევს და კი-
დევ იტყვის: „გწყალობდასთ დასტურთ, საწალმართოდ შავიარასთ.
ჯვართ დიდებაი, მეხვეწურთ წყალობაი“ და დაღვეს ლუდს. თასს ჩა-
მორათმევენ და თავის ადგილზე მიაბრძანებენ, თუ კიდევ რამეა, დაღვე-
ვენ და შეუდგებიან ნარჩენი ქალების, ხორცისა და ტყავების განა-
წილებას („ნახერის გასწორებას“). ხშიად-საკვირაო საკუთრად ხუცესს
რჩება, ხავიწიანი ქადის ნაწვრეთები, თუ წვერი არა აქვს მოტეხილი და
მთელი არის, აქაც ხუცესს წილი აქვს; საში დასტური და ხუცესი ოთხად
იყოფენ. დამტვრეული ქალები, პური და მოხარშული ხორცი სამ დას-
ტურს გაუნაწილდება, მხოლოდ რაც მოსახარში ხორცი დარჩა, ამას
გაიყოფენ ოთხად დასტურ-ხელოსნები, აგრეთვე ტყავებსაც ოთხად
ყოფენ.

დიასახლისს ყოველ დამისთევა — ეამისწირვაზე ეძლევა დიდი ქადის ბეოთხელი. მას მიაქვს ამისი ნარჩენი. თუ საკლავები ბევრი დარჩა, ერთ კარგ ცხვარსაც მისცემენ გატყავებულს.

განაწილების დროს არ შეიძლება თავისთვის რამე მოინდომონ და რაც ერგება, არც იმაზე შეიძლება უარის თქმა — რადგან ორივე შემთხვევაზე გაწყდება ჯვარი.

ასე მოთავდება გიორგობა. ჯერ დიასახლისი წავა, გაჰყვება ერთი დასტური და წაუღებს ბარგს. წასვლის დროს ეტყვიან: „წყალობა წაილი მთავარანგელოზისა, წალმ გამაგყვას მთავარანგელოზის დავლათი“. „თქვენ იყოს მწყალობელი, ჯვარ გეწერასთ“ — ეტყვის დიასახლისი და წავა. მერე დასტურები მადლს მოსთხოვენ (ასე ეწოდება პირჯვარს რო იწერენ და ეხვეწებიან სალოცავს) ჯვარს, ერთმანეთს გამოემშვიდობებიან და წავლენ.

დამთავრდება გიორგობა.

მ რ ი ს ტ ი (შ ო ბ ა)

გიორგობის შემდეგ მოდის დღესასწაული „შობა“, რომელსაც ხევსურულად ჰქვიან „ქრისტე“, მაგრამ მანამ ქრისტე მოვიდოდეს, გადაიხდინან „მ არ ხ ო შ ა მ ა ე ს“. „მარხოშამაე წუხრას“ ოჯახებში ყველა აზხადებს ვანშამს. თუ ვისმე არაყი აქვს, ერთ-მეორესაც ეპატივებიან. ვანშამზე იციან ხინკალი, ან კეცეული, შეიძლება ფაფაც. დიასახლისი დააზხადებს გულს. გაურევს ერთიმეორეში მკერატლით ჩაჭრილს ხორცს, კომბოსტოს, შიბუს (ლანძილის მსგავსი ბალახის მწნილია), მოხარულ კარტოფილს და ყველს. ამის გულს ერთიმეორეში არევს და გააკეთებს ხაჭაპურებს, გამოაცხობს ზედგანზე და ნაცარში, როგორც ზემოთ ნათქვამია სასანთლებების გამოცხობაზე. მერე გაბანს წყალში, გაბოხს გაბანილ გვერდზე და დააწყობს ერთიმეორეზე. თუ აქვს, დადგამს თხილიან ჯამს ან სხვა რამესაც. ადგება დიასახლისი, ხანდახან მამაკაციც და მიცვალებულისათვის „დასდებს სახელს“. ამ შანდობის თქმას რომ მოათავებს, დადგამენ ტაბლას, დასჭრიან კეცეულებს, ჩადგამენ ჯამებით ერბოს და დაუწყებენ ჭკასას.

ეს ამბავი იწყება შობის ერთი კვირის წინ, ეს მარხვა ხევსურულად შეიძლება დღეს გრძელდება. მერვე დღეს არის „ქრისტე“.

დღესასწაული რომ მოახლოვდება, ჩვეულებრივ იხარშება „საქრისტო ქვაბები“ (ლუდის მოხარშვას ქვაბის დუღებას ეძახიან). მარხვა რომ შეიკვრას, დასტურები ისევ მივლენ ჯვარში და როგორც ზემოთ აღწერილია, ადუღებენ ლუდს. ლუდს რომ აადუღებენ და ხუცესი საფუებად „შაჩყრის“. იმის შემდეგ იგი ჯვარში ცხოვრობს. დასტურებიც ეზხადებიან საწელწლო ქვაბების დასაყრელად. გაივლის მარხვის ერთი

კერა და დასტურ-ხელოსნები კვლავ ყველანი იყრიან თავს ჭვარში. დღეობა ჩვეულებრივი ეკლესიის რელიგიურ დღესასწაულთან იყო დაკავშირებული. წინათ იცოდნენ, ამა თუ იმ დღეობისას ცნობილი ვარსკვლავები სად რომელი უნდა ყოფილიყო დადამების ან გათენების დროს. მერე კი ეკლესიები რომ შემოსულა, დაუკავნირებიათ იმ დღესასწაულთან.

ოცდაოთხ სალამოს თავს მოიყრან დასტურ-ხელოსნები, (ქრისტე სოფელში სამ-ოთხ ადგილზე იციან). ერთი დასტური გაიგზავნება დიასახლისის მოსაყვანად. დიასახლისს ჩვეულებრივ მომზადებული აქვს მასანთობები; გულში ჩააწყობს ბოქოლებს (სამკუთხედ პატარა პურებს), სანთლის მაგიერ მუშს.

ჭერ „მწვერის საფლავის“ პირდაპირ გალავანთან ანთებს მუშს და ევედრება მწვევართ — რასაც აწყენს, იმის პატიებას. მერე ცოტათი გაივლიან და „ლაშქართ“ პირდაპირ ასრულებს ასეთივე წესს. მერე ჭვართავე გალავანზე გადასასვლელ ადგილას, მერე ქვევართან, მერე სადიასახლისოს კარებთან, მერე სალუდე ქვაბთან და ბოლოს შოანთებს იქ, სადაც ვარცი უდგას. ღმერთს ეხვეწება შველას, დახმარებას, რასაც აწყენინებს, ყველაფრის პატიებას. ბოლოს დაჯდება სადიასახლისოში, ცეცხლი იქ დასტურის მიერ არის დანთებული და დიასახლისი შეუდგება ხაიწის დუღებას, ხაიწი ცოტათი გაიყინება და „ჩანახით“ ასწყავს. ჭერ გააკეთებს ღამისსამთელს, მერე, როგორც ზემოთ აღვნიშნეთ, ხმიად-საკვირაობებს. ხმიადი უნდა ცხრა, საკვირაო ოთხი, ღამისსამთელო ერთი დიდი ქადა. მანამდინ ღამითევას შეუდგებიან, ჭვარიონნი სხვა წვრილმან წესებს ასრულებენ.

ხუცესის გარდა აქ კიდევ არის ერთი ხელოსანი, რომელსაც აბარია დროშა. დროშა ზოგიერთ დღეობაში გარეთ უნდა გამოვიდეს და ზოგში არა. სწორედ ამ დღეობაში (ქრისტე) უნდა გამოაბრძანონ გარეთ, მხოლოდ მის გამობრძანებას უნდა ერთი სანაჯალავი, რომ ამ საკლავის სისხლით გაინათლოს ხელოსანი, რომელიც ამის მერე „გაწმიდება“ და გახდება ღირსი, ხელი შეახოს დროშას და გამოაბრძანოს. (დროშა არის შემდგარი სამი სუფთად გათლილი, დაახლოებით მეტრნახევარიანი ჭოხებისაგან. ორ ჭოხს თითო ნაპირზე ჩამოკმული აქვს ძველებური შუბები. ერთს კი ვარცხლის ჭვარი და ზედ შებმულია პატარა ზარი. დროშის ტარზე აგრეთვე შებმულია ხალხისაგან შეწირული ქრელი და თეთრი „ბაღდადები“ და ხელსახოცები. დროშა ძალიან წმინდად მიაჩნიათ და გარდა ხელოსნისა, რომელსაც ეს დავალებული აქვს. ხელს ვერაფერ ახლებს. ისიც მაწინ მოჰკიდებს ხელს, როცა საკლავს დაკლავს, მის სისხლს შუბლზე და გულზე წაისვამს და აპითი განიწმინდება).

დროშა უნდა გამოიყვანოს ხელოსანმა, მაგრამ ამ დღეობაში არის სულ განსაყუთრებული ამბავი და წესი. ერთს კაცს, გვარად ნაროზაულს, ძველ დროს დევი გაჰქცევია, რომელსაც ის ხმლით დასდევნებია, დევი ჭვარის ვალავანში გადამხტარა, რადგან უფიქრია, ის იქ არ გადაჰყებოდა როგორც ჭვარნი შეხიზნულს (ამას ხევისურული წესი სასტრუად კრძალავს), მაგრამ გააფთრებულ კაცს ეს აღარ მოჰგონებია, გადაჰყოლია თან და ჭვარში მოუქლავს. ამაზე, ხევისურების რწმენით, ჭვარი გაწყრა და იმ კაცის საქმე ცუდად იყო, თუ მკითხავეების რჩევით „ძენგლს“ არ დაიდებდა. ძენგლის დადება ჰქვია იმას, რომ როცა კაცი რამე დიდ დანაწაულს ჩაიდენდა, მაშინ ერთ-ერთ დღეობაში იკისრებდა ან ღამისთევას ყოველწლიურად, ან საკლავის დაკვლას ყოველწლიურადვე დანიშნულ დროს და ღღეს, ან „დროშათ განათულას“ წელიწადში ერთხელ (დროშათ განათულა ჰქვია საკლავს რომ დაკლავენ და მის სისხლს „უწვევენ“ დროშას) და სხვა. წინათ არ ყოფილა წესად დროშათ გამოყვანა ქრისტეს და ამ ნაროზაულს დაუდვია თავზე ძენგლი — ჭრისტეს ღამისთევია, უამის წირვისა და დროშათ გამოყვანის ხარჯის გაწვეისა. ე. ი. ამ დღეობაში მისი ჩამომავლობა განათლავს ხელოსანს და მათ ხარჯზე გამოდიან დროშანი. (ძენგლი გრძელდება შთამოწავლობაზე), ნაროზაულთ გვარში ცალკე გვარად იყვნენ თამარიზქენი, რომელნიც ქრისტეს წინა ღღეს მოიყვანდნენ საკლავს. გამოვიდოდნენ ხუცესი, ხელოსანი და დასტურებიც. თამარიზქეთ კაცი ვინც იქნებოდა, ხუცესს ეტყოდა: „ამენდით, ჭვარიონო, წალმამც წაგივით დღეი დღეობაი“. „დაშვენდი, მაგვიხვე მშვიდობით, მშიდობით შენ მანვლა, წყალობა მიქიელისა, წალმ მაგეგებას მიქიელის დავლათი, ნუ შაგანანას ძენგლისა, დანადების შასრულება“, — ეტყვიან დასტურ-ხელოსნები. ჭერ ცოტაზან დასხდებიან, ისაღბრებენ და მერე ხუცესი, ხელოსანი და ერთი დასტური მივლენ სასაკლავესთან. დასტურს ჩვეულებრივ ცხვარი უჭირავს ხელში, ხუცესს — დანა და ხელოსანი ისე ღდას იმათთან.

ხუცესი დააწყალობნებს ძენგლის შემსრულებელსაც და ყველა იქ მყოფთაც. ყველაში ერთხმად აქოაქოაუდებიან: „გწყალობდასო მიქიელის დავლათი ძენგლის შამსრულებელს, საწალმართოდ მაგიარასო, მშვიდობით შაგინახნასო, ნუ შაგანანასო ძენგლის დანადების შასრულება, კლოვ უკეთი გულით მაგკერძასო, ზალიზ მაგცასო, ბალინჯ მაგარიდასო“.

ამის შემდეგ ხუცესი შეუდგება ხუცობას. დასტური ჩვეულებრივ ფეხებს უჭერს საკლავს, ერთ მუხლზე თითონ ზის და მეორე მუხლზე საკლავს იწვეს მარცხენა გვერდით პირადმოსავლეთისაკენ. ხუცესი ყელში ჩაუდგებს დანას და გამოსურის შიგნიდან გარეთ (კურახევა აქ საჭირო არ არის; არ იციან).

ყელგამოტრიალ საკლავს დასტური დადებს სასაკლავე სიბზე, ხუცესი ჩონის კალთით გასწმენდს. სისხლიან დანას, ჩააგებს ქარქაშში და იტყვის: „გწყალობდასთ, თამარაზდენო, მიქიელის დავლათი. საწაღმართოდ მაგიარასთ, მშვიდობით შეგინახნასთ, კლოვ უკეთი გულით მაგვერძასთ, ნუ შეგინახნასთ მსახურებაი“.

აქ მინდა მკითხველს გავაცნო, ხალხის გადმოცემით და რწმენით, თამარიზძეთ კაცმა როგორ მოკლა დევი და რაზე დაედო ძენგლი.

დევები წინათ ბევრი ყოფილა და უწუხებია ხალხი. თურმე ღამით თუ წავიდოდა სადმე კაცი, დახვდებოდნენ და ეჭიდებოდნენ. დევებს ღვთიდან ჰქონდათ ნაბრძანები, რომ რა ძალის კაციც შეხვდებოდათ, მეტ ძალას ვერ მოიხმარდნენ და იმავე ძალით შეეპებოდნენ. ახიელში არის სოფლის გერდღე ერთი ვიწრო და კლდიანი ხეობა ნეთხირო. ძველი ხალხის რწმენით, ეს ხეობა დევების საცხოვრებელი იყო. იქ ღამე სიარული არ შეიძლებოდა და თუ ვინმე წასვლას გაბედდა, ვაი იმას, აუცილებლივ მოეჩვენებოდა დევი; ის კაცი ან შიგბმოდა, ან შორიდან შეაშინებდა და გააგოყებდა. ს. ახიელში იყო იმ დროს ერთი კაცი ფუნჩა, რომელსაც თოფი ჰქონდა. თურმე დევებს მარტო ფუნჩასი და თოფისა ეშინოდათ, ხეობიდან რომ წავიდოდნენ, გაივლიდნენ სოფ. ახიელს და ჩავიდოდნენ არხოტის ჯვარში. იქ დაღევდნენ რაც ლუდი იყო სულ და წავიდოდნენ ისევ ნეთხიროს. გამოვლისას ფუნჩას საბლთან მივიდოდნენ და დაუძახებდნენ: „ფუნჩ შინ ასა?“ შინ არისო, თუ დაუძახებდნენ, დევები იკითხავდნენ: „კუ წინ აქა?“ (კუ — თოფი). აქვსო, თუ ეტყოდნენ, დევები უკანვე გაბრუნდებოდნენ. თუ არა, ჩავიდოდნენ და დასცილდნენ ლუდიან კოღეპს (არხოტის ჯვარს ხვთიდან არ ჰქონდა მოლოცვილი დევებთან ბრძოლა). ამ დროს არც გორული ჯვარი იყო მოყვანილა, (გორულ ჯვარსაც უწოდებენ. ჯაჭველსაც და წმიდა გიორგისაც. მას აქვს დევკერბთან ბრძოლა ხვთიდან მოლოცვილი). ხალხი რომ შეწუხდა. წავიდნენ ქავთარნი და ოჩიაურნი და საიდანაც მოყვანეს ჯაჭველი დევებთან საბრძოლველად. ჯაჭველი დაარსდა ერთ ხმელ გორზე და დაერქვა „ჯაჭველი ხმელის გორისა“. მან დაუწყო დევებს ბრძოლა და შეაშინა ისინი. მაგრამ ჩუმად ერთი დევი მაინც იპარებოდა და სვამდა ლუდს. ერთხელ ღამით თამარიზძეთ ვიღაც პაპის-პაპას მოესმა დევის ხმა. მაშინ ფუნჩის მეტს თოფი არავის ჰქონდა. თამარიზძეთ კაცი გამოუარდა ხმლით და დევს გზა შეუტრა. დევმა მხარი აუქცია და სხვა გზით წავიდა. ის კაცი დაედევნა, დევი გაიქცა და მაინც ლუდს მივარდა დასაღვივად. კაცი შევარდა ჯვარში და დაინახა, რომ დევს თავი კოდში ჰქონდა ჩაყოფილი. ეს კაცი ჯაჭველის ყმა იყო და ძალი იმისაგან ჰქონდა. დაჰკრა ხმალი კისერში, თავი გააგდებინა და დევის სისხლით აივსო კოდი. ჯვარი გაჯავრდა, რადგან ჯერ იქ შეხიზნული

დები მოკლა, მერე დევის სისხლით მოსვარა დარბასი. ანტომ ჯვარის გულის მოსავებად ამ კაცმა საშვილ-შვილიშვილოდ დაიდო ხსენებულ-ლი ძენგლი.

ხელოსანი, წესია. განათვლამდე დღეში საჩქერ იბანს ტანს, თუ მეტისმეტი სიცივე არ არის. მდინარეზე, თუ არა სახლში, მაგრაჲ სახლში ტანის დაბანა მიანიჭ მიღებული არ არის. სანათლავს რომ პირველად დანას გაუყრის ყელში და პირველი სისხლი გამოუვა, ვინც ინათლება, ის ორივე ხელს მიუშვერს და სისხლით შეიღებავს ხელებს (ანიტომ ჰქვიან „მუჭათ სანთელი“). მერე ხუცესი შუბლზე და გულზე სისხლში ამოვლებულ თითს წაუსვამს და ჯერებს გაუკეთებს. ამ წესებზე შესრულების შემდეგ ხელოსანი, ხუცეს-დასტურები და ძენგლის შემსრულებელი ყველანი შევლენ დარბასში. ძენგლის შემსრულებელს მიტანილი აქვს არაყი და ყველას დააღვივინებს. ხელოსანი იღებს დროშის ტარებს, დააწყობს ერთ ადგილას, მიიტანს დროშის მოწყობილობით სავსე „ტაგრუცს“ (ზის ყლით), დაიდგამს და შეუდგება დროშით მომზადებას, ანუ დროშით აბმას. პირველად იღებს ერთ დროშის ტარს, იწერს პირჯვარს და იტყვის ჩუმად: „ნუ რაით შამიკოდვებთ, დალოცვილნო“. ხელოსანი დროშით აბმამდინ არავის დაეღაპარაკება და არც ხმას იღებს. პირველად ერთ წვერში მოახვევს დროშის ტარზე ერთ ხელსახოცის წვერს და ჩამოაცვამს ზედ შუბლს, მერე დროშის ტარს ორ-სამ ადგილას კიდევ შეაბამს შემკობილად ჭრელ ხელსახოცებს ან აბრეშუმის ბაღდადებს და იქვე დანიშნულ ადგილზე მოაყუდებს. მეორესაც ასე გამოაწყობს, მესამეს ვერცხლას ჯვარს გაუკეთებს და ზედ ზარს შეაბამს. სამივეს რომ გაამზადებს, ტაგრუცს დაკეტავს და თავის ადგილზე დადგამს. ჯვარიენები გაიგებენ, რომ დროშა მზად არის და ყველანი გავლენ „დარბასის კარში“. მიდროშავე (ხელოსანი) იღებს დროშას ორივე ხელით და დააწყებინებს ზარს წყარუნს. შემოუვლის ასე დარბასის ყველა კუთხეს და მერე გამოვა გარეთ, „დარბასის კარსაც“ ნემოვლის ზარის წყარუნით და მიიტანს თავის დანიშნულ ადგილას, სასაკლავესთან ახლო. აქ დადგება პარალმოსავლეთისაკენ. დაიდგამს სამივე დროშის ტარს მარჯვენა ფეხზე და აწყარუნებს ზარს. ამ დროს ხუცესს უჭირავს „მეძენგლის“ ე. ი. ძენგლის შემსრულებლისაგან მოტანილი არაყით სავესე კოჭობი და იწყებს ხუცობას: „ღმერთმა აღიღას შენ ძალი, შენ სახელს-სამართალი, მიქიელის დროშით მცაო, მთავარო ანგელოზო, შენა სამთავროდ, შენა გასამარჯოდ მაიკმარი ეს ჭიქა-ბარზიმი, სადიდებელი შენ მეძენგლეთად თამარიზმეთად, მედროშის ივანესად, საშველოდ, სახოიშნოდ, სამწყალობნოდ მაიკმარი. ხთის კარზე შაიტანი, ღირსეულად იწირი, ღმერთი შენს ბატონობას გაუმარჯვებს“... და სხვა ჩვეულებრივი ხუცობა. ბოლოს იტყვის: „ჯვართ დიდებია, მეხვეწურთ წყალო-

ბაი“ და დალევს ცოტა არაყს. მერე დასტურებსაც მისცემს, ხელოსან-საც და ყველანი დაილოცებიან ისევე, როგორც ხუცესი. თასი რომ გამოიცილება, ჩამოართმევენ, თავის ადგილზე წაიღებენ, და მედროშა-ვეც სამივე დროშას ერთად მიაყუდებს დანიშნულ ადგილას.

აქვე საჭიროა ვთქვათ, თუ საიდან არის დროშის მოწყობილობა შეძენილი; ყოველივე ხალხისაგან შეწირულია. თუ წავა ვინმე საღმე ქალაქში, იყიდის ან გაჰყიდის რამეს და ისარგებლებს, მაშინ ჯვარსაც წილს უდებს. იყიდის ბაღდადს ან ხელსახოცს. შეიძლება ავად იყოს და მკითხვამაც უჩიოს: ერთი ბაღდადით დროშის ტარი დაამშვენო. შეიძლება თვითონაც მოისურვოს — მოდი კარგ რამეს შევეწირავ და იქნება კარგი რამე მომენიჭოსო. შეიძლება ახალმა მოყვანილმა რძალ-მა შესწიროს თავის საღმრთელად.

დროშას რომ თავის ადგილზე მიაყუდებენ, მერე შეუდგებიან ღამისთევას. დატური ჩვეულებრივ შემოიტანს ღამისაძილს (აქ გამოძრა: დროშა რჩება გარეთ ექვს იანვრამდინ და ამ ხნის განმავლობაში სოფლის ქალები დროშის პატივსაცემად ხელსაქმეს არ აკეთებენ), დააწყობს სპილენძის სამფეხა ტაბლაზე ჩვეულებრივ, ხუცესი გახსნის ლუდს (სხვათა შორის ქრისტეს არხოტის ჯვარში ლუდი ბევრი არა აქვთ, მაგრამ სხვადასხვა ჯვარებიდან სცემენ პატივს და უგზავნიან) და ავსებენ ლუდით სამს თასს: ერთი სახუცო კოჭობი იქნება და ორი სხვა ვერცხლის თასი, დააკრავენ სამ — სამს ერთმანეთზე დგრიხილ სანთელს, მოუკიდებენ ცეცხლს, ყველანი ქუდშობილინი ფეხზე დადებიან და ხუცესი ხუცობს... და შემდეგ როგორც გიორგობის დამსთევავი არის თქმული, იგივე წესი სრულდება უცვლელად. ხუცობის დამთავრების შემდეგ არის მეორე დამსამთულო მცენებლისა. ხუცესი მასაც ასეთივე წესით ხუცობს: „დიდება ღმერთსა, მადლი ღმერთსა“ და სხვა. მხოლოდ აქ ჩაურთავს „მეხვეწურისად, მეძენგლისად, მაგის თავისად, ჯალაფობისად“, ხუცობები რომ მოთავდება, ხუცესი აიღებს ხელში თასს და კიდევ გაადიდებს: „სწყალობდას მეხვეწურთაცა-დ მაყურებელსაც“. „ჯვართ დღებაი, მეხვეწურთწყალობა“ — იტყვიან ყველანი და შეუდგებიან სმას. ამ დროს ვისაც თასები არ უჭირავს, იღებენ ფანდურს ხელში (ჭირის პატრონი აქ აღრე იქნება მოსული და ფანდური ექნება გატეხილი. ჭირის პატრონი დღეობის წინა დღეს სამართებელსაც მიიტანს და მის მიცვალებულზე მოშვებულ სამგლოვიარო თმა-წვერს მოაპარსენებს ყველას, რადგან არ შეიძლება წვერმოშვებულმა კაცმა ჯვარის წესი რამე შეასრულოს. ჭირის პატრონი ვალდებულია მოაპარსენოს, რადგან მისი ბათრით არ იპარსავენ პირს). ერთ-ერთი დაუკრავს და იმღერებს რამე ძველ სიმღერას.

ბოლოს განოსცილან თასებს, მომღერლები ფანდურს გააჩუმებენ და „მუხლზე დასხდებიან“ (მუხლზე დაჯდომა ხდება ყოველთვის ცალ მუხლზე). თასიანებს თასებს ჩამოართმევენ, რომლებიც ჩამოართმევის დროს ეტყვიან: „მტერს ჩამოართვით იარაღი, მტერი იყოს თქვენ კელ მარეული, მტერიმც ნუ მაგერვეისთ“. „ღმერთმა გაამასთ მუკლით“ — პასუხობენ მუხლზე მსხდომები და ღებვიან ფეხზე.

ღამისთვის წესები რომ მოთავდებდა, დაიწყებენ სმას; დალევენ და მოსყვებიან წარსულ ანდრეზების საუბარს (ანდრეზი ეწოდება ძველ გაღმაცემას), ლაპარაკობენ რელიგიურს, საგმიროს, რჯულისას და სხვა. ამალობაში მოიხარშება ხორციც, ხელოსანს სანათლაკის ნახევარი რომ დაუტოვეს (ჩვეულებრივ სანათლაკი პატრონს მიაქვს და ზღვენი ჯარში რჩება, მაგრამ ამ სანათლაკის ნახევარს უტოვებენ, რადგან აქ განსაკუთრებული მდგომარეობა არის; სანათლაკის მოყვანი სხვა არის და გაინათლა სხვა. ტყავი და ნახევარი ხორცი იგზავნება მეძენგლის სახლში). ხორცი რომ მოიხარშება, ამოიღებენ და დააწყობენ ტაბლაზე ასო-ასოდ დაჭრილს.

ხუცესი ღამისსამთელოს დაუხვამს ჯვარად დანას ამ სიტყვებო: „ღმერთო, გაუმარჯვი მთავარანგელოზსა, მთავარო ანგელოზო. შენ სწყალობდი ჯვარიონთ, დასტურსა, კელოსანს, ძენგლის შამსრულელებელს. შენი წყალობით შაინახენი“. დასტური გამოართმევს დანას, დაჭრის წერილ ნაწერეთებად. ჭადას: ერთ მეოთხედს დიასახლისისათვის ცალკე გადადებენ (დიასახლისს ყოველ ღამისსამთელო-ყამისსაწინაზე ეკუთვნის ერთი მეოთხედი), ხშიად-საკვირაოს ცალკე დააწყობენ — ეს საკუთრად ხუცესს ეკუთვნის. ნაწერეთებს დააწყობენ ტაბლაზე და იქ მყოფებს ტაბლასთან დასვამენ. თითოობით ყველა დაილოცება: „ღმერთო, გაუმარჯვი კემწიფესა. კემწიფეო, შენ სწყალობდი შენთ დასტურთ, მეძენგლეს, ხუცესს, კელოსანს, შენი წყალობით შაინახენი“. ამ სიტყვებით ყველა მოითებაეს ჰურს და ჭამენ. დასტურები ჩამოარჩებენ კარახანას და ყველას დაუდგამენ წინ ლუღით სავსე თასს. როცა ჭამას გაათავებენ, თითოობით იღებენ თასს ხელში და დაილოცებიან: „გამარჯება კემწიფესა, იმის წყალობა გქონდასთ ჯვარიონთ. დასტურსა, კელოსანს, მეძენგლეს. წეულსა მწყვდეულს, კელმწიფის კარის მლოცავს, თასიანებს კელთა გაამასთ, მემულელებს მუკლებო შაგარჩინასთ“.

როგორც აქ არის ნათქვამი, ასეთივე წესით დღეობობენ ყველგან. მხოლოდ არს ცოტა გარჩევა, რაც აქ იქნება მოყვანილი. შთის ვეშაგში დღეობა არის ჩვეულებრივ; როგორც აღწერილია გიორგობის დღეობაში: ხუცობა, ღამის თევა. სასანთლე, სანთელი, სადიდებელი და ა. შ. უნდა ითქვას, რატომ ჰქვიან მთის ვეშაგი. ზოგი მას მთის ვეშაგს ეძახის. აგრეთვე ჰქვიან გაბრიელ მთავარანგელოზი. ეძახიან

მომე მიქიელისას. ვეშაგი არის ყარაული (მთის ვეშაგი მთის ყარაული). როგორც გიორგობას მოვიხსენიეთ, ყველა ჯვარებიდან იგზავნება თითო დასტური, რომელსაც ნიაქეს თითო რვლის ჩხუტა ლუდი და ადარებენ ერთიმეორეს არხოტის ჯვარში.

ჯაბუშანურთ ბანურაში, ე. ი. მიქეელ კარის მეზობელში დაამზადებენ ლუდს, არაყს. მათ აქეთ ერთი თავისუფალი კონეც, რომელსაც ჰქვიაან ბაკათ ქვიტყირი. არხოტის ჯვარიდან მიაქეთ დაწახადებული სისწვენი (ანას, რა თქმა უნდა, ჯაბუშანურთ დასტური თვითონ ამცადებს). ბაკათ ქვიტყირში კოღს დადგამენ და ჩვეულებრივად აფუქლებენ ლუდს. ჯაბუშანურთ ჯვარში სხვა მოწყობილობა არაფერი აქვთ. სალუდე ქვაბს, თასებს და სხვა რამეს ხმარობენ არხოტის ჯვარისას. აქაც ჩვეულებრივ ჰყავთ დასტური თავის გგვარიდან. მხოლოდ ხუცესი თავისი არა ჰყავთ და რადგან ამათი ჯვარი მიქიელის მოძევა, მოჰყავთ მიქიელის ხუცესი. მიქიელას ხუცესი მაინც ნათი გვარიდან უნდა იყოს აუცლებლივ. ეს შემკვიდრეობით არის თითქმის.

ღამისსამთელოს და ჯამსაწირს თვითონ დასტური განაოცხოზინებს შინაურ დიასახლისს. ეს იქნება ხორცის, ყველის, ხაჭოს და ასეთების გულიანი. ღამისსამთელოს რომ მიიტანენ, ნამინ არხოტია ჯვარიდან ხუცესიც მოჰყავთ. დადგამენ კოდთან რვლის ჩხუტას, კოშს და სანთელს. იქვე ტაბლაზე იქნება დადგებული ერთი პატარა ქადა და ერთი საკვირაო. ამას ჰქვიაან „კოდ-საკურთხეველო“. მიიტანენ ქაფქირს და საჭიჩე ბაკანს. დასტური სთხოვს ხუცესს კოდის გახსნას. ხუცესი მივა, კოღს მოხსნის შემოჭირებულ თოკს და პირზე დაფარებულ ფარდავს, ქაფქირით. ნოხდის ზედ მოდგმულ ჰიკს და ჩადებს საამისოდ მიტანილ ბაკანში, ამოიღებს კოშით ლუდს და ასხამს საწდეში (ქვაბი იქნება თუ რვლის ჩხუტა საერთოდ საწდეს უწოდებენ). ავსებს ერთ სპილენძის თასს, დგას „კოდ-საკურთხეველიან ტაბლაზე და სამივე სანთლისაგან დაგრეხილ სანთელს აკრავს ზედ. მხოლოდ ერთ ღერ სანთელს კოდზე დააკრავს და შეუდგება კოდის კურთხევას. „ღმერთმა აღიდას შენ ძალი, შენ სახელ-სამართალი, მიქიელ კარის მეზობელო, მომნევ მიქიელისაო. შენა სამთავროდ. შენა გასამარჯოდ მაიჭმარი ეს კოდ-საფუარი, სადიდებელი. შენ ჯაბუშანურთად, მაგათ თავისად, ჯალაფობისად, კაცისად, საქონისად საშველოდ, სახოიშნოდ, საწყალოზნელოდ მაიჭმარი. შენდ დღეობა, რიგის ყენება არ დაუკლავად შენ შენს წყალობას ნუ დააქლებ. ხათის კარზე შაიტანი, ღმერთი შენს ბატონობას გაუმარჯვენს. ანინ, დიდება ღმერთსა, მადლი ღმერთსა, დიდება დღეს-დღესინდელსა, ძალს ხორასს, ძალს კვირაისას. დიდება-დ გამარჯვება შენდა, მიქიელ კარის მეზობელო, მომნევ მიქიელისაო. ღმერთმა გადიდას, ღმერთმა გაძრიელას, ამ კოდ-საფუარზე და სადიდებელზე. ღმერთმა მაგცას ცამდინ სიმალე, ზღვადინ სი-

მკარე. შევლვა. რგება. ხოიშნობა შენ მეხვეწურთად ჯაბუშანურთად. გე-
 სახან ჯაბუშანურნი, გეხვეწებიან. შახვეწნიდი. რასაც მკარზედა, გულ-
 ზე გიძახებდანი. იმ მკარ, იმ გულზე გაუგონიდი. რასაც წყალობას გე-
 თხოვებოდანი. გამჩენს ღმერთს დაუთხოიდი. წინაპირად კაცის მეხვე-
 წურნი კაცს კას დროს მათმატიდი, ღონე-ქონეს მათმატიდი, შენ ზღვენ-
 თა დიდებათ მემატიბის. ველთ ვინ გავიდოდას შენ მეხვეწურთ ჯაბუ-
 შანურით ყუდროშით, ბელსა, დავლათს შენს აკსენებდას, შენ ბედი,
 დავლათი დაჯპარიდი. შორს მყოფ ახლოს დაუხვიდი; შენ კაბის
 კალთა ჩაუფარიდი. სხვა ხორს ნაბადებ თუ რა უწყრებოდას, უპრუდ-
 დებოდას. მადლი დაუთხოვიდი, სხვასთან უშუიდი, თათრ უშველადი,
 თათრ გულწალმა. პირწალმ დაუბრუნდიდი. ხთის იასაულნ გამავიდო-
 დან ხთისაგან გამაშობილნი, კორციელთ ბეგრევიდან, ყალანს იღებდანი,
 შენ მეხვეწურთ ყუდროს ნუ მახკერძებ. ეკერძებოდას, ნებით ანდი-
 ვიდი. ნების ბაგარი გაატანევიდი, სხო ყუდრო-შარა გაასწავლადი,
 იხვიენადი. შენ მეხვეწურნი, იხვეწნიდი ავის დღისად, ლალის მტრი-
 სად, საზიანოს საქმიად. ჩემგან რაც დიდებას. კაენებას გაკლდებო-
 დას. მ-ქიელ კარის მეზობელი. შენს წყალობას მათმატიდი. შენ ჯა-
 ბუშანურთად კაცისად. საქონისად, ქუდონან-მანდილოსნისად მშვე-
 ლელი, მღბნელი. მხოიშნებელი, წალმამდეგემც ხარ. შველდი, სწყა-
 ლობდი, სცევდი. ხფარევიდი. გამარჯვებას შენსა, შენის გამჩენი ხთი-
 სასა“.

რომ დაამთავრებს, ჯარ ხუციესი დამწყალობნება და მეტი ყვე-
 ლანი აქოთქოდებანი: „გწყალობდასთ ჯაბუშანურთ კარის მეზობლის
 დავლათი. საწალმართოდ მაგარასათ, მშვიდობით შაგინახანასათ, ბეირ
 წელწად-ქრისტე მაგგვარასთ მშვიდობისა, კარგად ყოფისა (წელწა-
 დი — ახალი წელი, „ქრისტე“ — შობა) თქვენ მაგცასთ წყალობა
 წელსა. მწყევდელს (სტუმრებს). კარის მეზობლის მლოცა-ი ყო-
 რით მაცურებელს. დასტურ-ველოსნებს მაგცასთ წყალობა. დასტურს
 დასტურობა ნუ შაგინანას, კელოსან დიდხან გაგიყოლას, შაუყოლ-
 ვრად. შაუწყინრად შაგინახანას“.

დამწყალობნებას რომ მოათავებენ, თასს აღდებენ და ხუციესს მის-
 ცემენ. ხუციესი კიდევ იტყვის ცოტა დიდების სიტყვებს: „შენა სამ-
 თავრო, შენა გასამარჯოდ მაგმარი ეს კოდ-საფუარი-დ სადიდებელი,
 მიქიელ კარის მეზობელი. შენ მეხვეწურთად ჯაბუშანურთად საშვე-
 ლოდ, საზიონოდ. საწყალობნელოდ მაიქმარი, ხთის კარზე შაიტანი,
 ნაჯოთაჰ დიდი ხარ შენის. გამჩენის ხთის კარზე“. კიდევ იტყვიან:
 „გწყალობდასთ მეხვეწურსაც, მაცურებელსაც“, „თქვენი იყო მწყა-
 ლობელი“ — უპასუხებენ.

„ჯვართ დიდებაი, მეხვეწურს წყალობა“ — ამ სიტყვებით ხუციესი
 მოიყუდებს თასს და ცოტას დალევს, გემოს გასინჯავს და შეაუთავებს

ლულს, მერე სხვებსაც მიაწოდის ამავე თასს. ყველანი მოკლე სიტყვებით დაილოცებიან: „გწყალობდასთ მეხვეწურთ“, გასინჯავენ ლუდის გემოს და ყველა თავ-თავის გემოვნების მიხედვით შეაფასებენ. ამ თასს რომ გამოსკლიან, მოზრუნდებიან და დგამენ ახალ დასაძულ ლუდიან საწედს, დააწყობენ ტაბლაზე ღამისსამთელოს, ხშიად-საკვირაობებს და სამ ლუდიან სპილენძის თასს (აქ ვერცხლის თასები არა აქვთ), ზედ დააქრავენ სამ-სამის ღეროსაგან დაგრეხილს სანთლებს და ხუცესი შეუდგება ღამისთევას ჩვეულებრივი ლოცვებით, აქ სხვა ღამითევისაგან არაფერი გარჩევაა, მხოლოდ ახსენებენ „მიქიელ კარის მეზობელო“. ვითომ ეს პატარა მიქიელია და სოფელში მცხოვრებლების კარის მეზობელი არის, რადგან მისი სადღეობო სოფელშია და არა ისე, როგორც სხვა ჯვარები არიან სოფლის მოშორებით. მას ღამეს უთევენ. ხუცობა და კურთხევა სრულიად ჩვეულებრივია. ბოლოს, თასების დაკლის დროს უმღერებენ ერთიმეორეს (ახვათა შორის არის ახიელში ისეთი ჯვარები, რომ ქრისტე არ იციან, ასეთებს დაპატიებენ ისინი, ვისაც დღეობა აქვთ). ერთი აიღებს ფანდურს (ჭირისპატრონი ადრე მივა და გასტეხს ფანდურს), დაუკრავს და იშლერებს რაიმე ძველ სიმღერას. სხვა ფეხზე მდგომებიც ამასვე გაიმეორებენ. უმღერებენ ჯაბუშანურებს საგმირო სიმღერებსაც, რადგან ჩვეულება არის, რომ ვისი გვარიც პატიუს სცემს, მათ სასიამოვნოდ მათი წინაპრების საგმირო სიმღერებს მღერაინ. ისინიც სიმღერაზე უბასუხებენ. სიმღერა ბოლოს, თასის ჩამოყრით და მჯხლიდან ზეზე ადგომით დამთავრდება. დასხდებიან და დაღევენ ცოტ-ცოტას. ცოტა პურსაც შექამენ. ხუცესი წავა არხოტს ჯვარში. ჯაბუშანური კ: დიდ სტუმართმოყვარეობას იჩენენ და პატიუს სცემენ წლი. განაჯლობაში ერთადერთ საკუთარ დღეობაში დაპატიებულ სტუმრებს. ასეთივე წესით სრულდება „ბადათ დღეობაც“. ბ დანი არიან ნაოროზაულლების ქვეგვარი: ძირითადი გვარი არის ნაოროზაული და გააოზა ისინი კიდევ იყოფიან ქვეგვარებად: ბადანი, ქავთარნი და ჩაბაკორნი. ქავთარნი დღეობობენ ოჩიაურებთან ერთად და ჯაჭველში ასე იხსენიებიან: „ქავთარ-ოჩიაურნი“. ბადანი დღეობას იხდიან მარტო ერთხელ — ქრისტეს. სხვა დღეობებს ისინი არ იხდიან. მათ სალოცავს უწოდებენ ჯაჭველის ლაშქართ. ჩაბაკაურთ ჰყავს კიდევ თავისი საკუთარი ჯვარი ჯაჭველთან ერთად, რომელსაც ეძახიან გიორგი ხმელის გორისას, და ხსენდებიან ერთად ჯაჭველი და გიორგი ასე: „ჯაჭველო, გიორგი ხმელის გორისანო“. თქმულება ისეთია, თითქოს ისანი ერთიმეორის მოამენი ყოფილან (ჩაბაკაურთ სალოცავს — გიორგის მეორე სახელსაც ეძახიან — მიდლორის ჯვარს. როცა მოსახლეობას დანი შეაწუხებს, ან ავდარი, მაშინ მას უკლავენ საკლავს დარ-ავდრის გამო-სასწორებლად. ამბობენ: ცა-ღრუბელთ ხელობა მავას აბარიაო. თუ

წვინიანობამ შეაწუხა კირნახელი, მინდორის ჯვარს დაუკლავენ საქ-
ლავს — გაადარტნსო. თუ დარბა და გვალვამ შეაწუხა ხალხი, მაშინაც
დაუკლავენ — მინდორის ჯვარი წვიმას მოიყვანსო).

ამგვარად, ქავთართა, ბადათა და ჩაბაკურთ ერთი ჯვარი აქვთ, ყვე-
ლა ნაროხაულია და კიდევ შიგნით ცალ-ცალკე ქვეგვარებად რომ იყო-
ფიან, ინათაც თავ-თავის სალოცავები ცალ-ცალკე ჰყავთ.

როგორც ვთქვით, ქრისტეს ბადანი დღეობებენ ჯაჭველის ლაშქარ-
ში. ისინიც ჩვეულებრივ აყენებენ დასტურს, რომელიც ამზადებს
ლუდს მარტო ამ დღეს. ამ სალოცავს ქონება არაფერი აქვს, არც
ვერცხლი და არც სპილენძი. ამიტომ ლუდს ისინიც არხოტის ჯვარში
აღუღებენ. კოდს კი დგამენ სოფელში, ერთ ჭერბოში სადმე. ისინიც
მოპატარებენ ხალხს. ქალები ჩვეულებრივ სასანთლეს და სადიდებელს
მიიტანენ. ღამისთევს ჩაატარებენ როგორც სხვაგან, ისევე აქ. ხო-
ცობა ისეთივე არის, მხოლოდ სახელი ასე იხსენიება: „ჯაჭველის ლაშ-
ქარში“. აქ ვაამზადებენ ყველაფერს. დაუძახებენ ხუციკს და იგი
შეუღვება კოდის გახსნას. კოდის გახსნა როგორც ჯაჭუშანურთ ჯარ-
ზე მოვხსენიეთ, ისევეა ბადათ ჯარზეც. გიორგის ანუ მინდორის
ჯვარის დღეობას ჩაბაკურნი მარტო ათენგენას და ამალვებას დოე-
სასწაულობენ. აქ კი ხუციკიც თავისი ჰყავთ, დასტურებიც ორნი არა-
ან. საქუთარი აქვთ სალუდე ქვაბი, დარბასი, საქვაბე და ზარი. აქა-
ურმა ხუციკმა და ხელოსანმა ორი კვირით ადრე ივიან ჯვარში მი-
სვლა. რაღაც „საწმიდარ გასვლას“ ეძახიან. ისინი აქ ცხოვრობენ. დას-
ტურები ლუდაც აქვე ამზადებენ, ღამისსამთელოს და უამსწირს
აცობენ სოფელში, დასტურის სახლში. ქადის გული იქნება ზორცის,
ყველის, ხაჭოს თუ სხვა სულერთია. საკოდე მათ არ აქვთ. კოდი აქვე
დვას დარბასში, ლუდიანი. საღამოზე მიიტანენ ღამისსამთელოს და
კოდ-სამკურთხევლოს. ღამისსამთელო ერთი დიდი ქადა არის და ზედ
აწყვიან ხშიად-საკვირაობეი. ერთი ქადა და ერთი საკვირაო არის კოდ-
სამკურთხეველი. კოდ-სამკურთხევლოს მიიტანენ, დააწყობენ ტაბლა-
ზე და დაღვამენ კოდთან. აგრეთვე მიიტანენ კოშს, რვლის ჩხუტს და
ერთ სახუცო კოჭობს. ხუციკი კოდა მოხსნის პირზე დაფარებულს,
ქაჭქარით მოაყლის კიჭს, ამოიღებს ლუდს, ჩაასხამს რვლის ჩხუტში
და აავსებს სახუცო კოჭობსაც. დააკრავს ერთ ხანთელს, სამ-ღერ გა-
დახვეულს. სახუცო კოჭობზე და შეუდგება ხუცობას. კურთხევაც ითე-
თევა. ბოლოს კოდ-სამკურთხეველო თასს იღებს ხუციკი. შეუძახე-
ლებს ჩვეულებრივ და გასინჯავს ლუდის გემოს. მერე სხვებსაც მის-
ცემს. ასრულებენ უკვე აღწერილ წესებს და მივლენ ღამისთევამდე.

ღამისსამთელო დაწყობილია ჩვეულებრივ, ზედ სამ ლუდიან თასს
დადგამენ — ერთს სახუცოს და ორს სხვას, დააკრავენ ხანთლებს და

ხუცესი ჩვეულებრივ ხუცობს. აქ ხუცობაში ახსენებს ჯაჭველს და ახვეწებს ქავთარ-ოჩიაურთ. ბოლოს, ხუცობისა და კურახევის დამთავრების შემდეგ, სახუცო კოჭობს მისცემენ ხუცესს, ორ იქვე მდგარ კოჭობს დაიჭერენ დასტურები და ხუცესი კიდევ იტყვის დიდებას:

„ამ ქიქა-ბარძიში შენ გადიდას, გაგიმარჯოს ღმერთმა, ჯაჭველო კმელის გორისაო. შენა სამთავროდ, შენს გასამარჯოდ მაიკმარი ეს ქიქა-ბარძიში, სადიდებელი. შენ ქავთარად, ოჩიაურთად საშველოდ, სახოინოდ, სამწყალობნოდ მაიკმარი, ხოთა კარზე შიიტანი, ღმერთი შენს ბატონობას გაუმარჯვებს“ და ა. შ. როცა მოათავებს, თასებს ყველანი მაღლა სწევენ და ნელი ხმით ლაპარაკობენ: „ისძინეთა, გაგონეთ გამარჯვებას თქვენსა, თქვენის გამჩენის ხთისას“. ბოლოს ამბობენ: „ჯვართ დიდებაი, მეხვეწურთ წყალობა“ და სვაჲნ თავ-თავის თასებიდან. აქაც ჩვეულებრივ უმღერენ თასიანებს უთასოები.

ბოლოს გამოიცილება თასებიც. ჩამოართმევენ და მიაბრძანებენ თავთავიანთ ადგილებზე. დაახამენ ლუღს და გაიმართება სმა. არხოტის ჯვარში არიან მარტო ჯვარიონნი და სტუმრები. გორულ ჯვარში არიან ჯვარიონნიც, ქავთართ გვარიც, ოჩიაურთ გვარიც და სტუმრებიც. მარტო მამაკაეები. ხართ, ჯაბღუნურთ და ბადათ ჯვარებში არიან თავ-თავისი გვარი: ქალიც, კაციც და სტუმარიც. ქალები აქ იმითომ მოდიან, რომ დღეობა ჯვარში არ არის და დღეობობენ ისე, უბრალო ქერბობებში. ქალებს ეკრძალებათ სმა. მათ ერთიგორიანადმი პატივი ძალიან იციან.

ღამისთევეები რომ მოთავდება, როგორც გოორგობაზე ვთქვით, ისეთივე წესით თითო ჯვარიდან თითო დასტური წავა არხოტის ჯვარში და მიაქვს ყველას თითო რველს ჩხუტა ლუდი.

მისულ დასტურებს ყველას დარბასში შეიყვანენ და დიდის პატივით ეპყრობიან. მერე ყველა ლუდიდან თითობით ამოიღებენ თითო თასს და მიართმევენ არხოტის ჯვარის ხუცესს. ხუცესი იკითხავს ვისი ლუდია და მათი ჯვარის სახელით დაილოცება და დაღვეს. მერე სხვას ჩამოართმევს თასს და ასე ყველას. ბოლოს იტყვის, ვისი ლუდი სჯობია. ვისი ლუდიც უკეთესია, ის დასტური გახარებულთა და თავს მაღლა აყენებს. რომელი ჯვარის ლუდიც არის, ხუცესი იმ ჯვარის სახელით დაილოცება. მაგ. ჯაჭველი და გოორგი ძმები არიან, ზევსურების რწმენით. ამ სალოცავს ორ ბატონს ეძახიან და ხუცესიც ასე დაილოცება: „გამარჯვება ორსავე ბატონსა, იმის წყალობა ზქონდას უმათ ქავთარ-ოჩიაურთ, საწაღმართოდ მათუარს, მშვიდობით შინახნას, ბეგრ წელწად — ქრისტე მშვიდობისა, კარგა ყოფისა მაღჯვარას. თქვენ გწყალობდას ორვე ბატონის დაჟლათი. აქა ბრძანებულებს, მშვიდობით გამყოფნასათ“. ცოტა ხანს შეჩერდება და კიდევ იტყვის: „ნალოცი მქონდ, ხთისგანამც დაილოცებით“ და დაღვეს ცო-

ტას. მერე მიაბრუნებენ შიშველად და იმაზე და-
ლოცებიან და ა. შ.

როდესაც ხუცესი ყველას ლუდს გასინჯავს და შეაფასებს. მერე დასტურებრივ დაღვევს ცოტ-ცოტას და თავთავის შეხედულებას იტყვიან. ამის შემდეგ გაიმართება სწავლა პატრონის ერთმეორეს თავის ლუდზე. აქვე არის მეტყველებით თამარობით გვარიდან და ის თავის არაყს აძლებს დასალუჯად. დასტურებრივ ცდილობენ მოსუღი დასტურების დათრობას, რადგან ეს სწავლებით მიიჩნევა. მოსუღებიც თავს იჭერენ და ბევრს არ სვამენ, რადგან ჩვეულების მიხედვით თავის ჯარზე უნდა მივიდნენ და მიიტანონ ამბავი, არხოტის ჯვარის ჯვარიონნი როგორ არიან. როგორ დაუხვდნენ და ვისი ლუდი უკეთესი იყო. ამ ამბის მოტანას ყველა ჯარზე ელოდებიან. როგორც იქნება და როგორც არა, დააღწევენ თავს და მივლენ თავ-თავიანთ ჯარზე. აქ დათრობა სარცხვილი არის ახალგაზრდებისა და ისიც უფროსები როცა ხედავენ. ასე აწარმოებენ მოთავსება ქრისტეს ღმერთის წესები.

ვიდრე უამისწირვავზე გადავიდოდეთ, საჭიროდ ვთვლი ამ დღეობასთან დაკავშირებული ცოტა რამ ითქვას. არხოტის ჯვარი, ხალხის რწმენით, მოყვანილი არის ფშავიდან, სოფელ მათურიდან.

პირველად დაარსებულა, ახლა რომ მიქიელ კარისმეზობელია, იქ. რადგან იქ სოფელთან ახლო იყო. წამოსულა და დაფუძნებულა ახლა სადაც არის. იმ ადგილზე ეძახიან მას „ქექეჭერ ჯვართ“, ანუ არხოტის ჯვარს. ჯაბუშანურნი ქრისტეს სოფელში იმიტომ ლოცულობენ, რომ პირველად ჯვარი აქ ყოფილა დაარსებული და თვითონ რომ წააოლა, თავისი ნომე დაუტოვებია. მისა სახელი მიქიელ კარისმეზობელია.

ზოგს ისე სწამს, ვითომ პირველად არხოტის ჯვარი დაარსდა კვირიწმინდაში, სადაც ახლა მიქიელ წყალმუხისა არის. იქიდან ახილში დაარსდაო და კვირიწმინდაში დასტოვა მოძმე მიქიელ წყალმუხს მებურთვალნი, ანუ მოძმე მიქიელისაო. ზოგს რწმენით კი, ის დაარსდა მაღლა სათიბ მთაზე, სახელდობრ ქრწველში. აქ ძალიან კარგი სადღეობო ადგილია და მარტო ათეანენას ერთ დღეს დღეობებენ. ამ სალოცავსაც უწოდებენ მიქიელ ჭაშვილისა. მოძმე მიქიელისა. ხალხის რწმენით, კიშველიდან წამოსულა ახილში და დაარსებულა, სადაც ახლა არსებობს, ქრწველში კი დაუტოვებია თავისი მოძმე მიქიელისა.

გორელ ჯვარს ჰყავს თავის ღმერთი, რომელზეც ამბობენ: პირველად ჯაჭველი აქ დაარსდა და მერე ხმელს გორაზე გადავიდაო. იქ ლოცულობენ ქავთარნი და ოჩიაუნნი. ხმელს გორაზე გადასვლის შემდეგ აქ მან თავისი ღმერთი დასტოვა და რაკი ბადათ სახლის ახლო იყო. გახდა მთი საკუთარი სალოცავიო. იქ წელიწადში ერთს დღეს იხდიან დღეობას, მარტო ქრისტეს. მთის ვეშაგი, გაბრიელ მთავარი

ანგელოზი, მთიშენი, მთის ჯვარი ეს სახელები ყველა მთის ჯვარს ჰქვია. არის სხვადასხვანაირი თქმულებები მის შესახებ; მთავარანგელოზი პირველად აქ დაარსდა, რადგან მალა მთაზე არის და სუფთა ადგილიაო. ვეშაგი კი იმიტომ ჰქვია, რომ იქ დასტოვა მთის ყარაული, რადგან არხოტს ქისტები ეცემოდნენ, საჭირო იყო შეტყობა, როდის მოდიოდა მტერი. ამას მთის ვეშაგი გაიგებდა და მოძვე მიქიელს შეატყობინებდა. მიქიელს ჰყავდა დამხმარე მწვეარნი, რომლებიც საჩქაროდ შეებრძოლებოდნენ თავისი ყმების მტერს (თავის ყმათ მიქელ მთავარანგელოზი შეატყობინებდა ქადაგის ან სიზნორის საშუალებით). მიქიელი და მისი მწვეარნიც ფარულად მიიღებდნენ მონაწილეს ბრძოლაში და ვითომ გაიმარჯვებდნენ. თუ მიქიელი გამწყრალი იყო რამეზე, მაშინ ვერ გაიმარჯვებენო. ხალხს ისე სწამდა, რომ მიქიელი მოყვანილი იყო ქისტებთან საბრძოლველად. მას მოლოცვილი ჰქონდა ბრძოლა მტრებთან და მათურაში რომ იყო, აქაც ქისტებთან ბრძოლაში ეხმარებოდა მათურლებს. ბოლოს ხარის ყვირილზე განწყრალა; ერთი ხარი მიდიოდა თურმე მის ადგილას და გაგიჟებით ყვიროდა. საჭირო იყო მათურლებს მთავარანგელოზის ხათრი ჰქონოდათ იმდენად, რომ ხარისათვის ნება არ მიეცათ ყვირილისა. ხატი გამწყრალი წამოსულა და არხოტში დაარსებულა. აქაური ხალხი ხათრიანად იქცეოდა, ქალები სოფელში ხამაღლა ვერ ლაპარაკობდნენ, ძაღლის ყუფა არ შეიძლებოდა და ვირის ყვირილი. მათ აღარც ყოლიობდნენ და ანტიომ აქ დამკვიდრებულა. მათურლებმა დაკარგეს მთავარანგელოზი და წავიდნენ საქმნელად. თან ერთი თეთრი ხარი წაიყვანეს მისთვის შესაწირავად. ის ხარი ხალხს გაუძღვა წინა და პირდაპირ არხოტს წავიდაო, იტყოდნენ ძველი, ამ რწმენით გაუღენთილი ფშაველ-ხევსურნი. არხოტში რომ გადავიდნენ, მთავარანგელოზი მტრედის სახით მოფრინდა და ხარის რქაზე დაჯდაო. არიქათ. ფშაველებო, ჩვენი მთავარანგელოზი მოფრინდა, დავიპროთ და წაიყვანოთო, — უთქვიათ ფშაველებს და დაქერა მოუწოდებიათ. მთავარანგელოზი ამაზე ისევ გამწყრალა და გაქრალა ჩიდან. მას აქეთ იგი არხოტშია. მაშინ ფშაველებს დაქერა რომ არ მოენდომათ, იგი ხარის რქით მათურაში მივიდოდაო — იტყოდა ძველი ხალხი. მათურლებმა ახლაც იციან დაცინვა არხოტელებისა — თქვენ ქურდი ხალხი ხართ, მთავარანგელოზი მოგვპარეთო.

გათენდება ქრისტე დილა. ხალხი ერთიმეორეს ეპატიეება თავთავის ჯარზე — ჩემთან წამოდი, ჩვენი ლუდი დავლიოთო. არხოტის ჯვარში ქრისტეს ცოტა ლუდი იციან თავისი, ღამე სხვებს მიაქვს ლუდი და დილას თავისიც ეყოფათ. ახლა მეძენგლე არის იქ ვინმე თამარიზძეთ კაცი. დილას ის ადრე ადგება (არაყი ხომ თავისი აქვს მოტა-

ნილი), ჯერ ხუცესსა და ხელოსანს დაალევიანებს ისევ ლოგინში, მერე დასტურებენ და დასაბლესაყ. ხუცესი და ხელოსანი ეამისწირვანდინ ლუდს არ დალევენ და არც კვამენ. არაყს კი სვაჲენ უპუროდ. დრასაბლესს ერთი დასტური ეხმარება. იგი აკეთებს სამ ხავიწიან დიდ ქადას, ოთხ ხავიწიან საკვირაოს და ცხრა-ხმიადს.

დრო რომ მოვა (დაახლოებით ათი-თორმეტი საათი), გაიტანენ დარბაზში ეამისაწირს და დააწყობენ სპილენძის ტაბლაზე, აანთებენ სანაოელს და დააკრავენ სამ ეამისსაწირზე დადგმულ ლუდიან თასებს. ხუცესი ჩვეულებისამებრ შეუდგება ხუცობას. ხუცობა იგივეა, რაც ზეწით არის მოყვანილი. ხუცობა რომ მოთავდება, შეუდგებიან თასებთან სწას და სავმრო სიმღერებსა მღერას. ერთი სახატეო კოჭობი უჭირავს ხუცესს, ერთი თასი ხელოსანს და ერთიც დასტურს. ჩვეულებრივ დაილოცებიან და ცოტეოტას დალევენ. ვისაც თასები არა აქვს, იმათჲან ერთერთი დაუჭრავს. იმღერებს და სხვებიც აპყუებიან. მღერის დროს ჩვეულებრივ დაალევაჲებენ ლუდს თავისი თასებიდან პირველ მომღერლებს. ბოლოს თვითონვე გამოცლიან და გადაიბდიან მადლს: „შავსვი შენის გამარჯვებისა“. ჩვეულებრივ ხდება მუხლზე დაჯდომა და თასების ჩამოყრაც. ბოლოს დასხდებიან და შეუდგებიან საუზნის სამზადისს. ხორცი მოხარბეება, ნწვადსაც გააკეთებენ (შამფურები აქვთ მწწარული, რკინისა), ეამისაწირი ჩვეულებრივად დიჭრება და დააწყობა ტაბლაზე. ხნიად-საკვირაო კი, როგორც ხუცესის კუთვნილი, ცალკე ინახება. გამოლოცვის შემდეგ მათ და საკლაგების თავებს ხუცესი საკუთრად გზავნის სახლში. შეუდგებიან კვამს და ერთი ანორი დასტური ფეხზე დგომით ასრულებს დაკისრებულ წესებს (კარახანა, ფეხზე დგომით მღერა და სხვა). „მეძენგლე“ თავის არაყს ხარჯავს და დასტურები ლუდს. ამასობაში გაივლის დრო და სოფლიდანაც მოვა „სარიგო“, ან სხვა რამე „ზღვენი“ (ზღვენს ეძახიან საკუთარ საკლავს, რომელსაც რამე მიზეზის გამო სწირავენ ჯვარს. სარიგო კი ის საკლავია, რომელიც სოფელს რიგით მოუდის და ვისაც რომელ დღეობაში ეგზედება მოიყვანს. წინააღმდეგ შემთხვევაში სოფელს ლუდს აღარ მისცემენ ჯვარიონნი. ბოლოს იქამდე მივა საქმე, რომ დროშას გარეთ დასტოვებენ და ეს ნიშნავს დალუპჯას იმისას, ვისი მიზეზითაც დროშა გარეთ დარჩება).

აქა ერთი ამბავი კიდევ ხდება, რომელიც რაკი ეამისაწირეა დაწვრილებით აღარ აიწერა, გამოჰჩა: ეამის წირვის ხუცობა რომ შუა ადგილაჲდინ მიაღწევს, მედროშავე ანუ ხელოსანი დარბასიდან ჩუმად გადის. იქ ახლო საზარეა, იგი პირჯვრის წერით და დიდის მოწიწებით უახლოვდება და რეკს ზარს ნელ-ნელა. ასე, დაახლოებით ათი წუთი, მერე სამჯერ დაიწერს პირჯვარს, სამჯერ ნელა შემოკრავს ზარს და იტყვის: „ნურათ შამისაწყინდებ, შამიცოდვებ, დალოცვილო“. მერე:

პირჯვრის წერიტვე უკან წამოგა და შევა დარბასში. იქ ზუცესი ისევ გახურებულ ზუცობაშია. ხელოსანი შვევა და ნელის ხმით იტყვის: „წყალობა მაგიტანეთ მიქიელისაი, ზარის მცველის ანგელოზისა“. — „შენ იყოს მწყალობელი“ — ნელის ხმით პასუხობენ იქ მყოფნი. შემდეგ წესი გრძელდება ზუცესისაგან და სხვებისაგან ჩვეულებრივად.

მეზღვნე ან მესარიგოე რომ ნოვა, მადლს მოსთხოვს ჯვართ და მერე ჯვარიონთ ეტყვიან დარბასის კარებთან: „ამენდით, ჯვარიონო, წალმამც წაგივათ დღეი, დღეობაი“. „დაშვენდი, მაგვიხვე მშვიდობით, წყალობა კელმწიფისა“, იქნება პასუხი. მერე შოსულები დაახლებიან დარბასის კარში. დასტურები მიიტანენ შეშას, დაუნთებენ დიდს ცეცხლს, გამოუტანენ ლუდს და დალევიანებენ. ლუდს რომ დალევენ, მოითხოვენ საკლავების დაკვლას. ზემოთ ითქვა, რომ აქ ზუცესი დილით არც პურს ჭამს და არც ლუდს დალევს უამის წირვამდინ, არაყუჯეკი უარს არ იტყვის. მკითხველიც მიხვდება უზმოზე არაყი რას იზამს და უამის წირვის შემდეგ ზედ დაყოლებული ლუდი: ხუცესი, თავისთავად ცხადია, მთვრალი იქნება და შეიძლება გაჭირვეულდეს: მე ჯერ დრო არა მაქვს, მანდ მოიცადონ და მერე დაეუკლავო. სინამდვილეში კი მას არაფერი საქმე არა აქვს, სასმელ-საჭმელი უდგას წინ, სვამს და ბაჟობს. დიდხანს ეხვეწებიან, ეფერებიან, ბავშვივით ატყუებენ და ბოლოს ადგება ფეხზე ვინმეს პატივისცემით, გამოვა ჯა იტყვის: „წყალობა მიქიელისა, მასულო მეზღვნეებო, მესარიგოეო. წალმ მაგვეკვასთ მიქიელის დავლათი, ნუ შაგანანასთ მსახურობა, კლოვ უკეთი გულით მაგვეკვასთ“. „თქვენი იყოს მწყალობელი“ — პასუხობენ მეზღვნეები.

ჯვართ პირდაპირ მიხდორზე იქნებიან მეზღვნის ოჯახის წევრი ქალები, თოვლში დამხსდრები. რაკი დაინახავენ, რომ ზუცესი და დასტურები გამოვიდნენ დარბასიდან, ადგებიან და პირჯვარს იწერენ. მერე დასტურ-ხელოსნები ხმამაღლა დაუძახებენ ქალებს: „წყალობა მიქიელისა, წყალობა მასულებ მანდილოსნებო. წალმ მაგვეკვასთ მიქიელის დავლათი, წულითა, საწულით შამაგიხვეწნასთ (უღზე და საწულზე. ქვემოთ გგვექნება ლაპარაკი, რადგან საწულითა ქრისტეს მორე დღეს არის). იწერენ პირჯვარს ქალები და თავისთვის ჩუქად ამბობენ: „თქვენ იყოს მწყალობელი“. ზუცესი ამოიღებს დანას და დადგება სასაკლავესთან. დასტურები მიიყვანენ სარიგოს, ზუცესი ჩვეულებრივ იხუტებს და დაკლავს ჯერ სარიგოს, ისეთი წესით, როგორც გიორგობას არის აღწერილი.

სარიგოს დაკვლის შემდეგ შეუდგება ზღვნების დახოცვას. ზუცესი ჯერ იკითხავს, ზღვენი როგორ არის მოყვანილი: თავისეულია თუ არა (თავისეული ჰქვიან, როცა ქალს შეთქმული აქვს თითოეული ზღვენი რაზე მიზეზით — ავად ვინმე ჰყავდა, ან თვითონ რაზე დაანაწილი ჩაიღინა. მაგ., ისეთ ადგილას მუშაობის დროს. დაემართა მენსტრუ-

აქია, რომ გასაქანი არ ექნა და ჭვარის მამულზე გაიარა; ან არ იცოდა, სად იყო ჭვარის ნამული და შეცდომით მოუხდა გავლა და სხვა მრავალი ნიზეზის ვაპო შეუთქვამს თავისეულ ზღვენს). თავისი შრომით უნდა იყოს ნაშოვნი ეს საკლავი, მაგრამ გამონაკლის შემთხვევაში კი ოჯახიდან მიიყვანს, თუშეცა ეს არ არის მიღებული.

ბუცობა ჩვეულებრივია, ერთი-ორი სიტყვა თუ ემატება. ხუცობას რომ ვაათავებს, დასტური საკლავს ჩვეულებრივ იქერს და ხუცესი კიდევ მოკლედ შეუსახლებს: „ღმერთმ აღიდას შენ იალი, სახელსა-მარჯალი. მიქიელ მთავაროანგელოზო და ა. შ. და საკლავს დაკლავს, რომელსაც დასტური სასაკლავე სიპზე დადებს. ხუცესი იტყვის: „გწყალობდასთ მეზევერტებს. მზექალს — მეთავისეულეს, საწაღმართოდ მაგარასთ. მშვიდობით შაგინახნასთ, ნუ შაგინახასთ ზღვნობა. კლოვ უყეთი გულით მაგკერძასთ. თქვენ გწყალობდასთ ყურთი მაყურებელს, ჭვარიონთ. დასტურთა, კელოსანსა-დ კელშვიფის კარის მლოცავს“. — თქვენ იყოს მწყალობელი“ — ეტყვის ზღვნის პატრონი. მერე დაუძახებს მეთავისეულეს: „გწყალობდას მეთავისეულეო, მანდალოსანო, მშვიდობით გაყოფას წულითა, საწულით შამაგიხვეწას“. ამასვე იმეორებენ დასტურები და სხვა იქ მყოფი ხალხიც. კურთხევაჲ ჩვეულებრივია.

ცოტა ხნის შემდეგ დადგამენ სამეზღვნერ ტაბლას. დასტურები ხორცს მოხარშავენ, მერე დაუძახებენ სოფელს: „სოფელში მაგდიოდასთ. მეედით მეზღვნეები. ტაბლა შაიკითხეთ, მემარ დღესაც აღარ შაუძლავ. ვინაც არ მაგდისთ, ერთმანეთს გააგებიეთ“. ამ ხმაზე მეზღვნეები მოულენ და დარბასის კარში დასხდებიან. ჭვარიონნი გამოიჭანენ სამეზღვნეო ლუღს. ტაბლით სატაბლო პურებს და ხორცს, დააწყობენ ერთმეორეზე, დაუდგამენ წინ მეზღვნეებს. დასტური მივა, პურს გატევენ ამ სიტყვებით: „ღმერთო, გაუმარჯვე კემწიფესა. კემწიფეო, შენ სწყალობდი ამ ჭვარიონთ, დასტურ-კელოსნებს, მეზღვნეებს, დაადეგ წაღმ. შენი წყალობით შაინახენი“ და შეუდგებიან პურის ჭაპას.

ერთ საწედეს გამოიჭანენ და მეზღვნეებს დაუდგამენ წინ. აქედან გაიშართება სმა. პურის ჭანის დროს დასტურები ზედაპეგობენ და კარახანასაც ისინი უდგამენ. მეზღვნეები ჭაპას რომ გაათავებენ, თითოეული უქანასკნელ ლუქმას დაიჭერს ხელში და იტყვის: „ღმერთო, გაუმარჯვი კემწიფესა, კემწიფეო, შენ სწყალობდი ამ მეზღვნეებს, ჭვარიონთ, დასტურსა, კელოსანს, დაადეგ წაღმ, შენი წყალობით შაინახენი“, და ამ სიტყვებით შეჭამს უქანასკნელ ლუქმას. მერე დასტურები ეუბნებიან: „აილი კარახანა, აილი, წყალ მაგწყურდებოდ“. ის იღებს ლუდიან თასს, რომელიც წინ უდგას და დაილოცება კიდევ: „გამარჯვება კემწიფესა, იპის წყალობა გქონდას მეზღვნეებს. საწაღმართოდ მაგარასთ, მშვიდობით შაგინახნასთ, ბევრ წელწად — ქრისტე

მშვიდობისა, კარგად ყოფისა მაგგევარასთ, თქვენ გწყალობდასთ ჟვარაონთ, დასტურსა, კელოსანსაც. დასტურს დასტურობა ნუ შაგანანასთ, კელოსან დიდხანს გაგიყოლას. შაუნდნას, ვისადაც ილოც კი, მაჯმარას“. (ამ ტაბლას როცა მოიტანენ, მაშინ ხუცესი ლოცავს მეზღვნეების მიცვალებულებისათვის) ამ ღიჯვებით დაღვეენ თავისი თასებიდან ლუდს. ერთი დასტური ფანდურს დაუკრავს და ფეხზე მღერაინ მეზღვნეების პატივისაცემ სიმღერებს, თან თავისი თასებიდან ასმევენ ზედამდეგებს. ბოლოს გამოცლიან თასებს და ასრულებენ ყველა იმ წესს, რაც ზემოთ არის აღწერილი. ამითი მოთავდება დღეობა ქრისტე-შობა.

დიასახლისი წელწდის წინა დღემდე ისევ შინ ბრუნდება და იქ იგი ცალკე, სუფთად ცხოვრობს, რადგან წელწადი ახლოა და დიასახლისი წმინდად უნდა შეხვდეს დღეობას. მხოლოდ გამასამალოე აქ არ სჭირდება, რადგან დღეობა დაწყებულია და წელწადიც ხუთი-ექვსი დღის შემდეგ იქნება. დასტურებიც აქედანვე შეუდგებიან საახალწლო ლუდების დუღილს და ახალი წლის წინა დღეს გაათავებენ. აქ რაც ნატეხი პურები რჩება, არც აწას ანაწილებენ და არც ხორცს, რადგან ქვაბების დუღილში ხარჯავენ.

მეზღვნეებისათვის ტაბლის დადგმის შემდეგ ყველანი წავლენ, მხოლოდ დასტურ-ხელოსნები რჩებიან ჟვარში. ამ ქრისტე საღამოს მოვლენ მესაწულები.

ს ა წ უ ლ ე ო ბ ა

მესაწულეე არის ის კაცი, ვისაც ვაჟიშვილი ეყოლა ამ წელს. „წული“ ჰქვია ახალშეძენილ ვაჟიშვილს, ხოლო ქრისტეს (ე. ი. შობის) მეორე დღეს არის საწულეობა, ანუ ახალწულების დღეობა. გასული წლის საწულეობის შემდეგ ამ სოფელში ვისაც ეყოლა ვაჟიშვილი და საწულეობა არ ჰქონია, ყველანი ერთად ადუღებენ ლუდს. ქრისტე-საღამოს მესაწულეები მივლენ არხოტის ჟვარში. ყველა მიიტანს თავთავის დამისამთელოს და სანთელს. ლუდი ჟვარში ცალკე უდგაა მესაწულეებს. ხუცესი მესაწულეების კოდს გახსნის ჩვეულებრივ. კოდის გახსნის დროს ტაბლაზე დევს ერთი პატარა ქადა და საკვირაო. ხუცესი ამოიღებს ლუდს, დაასხამს თასებში და დგამს ტაბლაზე, კოდზე სანთელს დააკრავს და შეუდგება ხუცობას: „ღმერთმა აღიდას შენ ძალი, შენ სახელ-სამართალი. მიქიელ შთავარო ანგელოზო. შენა სამთავროდ მაიჯმარი ეს კოდ-საფუარი, სეფე-სანთელი, სადიდებელი, შენად გასამარჯოდ მაიჯმარი, შენ მესაწულეთად, შენთ მეზვეწურთად. გეძახან შენ მეხვეწური, გეხვეწებიან, — წულითა-საწულით შაიხვეწინი. მე შენდ შამამიხვეწებიან მესაწულენი, შენ შენს გამჩენს მორიგეს

ღმერთს შაახვეწენი. ღირსეულად თირი ეს კოდ-საფუარი, სამთავროდ, გააპარჯოდ მიკვარი, აგრემც გავემარჯვების შენის გამჩენის ხთის კარზე“. აქ ხუცობა და კურთხევაც ჩვეულებრივია. ზოგიერთ ადგილებში ჩაერთვის ახალი სიტყვები: „წულით“ ან „მესაწულე“.

ბოლოს. დანწყალობნებაში ყველანი იტყვიან: „გწყალობდასთ მე-საწულეებს, საწალმართოდ მაგიარასთ, მშვიდობით შაგინახნასთ, წულეები დავიხარდასთ, მონდაეები სხვებ მაგცასთ“. მონდავი: ცალი ხარი როცა ჰყავთ ერთსაც და მეორესაც, ერთმანეთთან შეთანხმდებიან, რომ ერთად შეაბან თავიანთი ცალ-ცალი ხარი და ხან ერთი ამუშავებს, ხან მეორე. აქაც სიტყვა მონდავს ხმარობენ, — ვითომ მეორე ვაჟიც მოკვცენო. ხევსურები ვაჟიშვილის გაჩენას ძალიან დიდი სიხარულით ხვდებიან: ქალი რომ დაიბადება, პირიქით, გლოვობენ: „ეჰ, ქალი ეყოლა და აბა ქალის ყოლას არყოლა სჯობია, ქალი რა იარაღით აიტანსო“. მაგალითად. ქალები რომ ჰყავდეს და ვაჟი არა, მასზე იტყვიან — ეჰ, ძალიან კაი კაცია, რომ ერთი შვილი ჰყავდესო. ქალს შვილს არ ეძახიან. ოჯახი რომ საკლავს კლავს ხატში, თუ ვაჟიშვილი ჰყავს, ხუცესი ასე ახსენებს: „მამა-შვილების სამწყალობნოდ მოიკნარეო“. ხოლო თუ ქალიშვილები ჰყავს, მაშინ ხუცობაში მართო მამის სახელს ახსენებს და შვილებს არ უმბატებს. თუ ვისმე ორი ან სამი ქალი ეყოლა და ვაჟი არა, მეორე, მესამე ან მეტი ქალის დაბადებაზე ნათესავები ტრიან კედეც — უბედურია საწყალი, ვაჟი არ ეყოლაო. ხშირია შემთხვევა ცოლს ან დაითხოვენ, ან მეორეს მიიყვანენ, თუ პირველს ვაჟი არ ეყოლა.

ხუცობა და კურთხევა რომ დამთავრდება, როგორც ზემოთაც არის ნაჩვენები. ისევე სადიდებელი თასები დასტურ-ხელოსნებს უჭირავთ და მეორეები უმღერებენ. მღერასთან ერთად თასებსაც აუწყვენ — დალიეო. ახლა თასიანებიც შეუმღერებენ და თავის თასებს მიართმევენ პირველ მომღერალს.

ამნაირად ორივე მხარე მღერას მოათავებს, თასებიც გამოიყვლება და თასების ჩამოყრით მთავრდება ეს წესები. დამისთევაც დამთავრდება. მერე ტაბლას დადგამენ და ზემოთ მოყვანილ ტაბლის ყველა წესს შეაჩულებენ. ბოლოს სტუმრები წავლენ სახლებში, ჭვარიონნი კი ჭვარში რჩებიან.

მეორე დილით მესაწულეები ემზადებიან: ბავშვს გააბანებენ (საკლავი უნდა მიიყვანოს ყველა მესაწულეემ. ამ საკლავს ფეხებს დაბანენ, რომ ჭვარში სუფთა ფეხებით მივიდეს საკლავიც კი), ჩააცმევენ სუფთა და თბილ სამოსს. დილას ადრე მამაკაცები მიდიან ჭვარში, ხოლო ქალებს თავიანთი შვილები ჭვარიდან კარგა მოშორებით მიჰყავთ, რადგან ქალები ჭვართან ახლოს ვერ მიდიან. ხუცესი დარბასის კარში მესაწულეებს არ დააკვიანებს, ბავშვები უდღეოდ დიდხანს ვერ დადგე-

ბიან, ქალები მინდორზე (იქ პატარა მინდორია) თოვლზე სხედან კალთაში თავისი შვილებით. ხუცესი შეასრულებს უამის წირვის წესს და გარეთ გამოსული ჯერ ქალებს დაამწყალობნებს: „გწყალობდასთ, მანდილოსნებო, მიქიელის დავლათი, საწლმართოდ მაგაიარასთ, მშვიდობით შაგინახნასთ, წულები გაგიზარდასთ, მონდავები სხვებ მაგცასთ, ნუ შაგანანასთ ზღვნობა, ყმობა, მსახურობა“. მერე მივა სასაკლავოსთან და დანით ხელში დადგება. დასტურები მესაწულებების მოყვანილ ყველა საკლავს ერთად დააყენებენ სასაკლავესთან. ხუცესი იხუცებს ყველას ერთად, მხოლოდ პირველ მოხსენებას ცალ-ცალკე ჩაატარებს. მაგალითად, ერთ მესაწულეს ჰქვია ბათირა, ხუცესი ამბობს: „ღმერთმა ადიდას შენ ძალი, სახელ-სამართალი, მიქიელ მთავარო ანგელოზო, შენა სამთავროდ, შენა გასამარჯოდ მაიკმარი ეს სამსახური, პირის საბანი, შენის მეხვეწურისად ბათირაისად, მაგათ თავისად, ჯალფობისად, კაცისად, საქონისად საშველოდ, სახოიშნოდ მაიკმარი. საწულის რიგ არ დაუყრავა-დ შენს წყალობას ნუ დააკლებ“.

ასე გრძელდება მოხსენება ყველა მესაწულებების საკლავისა ცალ-ცალკე, რამდენიც უნდა იყოს. მოხსენებები რომ მოთავდება, ხუცესი იხუცებს ყველა საკლავებს ერთად. ხუცობა და კურთხევა ჩვეულებრივია. საკლავის შესახებება და დაკვლა, რა თქმა უნდა, ისევ ცალ-ცალკე არის საჭირო. ამ საკლავების დაკვლის დროს ბავშვები, ე. ი. წულები რომელთა საწულეცაა, აქ უნდა იყვნენ და ვინმეს ხელში ჰყავდეთ აყვანილი.

ბავშვები ვისაც უჭირავთ, ისინი ხუცესთან ახლო დგანან, ხოლო ვის საკლავსაც შეუსახელებს და დაკლავს, ბავშვს ის კიდევ უფრო ახლო მიიყვანს. ხუცესი ბავშვს შუბლზე და გულზე სისხლს წაუსვამს. შემდეგ ვისაც უჭირავს, იმას გამოართმევს და წაიყვანს, სადაც კოშკი დგას, ზარიც იქ არის და დროშაც ახლოა, ეს ადგილი წმინდათაწმიდად ითვლება და გარდა ხუცესისა და ხელოსნისა, იქ ვერავინ მივა. მიიყვანს ბავშვს, ხუცესი დაიწერს პირჯვარს, შეაგორებს ბავშვს კოშკისკენ და იტყვის: „დიდო მიქიელ მთავარო ანგელოზო, შენდ მაუბარებავ ახალ წული (სახელს იტყვის), შაიხვეწენი, დალოცვილო, მიიბარე, გაზარდე, შენთ სახელიანთ ყმათაში გაური, გაზარდე, კაის ბედის კაც გამაიყვანი, ღმერთი შენს ბატონობას გაუმარჯვებს. მაგის დედ-მამათ მონდავი სხო მიეცი, წულითა საწულით შაიხვეწნიდი კიდევ“. ასეთივე წესით გამეორებს სხვა საკლავის დაკვლას და ბავშვის შეგორებას.

ეს წესები რომ მოთავდება, დასტურ-ხელოსნები და ხალხიც ჩვეულებრივად დაამწყალობნებენ მესაწულებებს. მერე ქალებსაც დაამწყალობნებენ: „წყალობა მიქიელისა, მანდილოსნებო, წყალობა. გიშველასთ დალოცვილმ, გიმეშველასთ, სიხარულად გაგიკადასთ, კიდევ

წულით, საწულით შამაგიხვეწნასთ...“ და ა. შ. მერე დედებთან წა-
იყვანენ ბავშვებს, საწლით ლუღსაც წაულებენ და ქალებსაც დააღე-
ვიებენ.

ლუღის დაღვეის შემდეგ ქალები წავლენ, ხოლო ჯვარიონნი კი-
დევ ამწყალობენ: „წყალობა წაიღო მთავარ-ანგელოზისა. წალმ
გააყვასთ მთავარ-ანგელოზის დავლათი, სიხარულად გაგიკადასთ და-
ლოცვილმ“. ამ სიტყვებზე ქალებიც ნელი ხმით ლაპარაკს დაიწყებენ:
„ოქვენი იყოს მწყალობელი“ და შიდიან სახლებში.

მამაკაცები ამ დროს თავ-თავიანთ საქლავებს გაატყავებენ, ჩაყრიან
ხორცს ყველანი ერთს მოზრდილს ქვაბში, მოხარნავენ, დააწყობენ
გრძელ ფიცარზე პურსაც და ხორცსაც და დაუდგამენ ხალხს წინ. დას-
ტურები ჩვეულებრივ გაუტეხენ პურს და იტყვიან: „ღმერთო, გა-
უმარჯვი კემწიფესა, კემწიფეო, შენ სწყალობდი შენ მეზღვნეებს მე-
საწულეებს. დაადგ წალმ, შენი წყალობით შინახენი“. ამას იმეორებენ
ყველანი და გაინართება პურის და ხორცის ჭამა. აქვე ექნებათ ჩვე-
ულებრივი კარახანები. ამას მოჰყვება ფეხზე მღერაც.

ღამთავრებისას თასებიც გამოიცლება და შესრულდება ყველაფე-
რი ჩვეულებრივი წესით. მესაწულეები ერთ საწლდე ლუღს გზავნიან
სოფელში. იქ მათი ქალები მოაგროვებენ სოფლის სხვა ქალებს და
დააღვიწიებენ ლუღს ერთ-ერთი მესაწულეის სახლში. აღდგრაბლებ-
ენ ახალ წულეებს, უსურვებენ კიდევ განმეორებას ასეთი ბედისას.
ამითი საწულეც დამთავრდება.

წ ე ლ წ ა დ ი

დასტურები ქრისტეს დღეობიდანვე „აღულებენ ქვაბებს“. ასე
გრძელდება წელწადმდინ. სულ აღულებენ ექვს ქვაბს. თითო ქვაბი
იყრის ათ საწყავს. წლწადში იღულებს სულ სამოცი საწყავი ქერის
ფორი ლუღად, სამ ქვაბს არაყს გამოხდიან. თითო ქვაბს ეყრება სამ-
სამი საწყავი. ახლა პურისათვის, ქადებისათვის და ყველაფრად და-
ახლოებით ოთხმოც საწყავ ქერამდინ იხარჯება წელწადში. როცა ჯვა-
რის ძნები გალწეს, ჩალა მაშინვე მიიტანეს დასტურებმა და საკოდეში
შეინახეს. ახლა ხუცესი რამდენ კოდსაც დადგამს და „შახყრის“, იმ-
დენ ჩალას შემოადებს გარშემო, რომ კოდი არ გაცივდეს და ლუღი
არ გაფუჭდეს. კოდს თავზე ფარდავს დაახურავს, პირზე თოქს მაგრად
შემოუჭირებს და ზედ ჩალას დაადებს. კოდები და სხვა ყველა ხელ-
საწყო თავისი აქვს ჯვარს. პურიც, ზემოთ როგორც ვთქვით, თავისი
აქვს და ინახება იქვე, ჯვარში. მამულები რაც საუკეთესოა, სულ ჯვარს
უჭირავს. მას ხალხი ამუშავებს და ჯვარში საკმაო პურს ინახვენ. მა-
მულები სულ შეწირული არის ხალხისაგან. თუ ვინმეს ჯვართან ახლო

მამული ჰქონდა, მკითხავი იმდენს იზამდა, რომ იმ მამულზე ხელს ააღებინებდა და ჯვარისათვის შეაწირვინებდა. მამულის პატრონს თუ ვინმე ავად გაუხდებოდა, მკითხავსაც ეს უნდოდა, ნამეტნავად თუ ჯავრი სჭირდა მისი. ეტყოდა — აგერ ის მამული რომ ჯვარის მამულზე გიძეს, იმას არ იხდენს. თუ ავადმყოფის მარჩენა გინდა, ეგ მამული უნდა შესწირო ჯვარსო. ავადმყოფის პატრონსაც მეტი არ უნდოდა. წავიდოდა, იმ მამულიდან წამოიღებდა მიწას, რომელიმე დღეობაში ერთ საკლავსაც მიაყოლებდა და მიწასაც ჯვარში მიიტანდა. ხუცესი საკლავს იხუცებდა ჩვეულებრივ, მხოლოდ შიგ ჩაუერთავდა: „მიწა-თიკათ შამამწირავს, მაგის თავს, ჯალაფობას, კაცსა და საქონს სწყალობდიო“. საკლავს დაკლავდა, ტყავი და ხორცი ჯვარიონთ რჩებოდათ, მიწას აქვე კოშკზე გადააყრიდა და იტყოდა: „სწყალობდი, დალოკვილო, შენ მიწა-თიკათ შამამწირავს (სახელი). სიხარულად გაუკადი შენდ მიწა-თიკათ შამამწირავი. მაურჩინი ავადმყოფი“. ასე შეიწირებოდა მამული. მკითხავის გარეშეც ხდებოდა მისი შეწირვა. თუ ვაეიშვილი მეყოლება, ამა და ამ მამულს ჯვარს შევწირავო, — აღუთქვამდნენ და წირავდნენ კადეც. ხანდახან უპატრონო მიცვალებულის მამულიც რჩებოდა ჯვარს. ქისტებზე გამარჯვებისათვისაც შესწირავდნენ მამულს. ამნაირად ჯვარებს ყველგან, ყველა სოფელში აქვს საუკეთესო მამულები. ხალხს ზოგაერთ სოფელში მამულები სულაც აღარა აქვს, გარდა სოფლიდან ძალიან დაშორებული მამულებისა. მაგალითად, გუდანში მამულები სულ ჯვარს უქრავს. ხალხი სანახევროდ ხნავს და ნახევარს ჯვარს არგებენ. ახიელში რაც სოფლის ახლო მამულებია, რომლის განოყიერებაც შეიძლებოდა, სულ ჯვარს უქრავს და ხალხი კი მთაკლდეში ხნავს. ჯვარის მამულის განოყიერებაც არ შეიძლება და ყრია საუკეთესო მამულები გაღარიბებული. მაგრამ მათი სიწრაველის გამო ჯვარში პური მაინც არ აკლდებათ.

ქვაბების დუღილის დროს ჯვარში დასტურებს ქრისტეს (შობასა) და საწულეობაში ნარჩენი ხორცი, ხავიწიანი ქაღები და ლუდი აქვთ. სასმელ-საჭმელს არ იკლებენ. ისინი სავნი არიან. მოიყვანენ დაძმბარეს — „ჩხანჩხს“, „შულტას“. არჩევენ ისეთ კაცს, რომელიც უფრო ხელმარჯვეა და აქაური საქმიანობა ეხერხება. მასაც აძლევენ განაწილების დროს პურისა და ხორცის წილს.

წელწადში იყვნენ „მეძენგლენი“ კვირიწმიდელნი. იმათ „ბენგლად ედოთ“ წელწადში დასტურებთან ერთად მუშაობა და დასტურობის გაწევა ყველა საქმიანობაში, ქვაბების დუღილიდან მოკიდებული დღეობის დამთავრებამდე. „ბენგლი“ ედოთ შემდეგზე: ერთ კვირიწმიდელს შეხვდა მოსისხლე მტერი არხოტის ჯვარის გალავნის ახლოს. ის დაედევნა ხმლით მოსაკლავად. მოსისხლე გადახტა არხოტის ჯვარის გალავანში, კვირიწმიდელმა (კვირიწმიდა სოფელია) გადაბტო-

მის დროს მოუქნია ხმალი და რაკი მტერმა გადაასწრო, მოქნეული ხმალი გალავნის ყორეს მოხვდა. იგი მტერს გალავანში აღარ გადაჰყოლია. კვირიწმიდელი ავად გახდაო, გადმოგვეცემენ, და სისხლს ათხევდაო. მკითხავემა ისარგებლა ამით და უთხრა, რომ ძენგლი დაიდევით არხოტის ჭვარში, წელწადში დასტურობა და საკუთრად ერთი ქვაპის დუღებაო. ასეც იქცეოდნენ: კვირიწმიდის სოფლიდან ერთი კაცი წელწადში დასტურებთან ერთად დასტურობდა და მონაწილეობას ღებულობდა როგორც ქვაბების დუღილში, ისე ყველა საჭვარო საქმიანობაში. ერთ ქვაბ ლუღსაც ადუღებდა საკუთრად და ბოლოს ნახორის განაწილებამდე წილი ჰქონდა, როგორც სხვა ჩვეულებრივ დასტურს. ამგვარად, ქვაბების დუღილში და დღეობაშიც მუშაობდნენ ერთი დასტური კვირიწმიდელი, ორი ახიელელი და ერთი რომელიმე სოფლიდან (რეგით ვისაც მოუღის). მუღმივი დასტური ეტანება (ემატება) ორ ახიელელ დასტურს. ოთხი დასტური, ერთი ან ორი ჩხანჩხი საწელწადო ქვაბებს ადუღებენ. ქვაბების დუღილის დროს სოფლიდანაც იციან ახალგაზრდებმა მისვლა, მუსაიფი, ეხმარებიან კიდეც და სისწვენსაც სვამენ. ტკბილს ადუღებენ ცალკე ქვაბში დიდხანს, ბევრს აორთქლებენ. ბოლოს თავლივით გასქელდება და ტკბილი საკმელია. ამ საკმელს ჰქვიან „ნარგი“. ჭვარში ლუღი და არაყი მზადდება წელწადისათვის და არც სოფელში არიან სამზადისს მოკლებულნი. ყველა ამზადებს თითო ან ორი ქვაბის არაყს. რაც ოჯახს კარგი ექნება, ყველაფერს წელწადისათვის ამზადებენ. შოულობენ თხილს, კაკალს, თაფლს, ხორცს, ერბოს და სხვა. ქალები დღე და ღამე არ ისვენებენ და საწელწადოდ ახალ ტანისამოსს ქარგავენ და რთავენ როგორც თავისთვის, ისე ოჯახის წევრებისათვის. მიღებულია, რომ ახალ წელს უნდა შეხვდნენ ახალი ტანისამოსით. ამიტომ არის, რომ რაც კი ხევესურს კარგი გააჩნია, ყველაფერს წელწადისათვის ამზადებს. ზოგი კიდეც სახუმარო რამეებს აკეთებს, — ბერიკების ნიღბებს, რქებიანს, თხის თავს სახეზე გასაკეთებლად და სხვა. ზოგი ტყვია-წამალს ამზადებს, რადგან სახუმაროდ აქ იმართება „ბრძოლა“. ამზადებენ აგრეთვე შეშას და ჩალათივას, რომ წელწადში უზრუნველყოფილი იყვნენ. შეშა მოაქვთ შორიდან ჯორებით. ჭრიან, ამზადებენ და აწყობენ, რომ წელწადში ისიც მზად ჰქონდესთ და დროსტარებაში ხელი არაფერმა შეუშალოთ. წისქვილებში ფქვილს საკმარისად დაფქვავენ, რომ არ შემოაკლდეთ დღეობაში. აქ პატარა წისქვილებია და საჭირთა წინასწარ ბლომად ფქვილის დამზადება.

ახალი წლის წინა დღეებში, რაც შეიძლება, სახლს დაალაგებენ. რადგან აქ შუა ცეცხლს ანთებენ, ჰერი სულ მჭკარტილიანია და ცოცხით ჩამოწმენდავენ. ავეჯი თუ საღმე რამე განათხოვრებული აქვთ,

ყველაფერს დაიბრუნებენ, რადგან არ შეიძლება ახალწელს სხვაგან რამე დარჩეს. (ხევსური იტყვის: „სანაწყევროი წელწალში სალონისა სხვაგან დარჩომოა“. სალონი — რამე საოჯახო ნივთი). ძროხების საკმელად ჩალას და თივას დაამზადებენ, აურევენ ერთიმეორეში და მარჯვე ადგილას დააწყობენ, რომ წელწალში აღარ გაუხდესთ სამზადებად. ერთი სიტყვით, ხევსური კაცი წელწლისათვის ისე მოემზადება, რომ დღეობაში ერთი კვირის განმავლობაში საზრუნავი არაფერი ჰქონდეს. უკანასკნელად ყველა გამოხდის არაყს, დაახარისხებს და ისე შეინახავს.

სოფელში რამდენი მიცვალებულიც იყო იმ წელს, იმდენ ბოთლს კარგი არაყით ავსებენ და ცალკე ინახავენ, რადგან წელწალ-დილას ყველა ჰქირს პატრონი უნდა მოიკითხონ. ავსებენ აგრეთვე ერთ ბოთლ არაყს და ამათაც ცალკე დგავენ, რომ ვინც კვალს შემოუტანს წელწალ-დილას, იმას გაატანონ. ამგვარად სამზადისი აქაც მოთავდება და ჭვარშიაც. წინა დღეს ყველანი დაიბანენ ტანს, ჩაიცვამენ ახალ ტანსაცმელს და წელწლისათვის მზად არიან.

ჭვარიონთაც ყველაფერი დამზადებული აქვთ — არაყი, შეშა, ჭურჭელი, რაც საჭიროა ლუდისათვის, თუ სხვა რამე საჭიროებისათვის. ხავიწი დიასახლისმა ჰქრისტეს დღეობაშივე დაამზადა: ერთი აწყვით არის მოტანილი, ფქვილიც იმდენია დაყრილი, რამდენიც საჭიროა. ეს ყველაფერი მერე გაიყოფა იმდენად, რამდენიც ღამისსამთელს და ჟამისსაწირია. დიასახლისი ხავიწს ბაკანში დანით ჩათლის და აცხობს ქაღებს. ეს სამზადისიც დიასახლისს მოწოდებული აქვს.

დასტურები წინა დღით გამოხდიან ორ ქვაბ არაყს და მათაც ისე გაანაწილებენ, როდის რამდენი დასჭირდებათ, და ჩააბარებენ ერთ დასტურს. ლუდი ხომ ხუცესს აბარია და მის გარდა, გამოწაკლის შემთხვევაში თუ შევა ხელოსანი, საკოდეში სხვა ფეხს ვერავინ შედგამს. წელწალს წინა დღეებში ხუცესიც და ხელოსანიც ტანს ხშირად იბანენ წყარობზე. ტანის დაბანის წინ დაღევენ ძალიან ცხარე არაყს; ამბობენ, რომ კაცმა თუ ცხარე არაყი დალია, რაც უნდა დიდი ყინვა იყოს, მაინც აღარ გაცივდებაო. ბოლოს დასტური წელწალს წინა დღეს შუადღის დროს მიდის დიასახლისის მოსაყვანად. დიასახლისიც განზადებულია წამოსასვლელად. გამოცხობილი აქვს მასანთოები და ბოჭოლები (გიორგობის დღეობის აღწერილობაში ნათქვამია, თუ რა არის მასანთო და რა არის ბოჭოლა), დამზადებული აქვს მუშიც, სანთლის მაგიერ. ეს ყველაფერი ჩაწყობილია გუდაში; დამზადებული აქვს აგრეთვე ერთი ხელი სუფთა ლოგინიც — ფარდაგი და „გუდანური“ (გუდანური ჰქვიან ძალიან მატყლიანი ტყავებისაგან შეკერილ დასახურავს. რომელსაც ხევსურები საბნის მაგიერ ხმარობენ).

დასტური წამოიღებს ამ ლოგინს, დიასახლისი გუდას თავისი პურებით, როგორც ზემოთ ვთქვი, ისე მოანთებს. მონთების შემდეგ ქა-

დას იღებენ. ცალკე ინახავენ, ბოქოლებს კი იქ აწყობენ, სადაც მო-
ანათეს. მონათება რომ დამთავრდება, დიასახლისს დაუნთებენ დიდ
ცეცხლს, იგი შეუდგება დამისამთელოს გამოცხობას. ამ დროს ჭვარიონ-
ნიც ემზადებიან, ჩახედავენ ლუღებს, გასათბობს გაათბობენ და სხვა
თუ რამე მიზეზი აქვთ, იმასაც ეცდებიან გამოასწორონ, ამავე დროს
რეცხავენ ძველ ჭურჭელს, ვერცხლსაც და სპილენძსაც.

ჯვარში მეკვლედ თითო კომლიდან თითო კაცი მიდის, მიჰყავთ
ორი ჭედლია და ერთი სარიგო საკლავი. ზუციის მეკვლეებს დაამწყა-
ლობნებს და შეუდგება ზუციობას-ჟურთხევას.

ჟურთხევასაც რომ დაამთავრებს, ზუციისი მერე კიდევ შეუსახე-
ლებს საკლავებს და იტყვის: „შენა სამთავროდ, შენა გასამარჯოდ მა-
რეშარი, დიდო მიქიელო. ეს სამსახურ-პირისაპანები, შენ ახიელელთად
ტახტის ყმათად, მაგათ მეკვლეთად, მაგათ თავისად, ჯალაფობისად, კა-
რეადა, საქონისად საწველოდ, სამწყალობნოდ, სახო-შნოდ მაიკმარი,
გამარჯვებას შენა, შენის გამჩენის ხთისას“.

ერთი დასტური აიყვანს საკლავს და გამოჭრის ყელს. მერე სხვა სა-
კლავებსაც ასეთივე წესით დაკლავს. დასტურები მიიტანენ და იქვე სა-
საკლავე სიპზე დააწყობენ. სიპზე ფეხს არავენ დაადგამს, რადგან რგი
წმინდად არის დაცული. ზუციისი დანას ჩააგებს ქარქაშში და იტყვის:
„გწყალობდასთ მიქიელის დავლათი მეკვლეთ, საწალმართოდ მაგიარასთ,
მშვიდობით შაგინახანასთ, ბევრ მეკვლე წუხრა („მეკვლე წუხრას“ ეძა-
ხიან ამ საღამოს) მაგგვარასთ მშვიდობისა, კარგად ყოფისა“, ამასვე იშე-
ორიბს. მთელი ზალხი, დაბოლოს ყველანი ამბობენ: „ყურით მაყურე-
ბელს გწყალობდასთ კემწიფის დავლათი, მშვიდობით გამყოფნასთ, ჭვა-
რონთ გწყალობდასთ, დასტურთ დასტურობა ნუ შაგანანასთ, კელო-
სან დიდხან გავიყოლას, ზოციის ენა-პირ გიკურთხას, შალცოდვად. შა-
ლუჩინად შაგინახას. დიასახლისს სწყალობდას, ნუ შაანანას კეთილის
კახეაი. დიასახლისობაი“.

მერე მეკვლენი დასხდებიან, ჭვარიონნი ცოტა ლუღს გამოიტა-
ნენ. რომელი კოდც ამ დროსათვის გახსნილი უნდა იყოს, იმას „სამე-
კვლეო“ კოდს ეძახიან. ეს ლუღი განსაკუთრებით კარგი უნდა იყოს.
აქედან ერთი საწედ გამოაქვთ. მეკვლენი თითო-ორთა თასს დალევენ
ასეთი დალოცვით: „გამარჯვება კემწიფესა (მიქიელს ადვილად არ
ამბობენ, რადგან წარამარა ხსენებას მას არ აკადრებენ), იმის წყალო-
ბა გქონდასთ ახიელელთ, მეკვლეთ. ბევრ მეკვლე წუხრა მშვიდობისა,
კარგა ყოფისა მაგგვარასთ, რგებისა, გახარებისა, ერთუცის სიცოცხ-
ლისა“ — დაილოცებიან და დალევენ. მოახლოვდება საღამოც, მეკვ-
ლენი ისევ წაელენ თავ-თავიანთ სახლებში, სადაც ყველა დაამზადებს
ერთ ღერ სანთელს. ოჯახის დიასახლისს ყველა მეკვლისათვის გამო-
ცხობილი აქვს თითო სასანთლე, (მოზრდილ ქადას ზედ ადევს პატა-

რა ქადა — საკვირაო, ორივეს ერთად კი სასანთლე ეწოდება). ერთი ღერი სანთელი, სქსანთლე და ერთი აღება შეშა, რასაც მოერევა კაცი, მეკვლემ ჭვარში უნდა მიიტანოს. მხოლოდ ჭერ სახლში ივანშმებს და მერე მიდის ჭვარში. დაღამდება და მეკვლენი მოიყრიან თავს საქვაბეში, რომელსაც დასტურები საამისოდ წინასწარ დაალაგებენ. დარბასი არის ცალკე, სადაც ჭვარიონნი არიან, საღიასახლისო და საქვაბე ცალკე, მხოლოდ ფიცრით არის გადატარული.

მეკვლეთ თავისი მოტანილი შეშა დაწყობილი აქვთ საქვების კარზე, შიგ საქვაბეში ანთებენ შუა ცეცხლს. აქვე გრძელ ფიცარზე ერთმეორის გვერდით დაწყობილია სასანთლეები, ზედ სანთლებით.

მეკვლენი გაგზავნიან ორ კაცს — „ნელუდეს“. ისინი მივლენ დარბასის კარში, ჩვეულებრივ მადლს მოსთხოვენ და შემდეგ ეტყვიან ჭვარიონთ: „აშენდით, წაღმამც წაგიოსთ დღეი დღეობაი“. „დაშენდით, მაგვიხეით მშვიდობით, წყალობა კემწიფისა, წაღმ მაგეგებასთ კემწიფის დავლათი“. „თქვენ იყოს მწყალობელი“ — იქნება პასუხი. მერე გამოიტანენ და მელუდეთ დააღეინებენ ლუდსაც და არაყსაც. ამის შემდეგ დაუსხამენ ლუდს და ისინი მეკვლეებთან წაიღებენ. ხუცესი მეკვლეთ ვერ უბედავს, რომ იყბედოს და ლუდი დროზე არ დაუსხას. აქ ზოგიერთი ისეთი ბიჭები არიან, რომ ხუცესს ბევრს არ ალაპარაკებენ. მეკვლეთ რომ ლუდს მიუტანენ, დაუდგამენ წინ და ეტყვიან: — „ლუდი წინა, ვაეებო“. „მატან ბედნიერი, მაგვიხეით მშვიდობით“ — უპასუხებენ მეკვლენი და მიიწვევენ სკამზე. ხევსურებმა ძალიან იციან სკამზე ადგილის დათმობა და მიწვევა: ნობრძანდი, გაღმაღდი, აქ დაჯექი! კაი ადგილი არჩეული არის უფროსებისათვის, უცროსები უფრო ბოლოსაჲენ სხედან, კაცი რომ შემოვა, იტყვის „აშენდით“, ყველანი ფეხზე ადგებიან და ეუბნებიან: „დამშენდი, მაგვიხეე მშვიდობით, მშვიდობით შენ მასვლაი“. შეიპატარებენ, მაგრამ ის არ მიდის საუფროსოში და იმართება ამის ირგვლივ ერთი ბრძოლა. როგორც იქნება დასხდებიან. ერთი-ორი დადგება ფეხზე და დაიწყებენ სმას, სეაენ მხოლოდ, საკმელი ჭერ-ჭერობით არაფერი აქვთ.

საკლავებს დასტურები გაატყავებენ, დაჭრიან ასო-ასოდ, „ხარჩამავალში“ მოხარშავენ და ამოალაგებენ ფიცრებზე. მეკვლეები ღამის განმავლობაში ბევრს იცინიან, ოხუნჯობენ, მღერიან, ცეკვავენ და კაი დროს ატარებენ. შუალამისას ჭვარიონნი გამოვლენ მეკვლეებთან, გამოიტანენ ვერცხლს თავსებს და სანთელს. იმათ შემოსულაზე ყველანი ფეხზე დგებიან და ეუბნებიან: „მაგვიხეით მშვიდობით, ჭვარიონნო, მშვიდობით თქვენ მასვლა“ — „მშვიდობით დაგვხვდითა, გამარჯვებით, წყალობა მაგიტანეთ მიქიელისა“ — ეუბნებიან ჭვარიონნი. სასანთლეებიან ფიცარს გადმოდგამენ ხალხის შუაზე, აანთებენ სანთლებს და დააკრავენ სასანთლეზე. ავსებენ ვერცხლის თავსებს ლუდით, მისცე-

შენ ყველა მეკვლეს თასს და სანთელს და ხუცესი შეუდგება ხუცობას: — ღმერთო დალოცვილო, შენ დასწერი ჭვარი შეკვლეთ. ღმერთმა გადიდას, ღმერთმა გაძლიერა. ღმერთმა ნაცვას ცამდინ სიმალლე, ზღვანდინ სიმაგრე, მიქიელ მთავარო ანგელოზო, შენად სამთავროდ, შენად გასამარჯოდ მაიკმარი ეს გარეგებულ სეფე-სანთელი, საღოდებელი. შენ მეკვლეთად, მაგათ თავისად, ჯალაფობისად საშველოდ, სახორწონოდ მაიკმარი. ღმერთი შენს ბატონობას გაუშარჯეებს. ამინ, დიდება ღმერთსა, მადლი ღმერთსა, დიდება დღეს დღესინდელსა, ძალს ხოლას. ძალს კვარასას. დიდება-დ გამარჯვება შენდა, მიქიელ მთავარო ანგელოზო“. შემდეგ ჩვეულებრივ გრძელდება ხუცობა და კურთხევა. ბოლოს მოჰყვება დაწყალობნობა; ჯერ ხუცესი იტყვის და მერე ყველა. (აქ) სადიდებელზე ყველა ჭვარი ხსენდება თითოობით, როგორც მოყვანილია ხენის დაწყების დროს, მხოლოდ იქ ხუცესი ლაპარაკობს: „ამ სეფე-სანთელზე შენ გადიდას, გაგიმარჯოს ღმერთმა“, აქ სეფე-სანთელსაც ამბობს და სადიდებელსაც, რადგან აქ ლუდიანი თასებიც არის და ამას ჰქვია სადიდებელი. იქ კი მარტო სასანთლეები იყო და სეფე-სანთელი ითქვა). გწყალობდასთ, მეკვლენო, საწაღმართოდ მაგიარასთ. ნაცხენებთ ანგელოზთ დავლათმ, მშვიდობით შაგინახნასთ, ბევრ წელწად-ქრისტე მაგგვარასთ მშვიდობისა, კარგად ყოფისა. ბედნიერ წელი კვალ გამაგიცვალასთ დალოცვილმ. ჭვარიონთ მაგვასთ წყალობა, დასტურსა, კელოსამს, ხუცესს ენა-პირ გიკურთხას, შაუცოდვრად, შაუწყენრად შაგინახას. დიასახლისს სწყალობდას, მშვიდობით აწყოფას, დიასახლისობა ნუ შაანანას“. ამ დაწყალობნებას რომ მოათავებენ, ისევ თასებით, ე. ი. სადიდებლით ხელში ფეხზე დგანან ყველანი და ხუცესი შეარისხებს ე. ი. დასწყევლის ცუდს და მოლაღატე კაცს სოფელში. მას უჭირავს ლუდით საჭხე, სახუცო კოკობი სანთლებით და იტყვის: „გაუწყრას მიქიელის დავლათი სოფელში ცუდს ენის კაცს. მეღალატეს, ცუდის კელისას (ქურდი), სოფლის გამტებს. ღრისხევდას, მიზდიოს შვილით შვილამდინა, ქალის შვილამდინ. ნუ გამაიყვანას იმის სახლშით ნუც ქუდიანი, ნუც მანდლიანი“. „ამინ, ღრისხევდას!“ — ერთხმად აქოთქოთდებიან მეკვლენი და განუმდებიან. ხუცესი თავის კოკობზე სანთელს სამჭერ გააქრობს და იტყვის: „გაქრას ეესრ მეღალატე, შავნე კაცობაი!“ — „ამინ, ღრისხევდას!“ — არის მეკვლეთ პასუხი. მერე ხუცესი თავისი თასიდან მთლად დაღვრის ლუდს მიწაზე და იტყვის: „დაიღვარას ეესრ მეღალატისა, სოფლის გამტების სისხლი მტრის კელით!“ — „ამინ! — იტყვიან მეკვლენი. ბოლოს ხუცესი რომელსაც თასს ისევ უვსებენ, სანთლებსაც უნთებენ, ამბობს: „სწყალობდას სოფელში მართალსა, მაგარს კაცს, სოფლის პირის დამწყობსა-დ სოფლის პირის სხვაკან არ გამტანს“. — „სწყალობდას!“ — იქნება მეკვლეთ ხმა. ეს შერისხება დიდად სა-

შინელი ამბავი არის ხევსურების რწმენით. მეკვლეთაგან შერისხებულ-
ლი კაცი სულ ამოწყდება თავისი ნათესაობით, „შვილით შვილამდე და
ქალით შვილაძდეო“. სჯერათ, რომ თუ სადმე მათი ქალ-ღოწული არის,
ისინიც კი ამოწყდებიან, როცა მათ მეკვლენი შეარისხებენ. ხევსურ-
რეთში ასე სწამთ, რომ მეკვლეთ ღმერთიც და ჯვარიც იპლენ პატრეს
სცემენ, რომ ისინი შეარისხებენ ვინმეს თუ დაამწყალობნებენ,
აუცილებლივ ძარულდება. ამიტომაც არის, სოფლის საიდუმლოს
წვრილმანსაც კი ინახავენ და სხვაგან არ გაიტანენ. ასეთზე იტყვიან:
„გაამრავლოს იმისობა, როგორც ქვიშა რიყეზედა, მსკვლავები ცაში“.
„ამინ“ — არის მეკვლეთ პასუხი ერთხმად.

ამით შერისხება და დამწყალობნება მოთავდება. ხუცესი იტყვის:
„თქვენა სამთავროდ, თქვენად გასამარჯოდ მივიმარეთ ეს სადიდებელი,
სეფე-სანთელი, თქვენ მეკვლეთად ახილელთად საშველად, სახომ-
ნოდ, სამწალობნოდ მაიკმარეთ, მაგიჟამე დიდნი ხართ თქვენის გამჩე-
ნის ხთის კარზე“. ამ სიტყვებით ხუცესი თავის სახუცო თასს მალლა ას-
წევს. ყველა მეკვლე იმის მსგავსად თასს მალლა სწევს და ამბობს:
„ისმინე, გაიგონე, გამარჯვება შენდა შენის გამჩენის ხთისად“. აჰის
შემდეგ ყველა იტყვის: „ჯვართ დიდებანი, მებეწურთ წყალობაი“.
სვანს ყველა თავთავის თასს. თასი ყველამ უნდა გამოცალოთ. აქ თა-
სები ზოგი დიდია, ზოგი პატარა და ვისაც დიდი თასი აქვს, თავის თასს
მიართმევს მცირე თასის პატრონს და ეტყვის: „მიშველეო“. ისიც ცო-
ტას დაღვეს და მადლს გადაუხდის; ბოლოს მოთავდება თავების გა-
მოცლაც და იტყვიან: „წავსვ თქვენის გამარჯვებისა. გწყალობდასთ
ნაკსენებთ ანგელოზთ დავლათი“; ჩამოართმევენ ერთიმეორეს თა-
სებს, ჩააწყობენ ერთ ქვაბში და ჯვარივნებთან ერთად დასხდებიან,
ზედამდეგები ფეხზე დადგებიან სასანთლეებთან. ტაბლაზე დააწყობენ
მოხარშული ხორცის ნაჭრებს და დაუღვამენ ხალხს წინ.

აქ მეკვლეთ ხელზე გატეხა არ უნდათ პურისა, რაც ვის სურს,
იღებს და ჭამს ამ სიტყვების წარმოთქმით: „ღმერთო, გაუმარჯვი კემ-
წიფესა. კემწიფეო, შენ სწყალობდი ჯვარიონთა-დ ამ მეკვლეთ, და-
ადეგ წაღმ, შენის წყალობით შინახენი“. ყველას აქვს გაღვსილი დანა.
ისინი თავისი დანით მოჭრიან სასანთლეს, ხორცს და ჭამენ.

დასტურ-ხელოსნები მეკვლეთთან დასხდებიან; თუმცა სასმელ-
საჭმელი მათ დარბასში უკეთესი აქვთ, მაგრამ აქაც სვამენ, ჭამენ, ხუმ-
რობენ, ოხუნჯობენ და ბოლოს გავლენ ისევ დარბასში. მეკვლენი კი
განაჯრძობენ დროსტარებას. გამოიგონებენ სხვადასხვანაირ ხუმრო-
ბას, მღერაინ და სხვა. აქ იშვიათად ვინმე იძინებს, თერთად ათევენ
ღამეს.

როცა ჯვარში მეკვლე-წუხრას ეს აშავია, აი რა ხდება ოჯახებში, ან მეკვლეთ ნარჩენ ჯარზე; მეკვლედ ხომ ერთი ოჯახიდან ერთი კაცი მიდის და ისიც უფრო ახალგაზრდა. მეკვლეთ ნარჩენ ჯარს, ვინც უფრო ახალი ჭირის პატრონია, ის იპოვის და დაალაგებს ჭერხოს, ყველას შეატყობინებს, რომ სოფლის ჯარი აქ რჩება და ამ ჭერხოში დასხდებიან. დაღაშებისა და ვახშმის შემდეგ ყველანი აქ იყრიან თავს — ზინტრებაც და ახალგაზრდებიც (ზოგ ოჯახში საპი-ოთხი ახალგაზრდაა, მაგრამ ერთი მათგანი მიდის მეკვლედ, სხვები სოფლის ჯარზე მიდიან). მოიყრიან ყველანი თავს და გზავნიან ჯვარში მელუდეებს, რადგანაც ამათაც მეკვლეთ ლუდიდან ეძლევათ ლუდი, რაც მელუდეებს მიეჭეთ სოფლის ჯარზე. ისინი დადგამენ ქვაბს და ეტყვიან: „ლუდი წინა, ვაეუბო!“ „მამტან ბედნიერო, მაგვიხვეით მშვიდობით!“¹.

თქვენსამც წინ ას ტაბლაიც, წყალიც, საპოხიც, ეს ავსებულ ყან-წი. ჭურჭელიც, ეს სალაღებელიც (სალაღებელი — თხილი, კაკალი და სხვა ასეთი რამე, რომელიც საიჭიოში ბავშვებს გაახარებს და გაალაღებს); თქვენსამც ნებას ას, მსჯელსა მგავრესამც გარიდებთ, საპიპარსამც გიზუბუქებთ, მზითა, შუქით, სანთლითა, ყელაპტრით, ცოტა დიდად, რიომ წმიდად (რიოში — უწმინდურება: მკითხავები ქალს რიოშიანს უწოდებენ, ე .ი. უწმინდურს), ფერუქცევლად, წაუქცევლად, მუღდევრად, შაუქცევრად. თუ ვინ მაგბიროოდასთ, მაგბრუნევრადასთ, ოჯრის სულმკვდარ იყოსა, სიძე-ცოლეულ იყოსა, დობილ-შობილ იყოსა. ძალითაჟე ნუ ვინ გამაგვიკიდებოსთ, თქენითამც ნებით მისცემთა, გასცემთ, კელსამც გახკრავთა, კალასამც გაიხვევით. შაგინდნასთ ღმერთაჟა, მაგავმარასთ ქრისტიანობის გამჩენმ².

„შაღრნდა ღმერთჟ“ — ამბობენ სხვებიც.

სუფრის დამლოცავი ყანწზე კიდევ ილოცება და მერე დაღევს: „დაგლოცნასთ, გაღღეგრძელნასთ, ბევრ წელწად ქრისტე მაგგვარასათ მშვიდობისა, კარგა ყოფისა, ბედნიერ წელი კვალ დაგიყენასთ დალოცვილთ ახიელის სალოცავებმა“ (ქალები, როგორც უწმინდურნი, სალოცავების სახელს არ იტყვიან) და დაღევს არაყს. მერე ტაბლას მოუსხდებიან და ყველანი დაიწყებენ ჭამას. უფრო მთავარი საჭქელი აქ არის ხორცის გულიანი კეცეულები და ერბო. მეკვლე თეთრად განათენები არის და ხშირ შემთხვევაში იძინებს. იშვიათად იქნება, რომ მეკვლემ წელწადი ღლე კიდევ გაიგოს და არ ეძინოს. სხვა ოჯახის წევრები კი განაწილდებიან, აიღებენ წინასწარ გამზადებულ არყიან ბოთლებს და ყველანი ახალი ჭირის პატრონების კარზე წაველენ. ამ წელს სოფელში რამდენიც მოკვდა, ყველას კარზე მივა ხალხი: აანთებენ გარეთ დიდ ცეცხლს და ყველა თავთავიანთი ბოთლები-

¹ ამის შემდეგ დაკარგულია დედნის 12 ხელნაწერი გვერდი.

დან ერთიმეორეს არაყს ასძევეს, მხოლოდ ჯერ დალოცავენ ბოთლით არაყს იმ მიცვალებულისათვის, ვის კარზეც არიან. სოფელში ვინც ხვდებათ, ერთმანეთს ყველანი ულოცავენ ახალწელს. ბოლოს მთელი სოფელი ერთად იყრის თავს, დიდი და პატარა, ქალი და კაცი ახალი ჭირის პატრონის კარზე, აქვე მოვლენ დასტურნი და მოიტანენ ერთ დიდ ქვაბ ლუდს. ამოიღებენ თასებით, ჩამოარჩებენ, უფროსს ვინმეს დაავალებენ და ის დალოცავს: „ღმერთო, დიდება შენდა, ღმერთო, მადლი შენდა, ღმერთო უშველი ახილელთ, ბევრ წელწად-ქრისტე მშვიდობისა მღვდარე, კარგად ყოფისა. ღმერთო, შენის დიდებითა, ჩემის სიტყვის მავსენებით, ხათის წესითა, მღლღის წესით, იერუსალეთის ნათლითა, ქრისტეს გარიგებით, სააქაოს ნათქვამ თუ საიქიოს მიდიოდას, წესი-სამართალი იყოს, სულს შანდობა მიუდიოდას, ეს საწიდეც, ეს ავსებულ თასებიც სულსამც წელს რაიც ახილას დააკლდეს, იმათას მადეგარების“. „შაუნდნას ღმერთამ“ — სხვებიც ამბობენ. თუ ვინმემ დაუძახა — „შანდობა ხუცესსო“, მაშინ იმას შეაპალადებს დამლოცავი თავის თასს, მაგრამ ის არ ჩამოართმევს — „ვიინაც ლოც, იშან კოცნ“ — ეტყვის. ზერე იმ თასს დაცლის თვითონ, მეორეს აუვსებს და მისცენს იმას, ვინც „შანდობა ხუცესს“ დაუძახა.

მერე გაიმართება ლუდის სმა, მღერა და ცეკვა. მანამ საერთო წესებს ვიტყოდეთ, აქ ერთი პატარა ოჯახური წესი კიდევ დარჩა აღსაწერი: მეკვლე ხომ მოვიდა, მაგრამ ოჯახში არავინ შევა მანამდინ, სანამ კიდევ მეორე მეკვლეს არ შეატანინებენ კვალს. ოჯახს ჰყავს ვინმე არჩეული, უფრო ბავშვი, ვისი კვალიც, მათის რწმენით, კარგად აქვთ დაცდილი. მაგ. როცა მას კვალი შემოატანინეს, იმ წელმა კარგად გაიარა ოჯახის სსარგებლოდ. იმას ოჯახიდან დაუძახებენ და წაიყვანენ კვალის შესატანად. ეს მეკვლე რომ შეზობლის სახლში პირველად ფეხს შედგამს, იტყვის: „შამაუდგი ფეცი, გწყალობდასთ ღმერთი, ჩემივც კვალი კარზე დაგიხვდებისთ, წულიანი, პურიანი, სახელ-სარგებლიანი“. ამ საუბრით შევა და დაჯდება სკამზე. აქ მას, რითაც შეუძლიათ, კარგად გაუმსპინძლდებიან და ერთ ბოთლ არაყს, ხშიადს, ერბოს და ყველს, ერთმანეთზე დაწყობილს, სახლშიც გაატანენ. არწალეობა არ შეიძლება; თუ აქვთ, თხილსაც ჩაუყრიან ჯიბეში. ზოგ ოჯახს კარგად აქვს დაცდილი ძალის კვალი: ნათქვამი არის, რომ ერთგული ვიღაცა უნდა იყოს კვალის შემტანი, რომ ოჯახზე კარგს ფიქრობდესო და ძალზე ერთგული პატრონს არავინ ჰყავსო. ამიტომ მისი კვალი ძალიან კარგიაო. ამის შემდეგ ყველას აქვს ნება ოჯახში შესვლისა, მანამდე კი იკითხავენ — კვალი შეტანილი აქვთ თუ არა, და თუ არ შეუტანიათ, მოსული კაცი უკანვე გაბრუნდება.

დავუბრუნდეთ ისევ საერთო წესს. კირის პატრონის კარზე სმა, მღერა და თაჰამობა გრძელდება, აქ მთავარ როლს თამაშობს თვითონ კირის პატრონი. როცა აქ ყოფნა მოსწყინდებათ, ახლა გაშიგონებენ. რამე ზღმობას, წავლენ ჯვარში, ან „დაამბენ ფერხისას“ და მღერიან ორ გუნდად საგმირო სიმღერებს. ჩაიყენებენ წრეში ხანდახან ქალღმერთსაც, მხოლოდ ქალები არ მღერიან. დანარჩენი ბავშვები და ქალები წრეს ანუ ფერხისას უკან გაჰყვებიან; ფერხისა სოფლიდან წავა. ჯვარში ასეთი სიმღერით:

„აიმა მთაზე გადმოვდა, ვეფხე-ლომთა ნატოტარიო,
შადგეს საწვიმრად ღურბელნი, შიგ ჩადვა ნაგუბარიო,
საყრფელად შამაშჩევეიყვა ეგ ბაგრატივნის ქალიო,
ბაგას სხო შამაშჩევეიყვა ერთი ურჯულო, მყარალიო“... და სხვა.

თუ ჯვარში მისვლამდე ერთი სიმღერა გაშილია, მეორეს იტყვიან. სიმღერის ორ გუნდად მღერით მიუახლოვდებიან ჯვარს. ქალები გამოეყოფიან და მინდორზე დასხდებიან, მამაკაცები განაგრძობენ გზას და სიმღერით მივლენ დარბასის კარში. იქ დაიშლებიან, მადლს მოსთხოვენ ჯვარს, მერე ისევ ჩაებშებიან და განაგრძობენ სიმღერას. ჯვარიენები გამოვლენ და ეტყვიან: „მაგვიხვეით შწიღობით, წყალობა კემწით-სა“; ისინი მღერას განაგრძობენ, მხოლოდ მადლობის ნიშნად ჯვარიონთ თავს დაუკრავენ. ჯვარიონნი გამოიტანენ არაყს, ლუღს, ჩადგებიან წრის შუაში (მომღერლები წრიულად ნელა გარშემო ტრიალებენ) და დაალევიენებენ ყველას. დაიშლება ფერხისა და დასხდებიან დარბასის კარში. ფერხისას დაალევიენებენ „საშიგაო“ ლუღს (საშიგაო ლუდი ჰქვია, რომელიც იხარჯება შიგ დარბასში, — ე. ი. ჯვარიონნი რომელსაც სვამენ. ეს ლუდი არის საუკეთესოდ გაკეთებული, მეტად ნადუღარი და სვეც მეტი აქვს. ბევრი დუღილისაგან გასქელება და საუკეთესო დასალევია, ადვილადაც ათრობს).

დარბასის კარში გამოიტანენ სასოფლო ლუღს (საშიგაო ლუღზე დაბალხარისხოვანია) და დაიწყებენ სმას, ქალებსაც გაუტანენ ერთ-საწუღე ლუღს. იქვე, სიციფში, ცოტას დაალევიენებენ და ცეკვაც იპართება გარანონზე. მერე ქალები ერთ-ერთ მახლობელ სახლში წაიღებენ ლუღს, ახალგაზრდებიც იქ წავლენ და გაიმართება მხიარულება — ცეკვა, მღერა, ოხუნჯობა და, რასაც ვინ გამოიგონებს, სხვადასხვანაირი გართობა.

ამ დროს ხნიერი ხალხი სოფელში ერთიმეორეს ეპატიყება ოჯახებში. სვამენ არაყს, აკეთებენ მწვადებს და ატარებენ დროს. ახალგაზრდები კი ოჯახს და მოხუც ხალხს ახლო არ ეკარებიან და ერთობიან თავისთვის. თუ სოფელში ახალმოყვანილი რძალია, მის პატივისაცემად და მის გასართობად ხშირად იყრიან თავს იმ ოჯახში, მიიტანენ.

ლუდს და ყოველდღე იმართება მხიარულება. ჰირის პატრონი ჰერხოს-
დალაგებს, დააწყობს ხეებს სკაპებზედ ჯარისათვის. სოფელში ლხინი
და მხიარულება მთელ დღეს გრძელდება, აგრეთვე ოჯახებში პატყი.
ხალხი ამ დღეს საკმარისად მთვრალია და ხშირად ხანჯლით ჩხუბსაც.
აქვს ადგილი.

საღამო უამზე ბავშვებს გაგზავნიან და შეტყობინებენ ყველას,
რომ სოფლის ჯარი დასხდება ამა და ამ ჰერხოსში. დალაგდება და ყვე-
ლანი მივლენ. ვინც მივა, ყველა მხარზე დაწყობა შემას მიიტანს ლამე
ცეცხლს დასანთებად. დასხდება ხალხი და გაგზავნიან ჯვარში მელუ-
დეთ. ისინი წაიღებენ ქვანს, საწედეს და კეტს, მივლენ დარბასის კარ-
ში, მაღლს მოსთხოვენ და ჯვარიონთ ეტყვიან: „ამენდით, ჯვარიონო,
წალმამც წაგივით დღეი-დღეობაი“. „დამშვენდით, მაგვიხვეით მშვი-
დობით, წყალობა კემწიფესა, მელუდენო“ — ეტყვიან დასტურ-ხე-
ლოსნები. მელუდენი დასხდებიან, ჯვარიონნი გამოუტანენ და დაალე-
ვინებენ ლუდს, ხანდახან არაყსაც, არყის დახარჯვას უფრო ერიდებიან
და თუ ძალიან პატყვისაცემი სტუმარი არ შეხვდა, არაყს არც დაალე-
ვინებენ, ლუდს კი ძალდატანებითაც ასმევენ. მერე ხუცესს ეტყვი-
ან — ლუდი დაუსხი მელუდებსო. ხუცესი კი კაი გუნებაზე არის,
რამდენიმე ხანს კიდევ „აწვალებს“ და ბოლოს მაინც დაუსხანს. ზელუ-
დებეც მათთვის დასხმული ლუდიდან ამოუღებენ და დაალევინებენ იქ
მყოფებს. მერე ასწივენ ქვანს კეტით, მოიტანენ (განსაზღვრული არის,
რომელ დღეს რამდენი ლუდი მიეცემა სოფელს) და დადგამენ ჯარის
წინ. უფროსებმა შეიძლება საწედ დალოცონ, შეიძლება არა, მხოლოდ
ხშირ შემთხვევაში კი ილოცება ახალ მიცვალებულებისათვის. მერე
შეუდგებიან სმას. შეიძლება ჯარზე შეხვდა ერთიმეორეს ძველი „მამ-
კლავ-მამკვდარი“. დამნაშავის ნათესავი დაზარალებულს ნათესავთან
სკამზე არ დაჯდება და ხელში თასს არ დაიჭერა, არც დაღვეს, ვიდრე
დაზარალებულს ლუდიან თასს არ გაუგზავნის. ვინც ლუდს არივებს,
იმას ჩუმად ეტყვის: ჩემ მაგივრად „პატივი“ მიუტანე იმედს (იმედა,
დაუფშვათ, პირობით სახელად). ლუდის ზედმიწევნით აუხსებს და მი-
უტანს თასს იმედს და ეტყვის: ეს თასი ამა და ამ კაცმა წარმოქალე-
ბინა შენთან პატივად. იმედა ეტყვის: „არას უხედავ მე მაგას, თავის
თავს დააყენებს“ და გამოართმევს თასს. ამ დროს თასის გამგზავნი,
ე. ი. დამნაშავე გვარის კაცი, წავა და კარების მხარეზე ჯარის ბოლო-
ში „მუხლით“ ე. ი. ცალ მუხლზე დაჯდება. იმედა ვინმე უფროსს ეტ-
ყვის: „ეს თასი ჩემის სირცხვილიაი ას. მე მაგას თასს არას უხედავ
(არ ვავალებ), მაგრამ თავის თავს აყენებს. ადვილი, ემ თასს სიტყვა
უთხარი“. უფროსი კაცი ჯერ კი იუარებს — სხვა ვინმე ეტყვის სიტ-
ყვას, მე „გადაუამყრუებული“ ვარ, აღარადერი ვიციო, მაგრამ ბოლოს
მაინც ადგება თასიანი კაციც (თასის გამგზავნი კი მუხლზე ზის თავ-

დახრილი). უფროსი იტყვის: (დამნაშავეს სახელი, დავუშვათ, გიორგია) „ღმერთო, დიდება შენდა! ღმერთო, მაღლი შენდა! ღმერთო, უშველი ახილელთ, ბევრ წელწად-ქრისტე მალგვარი მშვიდობისა, კარგა ყოფისა, ღმერთო, გაუმარჯვი მიჭიელსა. მიჭიელო, შენ სწყალობდი ამ ეროუცის მადევთ იმედასა-დ გიორგის, შუ გაუარი, დალოცვილო. წალმ მაუარი, რაც ავი ჩამალვარდნივ, ნულარა ავს ჩამაუჯდებ. მიჭიელო, ნუ იქ ისრ იმედანს საქმეს, რო კაცნ არ ხედევდან, პატოვ არ მიუღიოდას. დიდებულო მიჭიელო, ნუც გიორგის საქმეს იქ ისრ, რო გასაგო არ გაივას, საპატიოს პატივ არ დაწდოს. მიჭიელო, შენის დიდებითა, ჩემის სიტყვის მაცსენებით, ხთის წესითა, მდღლის წესით, იერუმსალეთის ნათლით, ქრისტეს გაროვებით, სააქაოს ნათქვამი თუ საიქიოს მიდიოდას, სულს შანდობა მიუდიოდას, ეს თასი სულსამც გიორგის მამისას მეეკმარების“ — „შაუნდნას!“ — ამბობენ სხვებიც. მოგონებენ დამნაშავე გვარის მიცვალებულს და იმისათვის ეტყვიან თასს შენდობას, წესი ასეთი არის.

მერე თასს დალევს, ვინც დალოცა, ის. მეორე თასს აავსებენ და ნიართმევენ ისევ იმედას გიორგის მაგივრად, ამ მეორედ გაგზავნილს ჰქვია „სასმელად გაგზავნილი“ თასი. გიორგი ისევ ცალ მუხლზე ზის, იმედა დაილოცება და დალევს. შეიძლება თასის მომტანი ე. ი. გამოშგზავნი ადღეგრძელოს. დალევის შემდეგ მუხლზე მჯდომ გიორგის ეტყვის: „ადღე, გიორგი, ადღე. იმე შენ არას გიხედავ“. აავსებინებს იმედა თასს და გაუგზავნის გიორგის. გიორგი ფეხზე დგება, ხათრიანდ, ნელის ხმით იმედას ადღეგრძელებს და დალევს. შეიძლება იმედამ გიორგი წამოიყვანოს და სკამზე დაწვას. თუ გიორგის იმედა არ დაწვას სკამზე, გიორგი სულ მუხლზე იქნება დაჩოქილი ზალხის ბოლოში. მხოლოდ ის იმედას თვალწინ ვერ ითამაშებს, მისი გაგონებით ვერც იჩხუბებს, თუ ვინმე საჩხუბრად იწევს და ეშარება, მაშინ ეტყვის: ხათრი იმედასი, თორემ ეგრე ვერ ილაპარაკებდიო. მაშინ ჩაერევა იმედა იმათ ჩხუბში და ვინც გიორგის ეშარებოდა, იმას თვითონ გასცემს პასუხს.

პატივის მიცემა არა მარტო სოფლის ჯარზედ ხდება, არამედ ყველგან, სადაც ერთიმეორეს სმაში შეხედებიან. პატივს რომ მიუტანს, დაზარალებული ნებას ნისცემს დამნაშავეს, რომ თავისუფლად იყოს, იჩხიარდლოს, ინღეროს და სხვა, მაგრამ ის მაინც არ მხიარულობს დაზარალებულის თვალწინ.

ასე ჯარზე იმართება სმა და ყველა წესის შესრულება. ახლა საჭიროა ნეთასეთ გაგზავნა. ისინი მივლენ ჯვარში და მაღლას მოთხოვნის შემდეგ მიესალმებიან ჯვარიონთ. ჯვარიონნიც მიეგებებიან და შეიპატიებენ დარბასში. ისინი იხდიან ქუდებს, ეგედრებიან მთავარანგელოზს და კოცნიან იქით-აქეთ კარის ჩარჩოებს. ამ ყოფით და

ხათრით შევლენ დარბასში. იმათ შიგნით სოფლის ჯარიდან ჯვარიონთათვის პარტიულად რამე, ან არაყო, ან ოჯახიდან გაგზავნილი სხვა რამ. მეთასეთ ძალიან პარტიულ სცემენ, მერე აიღებენ ჯვარიონი საწოდეს და ჩაუსხამენ კოშით ლუღს, იმდენ კოშს, რამდენსაც ძველ სახელგანთქმულ კაცს მოიგონებენ ახილში, ქისტებთან და ლეკებთან მებრძოლს, ან მაშინდებულად სხვა რამე სასახელოს ჩამდენს.

რამდენსაც თასს ჩაასხამენ საწოდებში, ეტყვიან იმდენი ძველი გმირის სახელს. მაგ., ჩაასხამენ კოშს და დააყოლებენ: „შაუნდნას კვირიკათ კუჭუას“; მეორეზე — „შაუნდნას ალიათ ახალას“ და ა. შ. ეს ყველა ზეპირად უნდა დაიწმომონ მეთასეთ და ჯარზე რომ დაბრუნდებიან, ამოუღებენ იქ ხალხს იმდენივე თასს და ეტყვიან ისევ იმ გმირების სახელებს — „შაუნდნას“ დამატებით. ბოლოს ჯვარიონნი მეთასეთ დააღვეინებენ თითო ლუდიან თასს, რომელსაც „მეთასეთ თასს“ ეძახიან. იგი ძალიან დიდი მოცულობისა არის. მერე იღებენ ფანდურს და მისცემენ ერთ უფროსს ხელში, იგი დაჯდება ცალ მუხლზე, დაუკრავს და ამ სახელოვანი კაცებიდან, რომლებსათვისაც მეთასეთ თასები დაიცალა, ერთ-ერთზე საგმირო სიმღერას იმღერებს.

ამნაირად წელწადი-დღე და მისი წესები მთავრდებოდა. მხოლოდ წელწად-დღეს ყველა ჯვარში რაჯულის საქმე და სხვადასხვა საკითხები მუშავდებოდა. ზოგან მას ყრილობის სახეს აძლევდნენ, ზოგან ქადაგს დასვამდნენ და სხვა.

მაგალითად, მკითხავს (ე. ი. ქადაგს) სვამდნენ ლიქოკში, გუდანში, როშკაში, ხანმატში და ძალიან ძველად არხოტსა და შატილშიც. მერე არხოტსა და შატილში აღარ იცოდნენ მკითხავის დასმა, სხვა ჯვარებში კი გვიანობადის ფრქველდებოდა. სადაც მკითხავი არ იყო, აქ ისე ლაპარაკობდნენ საერთო საჭირობოროტო საკითხებზე. იყო, მაგალითად, რომ რომელიმე გვარი გვარს იქნებოდა გადაკიდებული და ხოცავდნენ ერთმეორეს, ამათი შერიგების შესახებ დაისმოდა საკითხი ჯვარის ჯვარიონთა და სხვა არჩეული კაცების დახმარებით. ამ ჯვარში მოახდენდნენ მათ შერიგებას, ე. ი. ერთად შეყრას. ჯვარით შერიგება იყო მტკიცე და საბოლოო. აგრეთვე სადავო სასისხლო საქმე რამე იქნებოდა გაურჩეველი და ამისი საკითხიც ამ ჯვარებში წყდებოდა აქ რაც გადაწყდებოდა, სისრულეში მოჰყავდით ჯვარსა და თემის სახელით, რადგან ზემო ჩამოთვლილი ჯვარები, გარდა გუდანის ჯვარისა, სათემონი არიან, გუდანის ჯვარი კი მთელი ხევსურეთის საერთო საყრილობო იყო და ცენტრიც აქ იყო ზევსურეთის რჯული-სა, ლაშქრობისა და სხვა.

წელწადის შემდეგ ხალხი კითხულობდა, თუ რა ითქვა გუდანის ჯვარში აქ ქადაგისაგან და ან „მბჰე-ვევისბერთაგან“ („მბჰე“ — საქმის

გამბეობი და „ქვეისბერა“ — ჯვარის მოსამსახურე, რომელიც უშუალო მონაწილეობას ღებულობდა ბეობაში). მბეე-ხევისბერაში უბრალო კაცები ვერ ევეიდოდნენ, ისინი უნდა ყოფილიყვნენ საბელ-დასა-ხურებულანი ხევისურეთში როვორც ხალხთან, ისევე ჯვარიონთანაც. ისინი ხევისურეთის ბედობალს მართავდნენ და ეს ხუმრობა ამბავი არ იყო. თან მბეე-ხევისბერი უნდა ყოფილიყო ძალიან კარგი მცოდნე ხევისურეთის წარსულისა. ასეთ კაცს სკვედილის შენდევ ხევისურის ქალები ტიროდნენ: „მავლო მბეე-ხევისბერჩიო“... ყველამ იცოდა, რომ ეს ხევისურეთში დიდი კაცი ყოფილა და გულით იგლოვდნენ მას. ამ ჯვარების ირველივ ჩვენ ერთ-ერთ აჯობლას აწერილი გვაქვს, მაგრამ აქაც გვინდა მოვიყვანოთ. წელწადთან დაკავშირებით, თუ ამ დღეს სად რა კეთდება, სად არის ცენტრალური ხევისურეთის ჯვარი, სად სათემო, სად სასოფლო და საგვარო.

ხევისურეთს ცენტრალური სალოცავი, როგორც ვთქვით, გულანის ჯვარი იყო. წელწად-დილას ქადაგი იქადაგებდა სად, რომელ სოფელში რა ხდებოდა. თუ რომელიმე სოფელში საშინელი გადაკიდება იყო გვარებისა, ქადაგი იქადაგებდა გულანის ჯვარის ბრძანებას, რომ მბეე-ხევისბერთ მოდაეები აქ დაიბარონ და მოულონ ბოლო ამ სადო საქმეს გულანის ჯვარის დახმარებით. ქადაგობდა კიდევ სოფლების სადო ადგილების გარშემო და როგორც გულანის ჯვარის ბრძანება იქნებოდა, საკითხი ისე წყდებოდა. თუ ქალის თაობაზე იყო დავა (პიროვნებებს შორის კი არა, გვარებს შორის) და ორი გვარი ერთიმეორეს ხოცავდა, აქაც ჯვარი ბრძანებდა ქადაგის პირით ან ორივესაგან თავის დანებებას, ან ერთ-ერთ მფთვანს აჯობებდა ქალს; მცორეს — დრამის აღებას და ეს საკითხიც ასე ბოლოვდებოდა. ან კიდევ ლაშქრობის საკითხზე, თუ სადმე ამ წელწად-დილას ბრძანებდა გულანის ჯვარი წასვლას და გალაშქრებას. ეს ურყევი იყო და დანიწნული დროისათვის ეშხადე-ბოდნენ. ან თუ ხევისურეთის რჯულნი რაიმე სკითხი ცუდად იყო და საჭირო იყო შეეკლა, აქაც ცვლილების შეტანას იტყოდნენ. კიდევ სად რომელი სათემო სალოცავი რას ფიქრობდა, ამასაც იქადაგებდა. გულანის ჯვარის ქადაგი მთელი ხევისურეთის მასშტაბით ქადაგობდა და ქადაგობის დროს რე იქერდა თავს, ვითომც ამქვეყნიური აღარაფერი იცოდა და ანგელოზებთან იყო გარაული. მაგალითად, იტყოდა: „არხოტის ჯვარმა ჩიხვის თავ-რქანი გადმოხყუნდა, ქისტებსა და არხოტივებს კიდევ მოუხდება რამე ბრძოლა“. ჩიხვის თავ-რქათ გადმოყუნება მკითხავის ენით ნიშნავდა ქისტის მოკვლას, არხოტის ჯვარმა რომ „გადმოხყუნდა“. იმის ყმათაგან ვინმე მოკვლავდა ქისტს. თუ ვინმე მტრისაგან ზიანდებოდა, მაგ. არხოტის ჯვარის თემებში, იტყოდა: „არხოტის ჯვარმა გვერდი წაიბრუნა და არხოტივები მტრისაგან დაზიანდებიანო“. დასახელებდა კურეტს ან ხარს დასაკლავად.

რომ არხოტის ჯვარი „თავის ტანტის ყმათავე პირწალმა პობრუნებულ-
ლიყო“ და მათთვის ზიანი აეცილებინა. ამასაც სიხარულით ასრუ-
ლებდნენ, თუკი მარცხს გადაჩებოდნენ. ასე მრავალ საკითხებზე ქა-
დაგობდა ქადაგი.

წელწადი დღე რომ დწლამდება, ჯვარიონნი ღამეს უთევენ. სა-
ქროო ღამისამთელოს დიასახლისი გამოაცხობს ჩვეულებრივი წესით,
დასტურები გაიტანენ დარბაზში და აწყობენ სპილენძის მრგვალ სამ-
ფება ტაბლაზე, დადგამენ ზედ სამ ვერცხლის თასს, აავსებენ ლუდით,
სანთელსაც აკრავენ ზედ და ხუცესი შეუდგება ჩვეულებრივად ხუ-
ცობას ცოტა სიტყვების განსხვავებით: „ღმერთმა ადიდას შენი ძალი,
შენ სახელი, დიდო მიქიელ მთავარო ანგელოზო. შენა სამთავრო, შენა
გასამარჯოდ მაიკმარი ეს სეფე-სანთელი, სადიდებელი, შენ ახიელ-
თად, ტანტის ყმათად საშველოდ, სახოიშნოდ, საწყყალობნოდ მაიკმარი
(ამ დროს ხელოსანი გავა და ზარს რეკს). შენ დაექმარი, დაღრცვილო
შენთ ყმათ, ბევრ ბედნიერ წელი, კვალი გამაუცვალი, შენ დაუყენ
წელ მშვიდობისაი, შენ დააყენენ წლის მკველნ ანგელოზნი, ღმერთი
შენს ბატონობას გაუმარჯვებს. ამინ, დიდება ღმერთსა, მაღლი ღმერთ-
სა, დიდება დღეს დღეისინდელსა, ძალს ხთისას, ძალს კვირიასას“... და
ასე შემდეგ. მოთავდება ხუცობა და კურთხევაჲ. თასეს იღებენ
ხელში და ხუცესი კიდევ შეუსახელებს: „ამ ქიქა-ზარდიზე შენ გადი-
დას, გაგიმარჯოს ღმერთმა მიქიელ მთავარო ანგელოზო“ და ა. შ.

ჩვეულებრივი მოხსენების შემდეგ თასებს დაღევენ. უთასობი
თასიანებს ფანდურზე უმღერიან. როდესაც ეს ამბავი მოთავდება, თა-
სებს თავის ადგილზე დადგამენ („მიაბრძანებენ“). აქვე იზარშება
ხორცი. ხუცესი ღამისამთელოს ჯვარად დანას გაუსვამს ამ სიტყვებით:
„ღმერთო, გაუმარჯვი კემწიფესა, კემწიფეო, შენ სწყალობდი ამ
ჯვარივნებსა, კელოსანს, შენი წყალობით შაინაჰენი“. დასტური და-
ნას გამოართმევს და ღამისამთელოს დასკრას პატარ-პატარა ნაწვრე-
თებად, მხოლოდ ერთ მეოთხედს დიასახლისისათვის ცალკე გადა-
დებს. ნაწვრეთებს დააწყობს ტაბლაზე. ხშიად-საკვირაობებს ხუცესი-
სთვის ცალკე გადადებს, ხორცსაც დააწყობს ტაბლაზე, დააყრის მა-
რილსაც და წინ დაუდგამს სუფრას ჯვარიონთ (შეიძლება სტუ-
მარიც ვინმე იყოს). პურს ააღებს ზედანდები და ყველას ხელში მის-
ცემს — „აკლიჩეთ პური“ — ეტყვის. ისინიც ჩვეულებრივ ილოცებიან.
სუფრას მოჰყვება ლუდიანი კარახანების დადგმა.

კარახანებს მოჰყვება ისევ მღერა ჩვეულებრივ ფეხზე მდგომელე-
ბისა. მღერიან საგმირო სიმღერებს, თუ არის იქ მყოფების გვარის
საგმირო სიმღერები, უფრო იმათ.

ტერელოს კალას ყორანო, რად ეთელუბი ჩიღისაო?
არიან ბადურიკანი, მაზდევენ თავის კირსაო.

ახლა თასიანებიც ზიმლეროთვე უპასუხებენ პირველ მომღერლებს:

ჩაად გეშინის, შატლო, ყამს ჩაად ღყავ მტრისასა,
ოროლთ დავასხამ ტყვიათა თოფს თეთრაულის ძისასა,
არც თოყანს წაყაყანებ იმ თქვენის ქაეისკრისასა,
დახვევლი მეთოფეებსა იმ წვერსა ჭაუხისასა.

ზიმლერებით მოთავდება სუფრის წესები და ბოლოს თასებს რომ თავის ადვილზე დადგამენ, სუფრასაც აიღებენ ამ სიტყვებით: „ღმერთო, გაუმარჯვი კემწიფესა, კემწიფეო, შენ სწყალობდი ამ ჯვარიენებს, დასტურ-ჯელოსნებს, დაადგე წაღმ, შენი წყალობით შაინახენი“. მერე კიდევ დასხდებიან, სვამენ ლუღს და ლაპარაკობენ წარსულ ამბებზე, უფრო ჯვართ ცაარშემო.

ბოლოს ჯვარის დასტური ხუცეს-ხელოსნებს გაუშლის ლოგინს. ძირს გაშლის ჩაღას, ზედ ფარდაგს გაფენს და ზედ დასახურავეი აქვთ ცხვრის ტყაეებისაგან შეკერილი, რომელსაც ჰქვია „გუღანური“. თვითონ გავა და საღმე საქვაბეში ან დარბასში დაიძინებს. ხუცესს სპეციალურად თბილი ფუღანური აქვს შეკერილი „საჯვარშიგოდ“ (ასე უწოდებენ ამ გუღანურს). მას საზღში არ იხურავს და შენახული აქვს მარტო ჯვარში დასახურავად. ჯვარში დარბასიც და საქვაბეც ძალიან ცივია. არ შეიძლება კედლების გაღესვა, რადგან, ამბობენ, ჯვარს არ უნდა გაღესილი კედლებიო. ამიტომ არის შშრაღად აგებულ-ლი ყორე და კედლებში თავისუფლად გააქვს და შემოაქვს ქარს თოვლის ბუქი. ზანდაზან ნაწოლ კაცზე ნაქარ თოვლს დადებს, რადგან აქ ზამთარში ქარბუქი ძალიან ხშირად იცის. ერთი თქმულება არის, რომ თურმე ერთმა კაცმა მოინდომა დარბასის კედლების ლამკირით გაღესვა. და შეუდგა ლესვას. მას ერქვა ტუშური. ამ დროს ხმა მოესმა: — ტუშურო, ნუ მცხებ კირსა, თორემ გაგცხებ ჭირსაო, მოხვდა სილა სახეში უხილავად და იქვე მკვდარი დეცაო. ამიტომ არის, რომ არსად არ არის გაღესილი ჯვარში კედლები. ყოველთვის ანთებენ შუააციცხლს, წვავენ ზევრს შეშას, მაგრამ მაინც დიდი სიცივე არის.

კ უ მ ე ბ ი

მეორე დილა თენდება — „კუმეტი“ დღე (აქ წელწადი ერთ კვირას გრძელდება). კუმეტს-დილით დასტური ადრე ადგება. ვისაც არაყი აბარია, ასჯამს ვერცხლის სურაში უფრო მაგარ არაყს, რომელსაც საღელაოს ეძახიან. იღებს პატარა ვერცხლისავე ჭიქას და სადაც ვინ წევს, ჯერ ხუცეს-ხელოსნებთან მივა და დააღვივინებს, მერე სხვებთანაც. თითო-ოროლს ყველა დაღვეს, მხოლოდ ხუცესს და ხელოს-

ანს მეტს დაალევიანებს, რადგან ისინი უამისწირვამდის ლუდს არ და-
ლევენ და არც ჭამენ, სვამენ მარტო არაყს. დასტური დიასახლისსაც
მოიციობხავს და დაალევიანებს ერთ არაყს. დიასახლისი შეუდგება უამის
საწირის გამოცხობას: ფქვილს გასცრის, მოზელავს ცომს და დასტუ-
რის მიერ ბაკანში ჩათლილ გაყინულ ხაიწს უდებს გულად. სამი
დიდი ქადა კეთდება უამისაწირზე, ცხრა უბრალო თხელი და პატარა
პური, რომელსაც ხშიადები ჰქვია და ოთხი პატარ-პატარა ქადა, რო-
მელთაც ჰქვია საკვირაოები. გამოაცხობს ჯერ ზედგანზე და მერე
ნაცარში, გაბანს და გაახსნ დაჭრელებულ გვერდზე. დასტურები: გა-
იტანენ და დააწყობენ ჩვეულებრივად თავის ადგილზე. კუმეტ-დილას
განსაკუთრებული წესი არაფერი აქვს და უამისწირვის წესი ჩვეუ-
ლებრივად ჩატარდება: მოხსენება, ხუცობა და კურთხევა. ამას
ყველა ჩვეულებრივი წესი მოსდევს: ფეხზე მღერა, მერე პურის ჭამა
და სხვა. კუმეტ-დილეს სოფელში წესი არის, რომ ყველა ოჯახში ადუ-
ლებენ ფაფას მიცვალებულებისათვის. ტაბლაზე აწყობენ სხვა რა-
მეებსაც, ეტყვიან შანდობას (სახელს დასდებენ) და ოჯახში ჭამენ.
სოფელში დილიდანვე იწყება ერთიმეორის დაპატიება, იმართება
სუფრები, არყის სმა და მხიარულება, როგორც მღერა, ისე ცეკვა და
ათასი სახუმარო გამოგონებები, საერთოდ წელწალში ყოველდღე
მხიარულება იმართება. მოიგონებენ რამე მიზეზს ჯვარში წასასვლე-
ლად. ხანდახან დაგრეხილ ჩალას დაახვევენ ერთერთს ფეხებიდან
თავამდინ: ცალკე ფეხებზე, ცალკე ტანზე და ხელებზე; გამოაბამენ
კუდს, დამზადებული აქვთ თხის თავზე გადახდილი ტყავი რქებიანად,
რომლისაგანაც გაკეთებულია ნიღაბი წვერებით. ამასაც გაუკეთებენ
პირისახეზე და ძალიან საცინელი სანახავია. მოაბამენ თოკს და წა-
იყვანენ ჯვართაკენ. იმას გაპყვება მთელი სოფლის ახალგაზრდობა,
ქალი და კაცი. ნიღბიან კაცს ერთი დაუდგება პატრონად, რომელსაც
თოკით დაპყავს და ათას რამე სახუმარო განკარგულებებს აძლევს რო-
გორც პატრონი და ისიც თამაშობს. ქალებს მიაქვთ გარმონი, და-
უკრავენ და ნიღბოსანი ცეკვავს, ხტუნავს. ხანდახან ქალებს გამო-
იწვევენ საცეკვაოდ, და ასე მიუახლოვდებიან დარბასის კარს. ქალები
ჯვარში აღარ წაეღენ, დარჩებიან მინდორზე და მართავენ ცეკვას ზო-
გიერთ ახალგაზრდებთან ერთად. კაცები კი ნიღბოსანს დარბასის
კარში მიიყვანენ, ყველანი მადლს მოსთხოვენ და ჯვარიონთ მიესალმე-
ბიან: „აშენდით, ჯვარიონნო, წალმამც წაგივათ დღეი, დღეობა“: „და-
შვენდით, მაგვიხვეით მშვილობით, მშვილობით თქვენ მასვლა“; —
ეტყვიან ჯვარიონნი.

ნიღბოსანს პატრონი ბევრს რამეს ავალებს, ათას რამეს ეშმაკო-
ბენ, ხუმრობენ და იცინიან. ნიღბოსანი არ ისვენებს, „ლაპარაკობს“
მუნჯურად და მანამ იეშმაკებს, სანამ საშიგაო საუკეთესო ლუდს და

არაყს არ მოატანინებს: ხან თავს მოიმკვდარუნებს, ხან ღრიალს დაიწყებს და წინ ვითომ მიდის გამწყვრალი: ბოლოს, როცა ლუდს და არაყს გამოიტანენ, მაშინ ნიღბოსანს ჩამოხსნიან დაბვეულ ჩალას, დასაბდებთან დარბასის კარში და სვამენ ჩვეულებრივ. ქალებს კი მინდორზე გაუტანენ საწდით ლუდს. ჟერ იქ დაღვეენ, იცეკვებენ, იზზიარულენ და მერე წავლენ სოფელში; მიიტანენ ამ ლუდს უფრო ისეთ ოჯახში. სადაც ახალმოყვანილი რძალი არის. იქ მოიყრიან თავს ახლგაზრდები და ატარებენ დროს, აქ კიდევაც მოიტანენ ლუდს: წავა ერთი-ორი ახალგაზრდა და სთხოვეს ჟვარიონთ ლუდის მიცემას „ახალუხალში“ (ახალგაზრდობას ხევსურულად „ახალუხალი“ ეწოდება). ჟვარიონთ და ნამეტნავად ხუცესმა იციან, რამდენი ლუდი უნდა დახარჯულიყო და რამდენი დაიხარჯა, საჭირო არის თუ არა ეკონომია. მაგრამ მაინც აძღვევენ, ახალგაზრდებს ადვილად არ აწყენინებენ. „ახალუხალში“ ძალიან კაი დროს ატარებენ, ნამეტნავად ერთიმეორის სწორფრებს ეძღვეათ შემთხვევა ერთად ყოფნისა და გართობისა (დანარჩენი დრო ხევსურებს სულ მუშაობაში მიუდის და ყოველგვარ გართობას მოკლებული არიან). ყველას აქვს კაკალი და თხილი (ყიდულობენ და ინახავენ საგანგებოდ წელწდისათვის), ყველას ჟიბეში უყრია და გარდა მღერა-ცეკვისა, ამითაც ერთობიან. იჭერენ ხელში დამალულად თხილს და ერთიმეორეს ეუბნებიან: „ლუქყი, თუ კეტი“ (ხევსურულად ასე ჰქვიან ლუწს და კენტს), თუ გამოიციწო, ვისაც შეეკითხებიან, ის მოიგებს, და თუ ვერ გამოიციწო, წაგებულია და უნდა მისცეს იმდენი თხილი, რამდენიც მთქმელს ეჭირა ხელში. ქალ-ვაეები სხედან ერთმანეთის გვერდზე და საუბრობენ ჩუმაღ თავიანთი სწორფრობის გარშემო. ასე მიდის დღე „ახალუხალში“, ხნიერები კი სხედან დარბასის კარში, ანთია ცეცხლი, სვამენ და ლაპარაკობენ საერთოდ არხოტის ამბებზე: მტერობაზე, შერიგებაზე, რაჟულზე და ჟვარში მომხდარ წარსულ ამბებზე. აქ რომ თავღება სმა, გაიპატიყენენ ოჯახებში ერთიმეორეს და იმართება შინაური ჟეიფი სოფლის ჟარიღ დასხდომამდე. მოსაღამოვდება და მოიყრიან თავს იმ ჟეროხში, სადაც სხდება სოფლის ჟარი. იმათთვის არის გამზადებული ჟერხო. მელუდეები იგზავნებიან ჩვეულებრივ. ჟარის ხალხი ანთებს თავისი მოტანილი შემით შუა ცეცხლს და ელოდებიან ლუდის მოტანას.

თუ ვისმე ჩხუბი მოუვიდა, უფროსებს დააჟალებენ მტრების შერიგებას. ორი კაცი მივა ჟერ ერთ მოჩხუბართან და სთხოვეს შერიგებას. მერე მეორესთან. ხანდახან ისე გამწვავდება საქმე, საჭირო ხდება ჟვარის საშუალებით შერიგება. სთხოვენ, წაიყვანენ ჟვარში და შეეხვეწებიან ჟვარის სახელით. ასე დაითანხმებენ შერიგებაზე. ხან კი სოფლის უფროსი კაცები შერიგებენ. თუ მძიმედ დაჟრილი არ არის, ან თუ საყვედური არაფერი უთხარეს ერთიმეორეს, მაშინ სულ ადვილია

შერიგება. შუაქაცები რომ დაითანხმებენ, ხელს ჩამოართმევენ და ისე ახსენებენ სალოცავებს, სთხოვენ მათი სახელით დათმობას. მეორესთანაც ასევე იქცევიან. ბოლოს ორივეს მოიყვანენ ჭარზე-ერთ-ერთს, რომელიც მეტი დამნაშავეა, ან და უმცროსია, შუაქაცები დაავალდებულებენ, ლუდიანი თასი მიაართვას მეორეს და პატიება სთხოვოს. ისიც დავალდება ასრულებს, ავსებს თასს, მიუტანს; და ეტყვის: „ეს თასი შენ პატივ იყოს“. მერე ერთმანეთს დაემდურებიან — შენ ასე რად მომექეცი და შენ ასეო, ბოლოს კაცები დაუშლიან ლაპარაკის გაგრძელებას და ეტყვიან: „რაიც იყვ, იყვ, დაანებეთ იმას თავი“. მერე ადგება, ვისაც თასი მიუტანეს, და ადლეგრძელებს მიმტანს. ახლა თვით მიუტანს თასს, ადლეგრძელებს და დაღვეს. ამის შემდეგ იქნებიან ისე, ვითომც მათ შორის არაფერი ყოფილიყოს. ეს შერიგება ხდება, როცა მეღუდეები მოსულები არიან და ჭარზე ლუდი დგას.

მეღუდეები დარბასის კარში ჩვეულებრივად იქცევიან. ლუდს იქ მყოფებს თავისი საწდიდან ამოუღებენ და დაალევიან. მერე ასწევენ ქვას, დაუდგამენ ჭარს წინ და ეტყვიან: „ლუდი წინა, ვაჟებო“. „მამტანი ბედნიერი“ — პასუხობენ ყველანი და ფეხზე დგებიან; „მაგვიხვეით მშვიდობით!“ „მშვიდობით დაგვიხვდითა, კარგად“ — უპასუხებენ ერთმანეთს და დასხდებიან იქვე დადებულ ხეებზე. მერე ამოიღებენ ლუდს თასებით და საწდეს შანდობას ეტყვიან, თუ მოაგონდათ ვინმე პატივსაცემი მიცალბებული, თუ არა სავალდებულო არ არის. ამის შემდეგ დაიწყებენ სმას. სმა იციან ძალიან ძალდატანებით. სთხოვენ ერთიმეორეს — დალიეო, თასს პირზე მიაყუდებენ და ძალით ასმევენ. ილოცებიან თავისი სურვილის და მოგონების მიზეზით, აქ თამადა და თამადობა არ იციან.

სოფლის ჭარზე აქვთ მარტო ფანდური. სმის დროს ყველას თაცებს ჩამოურიგებენ, რომელიმეს მისცემენ, ხელში ფანდურს, ის ხალხის ბოლოში მუხლით დაჭდება (ცალმუხლზე), დაუკრავს ძალიან მძიმედ და რომელიმე საგმირო სიმღერას დაამღერებს. საგმირო სიმღერას ჭარის ხალხი ძალიან დიდის ყურადღებით უსმენს, თითო-ოროლა ხანდახან ორი სიტყვით თუ დაარღვევს სიჩუმეს: „დიდხანსამც იმღერ კაი გულით!“. ის უკრავს და განაგრძობს ხმამალა მღერას ამგვარი სიმღერებისას:

თოფმა თქო: ჩემთა წამალთა შვიდ რიგად უნდა დუდილი,
მაისის ბერჩი ვანაყან, მემრ ნახან ჩემი ქუხილი,
მემრ ნახას ჩემმა პატრონმა ჩემის დაქროლის წუხილი!

ერთ-ერთი თავის თასს მიაართმევს მომღერალს და პირთან მიუტანს. ის თან ფანდურს უკრავს და თან ლუდს სვამს. ბოლოს

მიმტანი უკან დაბრუნდება, იქ ვინმე აიღებს თასს, ამოიღებს საწლი-
დან ლუღს და აუქსებს. პირველი მოღერალი კი განაგრძობს მღერას.

ის რომ სიმღერას გაათავებს, ადგება და იტყვის: „თქვენის გა-
მარჯვებისა“. „აი, დიდხანამც იმღერ კაის გულით“ — ეუბნებიან კმა-
ყოფილებით. რომელიმე მივა და მას თავის თასს მიაართმევს: „აჰაღე,
ჩამამეტანე (დაღვევაში მომეხმარეო), ყელ ამავშრებოდ“. ისიც ეტყ-
ვის: „ნასვამ გამას, შენის გამარჯვებისა“ და სვამს ლუღს. მერე თა-
სის მიმტანს თასს ჩამოართმევს, ავსებს ლუღით, თავის ადგილზე და-
სვამს, ხელში მისცემს და ეტყვის: „ჯღარ დაგწერას ღმერთმ“, „ჯვა-
რის წყალობა გქონდას“. უფროსები ჰყვებიან ძველ ამბებს სოფლის
ჯარზე. სადაც ხნიერი ხალხი სხედს. აქ აკრძალულია, სირცხვილი არის
სატრფილო ამბების მოყოლა. გარდა საგმირო და ძველი სიმღერისა,
აქ სხვა არ იმღერებოდა. საგმირო ამბებს მოუყვებოდნენ ხნიერები
ახალგაზრდებს განგებ, რომ მათ ესწავლათ და გადაეცათ სხვებისათვის.
ის სახელოვანი კაცი იყო, ვინც წარსული ამბები — ანდრეზები კარგად
იცოდა და ასეთ ჯარზე დაწვრილებით ლაპარაკობდა.

წარსულის ამბების კარგ მცოდნეს „ანდრეზების მცოდნე“ ეწო-
დება. ხევსურები ასეთ კაცს პატივს ეცემენ და სადაც საჭიროა რჯულში,
მტრების შერიგებაში, ყველგან მას დაუძახებენ. ხევსურეთში წერა-
კითხვა გასაბჭოებამდინ არავინ იცოდა, მაგრამ ამნაირად გადმოცე-
მით და ახალგაზრდებისათვის სწავლებით ხევსურებმა თავისი ცხოვ-
რების წარსული ისტორია სულ ზეპირად იციან. თუ ანდრეზის მცოდ-
ნე კაცი ძალიან მოხუცი იყო, მასთან სხვა სოფლებიდანაც კი მოდი-
ოდნენ ძველი ამბების საკითხავად.

ასეთი საუბრით და მღერით მთავრდება კუმეტ-წუხრის ჯარის
წესი. აქედანვე კიდევ იგზავნებიან ჯვარში მეთასენი. ისინი ჩვეულებ-
რივ მივლენ ჯვარში. მათ მოეგებებიან და კარგად უხვდებიან. ცდილო-
ბენ მათ დათრობას და კაი გამაგრებაც არის საჭირო, რომ მეთასენი
მათ ფხიზლები გადაუჩინენ. როცა ისტუმრებენ, მაშინ ჩვეულებრი-
ვად ქვაბს ისევ თასებით ავსებენ და ლოცავენ ძველი მიცვალებულები-
სათვის, ვისაც რაიმე სახელი აქვს ჩადენილი. მეთასეთ ეს ლუდი ჯარზე
მოაქვთ და იხსომებენ ყველას, ვისი შესანდობარიც ქვაბში ჩაასხეს.
ამოაქვთ თასები ქვაბიდან, დალოცავენ ისევ იმ მიცვალებულისათვის,
ვისთვისაც დარბასში დალოცეს და ჩაასხეს. მეთასეთათვის სირცხვი-
ლია, რომ ეს დაივიწყონ და ვეღარ მოიგონონ. მოვა თენების დრო და
ყველანი წავლენ-წამოვლენ დასაძინებლად. ზოგი ერთიმეორეს და-
პატიუებს, წაიყვანს თავის სახლში.

გათენდება „წინაშუადღე“, დილას ადრიან ადგებიან დასტურები. მათ არაყს დააღევიანებს ის, ვისაც არაყი აპარია. სოფელში ამ დროს არის გააბტიე-გამოპატიეება, დილით „თავეების მორჩენა“ და დროს ტარება. წინაშუადღესაც განსაკუთრებული წესი არაფერი აქვს, მარტო „მეთამაშე“ ჩამოვა შეცვლილი სახით ჯვარში. დასტურები წავლენ სოფლებში ღალის მოსაკრეფად. (არხოტის ჯვარის ყმები წელიწადში ერთ საწყავე ჯერს აძლევენ ჯვარს. ამას ჰქვია ღალა). ყველამ თავისი მოსავლის ნაწილი უსათუოდ უნდა მისცეს ჯვარში. ეს პური ემატება სალუღე პურს (საწყავი უდრის ერთ ფუთ ქერს). დასტურები შეაბამენ მარხილს და წავლენ მეორე სოფელში — ამღაში ღალის მოსაკრეფად, მესამე სოფელი ჰომღა არის და იქაც მიდის დასტური. ღალას აკრეფს და იქვე ინახავს, რადგან ჰომღაში ზამთარში ცუდი გზებია და ვერ მოიტანება არხოტის ჯვარში (ს. ახიელში). ამღაში კი მარხილი მიდის. მივლენ ჯვარში. აქ მათ მოეგებებიან ამლივნები — იაკსარის დასტურ-ხელოსნები და სოფლელებიც.

წინაშუადღეს ღალის მოკრეფა იმითომ არის დაწესებული, რომ არხოტის ჯვარის დასტურმა ამ დღეს უნდა შეიტანოს კვალი სოფელში, მანამდეს სხვა კაცის მისვლა-მოსვლა აკრძალულია. როგორც კვალის შემტანს და არხოტის ჯვარის დასტურს, ძალიან დიდის პატივისცემით ეპყრობიან. მისული დასტურები ჯვარს მოსთხოვენ მაღლს: „ღალო იაკსარო, ნურაით შავგისაწყინდები, ნურაით შავვიცოდებ, ნურაის ინაბარს ჩავვიდებ. შენ გევედრებითა, გეხვეწებით, დალოცვილო“. მერე მიბრუნდებიან და ეტყვიან ხალხს: „ამენდით, წალმამც წავიოსთ დღეი დღეობა“. „დაშვენდით, მავვიხვეით მშვიდობით, მშვიდობით თქვენ მასვლა“ — იქნება იქ მყოფების პასუხი. მერე მისულები მიულოცავენ ახალ წელს: „ბევრსამც ახალ წელს ილოცავთ წულიანს, პურიანს, სახელ-სარგებლიანს. გალოცვიებთ მთავარანგელოზიცა, ზეით ღმერთიცა“.

„აგრევე თქვენ რგებისას, გახარებისას, გალოცვიებთ იაკსარიცა, მთავარანგელოზიც. ცოლ-შვილის სიცოცხლისას, — უპასუხებენ დამხედურები, — ერთხელ ახლა და ათიათასჯერ კლოვ“. ხარებს მამინვე გარეკავენ, სადმე თავისუფალ სახლში დააბამენ და ბლომად თივას დაუყრიან. დასტურებს კი ჯვარში წაიყვანენ, დარბასში. მერე იახსრის დასტური წავა სოფელში და ყველას შეატყობინებს, რომ არხოტის ჯვარის დასტურნი მოვიდნენ ღალის ასაკრეფად და ღალა

ყველამ მოუტანეთო. ყველა ასწყავს თითო საწყავ საუკეთესო ქერს და ზიჯეს იახსარში. იქ არის არხოტის ჯვარის დასტურთ მიტანილი ტომბები და მარხილი. ქერს ტომბებში ცლიან და მარხილზე აწყობენ. დასტურების ყურადღება საჭირო არ არის. თქმული ასეა და სწამო, რომ მეთვალყურეთ არხოტის ჯვარი თან ატანს დასტურებს, ისინი უხილავად იქ არიან და თვალყურს ადევებენ, ვინ როგორი აწყო. ვინ როგორი გულით და სხვა. ამ ამბავს მეთვალყურენი არხოტის ჯვარს მიუტანენ და ისიც ისეთივე წყალობით მოეჭევეა, ვისაც როგორი ხათრი ჰქონია მისი. ამიტომ ყველა ცდილობს მეტი აწყოს, ქერი კარგი ხარისხისა იყოს, გარჩეული და სუფთა. დასტურნი კი სხეჯან იახსარის დარბასში, პური სად იწყებება, არცკი იციან, ტომბები ისე ივსება და ეწყობა მარხილზე. ყველა ცდილობს, რომ მეტი მონაწილეობა მიიღოს არხოტის ჯვარის პურის აწყვის საქმიანობაში და აპითი არხოტის ჯვარს ასიამოვნოს.

წესად არის მიღებული, რომ სოფელში ყველა ცდილობს უკეთესი საქმელი დაამზადოს და არხოტის ჯვარის დასტურთ მიუტანოს, აგრეთვე საუკეთესო არაყი ბოთლით ყველას აქვს შენახული და მიაქვთ საბეკურში (იახსარის დარბასს რატომღაც საბეკურს ეძახიან). მეზეკურად წინათ იცოდნენ სხვა სოფლიდან, შორიდან მოსული ვინმეს დაყენება. მისცემდნენ ჯვარის მამულების ნაწილს და ის იქნებოდა მეთვალყურე იმ მამულებისა და ჭირანახულისა; თითქმის პურსაც მას აბარებდნენ. იყო ჯვარში როგორც სამეურნეო ნაწილის გამგე. ასეთები არხოტში იყვნენ ქისტები — ჩოფანანი (მათი ამბავი ქვემოთ იქნება აღწერილი). ამიტომ ალბათ ჰქვია იახსარშიც დარბასს საბეკური, რომ აქ ვინმე მეზეკური ცხოვრობდა და ბოლოს ეს შენობა დარბასად გადააქციეს. იახსარს საკლავს უკლავენ ამ ადგილას. სოფლის საშუალო ადგილზე დგას საბეკური განცალკევებით. იაჯსარის ხუცესი ადგება და ლოცავს მომტანის მიცვალებულისათვის. სადღესაც და არაყსაც შემდეგი სიტყვებით: „ღმერთო, დიდება შენდა, ღმერთო, მადლი შენდა, ღმერთო, გაუმარჯვი იაჯსარსა, იაჯსარო, შენ სწყალობდი ამ საპატიოს მამტანს (საპატიო ჰქვია მიტანილ სადილს), შენი წყალობით შაინახი. იაჯსარო, შენი დიდებითა, ჩემი სიტყვის მავსენებით, ხთის წესითა, მდღლის წესითა, იერუმსალეთის ნათლითა, ქრისტეს გარიგებით, სააქაოს ნათქვამ თუ საიქიოს მიდიოდას, წესი სამართალ იყოს. სულს შანდობა ერგებოდას. — ეს ტაბლაიცა — დ ეს აუბებულ ყანწიც (ხუცესს იმ ბოთლიდან ავსილი ყანწი ან ვერცხლის ჭიჭა უჭირავს ხელში), ბოთლაიც სულსამც (იმ ოჯახის მიცვალებულის სახელს იტყვის) მავემარების. ზედამრჩობის დღეგარძელობითა, კარგა ყოფით“. „შაუნდნას ღმერთმ“, — იტყვიან სხვებიც. ხუცესი

ამ ყანწზე კიდევ დაილოცება: „გაუმარჯოს ლალს იაცსარსა. იმის წყალობა ზქონდას ამ საპატოს მამტანს. მშვიდობით ამყოფას, ბედნიერ წელი. კვალ გამაღცვალას, წელ მშვიდობისა დაუყენას. თქვენ მაგცასთ წყალობა არხოტის ჭვარის დასტურათ. ჩვენთან მასვლისად. თქვენთან ზეურ კა მაიყენას, შაუნდნას ვისადაც ილოც კი, მააჭმარას“, და დაღვეს, მერე სხვებსაც დაუხსამს და დააღვეინებს. თუ კეცეულია, დაჭრიან და მიართმევენ არხოტის ჭვარის დასტურთაც და სხვა იქ მყოფებსაც. რამდენიც სურთ, ჭამენ, მხოლოდ ჭამის დაწყების და გათავების შემდეგ ყველა იტყვის: „ღმერთო, გაუმარჯვი იაცსარსა. იაცსარო, შენ სწყალობდი საპატოს მამტანს, შენი წყალობით შინახენი“. ასე მეორდება ყველა მოტანაზე.

ჭვარიონთ აქვთ აგრეთვე საშიგაო ლუდი, როგორც არხოტის ჭვარში. ეს არის საუკეთესოდ გაკეთებული და დასალევადაც საამური. მასში ხანდახან ჩუმად არაყსაც შეაპარებენ და აძალებენ მის დაღვეას. ძალიან იკლიობენ არხოტის ჭვარიონის დათობას. აქვე ამ დღეს ხშირია შემთხვევა იახსრის ქადაგმა იქადაგოს, იახსარი ქადაგის პირით არხოტის ჭვარს ებაასოს.

იაცსარი ქადაგის ენით ბევრჯელ გამოთქვამს საყვედურს თავის ყმათ მიმართ — მე ჩემთ ყმათ არ ვსწამვარ და გამოთლეს. მათ არ ჰგონიათ, თუ მე ძალი და შეძლება მაქვსო. ძალი და შეძლება მაშინ მქონდა, როცა სამის წლის რემათ მიკლავდნენო (ე. ი. სამი წლის ცხენს დამიკლავდნენ და შემომწირაუდნენო). ხანდახან მღჭარასაც იტყვის ყმათ მიმართ. ვითომ მისი ყმანი, ე. ი. ს. ამაში მცხოვრებნი, მას ძალიან გაუთამამდნენ, აღარ ემორჩილებიან. ამიტომ მტრისაკენ გამზადებულ „გველისფერს“ ყმათაყენ მოგაბრუნებ მათ გასანადგურებლადო. მკითხავების თქმით, იახსარს გველისფერი ჰყავს მტერთან საბრძოლველად, როგორც არხოტის ჭვარს — მწვეარნი. გველისფერი არის დიდი ვეშაპის მსგავსი. სადაც იახსარი უბრძანებს, იგი ყველგან გაჩნდება უხილავად და ყველას გაანადგურებს. იახსარი თავის ყმათ იმიტომ ემდურება, რომ მათ აღარ სჭერათ, რომ იმას გველისფერი კიდევ ჰყავს, რომ იგივე ძალა აქვს, რაც ჰქონდა. ქადაგი იძახის: „მე სადალ მაქვს ძალი და შეძლება, მე ძალი და შეძლება მაშინ მქონდა, როცა სამის წლის რემათ მიხოცდნენო“. ზოგჯერ ქადაგი ქადაგობს მონადირეზე, ან ქისტეთში სისხლის ახადებად წასულზე — იმას იქ მტერი მორეოდა და მე ჩემი გველისფერი დაეხმარეო. ამის გამგონე მონადირე, თუ მტრისათვის მიმყოლი მაშინვე მოიყვანს ერთ საკლავს და დახმარებისათვის იაცსარს უკლავს.

ასეთ დროსტარებაში გაივლის ის დღე. დასტურები, თუ ძალიან თავდაჭერილი არ არიან, მაგრად თვრებიან.

ამლიდან ახიელამდე კარგი სამარხილე გზა მიდის. იანვარში აუცილებლად დიდი თოვლია გაკვალული და კარგი სწორი სასიარულოა მარხილისათვის. ტომრებს დაუწყობენ მარხილებზე, ხარებს შეაბამენ და დიდის პატივისცემით გაისტუმრებენ არხოტის ჯვარის დასტურებს. მათ დასვამენ მარხილზე და ხარები თავის სოფლისაკენ თვითონ წავლენ (იმ დღეს დასტურის მიუსვლელობა არ შეიძლება). ყოფილა ხშირი შემთხვევა, რომ ხარებს ტომრებზე წამოწოლილი მთვრალი დასტურები დაძინებული მოუყვანიათ სოფელში. ასეთივე ამბავია ჭიმლაშიც, მხოლოდ პურს იქ გაზაფხულამდე ჩაყრიან, რადგან ზამთარში გზა არ არის. ეს პური სალუდე პურთან ინახება და მისგან მზადდება ლუდი ორჯერ — ათენგენას და წელწადში. ერთი დღე განსაზღვრულია და ამ დღეს ჭიმლიდანაც და ამლიდანაც მოდიან მთელი სოფლის მამაკაცები და ცალკე ჯარად დასხდებიან არხოტის ჯვარში. მათ ეძლევათ ლუდი განსაზღვრული რაოდენობით. ამას ჰქვია „თემობა დღე“ (ამაზე შემდეგ გვექნება ლაპარაკი).

ზევით ითქვა, რომ მებეკური და საბეკური ახიელში ქისტები იყვნენო. საჭიროდ ვთვლით, წინაშუადღის წესების აღწერამდე ამის გარშემო ცოტა რამ ითქვას.

სოფ. ახიელსა და არხოტის ჯვარს შუა არის ერთი მამული, რომელსაც დღესაც საბეკურა ჰქვია. მამულის ბოლოში ნასახლარიც ეტყობა. აქ ყოფილა ქისტის ერთი ოჯახი. ისინი შემოხიზნულან სოფელ ახიელში. მამას ერქვა ჩოფანა, შვილებს — ერთს სამფი, მეორეს დაზი. ამათ დადგეს სახლი არხოტის ჯვარის მამულში; ეს მამული სოფელმა მათ მისცა და სხვა მამულებსაც აძლევდნენ მოსახსნავად. ისინი განაგებდნენ ამ ჯვარში სამეურნეო ნაწილს და სულ იქ იყვნენ, როგორც დასტური, ისინიც ვალდებულნი იყვნენ ემუშავათ საჯვარო საქმეში, დაეცვათ ჭირნახული, მოხმარებოდნენ დასტურებს ლუდის დაზადებაში და სხვა. ისინი არხოტის ჯვარის წესებს ერთგულად ემორჩილებოდნენ და ხალხიც მათ დიდს პატივს სცემდა. დაზი და სამფი აქ, ახიელში, გაიზარდნენ და ქართული ენა წმინდად იცოდნენ. ბოლოს თავისი ძველი ჩვეულება გამოიჩინეს და ერთ ამლიონ კაცთან — გაგათ ჩაჩაურთან ერთად ქურდობა დაიწყეს. მოჰყავდათ მოპარული ცხენები ფშავიდან, მოხევეებიდან. ბოლოს ხევსურებსაც დაუწყეს პარვა პირიქითში და სოფელი ამას არ უწონებდა. გაგათ ჩაჩაური იყო ამაყი კაცი და არავის ეპუებოდა. მისი მფარველობით ქისტები ქურდობდნენ. ბოლოს ახიელებმა ისინი დაითხოვეს და უთხრეს — ჩვენ თქვენი საქციელი არ მოგვწონს და უკეთესია მშვიდობიანად დასტოვოთ ჩვენი სოფელიო. ისინიც ადგენენ და წავიდნენ ისევ ქისტეთში. იქიდან მაინც ისევ მოდიოდნენ, როგორც აქ გაზრდილები და არც არავინ უშლიდა. გაგათ ჩაჩაური და ისინი ისევ

განაგრძობდნენ ქურდობას. ბოლოს მათ და ჩაჩაურს მოუვიდათ ნაქურდალის განაწილებაზე ლაპარაკი, ჩაჩაური აღარ აძლევდა ნაღვლის ნაწილს. ისინი ეუბნებოდნენ — მოგვეცი ნაწილი, თორემ არ შეგერჩებაო. ჩაჩაური მაინც არაფერს აძლევდა. ბოლოს მათ გადაწყვიტეს მისი მოკვლა. მივიდნენ არხოტის ჯვარში წელწადში. ვინც ამის მომსწრე იყო, ისინი ამბობდნენ, რომ გადარეულს ჰკავდნენო. ძველები ამ ამბავს არხოტის ჯვარს აბრალებდნენ. გავათ ჩაჩაური და ჩოფანაის შვილნი რომ ქურდობდნენ და ცუდ საქმეებს შერებოდნენ, არხოტის ჯვარი გაუწყრა, გადარია და ერთიმეორე დაახოცინაო. მათ გადაწყვეტილი ჰქონდათ ჩაჩაურის მოკვლა არხოტის ჯვარში, ისიც კარგად იცოდნენ, რომ აქედან ველარც თვითონ წავიდოდნენ, მაგრამ არხოტის ჯვარმა ისინი ისე გადარია, რომ ყველაფერი დაავიწყაო. მოვიდა ჩაჩაური ჯვარში და იმღერა:

„ღათსა ღვავ უსაჭურისძე, ნადირსა მდიდრის ტყისასა“.
შევიდა დარბასში, სადაც ჩოფანანი იყვნენ. ჩაჩაური რომ დაინახეს, სამფიმ უთხრა ქისტურად: „ღათ, მაირა?“ — მზადა ხარ, მაირაო? მაირამაც უთხრა — „ღათ“ — მზად ვარო და დასცეს ჩაჩაურს ხანჯლები. სხვებიც დაჭრეს, მაგრამ სასიკვდილოდ არა. ორი წუთის შემდეგ ჩაჩაური, მაირა და სამფი მკვდრები ეყარნენ. ქისტები სხვებს დაეხოცათ. ჩაჩაური წაასვენეს ამაში, ქისტები კი ქისტებმა წაიღეს. ასე დამთავრდა მებეკურობა ახიელში და მას შემდეგ აღარც ყოფილა მებეკური. რაკი არხოტის ჯვარს დაბრალდა მათი ერთმანეთის დახოცვინება, მებეკური საჭიროდ არ ჩათვალეს, მხოლოდ მამულს კი სახელად შერჩა საბეკურა.

ახლა შევუდგეთ წინაშუადლის წესების აღწერას სოფელ ახიელში, არხოტის ჯვარში.

ჟამისწირვა, როგორც ვთქვით, ჯვარში ჩვეულებრივი წესით ჩატარდება. ჯვარიონნი ყველა აქაურ წესს რომ შეასრულებენ, სოფლიდან ვინმე მეზღვენე მოვა, ან თემიდან ვინმე მეთამაშე ჩამოვა. სოფელში ამ დროს კიდევ არის მზადება. ოჯახებში პატიუობენ ერთიმეორეს და „თავების მორჩენის“ შემდეგ უსათუოდ გამოიგონებენ რამე გასართობ თამაშობას, რომ ამ მიზეზით მეთამაშე ჯვარში წბვიდეს. ამაში თვითონ ჯვარიონნიც ხელს უწყობენ. მოკლენ დასტურები და სოფლიდან ხნიერ ქალს ვითომ მოიტაცებენ. უფრო ისეთს, ვინც არ გათხოვილა და ამ სოფელში დაბერდა (ასეთ ქალს სოფელი ძალიან პატივით ეპყრობა, რაკი თავის სოფლიდან არსდ წასულა და აქ დაბერდა). ან ხუცესის სახელს იტყვიან — იმის საცოლოდ მიგვეყავსო, ან სხვა ვინმე დასტური იქნება ხნიერი და მისთვის მიგვეყავსო. წავლენ ჯვარისაკენ ქალისათვის მხარზე ხელჩაკიდებულნი. ქალი იძახის: — მიშველეთ, მამულნო, არა და მე შემარტყით ხმალიო. სოფ-

ლის ახალგაზრდობასაც ეს უნდა, შეიარაღდებიან საჩქაროდ თოფ-
 ზითა და ხმლებით. დაედგენებიან და წამოეწვიან სოფლის ბოლო-
 ში მინდორზე და აუტეხენ სროლას და ხმლის ყუბით ცემას. შეიქმ-
 ნება ყვირილი, ხმლების პრიალი და ჩახაფხი. დასტურებს მიეშვე-
 ლებიან სხვა ჯვარიენებიც. კვირაწმიდელი დასტურები, ჩხანჩხი,
 შულტა და სხვა. შეიქმნება მინდორზე ხელჩართული ბრძოლა. ამ
 ბრძოლაში ქალი ან ჯვარიონთ ემხრობა, ან სოფლელებს. თუ იძახის —
 მე ჩემის ნებით გამოყვევი, სოფელს რა უნდაო, — იმასაც უყვირიან:
 „ჰაგისხლეთ, მაგიკეთო, მამის სახლში მასვლას დაგილევო, შაგვა-
 რცხენი, მავთხარ-მავებზარენი“. ქალი უფრო სოფლელებს ეძახის:
 „მიშველეთ, ძალით გამაშთარეს, ვის უნდან სასაცილონი, მშიერ-ტი-
 ტველნი, ლუკათ მკრეფელნი“. ამაზე ჯვარიონნი უფრო ცხარობენ:
 ჯერ გეპირდებოდა, ახლა თავს გვაშეტებს, სირცხვილს გვდებსო.
 აქვე ხმარობენ ბევრ საოხუნჯო, საცინელ სიტყვებს; ქალი ვის სა-
 ზღებზეც მიყავთ — იმის სახელს იძახიან — ცოცხლები თავს აღარ
 დავანებებთ (ხეცის სახელს იტყვიან, მაგ. ქორია) „ქორიას აბირე-
 ბულს ვერ გავსწირავთ (აბირება ჰქვია ვინმესთან ყოფნის სურვილით
 მისთვის აკრძებას. მაგალითად, ბავშვი რომ დედის ნახვაზე ტირის,
 თუ დედამ ხელში არ აიყვანა), უბედოს ვერ დავდლებო, ჯერ ქვე
 მავაჩვენეთ ცოლი თავისობას უნახავა, ეხლა ვეღარ წავაჩვენებთ“ და
 სხვა. თან ქალი ხუმრობს: „ქმარი მინდა, თქვენი რა საქმეა, მე უქმ-
 როდ ვერ დავდებო“ და არის ერთი სიცილ-ხარხარი. ამ „ბრძოლა-
 ში“ წაიქცევა ხალხი მინდორზე — ზოგი სად და ზოგი სად, ჯვარიონთ
 მხრიდანაც და სოფლელების მხრიდანაც, ვითომ დაიხოცნენ. ახლა სა-
 კირო გახდება აქიშები და წამლები. აქიშებად მოვლენ უფრო ისეთი
 კაცები, ვისაც ხუმრობა უხდება და დაუწყებენ დაპირილებს სინჯვას
 (აქ სინაჰდვილეში დაპირილი არავინ არის, ეს ყველაფერი მხოლოდ
 ხუმრობაა). გასინჯვის დროს ბევრ რამე საცინელს ამბობენ ექიმები —
 სად რა ვის სკირს კრილობა და რა მოარჩენს. ჯვარიონნი მოარბენინე-
 ბენ საუკეთესო საშიგაო ლუდს და რამდენსაც ვის გამოუწერს ექიმი
 მოკლულ-დაპირილებს, ამითი არჩენენ და აცოცხლებენ. სოფლიდანაც
 მოაქვთ არაყი და აქიმისავე გამოწერით ისინიც აცოცხლებენ თავის-
 გან მოკლულ-დაპირილ ჯვარიონებს (სოფლელებს ევალებათ ჯვარიონე-
 ბის მორჩენა, რადგან თვითონ არიან მათ სიკვდილში დამნაშავენი.
 დამნაშავე კი პასუხსმგებელია დაზარალებულის წინაშე). ასევე აცო-
 ცხლებენ ჯვარიონნი თავისგან მოკლულ-დაპირილ სოფლელებს.

ეს ხუმრობა რომ მოთავდება, მაჰაკაცები წავლენ დარბასის კარ-
 ში, ხოლო ქალები რჩებიან მინდორზე. ისინი აქ მართავენ ცეკვას.
 ახალგაზრდობთან ერთად. ჯვარიონნი დიდ ცეცხლს ანთებენ. მაჰაკა

ცებს გამოუტანენ დარბასიდან ლუღს და გაიშართება სმა. ქალებსაც გაუტანენ ერთ საწდე ლუღს. მეორე საწდეს გაუტანენ პატივად იმ ქალს, რომელიც „მოტაცებული“ იყო, და ჯვარიონთ სახელით მადლობას უხდნიან ამ თამაშობა-ბუნებობაში კარგი მონაწილეობისათვის (პატივის მიტანა ნიშნავს ხევისტოვულად დიდ დაფასებას და პატივი-ცემას). პატივად მიტანილ საწდეს აქ ვინმე დალოცავს, უფრო ამ სოფლის ახალგაზრდაცვალებულებისათვის, შეიძლება აგრეთვე დაილოცოს ცალკე რომელიმე მიცვალებულისათვისაც, თუ არის ვინმე უფრო მეტად მოსაგონარი, ან ჯვარიონთი და ან თვით ამ ქალის ნათესავი. ჩვეულებრივ კი ვინაც პატივი მიუტანეს, იმის მიცვალებულისათვის არ შეიძლება დაილოცოს, ილოცება მიმტანის მიცვალებულისათვის. მხოლოდ ამ შემთხვევაში, ე. ი. მეთამაშეში, გამოჩალიჩი წესით შეიძლება დაილოცოს, ვისაც მიუტანეს პატივი, იმის მკვდრებისთვისაც. შეიძლება შოტაცებული ქალი ჭირისპატრონი იყოს და მის გასართობად მოიტაცონ. მიღებულია, რომ ის შოიტაცონ, იმას ეხუმრონ, გაართონ და პატივი ამითი სცენ. მიუხედავად მგლოვიარობისა, ისიც ლებულობს თამაშობაში მონაწილეობას. აი, ამ შემთხვევაში ილოცება მეტანილი საწდე იმისათვის, ვისზეც მგლოვიარეა ეს ქალი, ვინაიდან ხალხს ხათრი არ გაუტეხა და თამაშობაში ნიღლო მონაწილეობა.

ამ საწდენიდან ერთ თასს ამოიღებენ და ვინმე უფრო ხნიერ კაცს მისცემენ. თუ აქ კაცი არ არის, შეიძლება ქალსაც მისცენ თასი დასალოცავად. დალოცვა ხდება შემდეგი სიტყვებით: „ღმერთო, დიდობა შენდა, ღმერთო, მაღლი შენდა, ღმერთო, უშველი ახიელელთ მეთამაშესა, ბევრ წელწად-ქრისტე მადგვარი მშვიდობისა, კარგად ყოფისა. ღმერთო, შენის დიდებითა, ჩემის სიტყვის მაკუნებით. სააქაოს ნათქვამ თუ საიქიოს მიდიოდას, წესი მართებულ იყოს, სულს შანდობა მიუდიოდას, ხთის წესითა, მღდლის წესით, იერუმსალეთის ნათელით, ქრისტის გარიგებით, ზედამჩროების დღეგძელობით, ეს თასიცა-დ ეს საწდეიც სულსამც (მიცვალებულის სახელი) მაკვმარების“.

„შაუნდნას ღმერთმ“, — იტყვიან ყველანი. კიდევ დაილოცება თასის დამლოცავი და იტყვის: „გადღეგძელნასთ ყველანიც ახიელელთ მეთამაშე, გაცოცხლნასთ, მშვიდობით გამყოფნასთ, ბევრ წელწად-ქრისტე მაგგვარასთ მშვიდობისა, კარგად ყოფისა, ერთუცის სიცოცხლისა. შაუნდნას, ვისადაც ილოც კი, მაკვმარას“. ამ დალოცვაზე პასუხობენ იქ მყოფნიც: „ღმერთმ გიშველას, შენ იყოს მწყალობელი“. ბოლოს დალოცვაზე ეტყვიან: „შაუნდნას ღმერთმ, მაკვმარას!“ და დამლოცავი დაღევს თასს. მერე უფრო ახალგაზრდები, ვაჟი ან ქალი, ჩამოარბიებენ ლუღს (აქვე მეორე საწდეც არის). ყველანი დაღვევენ.

სადღეგრძელო თავიანთი ნებაა, თანადა არ იციან. მხოლოდ ხან-დახან მოიგონებენ ვინმე ცოცხალს ან მკვდარს და განსაკუთრებით ჩანოარიგებენ. სადღეგრძელო იქნება თუ შესანდობარი. რომელიმე ადგება ფეხზე, ხელში თასი უჭირავს და იტყვის: „მოდი, ხალხნო, მერას ვიტყვი, ცოტა ხანა იყურეთ! მოდი, თითო ჩამავლეულით (ჩამორიგებულათ) გიორგი (თუ იმ კაცს გიორგი ჰქვია) ვადღეგძელოთ. გიორგი კაი კაც იყვ, გამასადეგ იყვ რაგანად, მართალი მაგარ იყვ, ნამუსიან იყვ ქალ-ზალშიაცა, სოფელშიაც. ადღეგძელას ღმერთ-მაცა მთავარანგელოზმაც გიორგი, აცოცხლას, მშვიდობით წასულ ღმერთმა მთავარანგელოზმ მშვიდობით შინ მაიყვანას. ეწეოდას არხოტის ჭვარიცა, გორულ ჭვარიც, მთიშეშაგიცა, ყველა ჩვენ სალოცავები. ვისაც გიორგის დღეგძელობაი, მშვიდობით შინ მასვლა არ უნდ, ღმერთმა ნუვინ უდღეგძელას“. ვისაც ადღეგრძელებენ, მისი ნათესავი ვინმე თუ იქ არის, ისიც მადლობას იხდის. მოქმელი სადღეგრძელოსი თასით, რომლითაც თვითონ დალია, ყველას დაალევიანებს ან ვინმეს სთხოვს, რომ დადგეს ფეხზე და ყველას დაალევიანოს „სულუქევერად“ (სულუქევეარი ეწოდება სმის წესს, რომლის დროსაც მსწერს შესვენებისა და ამოსუნთქვის ნებას არ მისცემენ, რაც უნდა დიდი თასი იყოს. თუ შეისვენა, ამას სულისქვევას ეძახიან და ხელმეორედ უვსებენ თასს, თან უსაყვედურებენ: შენ მისი სადღეგრძელო როგორ ზარმაცად დალიეო). ასეთივე წესით შეიძლება მოიგონონ სხვა შესანდობარი და ერთმა კაცმა ერთი თასით ყველას დაალევიანოს. დანარჩენი სმა უთამადოდ იციან და ვისაც ვინ სურს, მას ადღეგრძელებს. მინდორზე ქალებიც დალევენ ლუდს და სადაც ქალები არიან, იქ ხომ ახალგაზრდებიც არ გამოილევინან. ასწევს ლუდიან ქვაბებს ორ-ორი ახალგაზრდა და სოფელში რომელიმე ოჯახში წაიღებს. როგორც ზემოთ ნათქვამია, სადაც ახალი მოყვანილი რძალია, მის პატივსაცემად უფრო იმ ოჯახში მიაქვთ ლუდი. მიდიან ახალგაზრდა ქალ-ვალები (ახალუხალი) და თავისებურად ძალიან კაი დროს ატარებენ; მართავენ ლხინს — ცეკვას, მღერას, სწორფრები ერთიმეორის გვერდზე სხედან, ხუმრობენ, იცინიან და თან ლუდს სვამენ. აქ რომ ასეთი დროსტარება არის, სოფელში კიდევ დასტური „ქურდები“ დადიან და „იპარავენ“ ოჯახებიდან თხილს, კაკალს, არაყს, ხორცს, იარაღს — მაგ. ხმალს და ფარს (თოფს არ მოიპარავენ) და რაც მოხვდებათ ხელში. ქურდობა იწყება კუმეტი სალამოდან. დასტურები ყველა სახლში თითოჯერ შეიპარებიან და მოიპარავენ რამეს. ოჯახშიც მათთვის რაც კარგია, დადგამენ ისე, რომ ქურდებმა ადვილად იპოვონ. ის ოჯახი დიდად შეურაცხყოფილად იგრძნობს თავს, რომელშიაც ქურდები არ მივლენ. მაგრამ ძალიან ცდილობენ, რომ ისინი დაიჭირონ. თუ გაუგეს, რომ ქურდი შემოვიდა, უცბად კარებს

დაუკეტავენ, ან ეცემიან ზედ და ქურდი უნდა დემორჩილოს. ამ შემთხვევისათვის ყველას აქვს ოჯახში ცხარე არაყი შენახული და ვაი ქურდი დასტურის თავს; შეწვავენ მწვადს, რაც შეუძლიათ ყველაფერს კარგს აკმევენ, მხოლოდ არაყი უნდა თუ არა, ძალით ბევრი უნდა დააღვინონ. მერე ერთ ბოთლ არაყს მისცემენ, შამფურზე მწვადებს აუცვამენ და გაისტუმრებენ. ის ოჯახი ბედნიერად გრძნობს თავს, ვინც დასტურს დაიჭერს და მას პატივისცხა სცემს. ეს მათი ნებედულებით ბედნიერების მომასწავებელია. გაისტუმრებენ, მაგრამ ის უნდა წაიყვანონ სოფლის ჯარზე, რომელიც, როგორც ზემოთ ნათქვამია, ერთ ჭერხოშია თავმოყრილი. მათ ჯვარიონნი მისცემენ ლუდს და აქ სვამენ სოფლის მამაკაცები (ამას ჰქვია სოფლის ჯარი). დაჭერილ ქურდს აი იქ მიიყვანენ. იქ კიდევ მოაქვთ სოფლიდან არაყი და ძალით ასმევენ დასტურს. დაანთებენ დიდ ცეცხლს, დასვამენ შუა ცეცხლის ახლოს და სცხელა საწყალს, მაგრამ სად წავა?! გაჯვრდეს, არ შეიძლება, ან კიდევ თოკით ზოზე დააკრავენ ფეხზე მდგომელს და ძალით ასმევენ. დასტური ვინმეს გაგზავნის ჯვარში სოფლის ჯარიდან: მიშველეთ, დაჭერილი ვარო, ჯვარიონთ უკვე იციან, ის რა დღეში იქნება და „სამხსნელოს“ მალე წამოიღებენ. „სამხსნელო“ ჰქვია საუკეთესო ლუდს, რომელიც უნდა მიიტანონ ჯარზე და იმითი დაიხსნან ქურდი. სამხსნელო რომ მოვა, დაჭერილს მაშინ ათავისუფლებენ. დაიწყებენ მშვიდობიან სმას და ხუმრობა-სიცილს იმის დაჭერის გამო. ქურდები დღე და ღამე სულ ქურდობენ. დღისით, როცა მეთამაშე წავა, მაშინ სოფელში ხალხი აღარ არის, ზოგი დაპატიჟებულია ოჯახებში, ზოგი ჯარზეა წასული და ქურდები თავისუფლად დადიან. სოფლელები კარებს არ კეტავენ, რადგან აქ ნამდვილი ქურდობა არ არის და არ ეშინიათ.

ქურდობას აქვს ერთი წესი, რომლის შემდეგ ისინი აღარ მივლენ ოჯახში, ეს წესი არის ჯვარში „საპატიოთ მიტანა“. ყველა ოჯახი ამზადებს კარგ სადილს, ხინკალს, კეცეულს, ხაბიზგანას და სხვა, თან ერთი ბოთლი არაყიც ჯვარიონთან პატივსაცემად მიაქვთ. ყველა ცდილობს, სხვაზე უკეთესი საპატიო მიიტანოს, ამიტომ წელწადში ჯვარიონნი დიდ პატივში არიან. ვინც საპატიოს მალე მიუტანს, იმის სახლს აღარ გასტეხენ ქურდები. საპატიო ნიშნავს იმას, რომ მისი მიტანის შემდეგ აპატიებენ და აღარ გაუტეხენ სახლს. სოფლის ჯარიდანაც გზავნიან ქურდებს ჯვარში, რომლებიც იპარავენ დარბასიდან ლუდსა და ხორცს, გატყავებულ საკლავს. ჯვარში მოტყუებით მივლენ, მოიგონებენ რამეს. ორნი თუ არიან, ერთი გამოცხადდება და ერთი დაიმალება. აქ ვინმეს ნახავენ ცალკე დასტურს ან ჯელოსანს და ეტყვიან: აბა დავგეხმარე, თორე ვაი შენს ტყავს, თუ სოფელში მოგასწარიო და დაგიჭირეთო. ის დაარიგებს როგორ მოიქცენ. ან

ხალხს სინათლეზე აეფარება და იქვე ბოძზე დაკიდებულ მთელ-მთელ-
ლი საკლავებიდან ერთ-ერთს გაატაცებინებს, ან ლუდს დაასხმევინებს
რვლის ჩხუტაში ხუცესს — ვითომ აქ გვიშლისო, კარებთან ცოტა
ახლო დადგანს და იმას ვაატაცებინებს; ან თუ ვინმე დაედევნა, კარ-
ებში ხელს შეუშლის. ლუდი საუკეთესო იქნება, რომელიც დარბას-
ში იხარჯება. როცა გაიტაცებენ, ჯვარიონნი იცინიან, ხუმრობენ და
ერთიმეორეს აბრალებენ ქურდებისათვის ხელის შეწყობას. მაგრამ
ვთუ იმ ქურდის დღეს. თუ ჯვარიონთ დაიჭირეს და ხელში ჩაიგდეს.
მიიყვანენ დაქერილს ქურდს დარბასში, დასვამენ ცეცხლის ახლო,
დაანთებენ დიდ ცეცხლს (შუა ცეცხლი არის აქ) და ეს მთვრალი ჯვა-
რენები აღარ დაინანებენ მას, რომ სიციხით იწვებოდეს. მოართმევენ
ლუდს, არაყს, შწვადებს და ვითომ დიდ პატივს სცემენ. ან აქაც ბოძზე
მიაკრავენ და ასმევენ ძალით. ან კიდევ ამ იანერის სიცივეში „გოჭჩათ
სამანაზე“ დააკრავენ გარეთ. „გოჭჩათ სამანი“ არის მიწაში ნახევრად
ჩასმული შაღლი „ბროლის“ ქვა. მასზე მიაკრავენ და თან წყალს
ასხამენ. სოფლის ჯარზე კაცს გაგზავნიან და შეატყობინებენ მათი
ქურდების დაქერისა და წამების ამბავს. ასე იქნება, ვიდრე სახსარი
არ მოვა. სოფლის ჯარზეც დაფაცურდებიან, მოარბენინებენ არაყს და
გზავნიან ჯვარში კაცის დასახსნელად. დამხსნელი რაკი სახსარს მი-
იტანს, ქურდს ანთავისუფლებენ და მისცემენ, თუ სურს საკლავს ან
ლუდს სოფლის ჯარზე წასაღებად. სოფლის ჯარზე საკლავს იქვე მო-
ხარშავენ, „ტაბლას დააგებენ“ და ჯარს ფიცრებით წინ დაუდგამენ.
პური და მარილი სოფლიდან მიაქვთ. დაგებულ ტაბლაზე დგამენ ლუ-
დიან თასებს და დალოცავენ იმ ქურდების მიცვალებულებისათვის,
რომლებიც გარჯანჯენ და ეს საკლავი მოიტანეს. აღგება ერთი უფ-
როსი და ტაბლას ასე დალოცავენ მიცვალებულებისათვის: „ღმერთო,
დიდება შენდა, ღმერთო, უშველი ახიელელთ ჯარსა, მოჯარეს, შენი
წყალობით შაინახენი. ღმერთო, უშველი, მსჯელებსაც სჯილობას
ნუ დაუკარგავ კეჭიფეო, შენის დიდებითა, ჩემის სიტყვის მაკსენებ-
ბით, სააქაოს ნათქვამ თუ საიქიოს მიდიოლას, წესი მართებულ იყოს,
ხთის წესითა, მღდლის წესითა, იერუმსალეთის ნათლითა, ქრისტეს
გარიგებით, ეს ტაბლაიც, სასმელიც სულსამც მსჯელების მკვდართას
მაეკმარების, შაუნდნას ბერთაცა, ახალთაც“. სხვები იტყვიან: „აი, შა-
უნდნას ღმერთმ“. მერე დასხდებიან და ჭამენ, მხოლოდ ერთი ან ორი
კაცი ზედამდევებად დადგება ფეხზე. იმათთვის ხორცი ცალკე არის
შენახული. ხალხი რომ პურის ჭამას გაათავებს, მერე იმათ დასვამენ
ტაბლაზე. ზედამდევები ჩვეულებრივად იქცევიან: ამოიღებენ საწ-
დიდად თასებით ლუდს და დადგამენ სუფრაზე კარახანას, პურის ჭამის
შემდეგ გაიმართება ჩვეულებრივი მღერა.

ეს ტაბლაც დამთავრდება. ჯარი კი თავის წესებს ისევ განაგრძობს. როგორც ზემოთ აღვნიშნეთ, გაგზავნიან ჯარში მეთასეთ, მეთასენი ჯარაიონთაგან პატივნიაცეში დაბრუნდებიან და მოიტანენ საწლით ლუღს. ეს ლუღი ჩასხმულია თასობრივ და ყოველი თასი დალოცვილია სახელოვანი კაცებისათვის. ვინც თასს დაქერს, შექმდებნაირად დაილოცება: „გამარჯვება კემწიფესა, იმის წყალობა ქმონდასთ სოფელს, ჯარსა-დ მოჯარეს, ბევრ წელწად-ქრისტე მშვიდობისა, კარვალ უოფრისა, ვალოციოსთ. ჯვარიონთ სწყალობდას, მწვიდობით შინახნას. მეთასეთ გწყალობდასთ, სჯილობა ნუ დაგიკარგასთ“. მერე ვინც თასი მისცა, მას შეხედავს და ეტყვის: (სახელი) „შენ დაგლოცას, გაგიმარჯოს, ჩემთან თას ნუ მაგიშალას, მტერსთან კნალი, გამარჯვება. შაუნდნას ეს თასი, ვინადაც დაილოც, მანკმარას კას ყქას“.

— „შაუნდნას ღმერთმა, შენ კი გაღვებელს“ — ეუბნებიან იქ მყოფნი. ვინაც თასი არ შეხვდა, იმათაც თავის თანებდან დაღვეინებენ, ყველა დაილოცება და იტყვის შენდობას. ასე მთავრდება მეთასეთ წესებიც. ჯვარიონნი ღამეს უთვევენ და ასრულებენ ყველა იმ წესს, რაც ზემოთ არის ნათქვამი ღამისთვის წესებში. წინაშუაღლე დამთავრდება ამით.

ზემოთ ითქვა — „გოქჩათ სამანაზე“ დააკრავენ დაქერილ ქურდსო. საჭიროა ითქვას, რა არის სამანი. სამანი არის მიწაში ჩაგდებულნი ქვა, რომელსაც ნახევარი მალა აქვს და ნახევარი მიწაში. მაგ, არსოტივენებს ჰქონდათ ყრილობა სისხლის საქმეების წესებში ცვლილებების შეტანის შესახებ და ამისათვის ჩააგდეს სამანი. ამ დაღვენილი წესების დარღვევის უფლება არავის არა აქვს. თუ ვინმე მოინდომებს დაღვენილების დარღვევას, მაშინ მთელი თემი აუჯანყდება და ეტყვიან: მიდი ჯერ არხოტის ჯვარში, ის სამანი გადმოაგდე და მერე რაული დაარღვიეო. სამანის გადმოგდება ვერავინ გაბედავს, რადგან სამანის ჩაგდების დროს თუ ხარი არ დაიკლა, ცხვარი წინც დაიკვლება და დაამწყალობებენ იმას, ვინც ამ წესს მტკიცედ დაიცავს. შეარისხებს მთელი თემი იმას, ვინც დაარღვევს იმ წესს. რაზედაც ეს სამანია ჩაგდებული. დაარღვევა თუ სამანი არ გადმოაგდო, თემი ნებას არ მისცემს წესის დარღვევისას. სამანის გადმოგდება კი მოაწყევებს მთელი ნათესაობიანად ამოწყვეტას. არის კიდევ სამანი ძობისა. შეიძლება ორი გვარი გაიფიცოს ძმად: ხარს დაკლავენ და ჩააგდებენ ძმობის სამანს, რის შემდეგაც ეს გვარები ძმად გაფიცულად ითვლებიან. ასე გაფიცულ გვარებს ეძახიან „ჯარით შამაყრილ გვარს“. გაფიცული გვარები არიან ერთად, როგორც ნამდვილი გვარი, გვარსაც ერთს ატარებენ და ყველა ხევსურულ გვაროვნულ წესებში ერთიმეორეს ეხმარებიან. არის სამანი ძმობის გაყრისა: მაგალითად, გვარში არის კიდევ ქვეგვარები და ამ ქვეგვარებს საერთო საქმეებში

ერთიმეორესთან უთანხმოება აქვთ. შეიძლება თქვან: ჩვენ თქვენნი ძმობა არ გვსურს და გავყაროთ გვარიო. მივლენ ყველანი, ერთ გრძელ ქვას მიწაში ჩააგდებენ, დაკლავენ ხაკლავს მშობის გაყარზე და გაიყრება გვარი. ეს არის ნამდვილი გვარის გაყრა. მოკვეთა პიროვნებისა კი ძალის მოკვლითაც შეიძლება. შეიძლება მშობლებმა შვილიც მოკვეთოს. მამა მამაც და სოფელმა რომელიმე დამნაშავე პიროვნებაც.

ძალლით მოკვეთის დროს ძალს ან მოკლავენ, ან ჯოხს დაარტყამენ და დაიძახებენ სახალხოდ (მაგ. მამა იკვეთს ძმას): „ხალხნო, მაგდიოდასთ, მე ძალს ვკლავა-დ ავით ვიკვეთ ჩემს ძმას. მე მაგას ვერა მივადინი, ვერც ავი, ვერც კაი. დღესადგე ყველამ იცოდინეთ, უგ ჩემ ძმა აღარ ას. მაგან რომ რა ვის დაგილიოსთ, ან მაგკლასთ ვინ. შე კარზე ნურავეინ მაშიდგების. თუ ეგ ვის შემოგაკვდათა, მე არავის მაგიდგებით კარზე. მე მაგისას აღარას ვიკითხავ“.

ორი გვარი რომ გადაეკიდება ერთიმეორეს, შეიძლება აქ გვარში ერთ-ერთმა ქვეგვარმა თქვას, რომ მე მაგათ ბრძოლაში არ ვუდგევარ და მონაწილეობას არ მივიღებო. ამას მოპირდაპირე გვარი არ დაიჭერებს და იტყვის: მაგათი ეშმაკობა ვიციოთ; ჩვენ რომ მოვკლათ ვინმე, მაშინ მშები იქნებიან; თუ არ უდგას, მოიკვეთოს და მაშინ მაგათთან საქმე აღარ გექნებაო. მოკვეთა ამ ბრძოლის დროს სირცხვილია, რადგან შიშით მოკვეთას ნიშნავს, მაგრამ ხანდახან შინეხდება.

ძალლით მოკვეთილის შერიგება ისევ შეიძლება: ამისათვის ერთ ხაკლავს დაკლავენ, ამას ეძახიან „ძალის ხსნას“. შერიგების შექმნის იხინი ისეთივე ძმები იქნებიან, როგორებიც იყვნენ.

მაგრამ სამანის ჩადგმა მტკიცე საქმეა და ამისი დახსნა აღარ შეიძლება, სამანს ველარავინ ამოიღებს, რადგან მისი ამოგდება მთელი ნათესაობის ამოწყვეტას ნიშნავს.

სამანი არის კიდევ სახატო საქმეების განსამტკიცებლად. მაგ., სახატო მამულებში, რომლებიც დასტურებს აბარიათ, გადადის საქონელი, რადგან ყანები სოფლის ახლოს არის. უფრო ხბოები შედიან. სოფელს ხბოების გაშვება აკრძალული აქვს, მაგრამ ყველა არა ემორჩილება ამ წესს და თავისუფლად უშვებს. შეიძლება ეს ხბო დასტურს შემოაკვდეს. პატრონი იმას ნუ აზღვევინებსო — ამისათვის ჩაუდგამთ სამანი. თუ პატრონი დასტურს გადახდევინებას მოუნდომებს, მაშინ იტყვიან — ეს სამანი გადმოაგდოსო. მე მახსოვს, ბიძაჩემი იყო დასტური, სახელად ივანე. მას შემოაკვდა ჭირნახულიდან გამორცკვის დროს რუჩუელთ ხბო (რუჩუელთა ორი კომლი იყო). რუჩუელთ რაჭულის კაცებმა თვითონ უთხრეს: ჯერ ის სამანი გადმოაგდე, მერე

ვაკისრებთ ზღვას, გადავანდევინებთ ივანეს იმ ხბოსო. რუჩუელნი გაჩუმდნენ.

შეიძლება სისხლი იყოს სადღაო, რჯულის კაცებმა თუმცა გაარჩიეს და საეკვო იყო კიდევ მისი განაზღვება. ამისათვისაც სამანს დგამენ და თუ რომელიმე ფიქრობს დადგენილი საქმის გადახვევას, შიშით ხმას ველარ ამოიღებს, გადაწყვეტილება რჩება საბოლოოდ.

ასე მრავალ საქმეზე იდგმება სამანი და სათემო სალოცავეებში რომ მივიდეს კაცი, აუარებელს ნახავს მიწაში ნახევრად ჩაფლულ გრძელ ქვებს. შეხედვითვე შეატყობ, რომ ეს სამანი არის. ზოგიერთი სამანი აღარც კი ახსოვს ხალხს. რაზე არის ჩადგებული. უმრავლესობა კი იციან გადმოცემით უხუცესებმა. შეიძლება ერთმა კაცმა დაიფიცოს რამეზე: სასმელს აღარ დავლევე, ან ჭვარში ჩხუბობს და გადაწყვეტს — აღარ ვიჩხუბებო (მკითხავეები აუკრძალავენ, როცა მას ავად ვინმე გაუხდება). ის მივა ჭვარში, აიღებს ქვას, კოშკზე დადებს და იტყვის: „დალოცვილო მთავარანგელოზო, შენც მაგდისა, იცი, გულთამზრლავი ხარ. ხალხნო, თქვენც შავდიოდათ, რომ მე დღეს აი ამ ქვას სამნად ვდებ ჩემის ფიცისად. დღესიდე მე აქ რო ქვეც ვინ მამკლას, სიტყვას არ შაუბრუნებ, ჭვარში თუ მე კიდევ ვის კვა გავეცი, ეს სამან უნდა გადმავად. მომდიოს მთავარანგელოზმ. გამაძღოს შვილით შეიღამინ, ქალის შეიღამინ“, „წყალობა მაგცას“ — ეუბნება ხალხი. გამოვა კაცი იქიდან, დამზადებული აქვს ერთი მომრგვალებული გახვრეტილი ქვა, რომელიც ძაფზე არს აცმული და მისკემს ხუცესს. ხუცესი ყელზე შეაბამს და ეტყვის: „წყალობა მაგცას მთავარანგელოზმ, შეაგინახას, როგორც შენ შარანახე, შენს სიტყვას“. ეს ქვა ამ კაცს მუდამ გულზე ექნება დაკიდებული. თუ გაცედა ან დაკარგა, სხვას გამოცვლის. ზოგს კიდევ პირში ქვა უდევს, როცა ჭვარში მივა, ეს იმითომ რომ ჭვარში ის ბევრს ყბელობდა, ქოთობდა და, რატომ უნდა როდისმე ავად ვინმე გაუხდებოდა. ადგილობრივმა მკითხავეებმა მისი ხასიათი იცოდნენ და აუკრძალავენ ქოთს ჭვარში. ეტყოდნენ ჭვარში რომ მიხვალ, პირში ქვა უნდა ჩაიდო იმის ნიშნად, რომ იქ აღარაფერი ილაპარაკაო. ეს კაციც აღაქმას დებს და ჭვარში რომ მივა, მადლს მოსთხოვს ჭვარს, ერთს პატარა ქვას იღებს, იღებს პირში და სც არის. ლუდის დალევის დროს გამოიღებს ქვას, ხელში დაიჭერს და მერე ისევ პირში ჩაიდებს, სახლში რომ წავა, იმ ქვას ვალავანს არ გააცილებს და იქვე ვალავანის შიგნით გადააგდებს.

არის კიდევ ერთი დაფიცვა; პატარა ჭოხს აიღებენ, დანიო დაუჭდევენ და იტყვიან: „ასე ამოვარდას ჩემობა, თუ მე აწიდევე ესიღ ჩავიღინ“ (მაგ. სიმთვრალე, ჩხუბი და სხვა) და ამ დაჭდეულ ჭოხს გადაადგებენ ჭვარში წმინდა ადგილას. ამას ჰქვია „ქედის ამაგდება“.

ესაც შავარი ფიცია. ისე სწავთ, რომ, თუ გადაუხვია რაზედაც დაიფიცა, მაშინ ამოწყდება მისი ოჯახი, როგორც ის ქვე ამოვარდა.

არის ერთი ფიცი კიდევ, უფრო მძიმე: თუ ერთიმეორეს აბრალებენ რამეს და ვერ ანტიციებენ, მაშინ შეუთვლიან დაფიცვას „ზე-ლის ნოჰკადო“. ზელის მოჰკიდუ იმას ჰქვია, რომ დამფიცებლის ნათესაობა (რომლებსაც დამფიცებელი სახელდობრ შეუთვლის): ძმა, ბიძაშვილი და სხვა, უნდა მიჰყვეს ჯვარში და დაფიცვის დროს გვერდზე ედგეს. დამფიცვას მიჰყავს საკლავი, ხუცესიც მიდის და ხელის მოჰკადებიც. ვინც იფიცავს, ის იტყვის: „დალოცვილო მთავარო ანგლოზო, შენ ნურაით შამსაწყინდები შამაძახილზე. შენ გულთაშნილავი ხარად შენ იცი, რომ მე დამნაშავე არ ორ. დალოცვილო, ამ საქმეში თუ მე მართალი ორ (დაასახელებს, რა საქმეც არის), სიმართლით მანყოფე, მიშველი. თუ მტყუანი ორა, მიმტყუენი, დალოცვილო. თუ მტყუანი ორ, მე გამიწყერი, მამდი შვილით-შვილადინად ქალის შვილადინ. თუ არადა ჩენს ტყუილად დამბრალეს გაუწყერი“. მერე ხუცესი იხუცებს შემდეგნაირად: „ღმერთო ადიდას შენ ძალი, შენ სახელ-სამართალი, მიქიელ-მთავარანგლოზო, შენა სანთაეროდ, შენა გასამარჯოდ მაიკმარი ეს პირის საბანი, შენ შენთ მეხვეწურთად. ერთუცის მოდავეთად (სახელებს იტყვის) სამველოდ, სახორშნოდ, სამწყალობნელოდ მაიკმარი. ნურაით შაუსაწყინდები დალოცვილო, შენდ შამაძახილზე თავის გასამართლებლად, ნურაით დააზიანებ. შანაეოდვარი შაუნდევი, დალოცვილო. ხთის კარზე შაიტან ეს სამსახური, დალოცვილო. ღმერთი შენს ბატონობას გაუმარჯვებს“ და ჩვეულებრივ გრძელდება ხუცობა, რომელიც ასე მთავრდება: „შენად სამთავროდ, შენა გასამარჯოდ მაიკმარი, მიქიელ მთავარო ანგლოზო, ეს სამსახური, პირის საბანი. შენ მეხვეწურთ სამწყალობნოდ მაიკმარი, შენ უშველი ერთუცის მოდავეთ, დალოცვილო, რაც ავ ჩამალორდნივ, ნულარას ავს ჩამაუგდებ, დალოცვილო, დავის სიმართლის გულისად შამაძახილზე ნუ შაუსაწყინდები. შენ უშველ, დალოცვილო, შენ დაეკმარი ველთაცად შინაც, ღმერთი შენს ძალსა, დიდებას მათმატებს“.

ამის შემდეგ დასტური საკლავს ოთხივე ფეხს უჭერს, იყვანს და მუცელზე იდებს პირადმოსავლეთისაკენ და მარცხენა გვერდი მიხლზე ექნება დადებული. მერე ხუცესი ყელს გამასკრის და დაამწყალობნებს მოდავეებს: „გწყალობდასთ ერთუცის მოდავეთ მიქილის დავლათი, საწაღაზროდ მაგაიარასთ, მშვიდობით შავინანასთ, შამაძახილზე ნუ შავიცოდენასთ დალოცვილმ: სიხარულად გაგიჯადასთ. ჯვარიონთ გწყალობდასთ, ხუცესს ენა-პირ გიკურთხას, შაუცოდვრად შავინანასთ“. მერე მივლენ ერთად დამფიცავი და დამფიცვიები. ერთმანეთს აკოცებენ და ვინც დაფიცვა შეუთვალა, ის იტყვის: „ეესეთი ახ ხალხის ენაი, ხალხმ კინად ერთუცი დაგვაკოცე. კარჯად ხქენი,

შენს თავს ჳირ მათორე. მე სირცხვილი, რო დაიფიცა. კაცნი მარ-
ცხენიდეს, თორემ მე შენ არ დაგაფიცებდი“. ახლა დამფიცავე უპა-
სუხებს: — „აბა შენ გადამეკიდი თავის სილაღითა, სიამაყით, თორემ
შენაც იც, რო მე მაგ საქმეში ბრალ არკაით მედებოდ“ (საქმე თქმით
არის დაბრალებული, თუ ჩადენილი რაიმე არის, რაზეც დაიფიცეს,
რმას დაასახელებს). მერე დაკოცნიან შერთებების ნიშნად ერთიკორეს
და დაბრუნდებთან შშვიდობიანად. მხოლოდ დაფიცეებმა დამფიკავს
ხუთი ძროხას დრამა უნდა უზღონ „სამაშფიცრო“. ძროხას უტოლუ-
ვენ ხუთ კილო სპილენძს. მამასადამე, დამფიკავს უნდა მიეკეს დამფი-
ცებლისაგან ოკდახუთი კილო სპილენძი. ანითი ბოლოვდება მათი
დავა.

ერთი უფრო დაბალი ფიცი არის კიდევ: ვინც რამეს აბრალებს
ერთიკორეს. დამბრალებელი ეტყვის, ვისზეც ექვი ეპარება, იმას —
„თუ მართალი ხარ, ჳვართ ხელი შააწვადეო“. ეს, რა თქმა უნდა,
წერილმანი საქმე იქნება, — შეშის მოპარვა, ან თივისა. ან ნათქვამი
რამე ექნება ტყუილად. ვისაც ავალებს, ის ხელსა გაიწვდის ჳვართაკე
და იტყვის: „ამაგათ დავლათი გამიწყრას, თუ მე მაგის ჩამდენ ვიყვ“
(დაასახელებს ბრალდებას). ამას ჳქვია „ჳვართად ჳელის შაწვდა“. იგი
ყველაზე პატარა ფიცია. საერთოდ ის, ვინც ვერ დაიფიკავს, მტყუნდებ-
ბა. იტყვიან: „ფიცი გაუტყდა-დ უნდა ივისროს ის, რასაც აბრალებენო“. ფიცის
დადება ხდება ყოველთვის როგორც დღეობაში, ისე დღეობის
გარეშეც, როცა კა ჩავარდება დავა და მოდავეები მოისურვებენ საქ-
მის გადაწყვეტას.

სისხლის დროს იციან კიდევ მიევალებულის „სათლავზე შაჯდო-
მა“. იქ ყურს გამოიკაწრავენ, სისხლს დაიდენენ და იტყვიან: მე ამ
შვედრის უნცროსი და მონა ვიყო საიჭოში, თუ ამის ჩანდენი ან მთქმე-
ლი ვიყო (რასაც აბრალებენ).

დაფიცვა და „სათლავზე შაჯდომა“ სირცხვილიც არის და კულის
მომასწავებელიც, ხეესურების რწმენით. მაგრამ, როცა მეტი გზა არა
აქვთ, უნდა შეასრულონ. საერთოდ კი ხეესურები ამ ამბებს ძალიან
გაუბრბიან.

უ კ მ ნ ა უ უ ა დ ლ ე

წელწადში „ქურდობას“ მოჳყვა ამ ამბების აქ ჩაწერა და ახლა
ვუბრუნდებოთ ისევ წელწადს. წინაშუადღე ამათი დამთავრდა და
ახლა თენდება „უკენაშუადღე“. დასტურები ჩვეულებრივად აღრე
იღვიჩებენ. ვისაც ჩაბარებული აქვს, არაყს მოიტანს და ლოგინში და-
მლევინებს ხუცესსა და ხელოსანს, დიასახლისი კი აღრე ადგება და

შას ერთი დასტურიც ეხმარება საქმიანობაში: წყალს შენობიდან და აბობს ქადებისათვის ცომის მოსახელად, ხაერწს ჩასთლის ქადის გულად და ცეცხლს ანთებს, დიასახლისი ფქვილს გაცრის, მოზველავს ცომს და ზავრწის გულიან სანს ქადას გააკეთებს, ოთხ საკვირაო! და ცხრა ხმადს. ჯერ ზღვანზე აცხობს, მერე ნაცარში. შებერვით გააცლიან ნაცარს („განაცვრა“ ჰქვიან), წყალში გაბანენ, დაქრელებულ გვერდზე გამოხავენ ერთობი, გაიტანენ დარბასში და დაწყობენ სპილენძის სამფეხა ტაბლაზე. ჩვეულებრივად, როგორც ზემოთ ნათქვამი არის. სანთლებს აანთებენ, ლუფით სავსე სამ თასს დადგამენ ეამსაწირზე და ხუცესი ჩვეულებრივად ხუცობს. ეამსაწირვა თავისი ცერემონიებით რომ მოთავდება, შეიძლება აქ მეზღენე ვინმე მოვიდეს და კვლავ ამ წესებს ასრულებენ. მეთამაშე უკენაშუადღეს აღარ მოდის. რადგან ამ დღეს თემობადღე არის და თემი მოდის არხოტის ჯვარში. წინაშუადღეს რომ თემში ქერი იკრიბება (ღალა), ამ ღალი-საგან წელაწადში ორჯელ იხარშება ლუფი სათემოდ, — ათენგენას და წელაწადში. მამინ მოდის თემიც. თემი რომ მოვა, ერთი ადგილი არის სოფ. ამლინათვის დანიშნული და იქ დასხდებიან, მეორე ადგილი დანიშნულია კინლიონთათვის და იმ სოფლის ხალხი იქ დასხდება. ახი-ელღეს ლუფი სოფელში მიაქვთ: თემს მიაქვს ლუფი განსაზღვრული რაოდენობით, დგამენ საწდეს და ჩვეულებრივად დაიწყებენ სმას. შეიძლება საწდე დალოცონ მიცვალებულისათვის და შეიძლება არა. ამლიდან მოსულნიც ცალკე სვამენ ლუფს და კინლიდან მოსულნიც. შეიძლება ზანდახან ერთიმეორე დაბატყონ. ან თუ შემთხვევით იმ მხარზე ვინმე გაიარა, მიიბატყებენ: ისიც იქ დაღეს, მერე ისე თავის ჯარზე წაგა. ოღონდ რომელ ჯარზეც იყო, იმათგან რომელიმეს დაადებს ხელს და სთხოვს: ჩვენს ჯარზე გამოყევით. გაიყოლებს ერთ კაცს. ახლა იქ სცემენ პატყს, სვამენ და ძალასაც ატანენ დაღეაში.

დასტურები ყველგან დიდ ცეცხლს ანთებენ თავისი „შიგააწვავი“ შეშით. საქმელი ამ ჯარზე არაფერი აქვთ, სვამენ ცარიელ ლუფს და წავლენ. ს. ახიელში კი მიტანილი აქვთ ლუფი სოფლის ჯარზე, ახალუხალი ცალკეა. უფროსების თვალწინ ახალგაზრდები ვერც სასმელს დაღევენ, ვერც ცეცხვს გამართავენ და ამიტომ ისინი სულ ცალკე იყრიან თავს. სოფლის ჯარზე არ შეიძლება, გარდა საგმირო ლექსების ძველებურ კილოზე მღერისა, სხვა რამე მხიარულობა. ასე მღერა კი მიღებულია. ფანდურზე მღერა არის ორგვარი, ე. ი. ორი კილო: საგმირო ლექსებს ძალიან ხმამაღლა და გაგრძელებული კილოთი უკრავენ ფანდურზე და მღერაც ასეთივე გაგრძელებული და ხმამაღალი არის; სატრფიალო ლექსების დაკვრა მოკლეა და ხმადბლა. ახალგაზრდები მღერითაც ასე მღერიან ახალუხალში. სოფლის ჯარზე ასეთი დაკვრა,

დამღერება და ლაპარაკიც კი გარდა საგმირო ამბებისა სირცხვილად მი-
აჩნდათ. სატრფილო ან კორიკნული ლაპარაკი ხომ სოფლის ჯარზედ არ
გაიგონება. უფროსები სხედან სკამზე (დაწყობილი ხეები), ახალგაზრ-
დები ბოლოში ცალ მუხლზე სხედან, ზოგიერთები კი ფეხზე დგანან და
ლუდს არიგებენ. ახალგაზრდა ყველგან ახალგაზრდაა და ამისთანა ყო-
ფას ისევ ახალგაზრდებთან თავისუფალ გართობას რჩეობენ. აპიტომ
სოფლის ჯარზე დიდხანს არ ჩერდებიან, სოფელში ახალუხალს სადმე
ჰოუყრიან თავს, მიიტანენ ლუდს და ატარებენ დროს, აპას არც უფრო-
სები დაუშლიან. ახალუხალი იქ თუნდა სულ თეთრად ათენებს ღამეს,
თუ უნდათ იქვე, იმ ოჯახში იძინებენ სწორფრები (სწორფრობის წეს-
ზე სხვა ადგილზე იქნება საუბარი), ზოგნი კიდევ ქეიფობენ და ასე
გაივლის წინაშუადღის შემდეგი ღამე და თენდება „გამცხადება“.
გამცხადება-დიღას ხელოსანი და ხუცესი აუცილებლად სადმე წყა-
როზე დაიბანენ ტანს. დაბანის წინ სიცივისაგან დასაყავად ცხარე
არაყს დალევენ. ტანს დაიბანენ ძალიან ადრე, თენებას რომ იწყებს,
„სასკარზე უნდა გაიბანას ხუცეს-კელოსნები, თორე ვემრ გაბანა გაბა-
ნა აღარ ას“. მივლენ ჭვარში ნაბანავარნი და დახედებათ დანთებული
დიდი ცეცხლი. თანაც არაყს დალევენ კიდევ. ტანს დაბანის დროს არც
საპონი აქეთ და არც არაფერი შესამშრალები. დაისველებენ ტანს ცივი
წყლით და ზეჟ ჩაიკვამენ შალის პერანგს. საცვალი ზღუსტრებმა არ
იციან. ხანდახან შალის პერანგითაც ჩაჯდება წყალში ხუცოსი. ხელოსა-
ნი დაისველებს ტანს, ხან გულზე დაიხამს წყალს და წამოვა ასე. და
ეს ყველაფერი ითვლება გაბანად. აპითი უშმინდურებისაგან იშინ-
დება ადამიანი.

ამ დროს დიასახლისი ამზადებს ყანსაწირს. ეზმარება ერთი დას-
ტური!

... სადიდებელი ხთის კარზე შაიტანეთ, მაგითამც დონი ხართ თქვე-
ნის გამჩენის ღთის კარზე“. ყველანი თავებს მალლა ასწევენ და იტყვი-
ან: „თქვენიმც სახელი დიდდებისა, კსენდების“. მემრე ყველანი ერთად
წარმოსთქვამენ: „ჩვართ დიდები, მიხვეწურთ წყალობი“ და დალე-
ვენ სადიდებელთ (სადიდებელნი ეწოდება ამ თასებს). შემღერებენ
კიდევ ფეხზე:

„დგომამც ქნა შავის ლუდისა, გათავდას — წეს-მც არ იყვა,

მასვლა თქვენ ფერთა სტუმართა, შინ წასვლა წესიმც არ იყვა“
და სხვა.

მღერასაც მოათავებენ, თასების დალევისაც და გადაიხდიან მალღს
(ასე ეწოდება თასის დალევის შემდეგ სიტყვების თქმას: „აი შავსვი
თქვენის გამარჯვებისა, თქვენამც გწყალობსთ ნაცსენებთ ანგელოზთ

¹ დედანს აკლია 12 ხელნაწერი გვერდი, მასალა გრძელდება ამ დანკლისის
შემდეგ.

დავლათი“). ჩამოართმევენ ერთიგეორეს თასებს და დადგამენ თავის ავკალზე. ამას შენდევ დასხდებიან და ვაბამენ სმას. მეორე სოფლიდან დაბრუნებული მეთამაში დალღალი იქნება და ცოტა ხანს ისვენებს სოფელში. ამ დღეს მეთამაშის კუთვნილი ლუდი რომ დარჩა, გაგზავნიან ორ ახალგაზრდას თხოვნით: „ახალუხალი გთხოვთ ჭვარიონო. რომ დღეს მეთამაშეს რა ლუდი ერგებოდ-დ არ ჩამავედით, იმის კვალად ერთ საწდვ დაგვისხით ახალუხალში წასაღებად“. ჭვარიონო ახალგაზრდებს არ აწყენენ. მუდამ კარგად ექცევიან და ისინი თუ საპხარულოდ ლუდს ითხოვენ, მუდამ მეტობით აძლევენ. წაპოილებენ ლუდს და წიბტანენ სოფელში ერთ-ერთ სახლში, დაუძახებენ ახალუხლებს და გაიპართება სმა, მღერა, ცეკვა. ქალი და ვაჟი ყველა ერთად იყრის თავს. ძალიან ბედნიერადაც გრძნობენ თავს. რომ საქმისვან მოიციალეს და ამ დღეობამ საშუალება მისცა ერთად ყოფნისა.

სოფლის ჯარზე უფროსებო მოიყრიან თავს, გაგზავნიან ორს მელუდს. მელუდენი მოიბტანენ ლუდს და დაუდგამენ ხალხს წინ ამ სიტყვებით: „ლუდი წინა, ვაჟებო“. „მამბტა ბედნიერი. მავვიხვეით მშვიდობით“ — რომელიმეს მისცემენ ფანდურს და სთხოვენ: გვიმღერეო (ხელტრები საგმირო ლექსს უწოდებენ სიმღერას, ხოლო სატრფიალს — ლექსს. საგმირო სიმღერის მღერას — მღერას უწოდებენ, სატრფიალოს დამღერებას კი ლექსობას).

მიეგებებიან და მიიწვევენ მელუდეთ სკამზე. ორი ახალგაზრდა კაცი დადგება ფეხზე და არიგებს ლუდს: სნაში, როგორც ზემოთ ნათქვამია. ყველა თავ-თავის სურვილის მიხედვით ილოცება, ვინაც ვის სურს, იმას ადღეგრძელებს და დალევს. სოფლის ჯარიდან კიდევ გაგზავნიან მეთასეთ ჩვეულებრივად. მეთასენი ჭვარში რომ მივლენ, დარბასა კარში მადლს მოითხოვენ და ჭვარიონთ ეტყვიან: „ამენდით, წალმამც წაგივასთ დღეი, დღეობაი“. „დაშვენდით, მავვიხვეით მშვიდობით, წყალობა კემწიფისა, წყალობა“ — უპასუხებენ ჭვარიონნი და მტიპტიყებენ დარბასში. გამოკითხვეენ სოფლის და იქაური ხარის ამბავს, როგორი დღეობა აქვთ, ან ზომ არავინ ჩხუბობს, რა მიზეზით, მეთასენიეც უამბობენ ყველაფერს და ჭვარიონთაც ჰკითხავენ ამბავს. ამის შემდეგ მოუბტანენ მეთასეთ სუფრას, მწვადებსაც შეუწევან (წელწადში ბიერი ხორცი აქვთ ჭვარიონთ, რადგან ბევრა მეზღურნები მოდიან, ზოცენ საკლაებებს, რომელთა ტყავ-ხორცა ჭვარიონთ რჩებათ). ლუდი არაყსაც ძალიან აძალადებენ. ცდილობენ დაათრონ მეთასენი და ამით თავი ისახელონ. მაგრამ მეთასენიეც ფრთხილად არიან. ცდილობენ დაიხსომონ ზეპირად ის თასები, რომელთაც ჩაუხსამენ და დალოცავენ ბებულ მიცვალებულთათვის ჭვარიონნი. თუ ვერ დაიხსნობრეს, ვისთვის დალოცვილ ლუდს ჩაასხამენ. ეს ძალიან სირცხ-

ვილია და უფროსებიც გაუჭავრდებოდა. ჯარზე მეთასენი თითოდ ამოიღებენ თასით მოტანილ ლუდს, ჯერ უფროსებს დაურიგებენ, მერე უნცროსებსაც და თითო თასს დალოცავენ იმისათვის, რომელი მიცვალებულიც ჭვარიონთ ახსენეს ლუდის ჩასხმის დროს. მაგალითად, ასე იტყვიან: „აპალე თასი, გიორგივ (რა სახელიც ჰქვია), შაუნდნას კვირიკათ კუქუას“. მეორეს: „შაუნდნას ოჩიაურთ უშიშას“ და შემდეგ... მერე ყველანი დაილოცებიან, შენდობას ეტყვიან და დაღევენ. ბოლოს იტყვიან: „აი შაუნდნას ღმერთმა, მაკმარას, ვისადაც ილოც. შავსვი თქვენის გამარჯვებისა“. ამ სიტყვებით ცარიელ თასს გადასცემენ სხვას. აქვე მღერიან საგმარო სიმღერებს. ერთი მღერას რომ გაათავებს, ადგება და იტყვის: „თქვენის გამარჯვებისა“. „აი დიდხანამც იმღერ კაი გულით“, „აპალე შასვი, ყელ აშაგიშრებოდ“ — ვინმე მიართმევს თავის თასს და დააღევირებს ლუდს. მომღერალი ეტყვის: „ნასჯამ გაამას. შენის გამარჯვებისა, გეცოცხლას შვილები“. მერე აუვსებს დანაკლულებულ თასს, წაიყვანს, სკაპზე დასვამს, მისცემს თასს და ეტყვის: — „ჯვარ დაგიწერას ღმერთმა“. „ჯვარის წყალობა გქონდას“ — უპასუხებს იგი. მხოლოდ მომღერალი რომ შუა მღერაში იქნება, მაშინ ერთი რომელიმე ლუდიანი თასით ხელში ადგება და შემღერნებს მომღერალს. მომღერალი გაჩუმდება, მხოლოდ ისევ მუხლზე ზის და ფანდურს უკრავს. თასიანი კაცი კი მისი ფანდურის დაკვრაზე მღერის:

„ცხენს ეტყვის ბლოელ ბერდია — ამ ზაფხულ ქერსა გაქნეო
რახან გაზაფხულ მავიდას საყეთ მათა გავლეო.
ამამეუე, ქმლო სამ ლარო, მევეეის სისხლსა ვასმეო.
ქმლო, თუ იმას ვერ იქამ, კარაუნას მანც ვაქნეო,
აიმასაც თუ ვერ იქამ, გავეიდო ფასსაც ვაქნეო.
— რად გამყიდი, პატრონო, რა წუნი შავიმჩნევია,
მამიკლე შენი მამკლავი, თუ შენი ნამორჩენია,
დამიკრავ შენი დამკრელი, ვალი არ შამორჩენია“.

ამ სიმღერის მღერაში პირველ მომღერალს ვინმე თავის თასს შოაყუდებს პირზე, ის ფანდურის დაკვრას განაგრძობს და თან ლუდსა სვამს. ან მეორე მომღერალი თან ასმევს, თან მღერის, ასე დააღევირებს ბოლომდე დამკვრელს. მერე ვინმე სხვა აუვსებს თასს ლუდით, სკამზე დასვამს და თავის თასს მისცემს ხელში. პირველი მომღერალი კი მღერას განაგრძობს. ასეთი არის მღერის წესი. მხოლოდ რამდენიმე კაცს ამღერებენ, დანარჩენ ხალხს ლუდიანი თასები უჭირავთ და ჩუმდნებიან. ხანდახან შეგვიძრავ არის — ვინ იმღერებს უკეთეს ხმაზე და კარგ სიმღერას. ამ წესით დამთავრდება განცხადების წესებიც. ჭვარიდან ხალხი წავა თავიანთ ოჯახებში. ანაღვარდები უფროს კაცებს სახ-

ლაშდინ გააცილებენ. ახალგაზრდას შვიპატოეებენ და პატოეუცემს არ გაუშვებენ.

წყალკურობევა

მეორე დღეს თენდება წყალკურობევა. ეს არის უკანასკნელი დღე წელწადისა. ამ დილას ჯვარში სრულდება ყველა წესი: ქადუბის გამოცხობა, უამის წირვა და სხვა, ამ დღესაც კიდევ მოდიან მეზღნეები უკანასკნელად, დილით თავებს რომ მოირჩენენ და უამს სწირავენ, მერე ისაუზმებენ და შეუდგებიან საკლავების დაკვლას, სოფელშიც ჩვეულებრივ ერთიგორეს ეპატოეებთან და სსამელისაგან ატოეებულ თავს ვითომ სასმელითვე ირჩენენ, ჰამენ საქმელს, უფრო ხორცს და მერე ემზადებიან წელწადის უკანასკნელი მეთამაშენი წასასვლელად. ყველა იარაღს აიღებს ხელში და წავლენ ჯვარიონთა დასალაშქრავად. ჯვარიონნი, ამ შემთხვევაში დასტურები, ასაყვედურებენ, რომ ჰონებაც სულ გამოგაყალუთ, გატქურდეთ. თან ოქვენ ქალებს ვკოცნიდით თქვენ სახლებში რომ დაუდიოდით და სხვა. უკანასკნელი ლაშქარი ეცემა ჯვარიონთ. ახალგაზრდები იარაღით მიდიან და ქალები ისე მიჰყვებიან თან. ჯვართ რომ მიუახლოვდებიან, ჯვარიონთ დუქახებენ: „აბა თუ ვაეები ხართ. ეხლა გამაედით კარში“ და დაუწყებენ ათას რამ სახუმარო ძახილს. გამოვლენ ჯვარიონნი და გაუშვიორებენ საყვიდურს. გაჯავრებული სოფლის ლაშქარი აუტეხს სროლას (თოფს არ დაიჭირენ ჯვართ მიმართულებით, არ შეიძლება თოფს ჯვარისკენ გასროლა). აქედან ჯვარიონნიც უპასუხებენ და გაინართება ბრძოლა. გამოვლენ მინდორზე და ხელებითაც ხელჩართულ ბრძოლაში ჩაებმებიან. „წაიქეცვა“ ხალხი, ექიპებიც ვითომ თან ჰყავთ და „უწერენ“ წამლებს დაჭრილებს: მოაქვთ სოფლიდან არაყი, ჯვარიონთ ლუდი და ამით არჩენენ დაჭრილებს და მკვდრებსაც აცოცხლებენ. ამის შემდეგ მამაკაცები მიდიან დარბასის კარში და იქ ჯვარიონნი მათ დიდ პატოეს სცემენ. — რაც კაი სასმელი აქვთ ლუდი თუ არაყი, ყველაფერს მიართმევენ. (ხეცსურებმა სმის დროს ჰამა არ იციან). ქალებს გალტანენ საუკეთესო ხარისხის ლუდს და დააღვივნებენ მინდორზე. იქ იმართება ეცევა. ბოლოს ახალუხალს მიაქვს ლუდი სოფელში და მთელი დღე ახალგაზრდებს თამაშობა, მღერა და ლუდის სმა აქვთ. ხნიერი ხალხი სოფლის ჯარის დასხდომამდინ ერთიგორეს პატოეობენ სახლში. ორი დასტორი მოიტანს დარი ქვაბით ლუდს, დადგამენ რომელიმე სახლის ბანზე და დაუქახებენ ყველას, ქალები და ბავშვები, ვინც ჯვარიონთ საპატიო მიუტანა (საპატიოზე ზემოთ ითქვა), მივლენ და მიტანენ ლუდის წამოსაღებად რამე ჰურქელს. მათ თითო კოშ ლუდს ჩაუხსნავენ და გაატანენ. იქაც დააღვი-

ნებენ და საპატრიოტო მიტანილობის მაღლობას გადაუხდებიან. ამ მოვალეობას რომ შეასრულებენ, დასტურები ბრუნდებიან ჯვარში, სადაც ბევრი საქმეები დახვდებათ: ზოგი მეზღვნეა მოსული და პიტვიისცუმა უნდა. ზოგი სოფლიდან გამოგზავნილი მელუდე იქნება, ან საკუთარი საჯარო საქმეები ექნებათ. ერთი სიტყვით, დასტურს მოსვენება არა აქვს. ხუცესი კი ძველ ბატონს ჰკავს. — ზღა და ყველა მის განკარგულებას ასრულებს, სასმელ-საკვნილიც მზა მართვის.. დასტურები აღუდებენ დიდ ქვაბში ბევრ ხორცს (აქ სანელი არ იცან). რომ მოიხარება, დასტური გავა სოფლის ბოლოში, მინდორზე და დაიძახებს: „სოფელო, გაიგონეთ! მეზღვნეები მეედით, ტაბლს დაგიდგამთ, ნემრ გამოლოცვა გვინდ, მეედით, ნულარ დაღვეიანდებით. ვისაც არ მაგდისთ, ერთმანეთს გააგებიეთ“.

დასტური დაბრუნდება ისევ ჯვარში და მეზღვნეებიც მივლენ. ისინი ჯვართ მადლს მოსთხოვენ და დასხდებიან, დასტურები დაუღვამენ წინ ფიცრებზე დაწყობილ პურსა და ხორცს ერთიმეორეზე. აიღებენ პურს, თითოობით მეზღვნეები ჰკიდებენ ხელს და ტუხენ შემდეგი სიტყვებით: „ღმერთო, გაუმარჯვი კემწიფესა; კემწიფეო, შენ სწყალობდი ამ მეზღვნეებსა-დ ჯვარიონთ. დასტურსა-კელოსანს დაადევ, წალმ, შენი წყალობით შაინახენ“. ამ სიტყვების წარმოთქმისა და პურის გატეხის შემდეგ იწყებენ ჭამას. ჩამოარიგებენ და ყველა წინ დაუდგამენ ლუდიან თასს — კარახანას. ჭამის დროს დასტურები ფეხზე დგანან. როცა პურის ჭამას ვინმე მორჩება, ასე წარმოსთქვამს: „ღმერთო, გაუმარჯვი კემწიფესა, კემწიფეო, შენ სწყალობდი მეზღვნეებსა, ჯვარიონთ, დაადევ წალმ“ და შეკამს უკანასკნელ ლუქმას ფეხზე მდგომი. დასტურები სთხოვენ, აიღოს ლუდი და დალიოს. ამ დროს იღებს ფანდურს რომელიმე დასტური, დაუკრავს და ერთერთ სამღერალ სიმღერას იმღერებს. მეორეჯერ მას ყველანი ერთხმად გაიშვირებენ და ერთ ხმაზე ხმამალა ყვირიან. შეიძლება აქედან მართო ორისამი სიტყვა იმღერონ და სხვა ადარა. სიმღერის შემდეგ მოაყუდებენ პირზე პირველ მომღერლებს და დაალევიანებენ თავიანთ თასებიდან ლუდს. ბოლოს ჩვეულებრივად თასების ჩამოყრით დაშავრდება და ტაბლასაც აიღებენ ამავე სიტყვებით: „ღმერთო, გაუმარჯვი კემწიფესა, კემწიფეო, შენ სწყალობდი ჯვარიონთ, დასტურ-კელოსნებსა-დ მეზღვნეებს, შენი წყალობით შაინახენ“. მეზღვნეებიც ადგებიან და ზედამდეგებს ეტყვიან: „კელ-ფევი მტერზე მაგაკვარასო, ნორიელზე, ზედამდეგებო“, ისინიც ეუბნებიან: „ღმერთმა გაამასთ პურიცა-დ სასმელიც, თუ რა იამეთ, ალალი ქნას“.

მეზღვნეები მადლს მოსთხოვენ ჯვარს და წავლენ შინ. ჯვარიონნი კი კვლავ ღამისთევის სამზადისს შეუდგებიან. დიასახლისი აცხობს ღამისსამთელოს ზედგანზე და მერე ნაცარში გაბანს, გაპოხს და გა-

იტანს დარბასში. აქაც ყველაფერი სრულდება ჩვეულებრივი წესით: ხუცობა, ხუცობის დროს ზარის რეკვა, კურთხევა, შესახელება და ცოტა სიმღერების შემღერნება. ყველა წესი რომ შესრულდება, ჭვარიონნი კიდეც დასხდებიან საქმელად. სოფელშიც კიდეც მიაქვთ ლუდი. აქაც დასხდება სოფლის ჯარი, სადაც ჩვეულებრივი წესები სრულდება (სპა. მღერა .მუთასეთ ვაგზავნა ჭვარში და ლუდის შოტანა ძველი მკვდრებისათვის დალოცვით). ახალუხალი კი ცალკე ატარებს დროს. შეიძლება ეს ღამე სულ თეთრად გაათიონ, რადგან წელწდის უკანასკნელი ღამეა, რომლის შემდეგ ხევსურები ჩაებმებიან მუშაობაში და აღარც სცალიათ ერთიმეორის სანახაუად. ამიტომ ცდილობენ, რაც შეიძლება მეტი იზიარულონ და კარგი დრო გაატარონ. გამოიგონებენ რამე გასართობს. ხანდახან იციან, მაგალითად, „სასამართლოს“ გაშაროვა. ახალგაზრდა ქალი და ვაჟი ერთიმეორეს რამეს მოუგონებენ და სასამართლომდინ მიიტანენ საჩივარს, სასამართლო განაჩენს გამოიტანს და დააკისრებს ზოგს არაყიან ბოთლს, ზოგს თხილს და სხვა. სასამართლოს განაჩენს ვერავინ გადაუხვევს. ხნიერი ხალხი კი ჯარზე საგმრო სიმღერებს მღერის, წარსულ ამბებზე ლაპარაკობს, რჯულზე, ჰტერ-მოკეთობის გარშემო, ამასობაში ღამე გაივლის და წაელენ-წამოვლენ თავ-თავიანთ სახლებში. წელწდის მეორე დღეს თუ ლუდი კიდეც დარჩა, მოიტანენ სოფელში და დაღვევენ. ისე არაყს კი თანდათანობით ხდიან და პატყობენ ერთიმეორეს.

ჯვარიონნი წელწდის დამთავრების მეორე დღეს „გამოილოცავენ“ ჭვარიდან. დიასახლისი გამოაცხობს ერთ დიდ ქადას, ერთ საკვირაოს, ორივეს ხავიწის გულით. მიიტანენ და დადებენ ტაბლაზე, აავსებენ ლუდით სახუცო კოჭობს და დადგამენ ქადაზე (ამ ქადას ეწოდება „გამასალო“). დააკრავენ კოჭობზე სანთელს და ხუცესი ხუცობს ჩვეულებრივი ხუცობით, ღმერთს ახვეწებს დასტურებსა და საყმო-საგლებს. ბოლოს ჯელოსანი მივა დროშასთან, მოიყრის მუხლს და შეეხვეწება დროშათ მცველ ანგელოზს — თუ რამე გაწყენინე, მაპატიეო. აიღებს დროშას, დააწკარუნებს დროშის ზარს, წკარუნით დარბასის კარს, ე. ი. ეზოს, შენოუვლის და შეაბრძანებს დარბასში. იქ ისევ ხმაამოუღებლად (ხევსურულად „უმძრახს“ ეძახიან) შეხსნის მოხვეულ ხელსახოცებს და ბაღდადებს, თითობით დაკეცს და ჩააწყობს ტაგრუცში. შუშებს, ზარს, ვერცხლის ჭვარსაც შეხსნის და ყველაფერს დადებს თავთავის ადგილზე. მერე ეტყვის იქ მყოფებს: „წყალობა მაგიტანეთ დროშაის მცველთ ანგელოზთაი“. „შენი იყოს მწყალობელი“, — უპასუხებენ ისინი. მერე ჭვარიონნი გაანაწილებენ ხორცს, პურს, ქადის ნაჭრებს და ტყავებს. აქ წილი ეძლევა კვირიწმიდელ დასტურსაც „ნახორში“ (ნახორს უწოდებენ ნარჩენ პურს, ნამტვრეკებს), ხორცში და ტყავშიც. ხუცესს წილი აქვს მართო წვეგრმაუტებ ქადის ნა-

პერში, ხორცში და ტყავში. ხშიად-საკვირო და ცხერის თავებიც სულ ზუტესს ეკუთვნის. დანარჩენს დაატურები და მედროწვევ გაიყოფენ. ჩხანჩხსა და შულტას თავიანთი სურვილის მიხედვით მისცემენ პურსა და ხორცსაც, ტყავში კი წილს არ უღებენ. დიასახლისსაც წილს აძლევენ ხორცისას თავისი სურვილის მიხედვით, პური კი თავისი წილი ყოველ დილა-სადამოს ეძლევა და იქ უგროვდება. ასე რომ, დასტურების წილიდან წილი აღარ ეძლევა. მერე ერთი დასტური გამოჰყევა დიასახლისს, წაუღებს ბარგს და შინამდინ გააკილებს. იქ ოჯახში დასტურს პატივს სცემენ სასმელით და საჭმელით. იგი ისევ ბრუნდება ჯვარში და თავისი წილი ნახორიც მიაქვს.

დასტურები კოდებიდან გადმოსახამენ თხლეს, რომელიც ლუდს აქვს ძირში დაღეკილი. ჩაასხამენ საარაყუ კოდებში, წამოადუღებენ ფქვილსა და წყალს ერთიმეორეში და დაასხამენ თხლიან კოდებს, მოაკრავენ პირზე. კოდი დაიწყებს ფუილს. იფუელებს ერთ კვირამდე და მერე გამოხდინან არაყს. არაყი გამოდის ძალიან ცხარე, როგორც სპირტი. დასტურები ამ არაყს ხმარობენ ბედისკვერაებზე გასაყოლებლად.

ბედისკვერა ეწოდება ახალწელ-ღამეს გამომცხვარ პატარა ხშიადს. ოჯახის დიასახლისი წელწადში ან წელწადღამეს უფრო გამოაკიბობს პატარა მოკულობზის ხშიადს იმი რაოდენობით, რამდენიც არიან ოჯახში, ან მახლობელი ნათესავი რამდენიც ჰყავთ, ბედისკვერა რომ მიუტანოა წელწადის მისალოცავად. ბედისკვერას არაყიც უნდა გააყოლონ. ბედისკვერას და ბევრ არაყს უფრო მიუტანენ, თუ ნათხოვი რძალი ჰყავთ და მამის სახლშია ისევ. ბედისკვერას მიუტანენ გათხოვილ დას, ნაჰიდას, მშას და ცოლეურთ. წელწადის შემდეგ მისი მიტანა სავალდებულოა. ამიტომ ამ პერიოდში ძალიან ხშირი მისვლა-მოსვლა აქვთ ხევსურებს, რასაც „ბედისკვერაობა“ უწოდებენ. წელწად-ღამეს ოჯახის დიასახლისი ვის სახელზეც დანიშნავს, დაიხსომება და ბედისკვერა აუცილებლად მან უნდა შეჭამოს. პირიქით რომ ჰყავდეს რძალი ნათხოვი, ან გათხოვილი ქალი, ბედისკვერას ინახავენ გაზაფხულამდე, ვიდრე კავკასიონის ქედზე თოვლი დაშრება და გზა გავა. გაზაფხულზე წავლენ ორნი ან სამნი ოჯახიდან, ან ბიძაშვილს გაიყოლიებენ, წაიღებენ ტყით ბლომად არაყს. გამოაკიბობენ ერთ ხავიწიან ქადას და ხავიწიან კუბატებს (კუბატი არის ნახევრად მრგვალი ქადა. ორად მოკეცილ მრგვლად დაბრტყელებულ ცომში ჩადებულია ხავიწის გული). ნართალია, ბედისკვერა გამხმარია, მაგრამ ვისაც მიუტანენ, მან მაინც უნდა შეჭამოს.

ბედისკვერას რომ მიუტანენ, ოჯახი მიეგებება; თუ ვაეები არიან, ეტყვიან: „გამარჯვება, ვაეებო“. „გაგიმარჯოსთ ღმერთმ“ — პასუხობენ სტუმრები. თუ მოსულები ქალები არიან, დამხვდურთ უნდა უთხრან: — „ნახევით მშვიდობით“. — „გიშველასთ ღმერთმ“ — ქალე-

ზი უპასუხებენ. სტუმრებს. გინდ ვაყები იყვენ და გინდ ქალები, მასპინძელი ქალუბი ამ სიტყვებით მიესალმებიან: — „მზავებით მშვიდობიანა“. ვაყები უპასუხებენ: „გაგახარასთ ღმერთმა“, ხოლო ქალები: „გიშველასთ ღმერთმა“. კაცმა რომ კაცს შემთხვევითაც უთხრას „გაგახარას ღმერთმა“, ის არ მოუთმენს და აუცილებლად ჩხუბს ატყის — „კაცად არ ჩამავადო „გაგახარას ღმერთმა“ — მოთხრო, განა მე ქალი ვარა“. ცხენებს მოხდიან ხურჩინებს, ჩარალსაც ჩამოართმევენ გარდა ხანჯლებსა. შეიტანენ შინ და დაკიდებენ სამამაცოს (ხეუსურების სახლი ორად არის გაყოფილი: ერთი მხარე კაცებს ეკუთვნის, მეორე დედაკაცებს. ორივესთვის სირცხვილია მეორე მხარეზე დაჯდომა). ბავშვები ცხენებს მიარბენინებენ ბალახზე დასამეღად, მასპინძლები მოსულებს „მშვიდობაამბავს“ ჰკითხავენ: „ხო კარგა ხარო, ხო არა გიკირსთ, კაცი. საქონი, ხო ყველა მშვიდობით ხართ?“ ამ სიტყვებით მოიკითხავენ მამაკაცები. ქალები კი: „მამ რაველ ხართ, ხო არა გიკირსთ, ხო არა გტკივისთ, ან კაცსა-დ ან საქონს, ყმაწვილებ რაველ გყვანთ, ხო არცა-დ რა ვინ იავადეთ, რაველ სად იზამრთიანეთ“, მამაკაცები ამის კითხვაზე ასე პასუხობენ: „კარგად ორთ, რა იკითხების ჩვენ აზნაი, ცოცხლები ორთ“. თუ ქალს უპასუხებენ, ეტყვიან: „ღმერთმა შენ გულ გაახარას“, თუ კაცს: „ღმერთმა გაცოცხლას“. ქალები კი აზნა კითხვაზე ასე პასუხობენ: „კარგადა ორთ, რაივალ ჩვენი კარგად ყოფა იქნების. ვხყროთ ცოცხლები, არავის გეტკივის, ღმერთმა გშველასთ“. ამის შემდეგ შეიპატოებენ სახლში და ჩაპოუგდებენ ჭხვადასხვა სასაუბროს. ბაჰსობენ და მერე მოსული მოითხოვს თავის მოტანილ არაყიან ტიკებს. მოუტანენ არაყსაც და ძაფზე ასხმულ ბევრ ყანწებსაც. ამოიღებს დიასახლისი ქადას, კუბატებს, ბედისკვერას და გადადებს სადიაციკენ, სადაც სადიასახლისო საქმეები კეთდება. არაყიან ტიკს მომტანი იღებს ხელში, ადგება ფეხზე, დაასხამს ყანწებში, ჩამოარიგებს და პირველად ყველა დაილოცება: „ავაშენასთ არაყის მატრონები, ბარაქა მაგცასთ, მშვიდობით გამყოფნასთ, თვალ-გულ ნუქისა მაგრიასთ, სალხინო სასმელ ნუ მაგიშალასთ, შინაც მუდამ ლხინ მაგცასთ, მაკეთისასაც ლხინზე გადინნასთ, მრავალ გალოცვისთ წელწად-ქრისტეცა-დ ეს დროიც, თქვენ გადღეგრძელნასთ, ყველა მშვიდობით გამყოფნასთ, ლხინის სტუმარ ნუ მაგიშალასთ. ხთისგანამც დაილოცებით“ და ასე დაღევენ. მასპინძელი დაპატოებს მეზობლებსაც. მოსულებს მისცემენ არაყიან ყანწს. დაილოცებიან ასე: „ავაშენასთ ღმერთმ სტუმარიცა, მასპინძელიც, მშვიდობით გამყოფნასთ, ერთსხვის ხედულობა ნუ მაგიშალასთ-დ სალხინო სასმელი. ბევრ წელწად-ქრისტე (რადგან „ბედისკვერა“ ახალწელთან არის დაკავშირებული, ამიტომ წელწად-ქრისტეს ისევე ახსენებენ), ეს დრო

მაგვარასთ მშვიდობისა, კარგად ყოფისა. თქვენ დაგლოცნასთ მასულ-
მაწულები. მშვიდობით გამყოფნასთ“ — და გასინჯავს არაყს.

არაყის შიშვანი ცდილობს, რომ ძალით და ჩქარა-ჩქარა ბევრი
დაალევიროს, დაათროს ხალხი და ამითი თავი ისახელოს. ყანწსა უც-
ხად მოაყულებს პირზე, ხმაამოუღებელი დაალევივნებს და ახლა სხვას-
თან მივა. ბოლოს ისე აქოთქოთდებიან, რომ, თუ კარგად ყური არ და-
უგდე, ვეღარ გაიგონებ, რა ენაზე ლაპარაკობენ. ბოლოს ტიკს ძალით
წაართმევენ ხელიდან და იქვე დაჰკიდებენ. — „დილას თავების შორ-
ჩენა გინდათ სტუმარ-მასპინძელთო“ — ეტყვიან. სმაში ყველას ქუ-
დები აქვთ მოხდილი. ყანწს ვინც უკანასკნელად დალევს, ის ეტყვის:
„დაიხურეთ ქუდები“. „ჩააიყარი ყანწი!“ — ეტყვიან მას. ყანწს ჩა-
მოართეამენ სიტყვებით: — „გაამოს ღმერთმ“. „თქვენ კა შამას, თავ
მტრისა მაგცასთ“ — პასუხობს ყანწის ჩამომყრელი. მერე ყველანი
იხურავენ ქუდებს ამ სიტყვებით: „ბარაქა მაგცასთ ღმერთმ, სტუმარ-
საკად მასპინძელსაც, ერთსხვის ხედულობა ნუ მაგიშალასთ, ლხი-
ნის მასაკითხ გაზიდვივასთ ერთსხვის სახლებში. ღმერთმა გაამასთ,
შამსმელებს ალალ გიქნასთ“. ცოტა ხანს დასხდებიან კიდევ, ისაუბ-
რებენ და წავლენ-წამოვლენ.

მეორე დღეს კიდევ დალევენ. წინა ღამეს ვინც იყო დაპატიებუ-
ლი, ყველანი მოვლენ. თუ ვინმე ამ სოფელში იმ ზამთარს გარდაიკვა-
ლა, მასპინძელი ერთ ბოთლ არაყს წაიღებს და სტუმარს გაჰყვება ჭი-
რის პატრონთან სამძიმრის სათქმელად (მოსამარკებლად). მივლენ
ჭირის პატრონის ბინაზე, მიუახლოვდებიან და ეტყვიან სამძიმარს: (მაგ.,
აპარეკა) „აპარეკავ, ვერ გექნას ჩემ თავი, მანამ აგეთას გნახედი, ბრალ
არ ასა, დიდ ღმერთის წყენა არ ასა, შენ გულ სწუხდებოდას, შენ მმა
დაგაკლდებოდას, (ძმა თუ არის, ძმას ეტყვიან, თუ სხვა ვინმეა — სხვას),
ჩემ კვალ კაც მზეს იარებოდას. სიტყვას გეტყოდას. გამასადეგნი ხართ
ძმისანიცა-დ მაშის ძმისანიც. მტრის გამჯავრენი ხართა-დ მაკეთის გამ-
ლაღენი. დედან სადღეფლონი ხართა-დ მამან საბატრონი. ვისაც
თქვენდ გაესვენებოდას, ღმერთმ შინით დაუღივას, შენ გულ კაით
გაკურნას, ავ კაით დაგაცილას; ვერ გექნას ჩემ თავი, აპარეკავ, რა ცუდ
საქმე დაგემართ“. ამ მომარკებაში ჭირის პატრონიც პასუხობს: „შენის
მტრისაი დუშმნისა (ორივენი ერთდროულად ლაპარაკობენ; რასაც
მოსული ეტყვის, ჭირის პატრონიც პასუხობს), ბრალ აისითაი ას, რო
თქვენ დაგკლებივასთ, თქვენ დაგიტმავისთ. მავშმებით დაღონებას,
შიმშილსა, წყურვილს. მასალოცავი ჩვენ სიკვდილი, დასამადლები, მან-
კვეითაო-დ მაისიენეთავ, მზე დაგვთბების კაცთად სწორი, კაის მაკე-
თის თავი. თქვენ რო თავს დაილოცავთ (დაიწყევლო — ამას არ იტყვი-
ან), იმის ფასნ არც ეთელსი ორთა-დ არც მკვდარნი, ღმერთმა საწყენ
ნურა მიმიცას თქვენს თავს“.

ქალები მივლენ მასპინძლის ქალებთან და ახალი მიცვალებულის „ტალავართ გაშლიან“ და იტირებენ, მოსულებს ბოთლით არაყი ექნებათ მიტანილი და მას შენდობას ეტყვიან. ტალავარში ღვას შიშვეთ მორთული ბოთლები, მუდამ არყით სავსე და აქედანაც დაალევიან ამ მიცვალებულის შესანდობრად.

აქედან აღებამდინ სულ გრძელდება „ბედისკვერაობა“, ე. ი. ბედის კვერების მიტან-მოტანა, წელწდის ამბებზე ლაპარაკი — სად რომელ ჯვარში რა მოხდა, ან სად რომელმა ქადაგმა რა თქვა, რა რჯულის გარშემო სად რა ითქვა და სად რა ცვლილება მოხდა.

შველად ამაზე დიდი ძიება იყო ხალხში, თუ სად როგორი ბრძანება იყო ჯვარებისა მკითხავის პირით.

ა ლ ე ბ ა

ამასობაში გაივლის დრო და მოვა აღების სამზადისი. აღება ყველა ჯვარში არ იციან; იციან არხოტის ჯვარში, აშლას იაცსარში და პეტრეში. არხოტის ჯვარში მხოლოდ ერთი დღეა დღეობა, აშლაში კი დიდი დღეობა იციან კვირით-კვირობამდინ.

ახილში არხოტის ჯვარში აღებას აყენებენ ახალ დასტურებს. აქედანვე შეუდგება ახალი დასტური მომავალი წლის სადასტურო საქმეების სამზადისს, ოღონდ პირველად დღეობა გიორგობას გაუძღვებიან. მანამდე კი, როგორც აღვნიშნეთ, პირველი ხენიდანვე თესლს დაათესავენ, ჯვარის ჭირნახულს უვლიან, მკიან, ლეწავენ და პურს ინახავენ. გიორგობამდე აღებას დაყენებული დასტური ჯვარში არაფერს აკეთებს: ამ ხნის განმავლობაში ისევ ძველი დასტური ამზადებს ლულს და ყოველგვარ საჯვარო სამსახურს ის სწევს. ზემოთ აღნიშნული იყო ახალ დასტურთა პირველად გიორგობას შესვლასა და ძველებს გადადგომაზე. აი მოვა აღება და აირჩევენ ახალ დასტურს. მოვა დრო და დასტურები სააღებო „ქვაბებს დააყრიან“ (აღუღებენ ლულს). აღების ლულს ხუცესი, როგორც ნათქვამია ზემოთ, ისე აფუქლებს. აღება საღამოს იხსნება ლუდი და იმართება ღამისთევად.

არხოტის ჯვარში აღებას დიასახლისი არ მიდის, მაგრამ ღამის სამთელს და უამისსაწირს კი აცხობს იგივე დიასახლისი ერთ-ერთი დასტურის სახლში. ამ დღეობაში არც ხავიწიანი ქადა ცხვება. ცხვება ხორციანი, ყველიანი და ხაჭოიანი, დასტურს რისი საშუალება აქვს. შეიძლება კომბოსტოს მწნილიც დაკეპონ და გაურიონ გულში. ქადისკვერებს დიასახლისი ჩვეულებრივად აცხობს, მერე გაბანს, გაპობს, ერთმანეთზე დააწყობს და ჩაიტანენ ჯვარში. დღეობა აღება სრულდებ-

ბა საქებაზეში. ამ დღეობაში დარბასის კარი არ იღება, ლუდსაც საქებაზეში აფუჯებენ. აღება საღამოს დასტურ-ჯელსანებო ჩვეულებრივად თავს მოიყრიან საქებაზეში, დაანთებენ ცეცხლს, აუნთებენ საღთელს და ხუცესი კოდს მოსკიპავს— ზემოდან მოდგმულ ჭკუს მოაწარებს, ე. ი. ქაფს (ჭიკს წააცხებენ ჩალაზე, დადებენ მზიან ადგილას გასაშრობად და ინახავენ შემდეგი ლუდისათვის საფუჯარად); ლუდს ჩაწედავს და შეამჩნევს ფერზე როგორი ლუდი დადგა. მერე ანთებენ სანთელს, დააკრავენ კოდს და ხუცესი ხუცობს (სხვათაშორის, აღება არის საკუთრად მიქიელის ლაშქარ-მწევართ ღღეობა). ტექსტი მოკვამქს მთლიანად:

„ღმერთმა აღიდას თქვენ ძალი, თქვენ სახელ-სამართალი, მიქიელის ლაშქარო, მიქიელის მწევარო, მწკალსისხლიანო, საკიდლიანო, თქვენა სამთავროდ მაივმარეთ ეს კოდ-საფუჯარი, სადიდებელი, თქვენ თქვენ მეხვეწურთად, საყმოსად, საგლეხოსად საშველად, სამწყალობნოდ, სახოიშნოდ მაივმარეთ თქვენდ სამსახური არ დაუყრავად თქვენს წყალობას ნუ დააკლებთ, ღმერთი თქვენს ბატონობას გაღმარებებს. დიდება ღმერთსა, მადლი ღმერთსა, დიდება დღეს დღესინდელთა, ძალს ხთისას, ძალს კვირაისას. დიდება-დ გამარჯვება თქვენდა, მიქიელის ლაშქარო-დ მწევარო, მწკალსისხლიანო, საკიდლიანო, ღმერთმა გადიდნასთ, ღმერთმა გაძრიელნასთ, ღმერთმა მაგცასთ ცამდინ სიმალღე, ზღვამდინ სიმაგრე, შეეღვა, რგება, დაგმარება თქვენთ მეხვეწურთად, საყმოსად-საგლეხოსად. გეძახანთ თქვენი მეხვეწურნი, გეხვეწებიანთ, რასაც მკარზედა გულზედ გეძახებდნით, იმ წყარ, იმ გულზე გაუგონიდით. რასაც წყალობას გეთხოვობოდნით, განჩინა მორიგეს ღმერთს დაუთხოვიდით. ველთ ვინ გავრდოდას თქვენი მეხვეწურთ ყუდროში, ბედსა დავლათს თქვენს აქსენებდას, თქვენ ბედი, დავლათ დაავმარიდით. მიქიელის მწევარო, ჩქარნი ხართ, დანქმარენი ხართ, მწკალსისხლიანო, საკიდლიანო. შორს მყოფნ ახლოს დაუხვდიდით, თქვენ კაბის კალთა ჩაუფარიდით, იხვიენიდით, თქვენ მეხვეწურნი იხვეწნიდით ავის დღისად, ლალის მტრისად, საზიანოს საქმისად. ჩემგნივ რაც დიდებასა, კსენებას გაკლდებოდასთ, თქვენ თქვენს წყალობას მაუმატიდით. მიქიელის ლაშქარო, მწევარო მწკალსისხლიანო, ხთისაგან გამაშობილნო, ხთისაგან წყალობა ნაქნარნო, სხო რა ხთისშვილ უწყრებოდას, უმრუდდებოდას, სხვასთან უშუილდით, თაოდ უშველიდით, თაოდ პირწაღმა, გულწაღმ დაუბრუნდიდით, ხთის იასაულნ გამავიდოდან ხთისაგან გამაშობილნი, კორციელთ ბეგრევედან, ყალანს იღებდან, თქვენ მეხვეწურთ ყუდროს ნუ მახეძებთ, ეკარძებოდას ნებით ავდივიდით, ნების ბეგარ გაატანივიდით, სხო ყუდროშარა გაასწავლიდით. მიქიელის მწევარო, მწკალსისხლიანო, საკიდ-

ლიანო, დაცმარება შავიძლავთ თქვენთ მეხვეწურთად, მაგათ თავისად, ჭალაფობისად, კაცისად, საქონისად, ქუდოსან-მანდილოსანთად მშველელი, მლხენელი, მზოიშენებელი, წაღმა მდევნიმც ხართ. შველდითა, სწყალობდით. სცევდითა, ხფარევდით. გამარჯვებას თქვენსა, თქვენი სვანენის ბოისას“. ამას მოჰყვება კურთხევა (ზემოთ მოყანილია კურთხევის ტექსტი კოდის გახსნაში).

კურთხევის შემდეგ დამწყალობნებენ: „სწყალობდან მიქიელის ლამქარ-მწევარნი ახიელთ ტახტის ყმათად, საყმოსა-საგლეხოსად. სანალმართოდ მაუარან, მშვიდობით შაინახან, ბევრ აღება მალგვარან მშვიდობისა, კარგად ყოფისაი. თქვენ მაგცასთ წყალობა ჯვარიონთა, დასტურსა. კელოსანსა, ყურით მაყურებელს. მშვიდობით შაგინახანასთ. მზღენელსა, მეხვეწსა; კემწიფის კარის მლოცავს სწყალობდას“.

მერე ხუცესი იღებს სახუცო კოკობს, რომელიც „ხუცობის დროს ლუდით სავსე დგას და კიდევ იტყვის: „გაემარჯვას მიქიელის ლამქარ-მწევართად, იმის წყალობა ხქონდას საყმოსა-საგლეხოს, ბევრ აღება მშვიდობისა მალგვარას, კარგად ყოფისა; თქვენ მაგცასთ წყალობა ჯვარიონთ, დასტურსა-კელოსანს. მშვიდობით შაგინახანასთ“. მერე კიდევ შეუსახელებს: „თქვენა სამთავროდ მაიკმარეთ, მიქიელის ლამქარნო, მწევარნო, ეს კოდ-საფუარი-დ სადიდებელი, თქვენ საყმოსად, საგლეხოსად საშველად, სამწყალობნოდ მაიკმარეთ, ხთის კარზე შაიტანეთ. მაგითამც ხართ თქვენი გამჩენის ხთის კარზე“. ასწევს მალა თასს და იტყვის: „სწყალობდას მეხვეწურთაცა-დ მაყურებელსაც!“ „სწყალობდას“ — სხვებიც ამბობენ. მერე ხუცესი ლუდს გასინჯავს გემოთ და შეაფასებს — როგორი არის. თუ არ მოეწონა, მიზეხსაც იტყვის, რატომ არ არის კარგი. მერე სხვებსაც მიცემს იმავე თასს. დალოცებიან და ყველა გაუსინჯავს გემოს. ბოლოს ხუცესი დაცლის ამ თასს და მალს გადაიხდის. თასს ჩამოართმევენ და დადგამენ. მერე გამოიტანენ ლუდს საწლით და დადგამენ, აქვე ღამისამთელი არის ნოტანელი პოფლიდან და დამზადებული დგას ტაბლით. აავსებენ სამ თასს და დადგამენ, ზედ დააკრავენ სანთელს და ხუცესი იხუცებს. ხუცობაში ახსენებს ისევ მიქიელის ლამქარ-მწევართ. ბოლოს სადიდებელთ რომ აიღებენ ღამისამთელიდან, მათში ხუცესს „გაადიდებს“ ასე: აქამდე თუ პირველ თასზე მიქიელს, მეორეზე მთიშეშაგს და მესამეზე კვირავს ახსენებდნენ, ახლა სხვანაირად ახსენებს, რადგან ლამქარ-მწევართ საკუთარი დღეობა არის. ხუცესი პირველ სახუცო კოკობზე იტყვის: „თქვენა სამთავროდ, თქვენად შასამარჯოდ მაიკმარეთ ეს ქიქა-ბარზიშა — სადიდებელი — მიქიელის ლამქარნო, ხთისაგან გამაშობილნო. ხთისაგან წყალობა ნაქნარნო. თქვენ მეხვეწურთად საშველო-სამწყალობნელოდ ხთის კარზე შაიტანეთ. თქვენივე სახელ დიდდების“. მეორეზე იტყვის: ამ ქიქა-ბარზიშე თქვენ

გადილნასთ, გაგიმარჯოსთ ღმერთმა, მიქიელის მწვეარხო, მწკალსისბ-ლიანხო, საკიღლიანხო, თქვენა სამთავროდ, თქვენად გასამარჯოდ მაიკმარეთ ეს ჭიქა-ბარზიმი — საღოდებელი. თქვენთ მებვეწურთ სანწყალობნოდ ხთის კარზე შიიტანეთ, ღმერთი თქვენს ძალსა, ღიდებას მაუმატებს“. მესამე თასზე იტყვის: „ამ ჭიქა-ბარზიმზე შენ გადლას, გაგიმარჯოს ღმერთმა, კვირავე, ძალიან-მაღლიანო, შენა სამთავროდ, შენად გასამარჯოდ მაიკმარი ეს ჭიქა-ბარზიმი, — საღიდებელი. შენ შენთ მებვეწურთად საშველად, სახოიშნოდ, სამწყალობნოდ ხთის კარზე შიიტანი, მაგითამც ღიღი ხარ, შენის გამჩენის ხთის კარზე“.

ამ სიტყვების შემდეგ კიდევ მოიხსენებს ჩვეულებრივად სამავეს ერთად და ყველა წესს შეასრულებენ ისე, როგორც ზემოთ არის ღამის თევაში აღწერილი. მერე დასხდებიან, ქადას დაქრიან და ვახშამს ქამენ. დასტურებს წლის განმავლობაში თითო საკლავი შეხვდება დასაკლავად. ერთ-ერთმა ამ დღეობაში თხა უნდა დაკლას (ღამქარ-მწვეარში თხასაც კლავენ). ეს თხა მეორე დღეს, უამის წირვის შემდეგ, უნდა დაიკლას. ახლა კი ხორცი არა აქეთ და ცივ ქადას შეექცევიან ცივ ღღთან. ვახშამს ჩვეულებრივად მღერით და ყველა ზემოთ აღწერილი წესებით ჩაატარებენ, მერე შეუდგებიან დასტურის დაყენებაზე მსჯელობას. დასტურების დაყენებაში მონაწილეობას ღებულობენ ყველა ჭვარიენები. ეს ხდება საიდუმლოდ და აქ ჭვარიენების გარდა სხვა არავინ ესწრება. ირჩევენ ორ დასტურს ახიელიდან (ახიელში არის არხოტის ჭვარი და ახიელღნი მის ტახტის ყმად, უფრო მახლობლად ითვლებიან) და ერთს ამღიდან, ან ჭიმიღიდან. ამღაში რომ იყოს დასტურის დაყენების რიგი, იქ ჭვარში იციან, ვინ როღის არის ნადგომი და აყენებენ იმას, ვინც არ მღგარა. ამღაში როცა გათავდება დასტურობის რიგი, მერე ჭიმიღაში გადაინაცვლებს. ახიელში კი ყოველწლიურად ორი დასტური დგება. ახიელშიც იციან, ვინ როღის არის დასტურად ნამყოფი და ვინც უფრო ღიღი ხანია არ ყოფილა, იმას აყენებენ. არჩევენ კიდევ ისეთ ხალხს, რომლებიც ერთიმეორეს ახანანგობაში შეეგუებიან და წლის განმავლობაში არ იჩხუბებენ. აქვე ერთერთი დასტური ისეთი უნდა აირჩიონ, რომელსაც ოჯახში ხნიერი ქალი ჰყავს, რომ დიასახლისობა შეძლოს, ოღონდ მენსტრუაციის ასაკს გადაცილებული უნდა იყოს, ე. ი. ხევსურულის წესით, უწმინდურად აღარ ითვლებოდეს. არჩევენ და უფარდებენ აგრეთვე ერთიმეორეს მქონეს და არამქონეს. თუ ვინმე რამით დაზარალებულია, ან მკვდრის ხარჯებით, ან სხვა რამით, ასეთსაც შეღავათს უწევენ და შენდები წლისათვის დატოვებენ. ან თუ ობოლი ვინმე არის და უწლოვანი, სანამ იმღენად არ გაზრდება, რომ სავსე ჩხუტს მოერეოდეს და გადაასხანდეს ტკბილით სავსეს ქვაბში (ე. ი. საღუდე ქვაბში), მანამდე არ

დააყენებენ დასტურად (ამას ეწოდება: „ჩხუტის გადაღება“. ჩხუტი გადაღო — იტყვიან და დასტურადაც მაშინ დააყენებენ).

დასტურს აყენებენ ალება ღამეს. ეს მხოლოდ მართო დასტურ-ველოსნებმა იციან და საიდუმლოდ ინახავენ მანამდე, ვიდრე მეორე დღეს ჭარი არ დასხდება. იმ ღამეს ამაზე დიდი კამათი და აზრთა გაცლა-გამოცლა ექნებათ დასტურ-ველოსნებს და ბოლოს ერთ აზრზე დაუვებიან. ამ ღამეს ჯვარში არიან, სოფელში კი არაფერი დღეობა არ არა. ოჯახებში შეიძლება არაყი ვინმეს ჰქონდეს და ერთიმეორე დაპატიჟონ. ალება ღამეს ხორცს მოხარშავენ აუცილებლივ, წესია ხორცის მოხარშვა.

მახარებს ალება ღამეს მამაჩემის სიტყვა, როცა არაფერი გვქონდა და ხორცის მოხარშვის წესიც შეუსრულებელი გვრჩებოდა, დასაწოლად რომ წავიდოდა, ჭერხოსაკე მიმავალი იტყოდა:

საწყალსა კაცსა ვინ მისცემს ალების ღამეს ღვინოსა,
ბური ჰამოს და წყალი სვას, მემრ დაწვეს, დაიძინოსა.

ერთი თქმულება იცოდნენ ძველებმა ალება ღამის შესახებ: ერთი ღარიბი კაცი ყოფილაო, ხორცი არ ჰქონია და წესის არგატეხის გულისათვის ქვაბში ძველი ქალამნები ჩაუყრია მოსახარშად. ამ დროს იესო ქრისტეს ჩამოუვლია და სტუმრად საწყალ კაცთან შესულა. ისბდნენ, იმუხსაიფეს (იესო ქრისტე კაცის სახით იყო). მასპინძელი დალონებულაო. რა აჰამოს სტუმარს, ქალამნებს ხომ არ მიართმევს. იესო ქრისტემ ეს ყველაფერი იცის და ხმას არ იღებს. ბოლოს უთხრა იესო-ქრისტემ: ამოიღე ხორცი, ვკამოთო, — მე ღარიბი კაცი ვარ, ხორცი არა მაქვსო და ეს ქალამნის ძველებია, ქვაბში რომ ინარშებაო. იესო ქრისტემ მაინც ამოაღებინა ფიცარზე და ქალამნის ძველების ნაცვლად სულ დუმა და მსუქანი ხორცი ამოვიდა.

მეორე დილა გათენდება და ყველას აინტერესებს, დასტურად ვის დააყენებენ, მაგრამ, როგორც ვთქვით, არაფერ იტყვის, მანამ ჭარზე დასტურ-ველოსნები არ მოვლენ, ახალ დასტურთ არ დაამწყალობნებენ. მოვა დრო უამისწირვისა, რაც ჩვეულებრივს წესით ჩატარდება. სოფლიდან „სარიგოს“ მოიყვანენ და დაკლავენ ერთ თხას.

აქვე მეზღვნებიც იქნებიან. ხუცობა სულ ერთნაირია ყველა საკლავზე. საკლავის დაკვლაში ახსენებენ: „მიქიელის ლაშქარო, ხთისაგან გამაშობილნო. ხთისაგან წყალობა ნაქნარნო“, და „მიქიელის მწევარნო, მწკალსისხლიანნო, საკიდლიანნო“. დანარჩენი ხუცობა ჩვეულებრივია, მხოლოდ ლაშქარ-მწევარში დაკლულ თხას. ციკანს, თუნდაც ცხვარი დაკლან, წინა დეხს მოსჭრიან და იქ დადებენ, სადაც დაკლეს. დანარჩენ წესს ყველაფერს ჩვეულებრივ ასრულებენ. ხორცი და ტყავი დასტურებს რჩება. სოფელი მოიყრის თავს ერთ-ერთ ჭერხოში და

ჯვარში გაგზავნიან მელუდეს. მელუდე ჯვარიონთ ლუდს მოსთხოვს და მოიტანს სოფლის ჯარზე. აქ გაიმართება სმა. თან ელოდებიან ჯვარიონთ მოსვლას და დასტურების გამოცხადებას. ამასობაში მოვლენ ჯვარიონნიც და ჯარს ეტყვიან: „აშენდით, ჯარხო, წალმამუც წაგივათ ღლეი ღლეობა“, „ღამშენდით, მაგიხვეით მშვიდობით, მშვიდობით თქვენ მასვლა“ — ეტყვიან ჯარზე და მიიწვევენ სკამებზე. ჯვარიონნი ეტყვიან: „მშვიდობით დაგვხვდითა, კარგად“. მივლენ და დასხდებიან. დაიწყებენ ბაასს, ამოუღებენ საწდიდან და შეეპატიებებიან ლუდს. ბოლოს ჯვარიონნი ადგებიან ფეხზე. ხალხიც აჰყვება. დასტურები თავისი მიტანილი საწდიდან აავსებენ თავის მიერვე მიტანილ სახუცო კოჭობს და მისცემენ ხუცესს. ხუცესი ხმაშალა იტყვის: „გაემარჯვას დიდს მიქიელსა, იმის წყალობა ხქონდას ახალ დამდგომ დასტურთ“. ჩამოთვლის თითობით სახელებს და დაასახელებს დიასახლისსაც. „სწყალობდას დიდ მიქიელიცა-დ მიქიელის ლაშქარ-მწვევარნიც. მშვიდობით დადებულ უღელი მშვიდობით გადაადვივას. ნუ შანანას დასტურობა, უღლის დება, დიასახლისს სწყალობდას, საწალმართოდ მუჟარას, სიხარულად გაუჟადას დიასახლისობა“. მემრე ამ თასით, რომელზედაც ერთი სანთელია დაკრული, „შეუსახელებს ჯვართ“: „შენა სამთავროდ, შენად გასამარჯოდ მაიჯმარი, მიქიელ მთავარო ანგელოზო. ეს ქიქაბარზიმი, სადიდებელი შენ ახალ დამდგომ დასტურთად საწველად, სახორშნოდ, სამწყალობნოდ მაიჯმარი. უშველ, დალოცვილო, ველთაცა, შინაც, შენ შენ ბედი-დ დავლათი დაჯმარი. მაგითამც დიდი ხარ, შენის გამჩენის ხთის კარზე. შენ ბედი, დავლათმც დიდდებისა, ჯსენდების“.

„გწყალობდასთ დამდგომ დასტურთ (ერთხმად ყველანი იტყვიან), საწალმართოდ მაგეარასთ, მშვიდობით შაგინახნასთ, ნუ შაგანანასთ უღლის დება. მშვიდობით დადებულ უღელი მშვიდობით გადაგადვიოსთ. დიასახლისს სწყალობდას, სიხარულად გაუჟადას დიასახლისობა. თქვენ მაგცასთ წყალობა ყური მაყურებლებს, ჯვარიონთ, დასტურსა კელოსანს. ზუცესს ენაპირ გიკურთხას, შაუტოდგარად, შაუწყინრად შაგინახას“.

ამ დამწყალობნების შემდეგ დალევს ხუცესი ლუდს. დასტურთ სამწყალობნოდ ყველანი თითო თასს დაცილიან. ულოცავენ დასტურებს დასტურად დადგომას და არის ერთი ამბავი ამის გარშემო. სოფელშიც კითხულობენ ამ ამბავს და თეშშიც, ვინ დააყენეს დასტურადო.

ჯვარიონნი აქ ცოტა ხანს დარჩებიან, მერე წავლენ ისევ ჯვარში და თავის ჩვეულებრივ წესებს განაგრძობენ მეზღვნებთან. აქ განსაკუთრებული წესი მაინც აღარაფერია.

ჯარზე გრძელდება ლუდის სმა და საგმირო სიმღერების ფანდურზე მღერა:

„ქლოს თავ შამარჭის ლურჯაი, ალამს გაქონდა ბრიალი,
იქნების საკის შვილი გულბათა გულჯაერინი.
ეგ აქ რამ მაიყვანა, რა შვირდა ჩემგან ზიანი?
ამა რომ თინიბეკმ მაუკლა, კმალ-ქარქამ-შილიფიანი,
შეორე ოჩიაურთა, ჭლო დგას სისხლტიგრიანი“.

აქვე ყვებიან არხოტის ჯვარის მწვევართაგან ხალხისათვის, ე. ი. მრქიელის ყმათათვის, დახმარების თქმულებებს:

ერთი ვინმე სიმღერის განმარტებას დაიწყებს, მაგ. როგორ დაეხმარნენ მწვევარნი საკაიშვილის მოკვლაში ოჩიაურთ: „ერთ გათქმულ დილღველ იყვ საკაიშვილი-დ იმან ერთი ოჩიაურთ ახალგაზრდა მაკლ. ოჩიაურნი დადიოდეს საკაიშვილის მოსაკლავად, ვერ ჩაიგდეს კელჩი. მემრ საკაიშვილის დედას დაცინვით დაებარ: ოჩიაურთავ შვილივ გულბათა კი არ მამიკლანაო-დ ქვიტკირის ბანზეითავ სალუდე ქვაბ არ გადმამიგდანავ — ეს დაცინვით დანაბარები ოჩიაურთ ქოოდ ცეცხლად მაიდვეს. ახლა აქაც მიზდიოდ ხალხის ჩუმად საუბარი: დადიანავ ოჩიაურნიო-დ ვერაი ქნესავ. ესიც დასიცილ იყვ. დაჯავრებულთ გადასწყვიტეს, რო წავიდათა-ო ნულარ მაოლთავ, თუ გულბათა ვერ მავკალითაო-დ ის სალუდე ქვაბიც თუ არ გადმავადლითავ. სირცხვილს ნულარ ვკამთავ. წავიდეს კიდევად-დ წასვლაში მწვევრის საფლაგზე თიკან-ბატკანნი დაჯოვენეს (მწვევრის საფლაგი — საფლაგის მსგავსად ქვებია დაყრილი, აქ კლავენ თიკანს და ბატკანს. მაშინ უფრო კლავდნენ და სთხოვდენ დახმარებას, როცა მტერთან საბრძოლველად წავიდოდნენ. მწვევრის საფლაგი რატომ ჰქვია, ეს არავინ იცის). დილღოსკე წასულმ აჰლის პირდაპირ უნდა გაიარასა-დ რო გაუვლავ ოჩიაურთ, ფეხონს დაუწყავ სიცილი: ოჩიაურთავ კიდევ გაიარესაო-დ დაღლევენავ თესლადავ დილღველთავ. ამ დროს აბათ კურდღელიაც იქ მჯდარასა-დ სწყენივ ძალიან. უკაცურ კაც ყოფილასა, ვერა უთქომ ამლიონთად ამ დასიცილზე (აბათ კურდღელა ოჩიაურების დისწული ყოფილა). მისულან დილღოს ოჩიაურნი, ტყეში ჩამახდარან — თათარი. მინდიაი, უშიშაი. ერთ კაც წისქვილში შასულ. უნახავად დაუქერავ ის კაცი. უთქომ — მაგლავთავ, თუ საკაიშვილის სახლ არ გვასწავლეო-დ სად წვებისავ, თუ ის არ გვითხარივ. იმას უთქომ — ნუ მამკლავთაო-დ გასწავლითავ, ჯერ არ დაღნდობანად მემრ ფიც მიუცავ იმ დილღველს, რო არ გიდალატებთავ. გახყოლივან რო დაღამულსახლივ შორით გვასწავლავ, თქვიან, ქვითკირიც გვასწავლაო-დ გვითხრავ — სალუდე ქვაბ აიმ ქვიტკირის ბანზე დგასაო-დ, გულბათათავ აიმ კალოში წევსავ. ეს რო გვითხრავ, დილღველ წავიდავ. მივედითავ, თქვიანად-დ კალოში უიარაღო წოლილიყვავ, წამახტაო-დ გაიქცავ შინი-

სკესავ. თათარაივ მქისე (მარდი) იყვისაო-დ გაქეუულივ ზურგზე შაახ-ტაო-დ დასცავ ზურგშიავ ხანჯარაივ. აი ღილღველივ ძალიან დიდ რაიმ იყვაო, თათარაივ ცოტინა (პატარა) კაცა იყვისავ, ზურგზე შამხტარს თათარასავ გადმაილნავ, კელნიო მახვიენაო-დ იქავ გარბოდავ, არც ხანჯრის დაცემამ შააყენაო-დ აღარც მეორედ აკმარებიავ ხანჯარაივ. — არიქათავ, იძახავ, შინ მივხყვიორაო-დ! მაშინ ძლივ მივეშველენითაო, დავხანჯრეთავ“. ეს რომ მოკლეს, ერთი მათგანი იზიდება თურმე, რომ ქვაბი გადმოაგდოს ბანიდან, რაკი ქისტრ დედამ დაციენითა დღუბარა. სხვები უშლიდნენ, მაგრამ არ დაიშალა, ავიდა ბანზე, გადმოაგდო და დიდი სალუდე ქვაბი შუა სოფელზე დაგორდა. ქვაბის ჯღარა-ჯღურზე ხალხი განოცვივდა და გამოუდგნენ მდევრად, ცოტას დააღწიეს თავი, თორემ ამოხოცავდნენ სამივეს.

ამ დროს თურმე ისხდა ფეხონი (ხალხი თავმოყრილი ერთად) ამ-ლაში და ის ოჩიაურთ დისწულიც იქ ყოფილა. ერთი მკითხავიც ყო-ფილა ამ ფეხონში. ის ერთბაშად წამომხტარა, პირჯვარი დაუწერია და უთქვამს: „დიდება-დ გამარჯვება, დიდებულნო მიქიელს მწევარნო“. რა ამბავიაო, ჰკითხეს — „მიქიელს მწევართ შამაიარეს სისხლით დაჩქევეფულთ (ე. ი. სისხლი ეცხოთ ვითომ ქისტისა), აუცილებლივ გა-იმარჯვეს ოჩიაურთო“. ცოტა ხნის შემდეგ მოვიდნენ ოჩიაურნიც. მკი-თხავმა უთხრა: „დაილოცას მაგათ ძალო! წასვლაში რო თიკან-ბატკა-ნნი დავოცნეს, ომან გააკეთა-დ დალოცვილთ მიქიელს მწევართო“. მეორე ანდრეზი: „მგელამ თქვისავ (მგელა, ხეესურების რწმენით, წმინ-და კაცი იყო) — ჟამნი რომ მოვიდნენო (ჟამნი ხეესურების რწმენით, ღვთიდან მოვლინებული ფარულად ზალხის მხოცლები იყვნენ. ხალხის რწმენითა და მკითხავების თქმით, მშვილდ-ისრები ჰქონდათ. ვისაც ესროდენ, კლავდენ), ვითასაც ისარ ესრივიანავ, სადაც მახვდი-სავ, მე ვხედვედიდიო-დ მემრავ აიმაში გამაებისავ ჟამიო-დ მაკლისავ. მაშინ ბევრს იზარალებდავ ახივლაივ. მწევარნ მავშველენესაო-დ. ახი-ელასავ, ბევრ ისრებ არ ასრევიესავ. ჩამამდინართავ მწევარნ დახვდე-საო-დ უკენ დააბრუნენესავ“. ისეთი რწმენა არსებობს, ვითოჲც მგელამ და მწევართ ჟამნი ერთიმეორის დახმარებით არ შემოუშვეს ახიელში. ამბობენ, ჟამიანობას ჰირი ყოფილა და ხალხი დაუხოცია ბევრი, მგე-ლას გვარისა არავინ არ მომკვდარა (მგელა გვარად ჯაბუშანური იყო). ისეთი წარმოდგენა არის ხალხში, ვითომც მგელამ სთხოვა ჟამთ და არავინ მოაკვლევინა. სხვა ხალხი კი სულ განადგურებულა, სოფლი-დან გახიზნულა და შორს, მთაში დასახლებულა. დღესაც ეტყობა მათი ნაბინავარი, რომელსაც ნახიზნარს ეძახიან. ხალხი რომ დაბრუ-ნებულა, ზოგიერთ სახლში ორი-სამი მკდარი ყოფილა დაუშარბავი, ზოგი კი ერთს ღილღველსა და ერთს ხეესურს (არხოტიონს) დაუშარ-ხავს. იმ არხოტიონს გამოსვლია ჟამი ბარკალზე, ხის ჩხირით გაუხეთ-

ქია და მომჩინალა. მეორედ აღარც შეხვედრია. ამ ორ კაცს უმარხავს მკვდრები. იმ ქისტს სულ არ მიჰკარებია ჟამი. იტყვიან, სახლები თავ-დანუბებული იყო, რაც უნდოდათ, ჰამდნენ და მკვდრებსაც მარხავდნენო. მაშინ იმ ორ კაცს უთქვამს: სხვა ყველაფერი ვკამეთ და მოდი ერთი ერთის ფაფა გავაკეთოთ და ვნახოთ, როგორი იქნებაო. მოხარ-შეს და გამოუვიდათ ხავიწი. მანამდენ ხავიწი არ იცოდნენ და იმის შეძლევიწყეს ხავიწის კეთებაო. თურმე ის ქირი ერთ ადგილზე გამოეპებოდა შავი ფერის რაღაც მუწუჯის სახით და მაშინვე მოკლავდა.

ჟამთა მგელა ხედავდა, სხვა კი ვერავინ დაინახავდაო. ისინი ფარული რაღაცა ადამიანის მსგავსი არსებანი ყოფილან. ჰქონდათ მშვილდ-ისრები და ესროდნენ ხალხს. ისარი სადაც ვის ხედებოდა, სწორედ იმ ადგილზე გამოუვიდოდა ჟამი და ხუთ წუთში გააქრობდა ადამიანს. მგელა რომ მათ ხედავდა, ეს იმითაც იცოდნენ და როგორც წმინდანს, არაფერს ეუბნებოდნენ. როგორც ხალხი ფიქრობს, მგელა საუბრობდა კიდევ მათთან. ისინი იყვნენ ხვთის ბრძანებით მოვლინებულნი. ახიელში კი, როგორც ვთქვით, ბევრი ზარალი მგელასა და მწევართა დახმარებით ხალხს არ მისდგომია. მაშინდელი ნატირალი არის ხმით:

ქალბო, ჟამის ნაცოცებო,
რო გკითხათ, არ მიაშხოთაეო?
ქიწის სათიბად არ ზღითაეო,
გიშველსა არ შახენებთაეო.
აიქ მთიბლები არ ჩინდაეო,
მკრებზე საკლები არ ესხაეო,
ცელები არ უელეუდაეო.
ვაეები არ ფულულობდაეო.

მესამე ანდრეზი: მგელამ თქვაო, რომ ერთხელ წელწადში გავხედე და თოვლზედ ერთი მწევარი იჯდაო, ყელზე ოქროს შიბი (ძეწკვი, ჯაჭვი) ედვა. პირი (ტუჩი) ჩაგრძელებული ჰქონდა, იქით-აქეთ ქან-ობდა და იმ თოვლს ღარავდაო. ვითომ მწევარნი ორნი არიან, მწევარების მსგავსნი და ყელზე ოქროს შიბები ახვევიათ. მტრებთან ბრძოლაში სოსხლიანი ბრჭყალები აქეთ და მუდამ მზად არიან საბრძოლველად, მიქიელის ტახტის ყმათათვის დასახმარებლად. ლაშქარნი კი, როგორც აღნიშნულია ზემო თავში, ბავშვების სახით არიან, რომელთაც უფლება აქეთ ადამიანს მუწუჯები გაუჩინონ, ავადაც გახადონ და საჩიკვდილოდაც მიიყვანონ საქმე. და აი ალებას სწორედ დღესასწაულობენ ლაშქარ-მწევართ დღეობას.

რაკი მგელაზე ჩამოვარდა სიტყვა, მინდა შევეხო მგელას ვინაობას. მგელა, როგორც ვთქვით, გვარად ჯაბუშანური იყო. მისი შვილი იყო ახალა, ახალას შვილი — ქორია, რომლის სიკვდილი მე მახსოვს.

ცოტას ისიც წმინდა კაცობდა, რადგან მათ ხუცესობა მეშკვიდრობით მოსდევდათ არხოტის ჯვარში. ქორიას შვილები არიან ორნი: ერთი გიორგი და ერთი უნცრუა (მათი შვილები უნივერსიტეტში სწავლობენ, იმდენი გარდატეხა მოხდა მთაშიც კი დღეს).

მგელა ვითომ ისეთი წმინდანი იყო, რომ არხოტის ჯვარს პირადად ელაპარაკებოდა. მან ვითომ ყველაფერი იცოდა, ვის რა მოუვიდოდა და ვინ როდის მოკვდებოდა. ძველები ამბობენ და ნამდვილად ასე სწამთ, რომ მას ჰქონდა ერთი სუფთა ხელსახოცი, რომელსაც სამკადრეოს ეთახოდა. არხოტის ჯვარი მტრედის სახით მოუდიოდა. იმის მოსვლას რომ იგრძნობდა, გადაიფენდა ხელზე სამკადრეოს, არხოტის ჯვარი სამკადრეოზე მტრედის სახით დაჯდებოდა და მგელას ელაპარაკებოდა. მგელა თავს გვერდზე დაიპერდა, რომ მის პირდაპირ არ ესუნთქა და როცა საუბარს მოათავებდა, მტრედი გაქრებოდა. ერთხელ წელწად-დილას მოუვიდა და ყველამ დაინახა, ისეთი ბრწყინვალე იყო, როგორც მზე, თვალის გასწორება არ შეიძლებოდა. ის უფრო მეტ სხივებს უშვებდაო. ამ დროს ჯადელაც იყო ხუცესი და მგელაც. ახლა ჯადელას სწყველიან ქალები — სამრელოობა პირველმა იმან მოიგონაო: ჯადელას ორი წყვილი წინდა (თათები ხვესურულად) ჰქონდა, ერთი საჯვარშიგო და ერთი საშინაო. ე. ი. ერთ თათებს ინახავდა წმინდად და როცა ჯვარში წავიდოდა, მაშინ ჩაიცვამდა, მეორეს კი, სახლში როცა იყო მაშინ იცვამდა. ერთხელ დღეობა იყო, შემთხვევით საჯვარშიგო თათები სადღაცა დაეკარგა. ამ დროს ცოლს დედათ წესი ჰქონდა. ამას ხომ ხვესურები ყველაზე მეტ უწმინდურებად სთვლიან და ვეღარ წავიდა ჯვარში. თან რაღაც საქმე კარგად არ წაუვიდა. ჯადელამ თავის ცოლს ამ პერიოდში ცალკე სამყოფად პატარა ქოხი გაუშვეთა და დაარქვა „სამრელო“. დღესაც ამ დანიშნულების ქოხებს სამრელო ჰქვია. მას მიბაძა ყველამ და გავრცელდა მთელ ხვესურეთში სამრელოები, სადაც ხვესური ქალი დიდის ტანჯვით ცხოვრობს ერთი კვირის განმავლობაში.

აი ამიტომ წყველიან ჯადელას. ვისაც ცოლი სამრელოში ჰყავს, ჯვარში ის ყველა ადგილებზე არ მივა, დაჯდება მოშორებით და იქ მიუტანენ ლუღს. მაგრამ თასს ხელს არც აქ კიდებს, თავის ქუდში ჩაუდგამენ თასს და ისე დააღვივებენ.

ეს ჯადელაც მგელას დროს იყო და ისიც წმინდა კაცობდა. მაგრამ მასზე ხხვა თქმულება არაფერია, მხოლოდ სამრელოები კი სინამდვილეში მან მოიგონაო, ამტკიცებენ.

ერთხელ მგელას კიდევ თუშეთში მოუვიდა ხელზე არხოტის ჯვარი და კომლზე თითო საკლავი ყველა თუშებმა დაკლესო (არხოტის ჯვარის დროშით თურმე ყოველ წლიურად დადიოდნენ თუშეთში არ-

ხოტის ჯვარის ჯვარიონნი და თუშები დროშასაც და ხალხსაც დიდს პატრეს სცემდნენ).

მგელა თურმე ცხოვრობდა ცალკე ჭერბოში და ბოსლებში არ დაიარებოდა, არც მიცვალებულის ხარჯებში წავიდოდა, არც მაშინ მივიდოდა იმ სახლის ახლო, როცა მიცვალებული იყო, არც პურსა სკამბა მიცვალებულისათვის გამომცხვარს და არც სასმელს დალევდა. ამის შემდეგ გავრცელდაო, აშობენ, რომ მიცვალებულისათვის დალოცვილს არ ჰამენ ხევსურეთის ხუცეს-კელოსნები და ზოგიერთი მკითხავებიცო. ისე კი ბევრია, რომ მიცვალებული სადაც არის, იმ სახლს არ ეკარება, აკრძალული აქვთ ჯვარისაგან. ვიდრე „სახლის სანათლავს“ არ დაქლავენ „ნაცივარი სახლიაო“, „ჯვარის კელკაცები“ არ შევლენ.

ასეთ წმინდანად მიიჩნდათ მგელა. დასაფლავებულიც ცალკე არის — ახიელის პირდაპირ მთაზე პატარა ვაკეა, სოფლიდან ერთი კილომეტრის მანძილზე. თვითონ უთქვამს: რომ მოვკვდები, მე იქ უნდა დამასაფლაოთო. მის საფლავზე პატარა ნიშია აშენებული დაროგორც წმინდანის საფლავს, ყველა პატრეს სცემს. ქალები, როგორც უწმინდურნი, მის საფლავთან ახლო არ მივლენ. ერთ-ერთ ზაფხულის დღეობაში — ათენგენას მისი შვილიშვილები და მთელი მათი გვარი დღეობას იხდიან იქ. წაიღებენ ლულს, დაპატიყებენ სოფლიდანაც ხალხს, დაკლავენ ერთ ცხვარს, მოხაშავენ ხორცს და ყველა იქ მყოფთ გაუმასპინძლდებიან ხორცით, პურით და ლუდით. ერთ დღეს იქ კაი დროს ატარებენ მღერით, ცეკვით და ქეიფობით. საღამოს უამზე ფერხისას დააბავენ, სამღერებს იმღერებენ მგელაზე ან მის შვილ ახალაზე, რომელიც დიღვლების მტერი იყო და ზოცავდა მათ. ამ სიმღერით საფლავს სამჯერ გარეშემო შემოუვლიან და წამოვლენ ქოფელში. მგელასათვის ისე დალოცვა არ იციან, როგორც სხვა მიცვალებულისათვის. „გაუშარჯოს მგელას და იმის სულის მაღლი შეეწიოს იმის ჩამამავლობასად ყველა თქვენს თავსო“ — მხოლოდ ამას იტყვიან.

ლაშქარ-მწევართ დღეობას მოჰყვა ყველა ეს ამბები. დაებრუნდეთ ისევ ადების დღეობას. ადება სოფ. ახიელში მარტო ერთი დღე იციან; დასტურის გამოცხადების შემდეგ განაგრძობენ ლუდის სმას და საგმირო სიმღერების მღერას ფანდურზე. ბოლოს წავლენ-წამოვლენ სახლებში; სოფელში იციან ერთიმეორის პატიუი მთელი ერთი კვირის განმავლობაში, ჯვარში კი მეტი არაფერი იციან.

ჯვარიონნი ადება-დღის საღამოხან გამოილოცავენ. ამ დღეობაში არც დიშახლისი მიდის ჯვარში და არც დარბასში შედიან. არიან მარტო საქვაბეში, აქ რაც აქვთ — ხორცი, პური და ტყავები ჩვეულებრივად გაინაწილებენ და წაველენ სახლებში.

ს. ამლაში იციან გრძელი დღეობა, რომელიც თითქმის ერთ კვირამდინ გასტანს. როგორც წელწადში, ასეთივე მხიარულობა, დღეობა იციან აქაც: „მეთამაშე“, „ომი“, „ქალების მოტაცება“ და სხვა.

ორი დღე მიცვალებულებისათვის არის განკუთვნილი, რომლებიც ს. ამლაში ამოწყვეტილან და მათი მამული ჯვარს უჭირავს. თითო დღე დაწესებულია მათი სული მოსაგონებლად.

საბურდუხაო და საიმედურო

ერთს დღეს ამ დღეობისას ეძახიან საბურდუხაოს და მეორეს საიმედუროს. ესენი იყვნენ უკანასკნელნი ამ ჯვარებში, რომლებიც ამოწყდნენ. მათ უანდერძეს თავისი ქონება და მამული ჯვარს თავიანთი სიკვდილის შემდეგ, რადგან სხვა პატრონი არ რჩებოდა. სამაგიეროდ მოითხოვეს თითო დღე დღეობა მათი სულის მოსაგონებლად. მათი მამულების ნაღალურიდან აღუდებენ ლუღს ჯვარში. დანიშნულ საღამოს მოიტანენ დასტურები „კოდ-სამკურთხეველოს“ (კოდ-სამკურთხეველო არის სამი — ხორცის ან ყველის გულვანი კმცეული, ე. ი. პატარა ქადა ზედ სამი საკვირაოთი) და დადგამენ ტაბლით კოდთან. აანთებენ სანთელს და ხუცესი „მოსკიკავს“ კოდს, ამოიღებს თასით ლუღს, დადგამს კოდ-სამკურთხეველოზე და შეუდგება სულის ხუცობათ (თასზედაც და კოდზედაც სანთელია დაკრული): „ღმერთო, დიდება შენდა, ღმერთო, მაღლი შენდა! ღმერთო უშველი აქლიონთა, ჯვარიენებს! ღმერთო, გაუმარჯვი იაცსარსა. იაცსარო, შენ ნუ დალღევ ამ სოფელს სულის საგონებლად, შენა სადიდებლად. იაცსარო, შენი დიდებითა, ჩემის სიტყვის მაცსენებით, სააქაოს ნათქვამ თუ საიქიოს მიდიოდას, წესი მართებულ იყოს ხთის წესითა, მღღღის წესითა, იერუმსალეთის ნათლითა, ქრისტეს გარიგებით, სადაც შენ ხარ, ბურდუხაო, შენებ შვილები ას, შენ ანდაბი ას, თქვენ დიდი-წვრილი ას, ეს დადგმულ კოდიცა-დ ეს თასიც სულსამც თქვენს მავკმარების, ცოტაიმც დიდად მაგვეჩვენებისთ, რაოშიმც წმიდად მაგვეჩვენებისთ, ფერუქეველად, წაუქეველად, მანდაურის წესითა, სამართლით. ძალითამც ნუ ვინ გამაგეკიდებისთ, თქვენითამც ნებით მისცემთა, გასცემთ, თქვენის ნებითამც დაიწვეთ. მსჯელსა, მჯავრესამც გარიდებსთ, თუ ჩვენ ვერ ვგონობდათ, დისწულ-დღდიამაი გყვანდათ, სიბე-ცოლეული გყვანდათა-დ შანდობას მოგველოდდას. თქვენითამც ნებით გახკვლევთ. შავინდნასთ ღმერთმ, ქრისტეანობის სულის კურთხევა გამჩენმ“. შემდეგ მოაყოლებენ კურთხევას. კურთხევა რომ დამთავრდება — „შანდნას ბურდუხასა-დ თქვენ ღმერთმა ყველას მაგვასთ მაგონებისად სულის მაღლიცა-დ ხთისაიც“ — იტყვიან ყველანი. ხუცესი იტყვის კიდევ: „სულს შანდობაი-დ გამგონეთ დღეგრძელობაი“ — და დალევს. სხვებსაც მიაწვდის და თავისი თასიდან დაალევიანებს. დაახამენ საწ-

დეში და ბურღუხაის შესანდობარს ყველას დააღვეინებენ. მერე მი-
აქვთ სოფლის ჯარზე და იქაც შესანდობარს ყველა პირველ რიგში და-
ლექს. მერე კი, რაც ვის სურს, იმ სადღეგრძელოს მოიგონებენ.

როგორც საბურღუხაო დღე, ისევე საიმედურო დღეც ჩატარდება.

სასანთლეობა

აღება-დღეს აშლაში, იახსარში, მიდიან მთელი თემის დედა-
კაცები. ყველას მიაქვს სასანთლე, თითო ბოთლი არაყი და სანთელი.
(სასანთლე პატარა ქადა და ზედ საკვირაო). თუ ვინმეს აშლაში ოდ-
ნავი ნათესაობაც აქვს, არც ერთი ქალი არ დააქლდება და უეჭვე-
ლად მივა. ამ დღეს ჰქვია „სასანთლეობა“, ხოლო მოსულებს „მესა-
სანთლეე“. სასანთლეებს დააწყობენ ერთად, სანთელს ყველა სასან-
თლეზე დააკრენ, არყიან ბოთლებსაც იქ დადგამენ და ხუცესი ყვე-
ლას ერთად იხუცებს ისე, როგორც სასანთლეების ხუცობის წესი გი-
ორგობას ჯარათ ჯარზეა აღწერილი. ბოლოს დაამწყალობნებენ მესა-
სანთლეებს და დაღვეენ არაყს. ამ დროს მესასანთლეე ქალები შორს
სხედან და ლუდით მათ იქ უმსახინძლდებიან ჯვარიონნი. სასანთლეებს
როცა იხუცებენ და არაყსაც დაღვეენ, ბოთლებს ლუდით აესებენ,
სასანთლეებს შუაზე დაჭრიან, ნაჭრებს და ლუდიან ბოთლს უბრუნე-
ბენ პატრონებს (ნაჭრეებს რომ გამოიტანენ, ყველა იცნობს „დაჭვრე-
თილზე“ ე. ი. დაჭრულზე და თავთავისას იღებენ). ქალებს რაც
შეიძლება ჯვარიონნი პატივს სცემენ. ისინი იმავე დღეს წავლენ სახ-
ლებში, ჯვარში კი გრძელდება დღეობა.

აღებაში ხშირად იციან ამ სოფელში ქადაგობა. უფრო ენებიან
ქისტებთან ბრძოლის საქმეს, რადგან ეს სოფელი ახლოა ქისტების
საზღვართან. ძალიან ხშირია მათთან მოსისხლეობა. იახსარი ხშირად
ემუქრება ქისტებს და ამუხრებს თავის გველისფერს (ვითომ ამ სა-
ხით პყავს სასწრაფო დამხმარე იახსარს). მკითხავი და ქადაგი ხშირად
ლაპარაკობენ იახსარის სახელით ქისტების მუქარას: „არ იშლიან კი
და მოიკლდნენ ქისტებმა, რა დღე დავაყაროთ. გაუშვებ ჩემს გველის-
ფერს და მაგის ჯარს (რომელიმე ქისტის ბელადი იქნებოდა) სულ
გავანადგურებინებო“. თან ყმათაც დაემუქრება — „თქვენ მე აღარ
გწამვართ და არ მემორჩალებით. მე თქვენგან გათელილი ვარ და ძალი
და შეიძლება აღარა მაქვსო. ძალი და შეიძლება მაშინ მქონდა, როცა
სამის წლის რემათ მიხოცდნენ, ეხლა კი თქვენ აღარაფრად მაგდებთო“.
რა თქმა უნდა, მკითხავი უიმისოდ ენას არ აამოძრავებს, თუ ვინმეს
არაფერი დაავალა, ზარალი თუ არავის მიაყენა.

ამგვარად, დიდი დღეობა იციან და მრავალი საკლავიც იხოცე-
ბა აღებას აშლის ჯვარში.

ლამისბევა, უამისწირვა და სხვა წესები იხეთივე არის, როგორც სხვა ჯვარებში. დასტურები აქაც ორი წლით დგებიან, ორივე მართო ამ სოფლიდან, რადგან ეს სალოცავი სასოფლოა და არა სათემო. ამნაირად ყოველჯვარი იმ ცერემონიის ჩატარებით, რაც სხვა დღე-ობებშიც არის, დამთავრდა დღეობა „აღება“.

დ დ მ ა რ ხ მ ა

აღების შემდეგ გაივლის ერთი კვირა და შემოვა „დიდი მარხვა“. დიდმარხვამდინ ამ ერთის კვირის განმავლობაში ხევსურები ხლიან არაყს, კლავენ მსუქან საკლავებს, ერთიმეორეს ებატიებიან და ატარებენ თავისებურად კარგ დროს. ყველიერის შაბათს (ამ ერთ კვირას ყველიერის კვირა ჰქვია. შაბათი რომ მოვა, ამას ყველიერის შაბათი. კვირა სალამოს კი მარხვდებოდა) კირის პატრონი დაამზადება არაყს და დაპატიეებს სოფლის ყველა ქალს, გაშლის ტალავართ და დიდხანს იტირებენ. ბოლოს ერთ-ერთ ხმით მოტირალს სთხოვენ — იტირეო. მოტირალი ტალავრიდან აიღებს ხანჯალს, ან ხმალს და ხმამალა ტირის, სხვა დედაკაცები გაჩუმდებიან და ყურს უჯდებენ (ხმით მოტირალი პირველად რომელიმე სულმა უნდა ატიროს, ისე უნდა იბანოდეს სიტყვებს, როგორც ქადაგი. ვითომც მას თავისი სიტყვები არც ესმის, სულები ისე ალაპარაკებენ ტირილის სახით. ამას ჰქვია „სულით ტირილი“. მერე იწყებს ყველა მიცვალებულზე თავისი ნებით ხმით ტირილს).

ტირილის შემდეგ აიღებენ ტალავართ, შეახვევენ ფარდაგში. ორი ქალი ასწევს, წაიღებენ და ჩადებენ ტახტში (ტალავართ ერთი ტახტი აქვს დანიშნული, სადაც იგი აწყვია მთელი წლის განმავლობაში). მერე ქალებს გაუმასპინძლდებიან ხავიწით ან ფაფიო, დაალევიან ბენ არაყსაც. რომ ნახოთ არაყის სპის დროს ქალები, თუმცა ბევრს არ დალევენ, მაგრამ მკვდარზე ტირილი კი სრულიად დაავიწყდებთ: დგას სიცილ-ხარხარი და სულ სხვა საგანზე ლაპარაკი. სუფრის წესს რომ მოათავებენ, ქალები თავიანთ სახლებში წავლენ.

კვირა რომ დალამდება, დგება მარხვა. ხევსურები მარხვას კი არ ინახავდნენ, მაგრამ მაინც ამ დროს ჰქონდათ ვანაყუთრებული წესები. ამ სალამოს ერქვა „მარხოშამეა წუხრა“. ვისაც რა შეუქლია, ყველა კარგ ვახშამს ამზადებს და პატიუობენ ერთიმეორეს. არაყიც ბევრს აქვთ და სოფელში ყველგან სმა არის.

ურწყის ორშაბათი.

მეორე დღე თენდება „ურწყის ორშაბათი“. მკითხავები იტყობენ: ამ დღეს ურწყნი გამოვლენ. ეს დღე მათ აქვთ დათმობილი დღით.

დან და რაც უნდა, იმას იზამენო. თუ მათ ვინმე რამეს აწყენინებს, ისინი ავნებენ, თუ არა, რგებაც შეუძლიანთო. კაცი თუ გზაში შეხვდათ და კულ რანეს ფიქრობს, იმასაც გაუწყობიან. თუ ხმამაღლა ვინმე ყვირის, ამაზედაც გაწყობიან, თუ ვინმეზე ვინმე ცუდს ლაპარაკობს, იმაზეც გაჯავრდებიანო. მე მახსოვს, ბავშვობაში დედა ურწყის ორ-შაბათს არსად არ გაგვიშვებდა — ურწყნი სადმე შეგზვდებიანთო. ეს რწმენა ჩვენაც — ბავშვებს — მშობლებისაგან ისე ძვალ-რბილში გვქონდა გამჭდარი, რომ შიშით გარეთ ვერ გამოვდიოდით. ერთი მკითხავი იყო ჩვენს მეზობლად, სახელად კუკუას ეძახდნენ, თავის მეზობლებს ის სულ ასეთებზე ელაპარაკებოდა. ახლაც მახსოვს მისი ლაპარაკი ურწყთ შესახებ: ვინ არიან, რა სახის არიან ისინი, სად ცხოვრობენ და რის გაკეთება შეუძლიათ.

ურწყნი არიან დედაკაცები, სამნი. მათ კიდევ ჰყავთ სხვა მორჩილი დედაკაცები; ეს სამი დედაკაცი ცხოვრობს ლაშქარმწევართ ახლო. მათ მეოთხე მეგობარი ჰყავთ; სოფლის ზევით ერთი არყის ხე დგას და იმასთან ბინადრობს. იმას სოფლის მეთვალყურეობა აქვს დავალებულიო. ზვიდან ის სოფელს დახედავს და ყველაფერს ხედავს, მერე კი სალოცავენს, ე. ი. ჯვართ, ყველაფერს გადასცემს. ეს სამი დედაკაცი რომ გამოვა, მათი მორჩილიც სათიბიდან წამოვლენ და სოფელში მოვლენო (სათიბე ჰქვია ჯვართან ადგილს, სადაც ლაშქარმწევართ ილოცავენ). სოფელში ისინი ყველაფერს ათვალეერებენ: ვინ რას ლაპარაკობს, ვინ როგორ იქცევა. ვნების უფლება მათ მარტო ამ ორშაბათს აქვთ, დანარჩენ დროს კი არა. ისინი ანგელოზები ყოფილან და მიქიელ-მთავარანგელოზისთვის ურჩობა გაუწყვიათ, მას დაუწყევლია და ურწყად გადაქცეულან. ახლა აღარც ანგელოზები არიან და აღარც სრული ეშმაკებიო. მხოლოდ ორშაბათი, წლის განმავლობაში ეს ერთი დღე, ისევ მათ მიანიჭა მთავარანგელოზმა. ეს დედაკაცები ამ დღეს კიდევ სხვა თავიანთ ქვეშევდომებსაც დასაქმებენ, ყველა ოჯახს უთვალყურებენ და ამბავი მოაქვთო. ამ დედაკაცებს ბოლოზე თეთრად „მამწაული“ ტყავები აცვიათ და არც უშნო სახის არიანო (მანწაული: ტყავის (ქურჩის) ბოლოზე მოკერებული ბეწვი). სოფლისაკენ რომ წამოვლენ, ძალიან დაღონებით მოდიან, რადგან იმათ გზაზე ხალხმა ბოსტნები გააკეთა და ნიორი დათესეს. მათ კი ნიორის სუნი ეჯავრებათ და ერიდებიანო. თუ მათ ამ ბოსტნებს თავი არ დაანებეს, საქმე კარგად არ წაუვათ. ურწყნი ყოველთვის არიან, მაგრამ გარდა ერთი ორშაბათისა, მათ არაფრის გაკეთებას უფლება არა აქვთო. კვტა იტყოდან: სოფლის სათავეში რომელი დედაკაციც ცხოვრობს და სოფელს უთვალუვლებს, იმას კი უფლება აქვს და დარბანებში ხიშივილებთანაც დადისო. ერთხელ ხთვისვილთ მოუტანა ამბავი, რომ სოფელში ორი ძალიან მოჩხუბარი და ხმამაღალი დედაკაცია, მაგრამ

მაგათ ისე წაუყვა საქმე, რომ ერთი მოკვდება, ერთი კი დაავადდყოფდებაო. მახსოვს, იტყოდნენ, იმ დედაკაცებს მართლა ისე დაემართათო. კუკუამ ბევრი ამისთანები იცოდა. ცხოვრობდა მარტო, ცოლსაც თავი დაანება, როგორც არაწმინდა არსებას. ერთხელ მოუყვა მეზობლებს: „მე ამჟორიტეს (სამთო ბინა) რომ ვიყავი, ძროხები ვედარავის მივაბარე და თვითონ ვუვლიდი. მერე ხთიშვილთ გამართეს (ვითომ თან წაიყვანეს) და ციხის წვერზეით გადმომავდეს და ვითომ ხელი მომტყდაო. მერე თვითონვე შემიხვიეს და მითხრეს — უწმინდურ ადგილას რომ დახვალ უნდა მოგვეკალი, მაგრამ ისეე გაპატიეთო, ამ ხელსაც ისეე მოგიჩინეთ, მხოლოდ ასე აღარ მოიქცეო. მეც დავპირდი და გამომიშვესო. გონზე რომ მოვედი, ხელი მტკიოდა და შეხვეული მქონდა. ხალხს ეს სჯეროდა და კუკუასი ისეთი ხათრი ჰქონდათ, როგორც სალოცავებისა. ის ჩასაც იტყოდა. მზად იყვნენ მის შესასრულებლად.

თავგ-ჩიტ უქმი. ურწყთათვის ლოცვა და რამის შეწირვა არ იციან. ურწყის ორშაბათობიდან მოდის მომავალ შაბათს თავგჩიტ უქმი. ამ დღეს მოსახლეობა ძალიან უქმობს. ამბობენ, ვინც ამ უქმს არ შეინახავს, თავგები და ჩიტები ჰკირნახულს სულ გაუნადგურებენო. გამიგონია თქმულება, რომ ამა და ამ ქალმა თავგის და ჩიტის უქმი არ შეინახა და მძინარეს თავგმა თმა მოაჭრაო, ანდა საუყეთესო ტანსაცმელი დაუჭრაო. ჩიტები კიდევ ძნას და ყანას გაუნადგურებენ. ამიტომ თავგ-ჩიტ უქმი შენახული უნდა იყოს წმიდად. ამ დღეს ამზადებენ ბიჭონს (ბიჭონი: ბატიბუტი), თუ აქვთ სიმინდისაგან და თუ არა, სვილისაგან და ამას ჭამენ. თუ ბატიბუტს არ დაამზადებენ, არ შეიძლება. ამ შემთხვევაშიც თავგი და ჩიტი აზარალებენო.

ს უ ლ თ ა კ რ ე ფ ა

თავგის და ჩიტის უქმის სწორზე შაბათს არის სულის დღეობა სულთაკრეფა.

სულთაკრეფის დასტური ცალკე დგება. ის მარტო სულთაკრეფისათვის დაამზადებს ლუდს. ხალხში აკრეფს სეეს, ქერს და აღულებენ ლუდს (აქ ორი დასტურია სულთაკრეფისა. სულთაკრეფა დღეს იხსნება ეს ლუდი და ილოცება იმ მიცვალებულებისათვის, რომლებიც ახიელას ძველად და ახლად დაჰკლებია. კოდის გახსნა სრულდება იმავე წესით, როგორც ზემოთ არის აღწერილი მიცვალებულთათვის ლუდიანი კოდის დალოცვასთან დაკავშირებით. კოდზე სრულდება სულის კურთხევა. დასტურ-ჯელოსნები დაღვევენ ლუდს პირველად, მერე სოფლის ჭარი სხდება და იქაც მიაქვთ ლუდი; იმართება სმა, ილოცება მიცვალებულებისათვის.

ამავე დღეს იმართება თოფების სროლა. ყველა მიცვალებულის პატრონი გამოაცხობს „სათოფეს“. სათოფე თხელი და ფართე პურია. ზედ გადააკრავენ უბრალო ფართლის ნაჭერს. გაიტანენ ამ სათოფეებს თოფის სასროლად განსაზღვრულ მანძილზე და დააყენებენ ერთიმეორისაგან დაშორებით თოვლზე. ერთ ადგილას სათოფელი არის თავმოყრილი, თან თოფები აქვთ მოტანილი. კენჭისყრით დაიწყება სროლა. ვინც რომელ სათოფესაც მოარტყამს, ეს პურიც მას რჩება. რამე ჯილდო იქნება ამ სათოფეზე დაყენებული და იმასაც მას მისცემენ.

ჯილდოდ აყენებენ: ფესაცემელს, ჭლანებს, ან საფუხრებს (ხელთათმანები), ან წინდებს, ან თამბაქოს და მარილიც შეიძლება რამდენიმე კილო. მარილი უფრო იყო ღირს ჯილდო, რადგან აქ მისი შოვნა ძნელი იყო წინათ. თან სროლა არის, თან არაყი აქვთ მოტანილი მიცვალებულის პატრონებს და იმას სვამენ. ლუდი კი სროლის გათავებადვე ცალკეა შენახული. მერე დასხდება სოფლის ჯარი და იქ დაიწყებენ ჩვეულებრივად ლუდის სმას.

ბავშვებს დამზადებული აქვთ მშვილდ-ისრები. მშვილდს აკეთებენ ღვინის, შოთხის ან არყის ხისაგან, ისარს კი ეკლისაგან ფთეს დააკრავენ სამს, ვერშოკ-ნახევრის სიგრძეზე (ფთეს ეძახიან თბეს). თბეების წინ ისარს მშვილდის საბმის ჩასაჯდომი ჭდე აქვს. ამ ჭდეს ჰქვია „კილონი“, ფთეებიან ნაწილს „ყიანი“. ბოლოში კი რკინის ზროს უკეთებენ. მშვილდს „მუშის“ (ცაცხვის ხის ლაფანი) ან კანაფისაგან დაწნულ საბამს უდებენ. საბამი მშვილდს ერთს პირში მინასკვებული აქვს, მეორეზე კი შატად არის გადადებული. თუ უნდათ, საბამს ჩამოუგდებენ და მშვილდი გაიმართება. თუ უნდათ, ისევ შემოუგდებენ საბამს გოზაზე. („გოზა“ მშვილდის ერთ ნაპირს ჰქვია, გოზანი — ორივეს, „საჯელურა“ კი შუა ადგილს, რაზეც მსროლელი ხელს ჰკიდებს ისრის გასროლის დროს). იმართება მშვილდ-ისრით სროლა. მიცვალებულის პატრონს თუ ბავშვი ჰყავს მიცვალებული, მოაქვს „ვაცი“ და აყენებს, ე. ი. დგამს სამიზნედ ბავშვების ისრის სასროლველად. ცოცხალი ბავშვისათვისაც იციან ვაცის გამოცხობა, სამ-ოთხ წლამდე. დადგამენ ამ ბავშვის ზომა ვაცს მის სადღეგრძელოდ. უნდა იყოს სწორედ ბავშვის ზომისა, რამდენზეც ბავშვი ხელებს გაშლის, ვაცსაც ტოტები ექნება იმ სიგრძისა. ამას ჰქვია „საზომის ვაცი“. ბავშვები ადრევე კითხულობენ — წელს საზომის ვაცს ვინ გამოაცხობსო? ამ ვაცებზე ცოტა ჯილდოც იციან: ხელთათმანები, წინდები, სათამაშო კოჭები და სხვა.

ვაცებს დადგამენ თოვლში და დაუწყებენ კარგ შორი მანძილ-დან ისრების სროლას (ამას ჰქვია „ვაცაობა“). რომელ ვაცსაც მოხვდება ისარი, რჩება მას, ვინც მოარტყა. თუ შემთხვევით ორი მოხვდა,

ან რამდენიმე, მაშინ ინაწილებენ ვაცსაც და ჭილდოსაც. მოხვედრილად არ ითვლება, თუ ისარი არ ჩაერჭო ვაცში.

ჯერ შორი მანძილიდან ესვრიან, როცა მოსწყყინდებათ, თანდათან მიუახლოვდებიან და ახლოდან დაუწყებენ სროლას. ბოლოს სროლასაც მორჩებიან და მიაქვთ სახლში ვინც რა მოიგო. ამ დროს ოჯახში ამზადებენ „დოხანს“ და მიცვალებულებისათვის შანდობას ეუბნებიან (წანდილივით მოხარშავენ თუ აქვთ სიმინდი ან წმინდა პური, ცოტა ლობიოსაც გაურევენ და ეს არის დოხანი. ლობიო, სიმინდი და წმინდა პური აქ არ მოდის. საგანგებოდ უნდა მოიტანონ სადოხნედ საიდანმე. თუ არცერთი არა აქვთ, დოხანს „სვილისას“ ადუღებენ). აცხოვენ წვრილ პურებს, ვაცებს, მარტულელებს, ლავაშებს, ხმიადებს. ყველა მათგანი სხვადასხვა ფორმისა არის. დააწყობენ ტაბლაზე, აავსებენ დოხნით ჯამებს, ჩადგამენ შიგ „ჭიტურაებს“ (მრგვალთაფიანი ღრმა საწვინე კოვზები), ტაბლაზე რამდენიმე ადგილას მარილს დააგროვებენ და დიასახლისი „სახელს დასდებს“, ე. ი. შენდობას ეუბნება: „ღმერთო, დიდება შენდა, ღმერთო, მაღლი შენდა, ღმერთო, უშველი ჩვენს ბეჩაობასა-ღ ჩვენს ხიზანს. ღმერთო, ბევრ სულთაყრეფა მშვიდობისა, კარგა ყოფისა მაგვეგვარი, სადაც თქვენ ხართ, ჩემო დედამთილ-მამამთილნო, ჩემო, დედ-მამანო, თქვენებ შვილები, შვილის შვილები-ღ, თქვენ დიდი წვრილი ას, თქვენ ანდაბიღ, თქვენ მიმყოლ-მამყოლი ას, ეს ტაბლაიც-ღ ეს ჯამებიც თქვენსამც წინ ას, თქვენსამც ნებას ას, კელსამც ვახკრავთ, კალთასამც გაიხვევთ, თქვენიც საკმარი ას, თქვენიც საგძალი, ნუმცარა დეგალონებსო, პირწაღმამც შამახოლო, კარმც მღე დაგხვდებისო, საკვამიმც სინათლიანი. რაველაც ჩვენ გვექჩერების, ისრამც თქვენ გეკმარებისო, თუ ვინ მაგყვებოდასო-ღ მაგბრუნევედასო, სიძე-ცოლეულ იყოსა, დობილ-ძმობილი იყოსა, მაკეთე-მაკიდული იყოსა, ჩვენ ვერ ვგონობდათა, შანდობას მაველოდას, ოჯრის სულმკვდარ იყოსა, თქვენითამც ნებითამც მისცემათა გაცემთ, მანდაურის წესითა, სამართლით. ძალითამც ნუ ვინ გაპაგეკიდებისო, ეემ სითბოთა, სინათლითამც მაგიოსო. ცოტა დიდადა-ღ რიოშ წმიდადამც მაგიოსო, ნუმცარაით დალონდებით. შაგინდასო ღმერთმა, ქრისტიანობის გამჩენმა“. შემოუტარებს ასტამს გარშემო სამჯერ და მიაჯახებს ტაბლაზე (ასტამი: მოკაული წვრილი რკინის ხელსაწყო, რომელსაც ქვეცხლთან ხმარობენ ნალვერდლის და ნაცრის გამოსახვეტად), მერე გადმოდგამს ტაბლას და ჭამენ პურს. ბავშვები წაიღებენ ვაცებს, მარტულელებს ან ლავაშებს და ამითი თამაშობენ მთელი დღე. დადგამენ ამ პურებს და ისრებს ესვრიან. ვინც რომელს მოარტყამს, მას რჩება. დოხანს კი ვისაც სურს, ისე შეჭამს. ამის შემდეგ ქალები თავს იყრიან ახალი ჭირისპატრონის სახლში. შეიძლება მიცვალებულებისათვის ხარჯები სხვებსაც ჰქონდეთ, მაგრამ ბოლოს მაინც

ახალ კირისპატრონთან უნდა მივიდნენ. ქალებს ეკუთვნის ეს სულის დღე და მამაკაცები დიდ მონაწილეობას არაფერში ღებულობენ. მხოლოდ სათოფეებთან სვამენ არაყს. მერე სოფლის ჯარი დასხდება აქ და დალევენ. ქალები მკვდრის ტალავართ გაშლიან და დაიწყებენ ჩვეულებრივ ტირილს. ჯერ ყველანი დასტირიან ტალავართ, მოთქვამენ თავისებურად, ბოლოს კი კმით მოტირალი იტირებს.

გამოცხობილ ხშიად-ლავაშებს მოიტანენ, დააწყობენ და ერთი ხნიერი ქალი შენდობას ეტყვის მიცვალებულს. შენდობა ისეთივეა, როგორც ზემოთ მოვიყვანეთ, ოღონდ ბოლოს სთხოვს მიცვალებულს, რომ „მეინესავ ენა ჩაუდევით-დ აუბნევ“. ამას მესულეთეც ხედავს ყველაფერს, დაიწყებს მოქნარებას, მოუმატებს თანდათან. ქალები გაჩუმებული სხედან. თუ მალე არ დაიწყო სულეთობა, გავლენ, ძალი ხომ არსად არისო (ძალი თუ ახლოა, ვითომც სული გაშინ არ მოვა), კარებსაც ღიას სტოვებენ, რომ სულელები ადვილად შემოვიდნენ. ქალებიც გაჩუმებულნი არიან და ელოდებიან სულეთობას.

ბოლოს მესულეთე ქალი (მესულეთე ყოველთვის ქალია) ხელებს „დააშატებს“ ერთმანეთს (ე. ი. თითებს თითების შუა გაუყრის), დაიწყებს ორივე ხელით გულზე ცემას და დაიწყებს სულის ენით ხმამალალ ყვირილს, ვითომ ახლა ამქვეყნიური აღარაფერი იცის, სულელებთან არის გართული და ისინი აღაპარაკებენ. აქ მინდა ერთერთი ნასულეთარის ისტორია გაეხსენო. მსოფლიო ომის დროს ერთი ჯარისკაცი გიორგა გიგაური დაიკარგა ს. კვირიწმინდიდან და ყველას მკვდარი ეგონა. რაღაც სულის დღეობა იყო და სრულიად მოულოდნელად ერთმა მესულეთემ ისულეთა გიორგას ენით:

თქვენ ქვე რა იცით სამზეურთაო,
აქ რა წესია ჭულეთშიაო,
ტყვიით მკელული, შამნიანო (სისხლიანი)
ახლა ორ ციხის ზეთაღლიაო.
ზარბაზნის ტყვია მამახვედრესო.
გამანავაბრა ძონძივითაო,
ტვინი მინდორზე დაითხივაო.

ასეთები მოაყოლა მესულეთე ხოშექამ. ამას აპყვა მეორე მესულეთეც და დაამტკიცეს, რომ გიორგა მოკლულია ავსტრიელების ზარბაზნის ტყვიით. გიორგის აქ პყავდა ორი ვაჟიშვილი პატარები და ცოლი. ცოლმა დაიჯერა, რომ მისი ქმარი ნამდვილად მოკლეს და დაამზადა ხარჯები. ხევსურეთში მკვდრის ხარჯი დიდი ზარალია და არ შეიძლება ოჯახი წელში არ გაწყვიტოს. ამ ქალმა მძიმე ხარჯები გადაიხადა, მიცვალებულისათვის ცხენიც იყიდა და „დააკურთხევია“ (ცხენს შეეკმაზავენ, აპკიდებენ ხურჯინს ლუდიან-არაყიანი ტიკებით და პურით, აპკიდებენ მიცვალებულის ტანსაცმელსაც, ე. ი. „ტალავართ“,

დააკრავენ უნავგირის ტახტზე სანთელს და სულის ხუცესი მიცვალებულისათვის შენდობას ეტყვის ცხენს თავის ბარგიანად). სულის ხუცობა ისეთივეა, ზემოთ რომ არის ნაჩვენები, მხოლოდ აქ ხუცობას რომ გაათავებს, მათრახს ცხენს გადაჰკრავს და იტყვის: „შენიმე საჯმარი ეს ცხენიც (მიცვალებულის სახელი), შენიმე საიალოი, ცხენიან ამხანაგთაშიამც ზდგეხარ, უცხენოთაშიამც ნუ იქნები“, ასევე იძუორებს თუ ცოლი ჰყავს ან დედა, იგიც. ცხენს მათრახს გადაჰკრავს და ისიც შენდობას ეტყვის: მათი წარმოდგენით მკვდარს საიქიოში ცხენი ეყოლება და სადაც დასკირდება, ცხენით წავა. ეს წესები იმ ქალმა ყველაფერი შეასრულა. ხარჯების დროსაც კიდევ ისულებთა ერთმა მესულეთემ, რომ მე — გიორგა, ზარბაზნის ტყვიამ გამანადგურაო, საიქიოში კარგადა ვარ, მხოლოდ ცოლი მებრალბდა, რომ ორი ობოლი დარჩაო. დიაცო, გთხოვ, ობლები არ დამიწირო (დამიტოვო) და არ წახვიდო. ასეთებით დარწმუნებულმა ბუბამ (ბუბა ერქვა ამ ქალს) მიცვალებულისათვის აღარაფერი დაიშურა, შვილებისა და თავისთვის კი აღარაფერი დარჩა. გაღარბდა, აქ რომ აღარ შეეძლო ცხოვრება, კახეთში მზალი ჰყავდა, იქ წავიდა და მას მიეკედლა. მთაში გაზრდილი ქალი სწორედ იმ დროს ჩავიდა კახეთში, როცა ბევრი ხილი იყო შემოდგომაზე, ხილმა აწყინა, ავად გახდა და მოკვდა. დარჩა ორი პატარა ვაჟი. სინამდვილეში მისი ქმარი ავსტრიაში ტყვედ ყოფილიყო. როცა იქიდან ტყვეები წაშოვიდნენ, ისიც თან გამოჰყვა. არ იცოდა, თუ მისი ცოლშვილი კახეთში იყო გადასახლებული და მიეშურებოდა ხევსურეთში არხოტისაკენ. ხევსურეთის ქალაზე შეხვდა კაცი, რომელმაც უთხრა — შენი ცოლშვილი არხოტში აღარ არის, კახეთში გადასახლდნენო. დაბრუნდა გიორგა და წავიდა კახეთში. რომ ჩავიდა, ცოლი სამი დღის დასაფლავებული დახვდა. გამწარდა კაცი, მოინდომა ოჯახის დანგრევითვის იმ მკითხვებისთვის პასუხი მოეთხოვა, მაგრამ მეზობელ-ნათესავებმა სთხოვეს და დაათმობინეს. ის მკითხვეი კი თავს იმართლებდა: ვილაცა მიცვალებულმა გააჰქილიკაო (გაქილიკება დაცინვას ჰქვია. ვითომ ვილაცა სხვა მიცვალებულმა ათქმევინა ეს სიტყვები და მასხრად აიგდო).

ასეთი მაგალითები სხვაც ზდება. სულელები აძლევენ დარიგებას ბიძაშვილებს სამტრო-სამოკეთო საქმეებში, ოჯახს საოჯახო საქმეში. მახსოვს, ერთხელ რაღაცა ხარჯები იყო, ერთი ჩემი მთვრალი ბიძაშვილი ესწრებდა. მან ისე მოაწყო საქმე, რომ მესულეთემ სულეთობა დაიწყო. ერთ-ერთი ჩვენი ბიძაშვილი, რომელიც ახლად გარდაცვლილი იყო, ამ ცოცხალს მესულეთის ენით ეუბნებოდა — მე ჩვენს გვარში შენი იმედი მაქვს და სხვისი არავისო, ჩემს ოჯახს შენს გარდა ყურს არავინ უგდებსო. ამ ყვირილზე მე შემთხვევით შევედი იქ. სადაც ეს ამბავი იყო. ისხდენ სულგანაბული ქალები და ტიროდნენ.

ჩემი ბიძაშვილი ძალიან მთვრალი იყო და მიცვალებულის ლაპარაკზე მასაც ცრემლი ჩამოსდიოდა; მესულეთე რომ ამ სიტყვებს იძახდა, თვალები დახუჭული ჰქონდა და ჩემი შესვლა ვერ გაიგო, გარდაცვლილი ბიძაშვილის ოჯახს ჩემი იმედი ამქვეყნად სულ გადაუწყვიტა; მე არ წყალობდა. რადგან ახალგაზრდობაში მკითხაობაზე დავცინოდი და ძალიან ვაჯავრებდი. ჩემმა ბიძაშვილმა კარგა ხანს უსმინა, მეც იქვე ახლოს დავჯექი და ყურას ვუგდებდი. ჩემ ბიძაშვილს მოსწყინდა ყურისგდება და გარეთ გამოვიდა. მესულეთემ შემთხვევით თვალები გაახალა და ჩემი ბიძაშვილის ნაცვლად მე დამინახა. შერცხვა, დახუჭა თვალები და უცებ დაიწყო ჩემზე ლაპარაკი — ვითომ მიცვალებულებს ჩემი იმედი უფრო ჰქონდათ, ვიდრე სხვებისა, რომ მე ჰკვიანნი ვიყავი და უფრო ჰკვიანურად დავარიგებდი მათ ოჯახს. სულეთობა რომ გაათავა, მიართევს ლუდი, დააღვეინეს და პირიც დააბანინეს. დამიწყო ლაპარაკი თავისი შეცდომის გამოსასწორებლად. კიდევ კარგი. შემთხვევით თვალები აახილე და დამინახე, თორემ ლანძღვით მიწაში ჩამსკვამიდი-მეთქი. — ვუთხარი. ძალიან იწყინა. ზოგიერთი ხნიერი ჩვენი ნათესავი ქალები გამიწყურნენ: რას ეუბნები, განა ეგ თავისი ჰკვიით სულეთობსო, ზოგიერთები კი გარეთ გაცვივდნენ და სიცოცხლე იხოცებოდნენ.

ტირილი და სულეთობა რომ მოთავდება, ტალავართ აიღებენ ფარდაგთ და თავის ადგილზე დააწყობენ. მერე ქალებს დაუდგამენ სამარხვო სუფრას, რადგან მარჯვამი სხვას არ ლოცავენ. დაუდგამენ ჯამებით დოხანს და აჰმევენ ბურს. პირის პატრონი არაყს მოაყოლებს და დააღვეინებს ძალდატანებით ყველას. დასტურები ლუდს მოიტანენ საწლით და ამასაც დააღვეინებენ. გაიმართება სმა. ქალები ერთმანეთს ეუბნებიან — ერთადერთი ეს სულთაკრეფა გვაქვს საკუთარი დღეობა და დაღიეთ. აქედან დაპატიებენ სხვა პირის პატრონებიც და ახლა იქ იმართება ასეთი ამბები.

მამაკაცები ერთ ჰერხოში სხედან და სვამენ ლუდს. ლუდი მოაქვთ ჯვარიდან. ქალები ხანდახან ხუმრობით ეუბნებიან, რომ ჩვენი საკუთარი დღეობა არის და თუ მოვინდომებთ, თქვენ — კაცებს — არცვი დაგაღვეინებთო.

სერთოდ სვესურეთში მიცვალებულების საქმეებზე ზარკი, დღეობა, სულეთობა, ტირილი და სხვა ქალების ხელში არის.

მ გ ე ლ თ უ ჰ მ ი

„თავგ-ჩიტო უქმის“ შემდეგ მოვა „მგელთ უქმი“ შაბათი დღე სულთაკრეფის სწორზე. ამასაც ძალიან ინახავენ. მგელთ უქმი დაღვა — წინა დღითვე, საღამო ხანზე, დაიწყებენ უქმობას. ამზადებენ

ბატიბუტს (ბიჭონს). თუ ეს უქმი ვინმემ არ შეინახა და მგელმა რამე მოუკლა — ძროხა ან ცხვარი, რა თქმა უნდა, ცრუმორწმუნე ხალხი დააბრალებს ამ უქმის არშენახვას. მგლისათვის პირის შეკვრაც იციან: აიღებენ ცხერის საპარსავ დუქარდს, დაახვევენ ძაფს და შეკრავენ ამ სიტყვებით: „მგელო, პირი შავიკარი, ჩემი საქონისკე მომავალს პირიმც შაგეკვრის, რომ ჩემს საქონს მიუახლოვდები, ნუშცალ გექნების პირის გაღების ნებაი, ჩემის საქონის დაზარალებისა“. ამის შემდეგ სჯერათ, რომ მგელი ველარაფერს მოუკლავთ.

მგელთ უქმზე სხვა შესანიშნავი არაფერია.

მ ა რ ხ ო შ ო ბ ა

მგელთ უქმის შემდეგ მოდის „მარხოშუობა“ — მარხვის შუადღე. ეს დღე ოთხშაბათი უნდა იყოს; ამასაც ძალიან მტკიცედ ინახავენ. მარხოშუობას ხელს არავინ გაანძრევს, სწამთ, რომ ამ დღეს რასაც გააკეთებენ, ორად იყოფა და პატრონი ნახევრის მცტს ვერ ისარგებლებს. აგრეთვე, თუ შვილები ჰყავს და უქმი გატეხა, შვილებიც ორად გაეყოფა და ნახევარი დაეხოცებაო. ამიტომ ამას ეძახიან „ხელუძრავ უქმს“. მარხოშუობას თუ ფრჩხილი მოიჭრა, ფრჩხილიც კი ორად გაყოფილი უყოფაო.

ქალები ან დღესაც ტალავარს შლიან და ტირიან მიცვალებულეშს. შათ პირის პატრონი გაუმასპინძლდება, როგორც სულთაკრეთვას, ისევე ახლაც დონხით და არაყით. აქვე ხდება ხმით ტირილი, სულეთობა და სხვა. ამ დღეს ლუდი არ იციან. ჯვართან კავშირიც არაფერი აქვთ.

კ უ დ ი ა ნ წ უ ხ რ ა

ამის შემდეგ მოვა „კუდიან წუხრა“. შოდის აღდგომის წინა ხუთშაბათს. აღდგომას ხევსურები „ავესებას“ ეძახიან. კუდიან წუხრა რომ მოახლოვდება. ბავშვები მოიტანენ ბლომად ეკალს, დაარტობენ ყველგან თავისი სახლის მიდამოებში — საკომში, კარების თავზე, სანაგვეზეც კი. ეს იმის ნიშანია, რომ ეშმაკი ეკალს ველარ მიეკარება და ველარაფერს დაჰპატრონდება. ბავშვები მოიტანენ აგრეთვე ეკლის ოკებს. (ოკი ჰქვია ისარს, რომელსაც ჯერ ფრთები არა აქვს დაწებებული). ოკებს თითო ბავშვი დაამზადებს ორმოც-სამოცამდე. დაამზადებენ აგრეთვე ცეცხლის დასანთებ ნეშომპალას და ხუთშაბათი რომ დაღამდება, ყველას კარზე დაუნთება ცეცხლი, ამას ჰქვია „ჰიავაკოლობა“. ცეცხლს რომ დაანთებენ, ოკებს ჩააწყობენ ძირებით ცეცხლში და შოუკიდებენ. ცეცხლიან ოკებს ისვრიან მშვილდებით და იძახიან:

„გრძობი გრის კუდიანთა, თავისა შასვითა, შაქამეთ“ ვითომ: კუდიანებო, ჩვენი არაფერი წაილოთ, თქვენი შესვით და შექამეთო.

კუდიანები, მათი რწმენით, არიან ეშმაკები. ასეთები ადამიანებიც არიან. ხშირად იყო, რომ ვინმეს ძრახავდნენ — კუდიანი არისო. უფრო ქალზე იცოდნენ, შვილები თუ დაეხოცებოდა — თვითონ გამოღვიძლდა, ეგ ვის შვირჩენს, ყველა ამოუწყდებაო. კუდიანი წყალში უნდა ჩასვა და თითის ოდენა გამკვირვალე კუდი გამოუჩნდებაო. კუდიანი ქალია ან კაცი (ქალები უფრო ბევრნი არიან კუდიანები), თუ გატყდა და სახალხოდ თქვა: „გავტეხილვარ, კუდიანი ვარო“ — მაშინ აღარ დარჩება კუდიანად და პატიოსანი ადამიანი იქნება. თუ ვინმეს კუდიანობაში ექვი ეპარებათ, ცხვრის საპარსავ ღუქარდს წვერით მისცემენ — ხელს ვერ მოკიდებს და გატყდებაო. გამიგონია, ვიღაცის კუდიანობაში ექვი ეპარებოდათ და ნათესავეებმა წყალში ჩასვესო. კუდიანები ვითომც ზალხის საშინელი მტრები არიან, ადამიანებს ისე მოუწყობენ საქმეს, რომ ან თავს მოაკვლევინებენ, ზვავით, წყლით, ან ქვით თვითონ მოკლავენ. კუდიან წუხრას ყველას ეშინიან კუდიანებისა და ველარ გადიან სოფლის გარეთ. ამბობენ: კუდიანები კუდიან ღამეს არხოტის მინდორში მიდიან, ყველანი იქ იყრიან თავს. შესხდებიან შავ კატებზე და თვალის დახამხამებაზე იქ გაჩნდებიანო. იქ მიმავალ ან მომავალ კუდიანს თუ შეხვდა გზაზე ვინმე, მისი საქმე ცუდად არის — გამოღვიძლავნო, — ვითომ ღვიძლს გამოაცლიანო. ამიტომ ერიდებიან ადამიანები ამ დღესა და ღამეს სიარულს. იტყოდნენ: ერთმა ქისტმა თქვა — ღამე ვიწექი და ღნავილით შავი კატა მოდიოდა ჩემსკენ. რომ მომიახლოვდა, დამბაჩის ჩახმახი ჩავარტყი თავში და მეორე დღეს ის დედაკაცი აღმოჩნდა თავგატეხილი, ვისზეც კუდიანობაში ექვი გვეპარებოდა. მერე გამოტყდა თავის კუდიანობაში და ჩვეულებრივი ადამიანი გახდა. გამოტეხის შემდეგ მან ბევრი რამ ილაპარაკაო: ერთხელ ერთი კაცის მოკვლა გვიხდოდა ზვავით, ვიცოდით საზვავე მთაზე რომელი გზით უნდა წასულიყო. წავედით კუდიანები და საზვავე ადგილებზე ბალახები დავარტყვეთ, როგორც მთაში ზამთარში ხმელი ბალახი იცის — რომ მოვა ის კაცი, ბალახს ნახავს და საზვავე თოვლი არ ეგონებო. შედგება თოვლზე, ზვავი გაუტყდება და მოკვდებაო. მოვიდა ის კაცი. ჩვენ იქ უხილავად ვიდექით და ვუყურებდით. ის კაცი ძალიან იღბლიანი ყოფილიყო და ჩვენს ძალას იმის იღბალმა აჭოობინა, ბალახები ნახა, მაგრამ მაინც არ მიენდო და თოვლზე ფეხი არ შედგა, ზელში ექრა არგანი (ჯოხი) და თოვლს სიღრმე იმიოი გასინჯა. არგანი რომ თოვლში ღრმად წავიდა, თქვა: დიდება შენდა ღმერთო! თოვლი ღრმა არის და ეს ბალახები როგორღა ამოვიდაო. ახსენა ღმერთი თუ არა, გატყდა ზვავი, წავიდა მთელი არე-მარის თოვლი, ის კაცი კი გადარჩა, რადგან იღბლით გვაჭობაო.

თუ მამაკაცი კუდიანი არის, იტყვიან — იმ გვარის საქმე კარგად წავა, ხოლო თუ ქალია, ვაი იმ გვარსა, რადგან კუდიანი ქალები დაუზოგავენბი არიან და ნათესაობას სულ გაანადგურებენო.

ამავე კუდიან წუხრას თოფების სროლაც იციან და ამითაც ეშმაკებს და კუდიანებს აფრთხობენ. შეეკატას თუ დანახავდნენ, რომელსაც თეთრი ნიშანი არსად ჰქონდა, მაშინვე დაიჭერდნენ და გახურებული რკინით პირსახეზე დაშანთავდნენ — დასწვავდნენ. პირშიც ჩაუღებდენ გაშანთებულ რკინას — კუდიანია და უნდა დაიშანთოსო. იტყოდნენ: ერთხელ ერთი კატა დაშანთეს სახეზე და მეორე დღეს იმ ქალს ჰქონდა პირისახე შეხვეული, რომლის კუდიანობაშიც ეპარებოდათ ეჭვი.

ამავე კუდიან წუხრას იციან „მესმინაედ“ დაჯდომა ან „სმინაობა“. კუდიან ღამეს მესმინაედ შორს საღმე დაჯდება კაცი იმ მოსაზრებით, რომ კუდიანების და ეშმაკების ნაუბარს გაიფონებს. ეშმაკები ილაპარაკებენ ყველაფერს, რაც ვის დაეპარებოდა: ვინ როდის მოკვდება, ვის რა ზარალი მიუცემა და სხვა. პირველად რომ მოვლენ ეშმაკები, ის ძალიან უნდა გაშავდეს და არ გაინძრეს, თორემ დასწყევლიან და საქმე ძალიან ცუდად წაუვანო.

ერთი ჩვენებური კაცი, სახელად ჩაჩაური (მეტსახელად კრუას ეძახდნენ) მახსოვს, რომ მესმინაედ დამჯდარიყო. ერთი კიდეც ზენიტეოელი კაცი იყო — ოქია და ისიც იჯდა მესმინაედ. კრუას ნათქვამი მახსოვს: მე რომ წავედი, თან წავიღე ერთი თითისტარი და ნახშირი. რომ დავჯექი, როგორც დარიგებული ვიყავი, თითისტარით გარემემო დიდი წრე შემოვიხაზე და ჩემს გარემემო ნახშირიც გადაეყარეო. მოვიდნენ მრავალი ეშმაკები და დიწყეს ლაპარაკი. ჩემზე ამბობენ: ის რა გლია, შავად რომ არისო. ყუნჭია (კუნძი), მიდი და გადააგორეო. წამოვიდნენ ჩემს გადასაგორებლად, მაგრამ გავმაგრდი და არ გავინძერი. მოვიდნენ ახლოს, მაგრამ შემოხაზულს და ნახშირს ველარ გადმოვიდნენ. მერე თქვეს: რაც გლია, ზვავს წავალებინოთო. გამოუშვეს დიდი ზვავი, მაგრამ მე არ გავინძერი, მოვიდა ზვავი, მაგრამ შემოხაზულს არ გადმოსცდა. ასეთივე ლაპარაკით გამოუშვეს სპინელი წყალი. ამასაც გავუმაგრდი. მერე გამოჩნდა ვითომ მკბენარი, თითქმის შეკმას მიპირებდნენ, მაგრამ მაინც გავმაგრდი. მერე ერთმანეთს უთხრეს — ეს კაცი საიმედოა და არ გაგვცემს, ნება მივცეთ ჩვენს ლაპარაკს მოუსმინოსო. დაიწყეს ლაპარაკი, ვინ როგორი კაცი იყო, ვის რა მოელოდა, ვინ რამდენ წელიწადს იკოცხლებდა, ვინ ზვავით მოკვდებოდა, ვინ მტრის ხელით და ვინ თავის დლით. მერე დასწყევლეს ის ხალხი, ვისიც ჯავრი სჭირდათ. ბოლოს მეც დამწყევლეს — თუ მათი ნალაპარაკევი ვისმე ვუთხრაო. მე მაინც არ ვინძეროდი. ბოლოს თქვეს ჩემზე — ადგეს კრუა და შინ წავიდესო. მე შეშინოდა, ვერ ავდექი და

ვერ წამოვედიო. ის კი ვიცოდი, რომ ეშმაკები იმ მოხაზულის შიგნით ვერ შემოვიდოდნენ. თენებამ რომ მოატანა, ზმა აღარ იყო, ეშმაკები და კუდიანები სადღაც წავიდნენ. მეც ავდექი და გამოვიქცეო.

ხალხს ისეთი წარმოდგენა ჰქონდა, ვითომ კრუამ ყველაფერი იცოდა. რაც მოხდებოდა და ვის რა დაემართებოდა. ბევრჯერ კრუას დაათრობდნენ და ცდილობდნენ, მთვრალს რამე ელაპარაკა, მაგრამ მან მთვრალმაც და ფხიზელმაც არაფერი იცოდა და ვის რას ეტყოდა. კარგი მასალა კი ჰქონდა თავის გასამართლებლად — ლაპარაკის ნება არა მაქვსო. ერთხელ ერთი კაცი გადაეკიდა მთვრალს: მითხარი, როდის მოვეკვდებიო. კრუამ უთხრა: მე როცა კარგად დაგიწყებ მოქცევას, მაშინ მოკვდებიო. მერე ის კაცი ჯარში წაიყვანეს (მაშინ ხევსურები მიჰყავდათ ჯარში). იმ დროს ვინც ჯარში წავიდოდა, ყველას ებრალებოდა, რადგან მაშინდელი ჯარისკაცი იცოდენ, რომ ცუდ მდგომარეობაში იყო. თანაც მთაში აღზრდილ კაცს სადღაცა შორს გზავნიდნენ და უცხად ჰაერის და პირობების შეცვლაც მათზე ცუდად მოქმედებდა, ცოცხალი ბევრი აღარ ბრუნდებოდა. ამიტომ წამსვლელს ყველა კარგად ექცეოდა. რა თქმა უნდა, კრუაც კარგად მოექცეოდა, რადგან მისი მეზობელი და ნათესავიც იყო ის კაცი, რომელიც ეკითხებოდა, როდის მოვეკვდებიო. ის კაცი ჯარში მოკვდა და მერე ხშირად გავიგონებდით: „აი, კრუას ნათქვამ რაველ გაუცხადლ გიგიას, სალდათში წასვლაში რავე კარგად ექცეოდა და მოკვდა კიდევ იქო“. კრუაც თავს ისე იჭერდა, ვითომც მართლა ასე იყო.

კუდიან დღეს „სახუთშაბათოს“ ეძახიან. ცოტა ლუდი აქვთ — ერთი ჩხუტი. ამას იხუცებს ხუცესი ჩვეულებრივი წესით და ჯვარიონნი სეაჟენ.

ა ჯ ვ ს ე ბ ა

კუდიან წუხრის შემდეგ მოვა „აჯვსება“. აჯვსება წუხრას ერთ-ერთი დასტური წავა და დიასახლისს მოიყვანს. დიასახლისს ჩვეულებრივად დამზადებული აქვს მასანთოები, ბოჭოლები და მუში. იმ წესით მოვა სადიასახლისოში, როგორც გიორგობის დღეობაში არის აწერილი. გაათბობს წყალს და დარეცხავს ყველაფერს, რაც აქ დასჭირდება სადიასახლისოდ. მერე აწყავენ ერბოს (აქ აქვთ გამოწყული ჭურჭელი, იციან, რომელ დღეობაში რამდენიც სჭირდებათ), ჩადებს ქვაბში (სახაიწე ქვაბი ცალკე აქვთ), აადულებს და გააკეთებს ხავიწს. ხავიწი რომ ცოტათი შეიყინება, ჩადებენ ჩანახში და კიდევ ამითი აწყავენ. ესეც გამოანგარიშებულია. რამდენი დამისთევა და უამისწირვა ექნებათ ამა თუ იმ დღეობაში, აწყული ერბოდან და ფქვილიდან რამდენი ჩანახი ხავიწი გამოუყათ. დააყალიბებენ ოდნავ შეყინულ ხავიწს. ამასო-

ბაში სულ გაიყინება და დაემსგავსება ყალიბში ჩამოსხმულ სანთელს. ხაეიწს დაამზადებენ დიასახლისი და ერთ-ერთი დასტური, დააწყობენ საამისოდ გაკეთებულ გრძელ ფიქარზე და შეინახავენ ცივ ადგილზე. ერთს კი დასტური მაშინვე ჩათლის სპილენძის ბაკანში ღამისამთელოსათვის. დიასახლისი წყალს გაათბობს, მოზელს ცომს და გააკეთებს ღამისამთელოსა და ხშიად-საკვირაობებს. გამოაცხობს ზედგანზე და მერე ნაცარშიც, ბოლოს გაბანს, დაჰკრეთილ გვერდზე გაპოხს ერთობი და დააწყობს ერთიმეორეზე.

დასტურები მოიტანენ განძს, გარეცხავენ ცივ წყალში და დააწყობენ დარბასში თაროებზე. ხელოსანი იღებს დროშის მასალებიან ტაგრუსს, ამოიღებს ვერცხლის ჯვარს, შუბებს, ბურთებს ვერცხლისას, აგრეთვე ხელსახოცებს. ამ დროს ხელოსანი ხმას არ იღებს, მხოლოდ პირველად შეეხვეწება ჯვართ, რომ ნურაფერზე გამიწყრებითო, მერე იღებს დროშის ტარს და ხელსახოცს ერთი კუთხით მოახვევს მის წვეროზე, ჩამოაცვამს ზედ ვერცხლის ბურთსა და ჯვარს. მერე შეაბამს ჯვართან ახლო ერთ პატარა ზარს. ხელსახოც გადახვეულ მეორე დროშის ტარზეც ჩამოაცვამს ვერცხლის ბურთს და რკინის შუბს, მესამეზეც ასევე და ბოლოს ყველა დროშის ტარებზე შუა წელამდინ შეაბამს ჰრელ ხელსახოცებს და ბაღდადებს, დააწერს პირჯვარს და იტყვის: „დალოცვილნო მედროშავენო ანგელოზნო, ნურაით შამიციოდებთ, მიშეღეთ, ბორაყის ასხმაზე ნუ შამისაწყინდებთ“. აიღებს დროშას და ზარს აწკარუნებს, დარბასს შემოუვლის გარეშემო და გავა გარეთ. აქაც დარბასის კარს შემოუვლის და მივა დროშისათვის სპეციალურად გაკეთებულ ადგილზე. დააყუდებს საპივეს ერთად ცოტა გადახრით, მობრუნდება, დაიწერს პირჯვარს, მივა ჯვარიონთან, რომლებიც იქვე დგანან და ეტყვის: „წყალობა მაგიტანეთ მედროშაეთ ანგელოზთა“. „შენ იყოს მწყალობელი“ — უპასუხებენ ჯვარიონნი. ამ დროს გამოტანილია ღამისამთელო და დადგმულია იქ. ხუცესი შევა საკოდეში და მოსჭიჭავს ლუდს. კოდს გახსნის ჩვეულებრივად, როგორც ზემოთ არის ნათქვამი, ლუდს გასინჯავს და იქიდან სხვებსაც გადმოსცემს გასასინჯად. მერე გამოიტანენ რვლის ჩხუტათი ლუდს და შეუღებებიან ჩვეულებრივად ღამისთევას; სახუცო კოჭებების სმაში მღერიან ფეხზე ყველანი ერთად. ღამის თევის მოთავების შემდეგ დიასახლისსაც წაუღებენ კომ ლუდს და ერთ მეოთხედს ქადის ნაწილს. ჯვარიონნი თვითონაც ივანშმებენ.

დღეობა იციან აგრეთვე ჯაჭველში და მთიშეშავში. აქაც ლუდს ჩვეულებრივად დაამზადებენ და ღამისთევის წესებს შეასრულებენ. ჯაჭველში მიდის მთელი ოჩიაურებისა და ქაეთართ გვარი (ქაეთარნი არიან ნაროზაულები და იქიდან კიდეც ცალკე ქვეგვარად ითვლებიან). მთისვეშავში, ანუ მთიშეშავში მიდიან ცისკარაულები, მათი მეორე

უვარი არის ხარანი. ეს გვარები დამისთევას ესწრებიან და მთელი ღამის განმავლობაში სვამენ ლუდს. ამ სოფლის ბავშვებს ცალკე აქვთ დღეობა „მარიემწმინდაობა“ ანუ „ღედამარიემობა“. მარიემწმინდაობისათვის ბავშვები აღრიდანვე ემზადებიან. ისინი ერთადერთ საკუთარ დღეობას აღტაცებით ელოდებიან. ყველამ უნდა მიიტანოს არხოტის ჯვარში თითო ქული „ხიფხოლა“, ან ქართული თოფის ორი ტყვია. (ხიფხოლა არის მიწისვამლის მსგავსი ტკბილი ძირები, რომელიც მამულებში იცის, გაზაფხულზე თხრიან ბავშვები). ხიფხოლა უნდა გარეცხონ და ყოველმა ბავშვმა თითო სავსე ნაბდის ქული მიუტანოს ჯვარიონთ. ტყიდან უნდა მოიტანონ „გურჯინაის“ წნელი (გურჯინა არის წნელისაგან დაწნული ჩალით გატენილი გოდორი, ორივე მხარეზე უპირო, ე. ი. სულ ყველა მხარეზე გამოწნულია). გურჯინაის წნელს რომ მოიტანენ, თან თითო ილღია ჩალაც უნდა მოაყოლონ გურჯინაის გასატენად. ბავშვები, ვინც მისვლას შესძლებს, თოთხმეტ წლამდინ უნდა იყვნენ. გურჯინაის თითონ ვერ დაწნავენ, ვინმეს შეეხვეწებიან და იმას დააწნევენებენ. ბავშვები ეტყვიან: მარიემწმინდაში დაგამწყალობნებთო. სოფელში ერთი კაცი მაინც იქნება, რომ შეუსრულოს ბავშვებს თხოვნა და დაუწნაჯს გურჯინაის. მას გაავსებენ ჩალით, გაუჩრიან კეტებს, ასწევენ და აიტანენ გვერდულ მამულებში მალლა, რომ იქიდან კარგად დაგორდეს. იქ დადებენ, მეორე დილისთვის გაამზადებენ და წამოვლენ სოფელში. ყველანი მოიყრიან ერთგან თავს და დასტურ-ხელოსნობაზე ყრიან წილს. წილს ჩაუდებენ ყველას, ვინც შესძლებს დასტურ-ხელოსნობას და ძალიან პატარა არ არის. წილებს მოიჭრიან სწორი წვრილი წკებლისაგან და ყველას დაურიგებენ. ყველა დანიშნავს თავის წილს, ზოგს ისრის კილოს გაუკეთებენ, ზოგს ერთ ჭედს, ზოგს ორს და ჩაყრიან ქულში. ქული უჭირავს ერთ კაცს და აქნევს, რომ წილები ირეოდეს ერთიმეორეში. პირველი წილი ვისაც ამოუვა, ის იქნება ხელოსანი მარიემწმინდაში, მეორედ და მესამედ ამოსული წილის პატრონები იქნებიან დასტურები.

მარიემწმინდაობაში დასტურებს ევალებათ სალუდე ქვაბის მოტანა, ბაქნის მომზადება მორთმეული ხინკალ-ქადისკვერების ჩასაწყობად.

ხელოსანს ევალება ჯვარის მოტანა. ხის ჯვარი აქვთ, რომელზედაც „სათმეებია“ დახვეული (სათმეები შეწირულია ქალებისაგან, მძივებით გაკეთებული გრძელი და ჭრელი ზაწარი, რომელსაც წინათ თმაში იტანებდნენ). ხელოსანს აგრეთვე ევალება მართვა, გაძღოლა მარიემწმინდის წესებისა. დასტურებმავე უნდა იზოვნონ ერთი ჭერხო, რომ აქ გაათიონ ბაშვებმა ღამე. ვისაც ერგება დასტურ-ხელოსნობა, ისინი დიდ სიხარულს ეძლევიან და აღარ იციან, რა ქნან. მოსაღამოვდება და

ყველანი მოვლენ. თან მოაქვთ თითო იღლია შეშა და თითო ქუდი ხიფხოლა. ხიფხოლას ასწყავენ, ერთ ჭურჭელში ჩაყრიან და დასტური წაუღებს ჭვარიონთ. იქაც აწყავს ბავშვების რაოდენობის მიხედვით. ამავე დროს მოვლენ ბავშვების მელუდენიც, რომელთაც ჭვარიონნი ლუდს ჩაუსხამენ. ორი უფრო მოზრდილი ბავშვი ასწევს ლუდიან ქვაბს და მიიტანს თავის დამისთევამი, ჭერხოში სკამები წინასწარ აქვთ დამზადებული. დაწყობილია მსხვილი ხეები შუა ცეცხლის გარშემო. შუა ცეცხლს ანთებენ თავიანთი შეშით, შემოუსხდებიან, დადგამენ იქვე გვერდზე ლუდიან საწედს, დააყენებენ ზედამდეგებს და დაიწყებენ სმას. მოაყოლებენ ერთი თასით და ყველას დააღვინებენ. იტყვიან სადღეგრძელოს. ზოგი თუ პატარა არის, ასე ხმამაღულდებლად დაღევს, რამდენის დაღევაც შეუძლიან. წესია, რომ სოფლიდან ყველა კომლმა მიუტანოს ან ხინკლები და ერბო, ან კეცეულები და ერბო. ზოგი იმ საღამოსვე მიუტანს, ზოგი დილით. ვინც მოიტანს, დაუძახებს: „საკვლევე მაძაქვ, დამამწყალობნეთო“. ან თუ დაინახეს, დაძახება აღარ დასჭირდებათ, თვითონ დაამწყალობნებენ; ყველანი ფეხზე წამოიშლებიან და რაც გინდა შორს დაინახონ, დაიწყებენ ყვირილს, ვიდრე არ მოვა იქამდინ. დამწყალობნება არის ასეთი: „ღედამარიემო, შენ სწყალობდი ჩვენს გამკვლევს (საკვლევი ჰქვია მიტანილ ვახშამს, ან სადილს), მაგათ ვარსა, ფურსა, გუთანსა, ჭარის ნაცნავსა, ფურის ნაწველს“; მას იმეორებენ დიდხანს. იმ საღამოს მიტანილს ბავშვები ჰამენ; დასტურები უნაწილებენ — ხინკალია, კეცეული თუ ერბო. ლუდი თუ დააკლდათ, კიდევ წავა მელუდე და მოიტანს. თვითონ ბევრს არ სვამენ, ვინც საკლავს მოუტანს, იმას კი დააღვინებენ და ამიტომ უთავდებთ.

იმ დამეს სულ თეთრად გაათენებენ, ხანდახან ჩხუბიც მოუვთ, მაგრამ ჩხუბი ჭვარიონთაგან აკრძალული აქვთ და „სარბევის“ შიშით არ ჩხუბობენ. დილაზე, თენებას რომ დაიწყებს, წაგლენ ჩალით გატენილ გურჯინებთან. თენებაზე ჭვარიონნიც არხოტის ჭვარში უამს სწირავენ და უამისწირვის ზარსაც რეკენ. ბავშვებიც მზად არიან და ზარის ხმას რომ გაიგონებენ, წაუკიდებენ ცეცხლს გურჯინის და როცა კარგად აინთება, გამოუწეებენ — გამოაგორებენ საკმაოდ სიმაღლიდან. ატყდება ბავშვების ყვირილი, კივილი, სირბილი. თვითონაც გამორბიან ქვევით. გურჯინაი აპრილებულია და შორიდან საინტერესო სანახავია — შეკრული ცეცხლი მოგორავს, თან გზადაგზა ცეცხლიანი ჩალა იბნევა და გოდორს ცეცხლის კვალი მოსდევს. ჭერ კიდევ სიბნელეა და ცეცხლის სინათლეზე დაინახავთ, რომ ბავშვების გუნდი გამორბის. ასე ჩამოვლენ ჰალაში. გურჯინაი დაიწვება. რაც დარჩება დაუწველი, ქვებს დააყრიან და ჩამარხავენ. თუ დარჩა რამე, შეარისხებენ — ვინც აქედან წაიღოს რამეო.

ამის შემდეგ მოვლენ ისევ იმ ჰერხოში, სადაც ადრე იყვნენ. აიღებენ ღარჩენილ ლუდს, ბაკანს და წავლენ მარიემწმიდაში. მარიემწმიდა ჰქვია ადგილს სოფლის თავზე, რომელიც ქვეით არის შემოღობილი და ზედ შემოწკრივებული აქვს ჯიხვის რქები. მიიტანენ შემას, დაანთებენ ცეცხლს და დასხდებიან. გათენებიდანვე იწყებენ სოფლიდან საკვლევის მოტანას. სოფელს პატარა წყალი ჩამოუდის გვერდზე. საკვლევის მომტანი იმ წყალს რომ გამოცდება, ბავშვები ზედავენ და დაუწყებენ დამწყალობნებას; „დედამარიემო, შენ სწყალობდი ჩვენს გამკვლევსა, მაგათ კარსა, ფურსა, გუთანსა, კარის ნაჯნავსა, ფურის ნაწველსა“. ყვირიან ამას ყველანი რაც ძალი და ღონე აქვთ. მიძსვლელს ჩამოართმევენ საკვლევს და ლუდს დააღვივებენ. მიტანილს თავის ბაკანში ცლიან, დასტური საქმელს გაუნაწილებს ბავშვებს. როცა ჰურჭელს უბრუნებენ და სახლისაკენ წავა საკვლევის მომტანი, მაშინაც ატყდებიან და ვიდრე იმ პატარა წყალს არ გადავა, სულ ამწყალობნებენ. ბოლოს საკვლევის მოტანა მოთავდება. თუ ვინმე დააკლო, ვაი იმის მოსმენას, ისინი რომ ბავშვების რისხებას გაიგონებენ. ბავშვები დადგებიან გორაზე და ააგორებენ ქეებს. მათ იციან, ვის რა ფერის ძროხები ჰყავს სოფელში. ვინც საკვლევი არ მოუტანა, იმის ძროხების ფერის ქვას გააგორებენ და დაიძახებენ: „დედამარიემო, რისხეავდე და გადაუგდე კლდეზე ესა და ეს ძროხაო“, სახელსაც იტყვიან. სწორედ იმ ფერის ქვას დააგორებენ, რომელი ძროხაც ამ ოჯახს საუკეთესო ჰყავს. ხალხს სწამდა, რომ ბავშვების შერისხება ძალიან ცუდია და ვერ გადარჩება ის ძროხა კლდეზე გადავარდნას, რომელსაც შეარისხებენო.

საკვლევის მოტანის დროს მოაყოლებენ თითო ჰრელ დაგრებილ, ან დაწულ გრძელ ბაწარს, რომელსაც შებმული ექნება თითო ან ოროლი დიდი მძივი (ამ მძივს „ლორღას“ ეძახიან, მთლიანად კი ამ ბაწარს „სათმე“ ჰქვია, რადგან წინათ ხევსური ქალები თმებს ექვს ცალად იწნავდნენ და შუბლზე იხვევდნენ, თმის წვერებში სათმეები ჰქონდათ დატანებული. სათმეები გრძელი იყო, თავზე იხვევდნენ და ამითი ამაგრებდნენ თმას). სათმეები დახვეულია ხის ჯვარზე, რომელიც მარიემწმიდაში აქვთ და ხელოსანს აბარია.

ყველაფერი რომ მოთავდება, ბავშვები გაიყოფენ ნარჩენ ხინკლებსა და კეცეულებს. დასტურს ეძლევა მეტი ორი ხინკალი, ხელოსანს სამი, ერბოსაც, რომელიც ჯამშია დაგროვილი, ყველანი გაიყოფენ და წავლენ თავიანთ სახლებში.

ასეთივე დღეობა იციან სოფ. ამღაში ბავშვებმა, მხოლოდ ისინი ლოცულობენ თეთრ გიორგის და ესე ამწყალობნებენ საკვლევის მომტანს: „სწყალობდი, თეთრო გიორგიო, ჩვენს გამკვლევსა, მაგათ კარსა, გუთანსა, კარის ნაჯნავსა, ფურის ნაწველსა, კარის კისერსა, ფურის

ძეძუსა“. მოაქვთ ასეთივე საკვლევი, ოღონდ მათ პატარა დროშაც „ჰყავთ“. დანარჩენი ჩვეულებრივად იციან.

მარიემწმიდაში ამლაშიც და ახიელშიც მიდიან მარტო ვაჟები, გოგონები მონაწილეობას არ ღებულობენ. ჯვარში კი დილას ჟამისწირვა იქნება ჩვეულებრივ, მეზღვნეებიც მიდიან აკვსებას, რადგან ახლა მოგებულია ხბოც და ბატკანიც და საკლავის შოვნა აღვილია.

ხარათ და ოჩიაურთ თავისთვის ხომ აქვთ დღეობა, არხოტის ჯვარშიც ეძლევათ თავიანთი წილი ლუდი განსაზღვრული რაოდენობით. დათვლილი არის სოფელში რამდენი „მასმურია“ (მასმური ჰქვია აბალგაზრდას, თასის დალოცვას რომ შესძლებს, დაახლოებით მეთოთხმეტე წელში და ზევით. ამის მერე ის ყველაფერში მონაწილეობას ღებულობს: საჯვარო საქმეში, ხვნაშიც და მკაშიც. მასმურშიც ითვლება და დღეობის დროს სოფელში რომ არ იყოს, თავის წილ ლუდს სახლში უგზავნიან). გამოანგარიშებული აქვთ ისე, რომ თითო ჯარის დასხდომაზე თითოს ხვდეს თითო კოში ლუდი. როცა ისე ნაწილდება ლუდი, რომ ხარათ თავისი მიაქვთ და ოჩიაურთ თავისი, სოფელი თავისთვის წაიღებს და ამას გაიანგარიშებს მასმურის მიხედვით. იციან, რამდენი მასმური რომელ მამაში (გვარში) არის და ისე აძლევენ ლუდს. სოფელი მაინც სულ ერთმანეთს პატყობს თავიანთ ჯარზე და ყველანი ერთნაირად სვავენ. ხარანი და ოჩიაურნი თავის ჯვარებში წაიღებენ ლუდს; სოფელში ვინც უღღობოდ არის და არა ჰყავთ თავის ჯვარნი, ისინი ირჩევენ ჰერხოს, მიაქვთ თავისი წილი ლუდი და იქ დღეობობენ. ერთი მეორეს ვინც დაპატიყებს, დაპატიყებული კაცი ლუდიან თასს წაიღებს და იმათ ჯარზე ვინმე მათ უფროსს დააღვეინებს. ისე ხელცარიელის წასვლა სირცხვილია.

სხვა განსაკუთრებული აკვსებას არაფერი აქვს. ისე კი ბევრგან იციან ჯვარებში აკვსება და ცოტა განსხვავებით.

აკვსების ახლომახლო ხანებში არის „ქვევრის აკვსება“. მას განსაზღვრული დღე არა აქვს, მხოლოდ ამ დღეობასთან უფრო ახლო ხანებში ხდება. ქვევრი არის შემოწირული არხოტის ჯვარისათვის ამლიონთაგან და იგი ჩაგდებულია მიწაში. საიდან და როგორ არის მოტანილი, ეს არავინ იცის. იციან მხოლოდ შემომწირველი. ქვევრი არის საკმაოდ დიდი მოცულობისა. ჩადის შვიდი ჩხუტი. მას არაყით ამ დროს ავსებს მთელი სოფელი. შეიძლება, თუ შეთქმულია აქვს და ნამკითხავარი, ერთმა კაცმაც გაავსოს, ამისი შესაძლებლობა თუ აქვს. ამგვები ქერძო კაცი დარწმუნებულია რომ, რაკი ეს მძიმე საქმე შესძლო, დიდი წყალობა დაემართება არხოტის ჯვარისაგან.

გამოაცხადებს სოფლის ჯარზე ხუცესი აკვსებას: დალოცვილი თავის წესს არ იყრის, ქვევრ უნდა აავსოთო, და დაუნიშნავს დროს. სოფელში შეუღდებიან საჩქაროდ საარაყეების დამზადებას; ყველა ცდი-

ლობს ქვევრში ჩასახმელი არაყი სხვებზე კარგი გამოხადონ და თავი ისახელოს, წყალობას მისცემს (ე. ი. დაეხმარება) არხოტის ჯვარი ერთ-გული სამსახურისათვის. გამოხდინან არაყს და მიიტანენ ჯვარში. იქ დაუძახებენ დასტურ-ხელოსნებს. ხუცესი სულ უბრალოდ მოიხსენებს მოტანილ არაყს სადიდებელთ ზახით: „ღმერთმა აღიდას შენ ძალი, შენ სახელი, მიქიელო მთავარო ანგელოზო. შენა სამთავროდ, შენად გასამარჯოდ ნაიკმარი ეს ჭიქა-ბარძიმი, სადიდებელი, შენ ქვევრის ამესებთად ახიელელთად ტახტის ყმათად ვალისა, ღალის მამკდელისად“ და სხვა. რომ მოიხსენებს, გასინჯავს არაყის გემოს და ქებით ცაში აიყვანს. ამნაირად, როცა ვინ მოასწრობს, მიიტანენ ჯვარში არაყს, იქ ერთი თიხის ჭურჭელი (დოქი) აქვთ და იმას აუხელებს ყველა კოშლი. იციან, რამდენი ჩადის ქვევრში და იმ ვარაუდზე არის აწყული. ხუცესი და დასტურები წაიღებენ ჭურჭლით არაყს, ახდინან ქვევრს და ჩასახმენ შიგ. ხუცესი ამბობს: „დიდებულო მიქიელო, შენ სწყალობდი ვალისა, ღალის მამკდელს“. მერე გამოვა და იტყვის: „წყალობა მაგიტანეთ ქვევრის მცავის ანგელოზისა“. თქვენ თავს სწყალობდას“, ეუბნება არაყის პატრონი. მერე დასხდებიან და დალევენ. არაყის მომტანს ისეთი ვარაუდით აქვს მოტანილი, რომ ვალიც მოიშოროს და ჯვარიონთან დასალევადაც იმყოფინოს. ჯვარიენები იხსომებენ, ვისი არაყი იყო კარგი და როცა ქვევრი გაიხსნება, მაშინ გამოაცხადებენ. ხუცესი გამოაცხადებს ქვევრი როდის გაიხსნება. ამ დღეს „ქვევრის დაძვრას“ უწოდებენ. დასტურის დაძახებაზე ყველანი მივლენ ჯვარში. მოიყვანენ ერთ სარიგო საკლავს და დაკლავენ. საკლავი თუ არ დაიკლა, ისე ქვევრის გახსნა არ შეიძლება. საკლავს ხუცესი ხუცობს ჩვეულებრივ და დაკლავს, დასტურები კი გაატყავებენ. ხუცობა რომ მოთავდებდა, ყველანი დაამწყალობნებენ ახიელელთ: „სწყალობდას ახიელელთ ტახტის ყმათ, საწადმართოდ მაგაიარასთ, მშვიდობით შავინახნასთ, ხალიზ მაგცასთ, ბალინჯი მაგაშორასთ, სიხარულად გაგიკადასთ სამსახურის შასრულებაი. თქვენ მაგცასთ წყალობა ყური მაყურებელს, მხვეწსად მხვეწს, კემწიფის კარის მლოცავს. ჯვარიონთ მაგცასთ წყალობა, თვალგული ნუ ვისა მაგრივასთ, ხუცესს ენა-პირ გიყურთხას, შაუწყენოდ, შაუცოდვრად შავინახას, დიდხანს გაგიყოლას“.

ამნაირად გაიხსნება ქვევრი. გამოიტანენ არაყს, დასხდებიან და დაიწყებენ სმას. აქ ძალიან მსმელი ხალხიც არის და ყანწებიც საამისოდ ბარაქიანია.

ერთხელ ჯარი ისხდა ქვევრთან, ამ დროს მოდიოდა ერთი კაცი არხოტის ჭალიდან და ჩირახი მოჰქონდა (ჩირახი: კვარი, ე. ი. ფიჭვის ძირები). იცოდნენ, რომ ძალიან უყვარდა არაყი და მოაბრუნეს ჯარზე. ის ჩვენი სოფლიდან არ იყო, მიდიოდა თავის სოფლისაკენ. მე მომცეს წყლით სავსე დიდი ჯიხვის რქის ყანწი, მოიყვანეს და ჩემს გვერდზე

დასვენს. მან იცის, რომ მე სასმელს ძალიან ცოტას ვსვამ და უკვირს, ამისთანა დიდ ყანწს ხელი როგორ მოგვიდევ. ვილაცის სადღეგრძელო მოიგონეს და ძალით ვითომ ალევინებდნენ ყველას. სადღეგრძელოს დატოვება არ შეიძლება — გადამეკიდნენ და წყლით სავსე დიდი ჭინვი დამაცლევინეს. მერე მას შეახვედრეს ეს ყანწი და არაყით აუვსეს. მან იუარა, მაგრამ ვინ მოეშვებოდა! ახალგაზრდობა და თან შეზარბოშებულები სიცილის გუნებაზე იყვნენ: ჯერ ალექსიმ დალია, ის სასმელს ვერ ეგუება და შენ რა გიჭირსო. აიღო და დალია ეს ამოდენა ყანწი. სხვა ყანწებიც ჰქონდა დალეული. ცოტახანს გამაგრდა და წაიქცა გრძნობადაკარგული. ასეთი ოხუნჯობა და სხვა მრავალი რამ იციან, ითვრებიან, რადგანაც ქვევრის არაყი ძალიან ჯანიანია და იშვიათად გადაურჩება დაუთრობელი კაცი.

ერთ დღეს სვამენ უფასოდ ახილულები, ერთ დღეს ამღივნები. ამღივნები იმიტომ, რომ ქვევრი მათ შემოუწირვთ, ახილულები კი როგორც ტახტის ყმები. ამ ორის დღის გარდა, მერე არაყი ფასზე იყიდებოდა. წინათ ერთი თუნგი აბაზი ღირდა და ამის მიხედვით პურსაც იღებდნენ. შემოსავალი ჯვარს რჩებოდა. თუ პირველად საკლავი არ დაიკლა, ისე არ შეიძლება არაყის ამოღება. რომელ დღესაც საკლავი დაიკვლება, იმ დღეს სულ ამოაქვთ სხვა ფასზედაც.

ერთი საკლავის დაკვლაში ამოუღებენ ორ თუნგ ლუდს. ტყავი და ხორცი ჯვარში რჩება. ისე მეზღვნიც შეიძლება იყოს მოსული, როცა ფასზე იწყება გაყიდვა, ყოველ დღე მიდის ხალხი და ქეიფობენ. საკლავსაც იშოვიან და დაკლავენ. ასე ატარებენ დროს.

ქვევრს ავსებენ აგრეთვე ბლოვლები ორ წელიწადში ერთხელ. ბლო არის პირაქეთ, ხევსურეთის სულ სათავეში. რაღაცით არხოტივნებს ენათესავეებიან, ჯვარსაც იქაურს ძალიან პატივს სცემენ და ლოცულობენ. როცა მთაზე გზა გადმოვა, ბლოში გამოხდინან არაყს, ჩაასხამენ ტიკებში, მიაქვთ არხოტში და ავსებენ ქვევრს. მაგრამ არაყის მოყვარე ხალხია და ვიდრე თვითონვე არ ამოცლიან, აღარ იციან წასვლა. თუმცა კი კანონიერად მეორე დღეს უნდა წავიდნენ. წესები ამათ ქვევრზეც იგივეა, რაც ახილულთ ქვევრზე სრულდება. განსაკუთრებული სხვა მნიშვნელოვანი წესი მას არაფერი აქვს, მხოლოდ ძალიან რომ თვრებიან, ჩხუბიც იციან, ჩხუბს მოსდევს დაჭრა და მოკვლასაც ჰქონდა ადგილი. ერთხელ გადაწყვიტეს, ქვევრი მოეშორებინათ, მაგრამ მკითხავებმა ისევ დაარწმუნეს ხალხი: არხოტის ჯვარი გაწყრებაო, და ისევ დაიწყეს მისი ავსება.

ამავე მოკლე ხანში, დღე კი არ არის განსაზღვრული, სოფელი იყიდის ხარს და დაკლავენ მომავალი „ჭირნახულის სამხვეწროდ“, ე. ი. შეავედრებენ არხოტის ჯვარს — ჭირნახული კარგი მოვიდესო.

ერთხელ თურმე რამდენიმე წელიწადს არხოტში მოსავალი აღარ მოვიდა. ერთი მკითხავი იყო — ქისტი ალიმარზა და ხალხს მან ურჩია: სანამ ხენას დაიწყებთ, მანამდე არხოტის ჯვარს ხარი დაუკალით და კარგი ჭირნახული მოვაო. მაშინ დაკლეს ხარი და რაღაც შემთხვევით, მართლაც, კარგი ჭირნახული მოვიდა. მას აქეთ გამწესდა ხარის დაკლა. როგორც ამბობენ ხევსურები, ჯვართ თუ ერთხელ რამე დაუკალი, მერე აღარ „დაიყრის“ ე. ი. მერე ყოველთვის მოიხზოვსო. ამიტომ ხარს ყოველწლიურად კლავენ სოფელში, თემში ვინმეს მოჭარბებულ ხარი ეყოლებოდა, ან რამე გაჭირვება ექნებოდა — პური დასჭირდებოდა, ან ერბო. სოფელი მოურიგდებოდა მას, მოუკრეფდნენ, რაც უჭირდა და ხარი არხოტის ჯვარში მიჰყავდათ. უფრო ხშირად იყო შემთხვევა, რომ ხარის დაკლას დაუკავშირებდნენ ქვეყრის გახსნას. მოიყრიდნენ თავს, ქვეყრიც გაიხსნებოდა, ხორცს რამდენიც საჭირო იყო, აქ მოხარშავდნენ. დანარჩენს ან იყიდდა ვინმე, ან სოფელი გაიყოფდა. ამ ხარისა ჯვარიონთ არაფერი რჩებოდა, გარდა თავისა და თავიც მუდამ ხუცესისა იყო საკუთრად. ხარის ყიდვაც და ყოველგვარი ყიდვა-გაყიდვა ხევსურეთში ხდებოდა ნატურით (პური, ერბო, სპილენძი, ფარდავი და სხვ). ხარსაც ასე ნატურით ყიდულობდნენ.

სახანაოდ რომ გავლენ, შეიძლება ცუდი ამინდები დადგეს, ან სულ დარი და ან სულ ავდარი. მაშინ თემი და სოფელი დახოცავს „სადარავდროდ“ — ორ საკლავს. სადარავდრონი ყოველწლიურად თითო სოფელს რიგრიგობით ხვდება. აქ სამი სოფელია — აშლა, ახიელი და ჭიმლა, თითო სოფელს შეხვდება თითო წელს სადარავდროდ დახოცა. ერთ საკლავს მოიყვანენ და დაკლავენ ახიელში გორს — ჩაბაკურთ ჯვარში, ამას ჰქვიან გიორგი კმელის გორისა და მინდორის ჯვარი. ხევსურების რწმენით, მას აბარია მინდორ-ველი. მეორე საკლავს წაიყვანენ კალთთანაში. აქ ნასოფლარია და ილოცავდნენ სამების ჯვარს. იტყვიან, რომ სამებას ყველაფრის გაკეთება შეუძლიან, რადგან ის ყველაზე უფროსი არისო.

საკლავს მიიყვანენ დღეობის გარეშე. სოფელსაც ხომ აქვს მორიგობა და სარიგოს ყოველ დღეობაში კლავს ის, ვისაც დაკვლის ჯარმა მოუწია. ახლაც მესარიგოემ უნდა წაიყვანოს საკლავი და იქ დაკლას: ხუცესს მარტო თავს აძლევს, ტყავი და ხორცი შინ მიაქვს.

იტყოდნენ წინათ: დაეკალი საკლავი თუ არა, მაშინვე შავი ღრუბელი გაჩნდა, ასტყდა ქვექ-ქუხილი და დიდი წვიმა მოვიდა. თუ წვიმა იყო: მაშინვე დაწყდა ღრუბელი და დარი გამოჩნდა.

დაეკლავში ხუცობა ჩვეულებრივია, მხოლოდ ხუცეთი ასე ახსენებს: „დიდო მინდორის ჯვარო, ცა-ღურბელთ მცაო, მფარაო. დიდი ხარ. დალოცვილო, ცა-ღურბელნ შენ გაბარიან, შენ მიეც ცას ნამი, მიწას მწვანილი, შენ დაეკმარი შაწუხებულთ ყმათ“. ასევე ახსენებენ კალოთა-ნაში: „დიდო წმიდაო სამებაო, დიდი ხარ, თავადი ხარ, ღებრთმა ნუ წაგართვას ძალი, შაძლებაი. შაგიძლავ, დალოცვილო, ცა-ღურბელთ მაქცევაი, გვედრების საყმოი, სგლებოი, გააქციენ ცან-ღურბელნი. მიეც ცას ნამი-დ მიწას მწვანილი. დაიჯსნენ ყმანი სიმწუხარისგანა, მაგათ ჭირნახული ამ გვალვისგან“ (თუ გვალვა აწუხებს, ან ნიაღვრისაგან, თუ ხშირი წვიმიანობა არის).

ამინდთან დაკავშირებით ერთი პატარა წესი კიდევ სრულდება: თუ ხშირი გვალვებია და აღარც საღარავდრომ გასჭრა, მაშინ იქვე, ახლოს, სასაფლაო არის და იქ ადამიანის ძვლებიც ყრია, რადგან აქ ერთსა და იმავე საფლავში იმარხებიან — ძველ საფლავს ახლიან და ახალს ასაფლავებენ. ხანდახან ხუთი-ექვსი ადამიანის ჩონჩხი ამოჩნდება. ამბობენ, რომ თამარ მეფე მოსულა, ეს ადგილი უკუროხებია და შემოუფარგლავს სასაფლაოდ. იმ ადგილს არ გასცილდებიან, რადგან მათი წარმოდგენით, უკუროხ მიწაში დამარხული მკვდარი არ ცხონდება. აი, ამიტომ აქ ყრია ძველი ძვლები. აქედან აიღებენ ერთ ძვალს, ჩადებენ წყალში, ზედ ქვას დაადებენ და ელოდებიან წვ-მას. ამბობენ: „ადამიანის ძვალი ატირდება, მისი სიბრალულით ცა და ღრუბელიც ატირდებიან და წვიმა მოვაო“. თუ ძვლის წყალში ჩადების შემდეგ მოკლედ გაავდარდა, რა თქმა უნდა, ცრუმორწმუნე ხალხი დაჯერებს — ადამიანის ძვალმა მოიყვანა წვიმაო.

ა მ ა ლ ლ ე ბ ა

ავესების შემდეგ მეშვიდე კვირას მოდის „ამალლება“. ამალლება არხოტის ჯვარში მარტო ერთი დღე იციან. სამაგიეროდ გორს, სადაც ჩაქველსა და მინდორის ჯვარს ლოცულობენ, ზეთი დღე გრძელდება დღეობა. ყველა დღეს აქვს თავისი საკუთარი წესი, ჰყავს საკუთარი დასტურები. მაგ. შიგმდგომი დასტურები, მინდორის ჯვარის დასტურები, მხვიმის დასტურები და ჩაქველის დასტურები. ამ დასტურებს ყველას თავისი დამზადებული ლუდი აქვს და სადღეობოდ დღეც დაინიშნულია.

ამალლებას არხოტის ჯვარში დამისთევა, უამისწირვა და ყველა წესი სრულდება ჩვეულებრივად. დიასახლისის მოყვანა, დამისსამთე-

ლოს და ჟამისაწირის გამოცხობა სულ უცვლელად მეორდება. განსხვავება არის მარტო ის, რომ ყველას მიჰყავს თითო ბატკანი „დვალისთავი“. აქ ცოტ-ცოტა ცხვარი ყველას ჰყავს. რომელი ბატკანიც პირველად ვაჩნდება, ის არხოტის ჯვარში უნდა დაკლას ამაღლებას ცხვრის პატრონმა. ხუცესი სრულიად ჩვეულებრივად ხუცობს, დაკლავს და ამწყალობნებს საკლავის პატრონს. ტყავი და ხორცი სულ ჯვარიონთ რჩებათ. მეზღვნეებს ტაბლას დაუდგამენ ამაღლების მეორე დღეს. დაღაპხებენ ყველა მეზღვნეს, დაუწყობენ ფიცრებზე პურს და მოხარშულ ხორცს, როგორც ზემოთ არის აწერილი. ამას მოჰყვება კარახანები, კარახანას — მღერა საგმირო სიმღერებისა. აქ მოთავდება დღეობა იმ წესით, როგორც ზემოთ გადმოვეცით. ტყავ-ხორცს გაინაწილებენ ჯვარიენები და წავლენ.

საქირთა აიწეროს „დღეობა გორისა“, რადგან აქ უფრო განსხვავებული წესები გვხვდება. ძირითადი დღეობა ჯაჭველში ქავთარ-ოჩიაურთ დღეობაა. ჰყავთ თავისი დასტურები ქავთარ-ოჩიაურთ გვარიდან. ესენი აღუღებენ ლუდს ჯაჭველის საკუთარი დღეობისათვის. შიგ მდგომი დასტური სოფლის ორი კაცია. ამაღლებას და ათენგენას ისინიც ჯაჭველში აღუღებენ ლუდს. მუშაობენ ჯაჭველის დასტურთან ერთად და ასრულებენ ყველა საჯვარო სამსახურს. მხვიმის დასტურნიც სოფლიდან არიან, ორი კაცი. ისინი სოფელში მოკრეფავენ სვეს, ქერს და ყველაზე კარგ ლუდს გააკეთებენ, რადგან სვე და ქერიც ბევრი უგროვდებათ და ძალიანაც აღუღებენ. ამიტომ გამოდის კარგი ლუდი. არაფერს იყენებენ მხვიმე რას ნიშნავს. მხვიმის დასტურნი მარტო ერთ დღეს იქნებიან ჯვარში და მერე წავლენ.

„სამინდორისჯვარო“ ლუდს დაამზადებენ ჩაბაკაურნი. მათი ორი დასტურიც დღეობის დაწყებიდან გათავებამდინ იქ, ჯაჭველში, არის. მხოლოდ ხუცესი ერთია — ჯაჭველისა და ყველაფერს ის უძღვება. აქ ხსენდებიან ჯაჭველი და გიორგი ხმელის გორისანი. ზოგი გეტყვისთ — ორივე წმინდა გიორგი არისო, ზოგი ამბობს ძმები არიან და ერთად ხსენდებიანო, მხოლოდ ხშირად ასე ახსენებენ ხუცესები: „ჯაჭველო გიორგი და ქმელის გორისანო“.

ეს ამოდენა ლუდი ყველა ჯაჭველის და გიორგის სადიდებლად მზადდება. პირველ დღეს მივლენ მინდორის ჯვარის დასტურნი. ჯაჭველის ხელოსანი ორი კვირის წინ მოსულია და იქ ცხოვრობს. ამას ჰქვია „საწმინდარ ყოფა“. ხელოსანი თუ ახალმომსვლელია, ორი კვირა ჭერ-ხოში ცხოვრობს, ორი კვირა ჯვარში და მერე „იქამს სახელოს“. რაზედაც მერე გვექნება ლაპარაკი. თუ ძველი ხელოსანია და მეორედ ერგო ხელოსნობა, მაშინ მარტო ორ კვირას არის საწმინდარში. ამაღლებას ძველი ხელოსანი იცვლება. თუ ხელოსნად პირველად მიმსვლელი არ არის, მაშინ ხელოსანს, ოჩიაურთ და ქავთართ გვარში ვინც

ყველაზე ადრე იყო, მეორედ შეხედება რიგი და იგივე უნდა მივიღეს.

ამგვარად, პირველად მინდორის ჯვარის დასტურნი მივლენ და ჩაბაკაურთ დღეობა იმართება. გორული ჯვარის ხელოსანიც და ხუცესიც მაშინ აქ არიან. დღეობის და ღამისთვის დაწყებამდე დროშას აბამს ხელოსანი, როგორც ნათქვამია, ისეთივე წესით.

ხელოსანი საწმიდრობაში ყოფნის დროს ყოველდღე იბანება. დროშათ ამბის წინ კი ცხრა ადგილას წავა და ცხრა სხვადასხვა წყაროზე დაიბანს ტანს, დაკლავს ერთ საკლავს, გაინათლება და ასე გაწმინდებული ღირსი გახდება დროშათ აბმისა. სამი დროშის ტარიდან ორზე უნდა შუბები, ერთზე კი ჯვარი და ზარი. ზედვე შეაბამენ ხელსახოცებსა და ბაღდადებს. დროშათ რომ აბამს, აბმანებს ზუცესი, დარბაზს შიგნით ზარის წკარუნით შემოთვლის გარშემო. გამოვა მერე და გარეთაც აწკარუნებს ზარს. იქ სამი კოშკი ღვას. მივა საღროშავე კოშკთან, დაიყუდებს სამივე დროშის ტარს მარჯვენა ფეხზე და დაიწყებს დროშის წკარუნს. ამ დროს გამოვლენ ყველა დასტურხელოსნები, გამოიტანენ ლუღით სავსე კოშს და ერთ ღერ სანთელს. სანთელს ანთებენ, მიაკრავენ ლუღიან კოშზე და კოშს ხუცესს მიტყემენ. ხუცესი იწყებს ხუცობას. რომ გაათავეებს, იტყვის: „ჯვართ დიდებაი, მეხვეწურთ წყალობაი“ და დაღუეს. მერე სხვებსაც გადასცემს. ყველა თითოობით დაილოცება ასე: „გამარჯვება ორსავ ბატონსა, იძის წყალობა გქონდასთ ყმათ, ქვეთარ-ოჩიაურთა-დ ჩაბაკაურთ. საწაღმართოდ მაგიარასთ, მშვიდობით შაგინახნასთ. ბევრ ამაღლება მშვიდობისა მაგვეარასთ, კარგად ყოფისა. თქვენ მაგვასთ წყალობა ყურით მაყურებელს, ჯვარიონთა, დასტურსა, კელოსანს. ხთისგანამც დაილოცებით“. ასე ჩამოარიგებენ ამ კოშს. ზოგნი მოკლე სიმღერას შემღერებენ. ხუცესი მადლს გადაიხდის და ჩამოართმევენ კოშს. ხელოსანი დროშას დანიშნულ ადგილზე მიაყუდებს. დაბრუნდება უკან და იტყვის: „წყალობა მაგიტანეთ დროშათ მცავის ანგელოზისა“. „შენ იყოს მწყალობელი“, — უბასუხებენ იქ მყოფნი. აქედან წაშოვლენ და შევლენ დარბაზში. კოდი დროშათ გამობმანების წინ გახსნილია ჩვეულებრივი წესით, აქვე სოფლიდან დასტურების მიერ მოტანილია ღამისამთელი (ამ დღეობაში ღიასახლისი არ იციან. სოფელში რომელიმე დასტურის სახლში ამზადებენ და მოაქვთ ღამისამთელიც და ეამსაწირიც). ყველაფერი, რაც ღამისთევას სჭირდება, აქ არის დაწყობილი. ამოიღებენ და სამ ლუღიან თასს დაღვამენ ღამისამთელიზე (ერთი იქნება სახუცო კოჭობი, ორი კი სხვა ვერცხლის თასი). ანთებენ სამ-სამ დაგრეხილ სანთელს. მიაკრავენ ღამისამთელსა და კოჭებზე და ხუცესი იწყებს ხუცობას. ხუცობაში ისევ ახსენებს: „ჩაპველო გიორგი კმელის გორისანო“. დანარჩენი ხუცობა ჩვეულებრივი არის,

მხოლოდ მხოლო თასებს რომ აიღებენ ღამისამთელიდან, მაშინ ხუცესი მოკლე მოხსენებით მოახსენებს. პირველად თავის სახუცო კოჭობს ასწევს მალა და იტყვის: „ამ კიქა-ბარზიმზე შენ გადიდას, გავიარაგოს ღმერთმა, ჯაჭველო კმელის გორისაო, შენა სამთავრო, შენა გასამარჯოდ მაიკმარი ეს კიქა-ბარზიმი, შენთ ყმათად საშველოდ, სახოიშნოჲ. სამწყალომნოდ მაიკმარი, ხთის კარზე შაიტანი. ღმერთი შენს ბატონობას გაუმარჯვებს“ და ა. შ.

როცა მოხსენებს მოათავეებს, ყველანი მალა ასწევენ თასებს და იტყვიან: „ისმინეთ, გაცონეთ, გამარჯვება თქვენდა, თქვენის გამჩენის ხთისად“.

ხუცობა მოთავეება და ამ სიტყვების წარმოთქმის შემდეგ — „ჯვართ დიდები, მხევეწურს წყალობაი“ — დაღვეენ ცოტას ყველანი. ვისაც თასები არ უჭირავს, ისინი დაუკრავენ ფანდურს და იმღერებენ: ბოლოს დაიცლება სადიდებლიანი თასები, ჩამოართმევენ და ჩვეულებრივი ცერკონიებით დამთავრდება ღამისთევის წესები. მერე მოჰყვება პურის ჰამა ღამისამთელს დაჭრით. ჩაბაკაურთ მთელი გვარი აქ არის და სვამენ ამ ღამეს ლუდს. მერე ხელოსნები დარჩებიან. დასტურები და ხალხი კი წავა. შეიძლება ერთი დასტური დარჩეს და დროშათ ახლო დაიძინოს ყარაულად, ქისტი ან დიღღველი რომ არაღინ მოვიდეს.

მეორე დილას დასტურები აღრე მივლენ და თუ იშოვეს, არაყს მოიტანენ (გორულ ჯვარში არაყს არ ამზადებენ). იქ მყოფ დასტურ-ხელოსნებს დააღვეინებენ და თავის ტყვილისაგან მოარჩენენ. ხელოსანი ყოველ დილით წყაროზე იბანს ტანს და ადგება თუ არა, მაშინვე წავა სახანად. როცა მობრუნდება, შეუდგებიან ჟამისწირვას. ჟამისწირვა ჩატარდება ყველა ჩვეულებრივი წესით, როგორც ზემოთ არის ნახეხები. მოვა ჩაბაკაურების მთელი გვარი და სვამენ ლუდს. ღამისთევაზე და ჟამისწირვაზე ხუცესი შუა ხუცობამდე რომ მივა, იმ დროს ხელოსანი გავა და ზარს რეკს (ზარი გარეთ საზარე კოშკში ჰკიდია). ზარის ზმას რომ გაიგონებენ სოფელში, მანამ არ შეწყდება, ქუდმოხდ-ლები დგანან. ზარის დამრეკი ხელოსანი შემოვა. ხუცესი ისევ ხუცობს. მოსული ჩუმიად იტყვის: „წყალობა მაგიტანეთ ზარის მამცაურის ანგელოზისა“. იქ მყოფნი ჩუმიად თავს დაუკრავენ. თვითონ კი მივა და ხუცესს დაუდგება გვერდზე. ჩაბაკაურნი მოიყვანენ ერთ კარგ საკლავს, დაკლავენ, ხორცს მოხარშავენ, მთელი გვარი ჩვეულებრივად ტაბლას დაიდგამს და პურს ჰამენ (ღამისთევის, ჟამისწირვის და სუფრის წესები ყველაფერი აღწერილია დაწვრილებით გიორგობის დღეობაში. აქაც ისეთივე წესით სრულდება და ცვლილება-განსხვავება არაფერია. თუ სიტყვებში ან წესებში რამე სხვაობა არის,

მაშინ მოყვანილია წესი ერთკლად). თავიანთ დღეობაში ჩაბაკაურნი სტუმრებსაც დაატყუებენ და თვითონაც მთელ დღეს, საღამომდინ იჭრებიან. საღამოთაშუა ღუფიც შენოაკლდებათ და თავის დასტურებიანად წავლენ სახლში. დასტურნი მეორე დღეს ისევ ბრუნდებიან ჯვარში.

ჩაბაკაურთ დღეობის საღამოს მოვლენ „შიგმდგომნი“ დასტურნი, მოაქვთ თავისი ღამისამთელი და სანთელი. ახლა ამათ კოდს გახსნის ხუცესი და იხუცებს. კოდს გახსნაზე ყველა ხუცობაში — „ჭაქველო გიორგი კმელის გორისანო“ — ხსენდება, ყველა ღამისთევა-ქამისწირვა ერთი წესით სრულდება. შიგმდგომ დასტურთ ყველაზე მეტი რაოდენობის ღუფი აქვთ დამზადებული, რადგან ესენი მუდამ აქ არიან და ამათი ღუფიდან სოფელიც სვამს. მართალია, სოფელი „მხვიმის“ ლუდსაც სვამს. მაგრამ მხვიმის დასტურნი ერთ დღეს არიან და მერე შინ წავლენ. შიგმდგომნი კი მუდამ აქ არიან და მათ ლუდს ხარკიც ბეგრი აქვს. ღამეს რომ უთევენ, სიმღერებით და ყველა თავისებური წესით გამოცლიან სადიდებლის თასებსაც.

ვახშმის შემდეგაც გრძელდება ლუდის სმა. აქაც, როგორც სოფლის ჯარზე, ისეთი წესებია. ფანდური აქვთ მოტანილი და მღერაინ საგმირო სინღერებს თითოობით. მღერის დროს ყველას მისცემენ ლუდიან თასს, სხედან და უსმენენ სიმღერას. აქაც შემღერებებს ვინმე თასიანი და პირველ მომღერალს თავისი თასიდან დაალევიანებს ლუდს. ასე მთავრდება მღერაც და ღამისთევა-საღამოც შიგმდგომ დასტურთა (აქ ვწერთ მოკლედ იმიტომ, რომ ასეთივე წესები ჩაწერილია სხვა ადგილასაც). ყველანი წავლენ, ჯვარიენები კი აქ რჩებიან. თუ კარგი დარებია, გარეთ გაშლიან ბალახიან ბუსნოზე ფარდაგს და ღროშათ ახლოს იძინებენ ყველანი. თუ ავდარია, ერთი ვინმე შინაც კარგი ნაბდით ღროშათ ყარაულად რჩება. ეს წესი არის და არ გადაუხვევენ. მეორე დილას. თუ არაყი აქვთ თავის მოსარჩენად, ყველანი ცოტ-ცოტას სვამენ, თუ არა, ლუდს გააცხელებენ და როგორც ჩაის, ისე დალევენ. ცხელი ლუფი ოფლს მოუყვანს და კარგად გახდის მათ.

მერე მოვა ქამის წირვა და ქამს სწირავენ ზარის რეკვით და ყველა წესით. ქამისწირვა რომ მოთავდება, დასტურები მოამზადებენ საუზმეს, მთართმევენ ხუცეს-ველოსნებს და თვითონაც ჭამენ. მეზღუნე ხალხიდან ზოგი სანათლავს მოტანს, ზოგი სამკოჭოს, ზოგი მისამბარეოს. ყველაფერ ამას ანგარიში უნდა გაუწიონ. ამ დღეს მოდის სოფლის ჯარი, იქვე ჯვართ ახლოს დასხდებიან და მთავრთ კუთვნილი ლუფი საშიგმდგომთ ლუფიდან.

ჯარზე იმართება სმა, მღერა ფანდურზე და ყველა ის წესები, რაც სოფლის ჯარზე წელწადში არის აღწერილი (ამ დღეობებში ქალები სახლში არიან და არ ლებულობენ მონაწილეობას).

უფროსებს თასები უქირავთ, უმცროსები კი ან ფეხზე დგანან და ლუღს არიგებენ, ან სხედან ბოლოში ცალ მუხლზე. უმცროსი კაცი რომ დაჯდეს და ხნიერებსავით თასი ექიროს ხელში, სირცხვილია. უფროსები კი თასს დაიჭერენ და ნელ-ნელა სვამენ (არზოტში სხვა ხევისურებთან შედარებით უფრო ჩქარა იციან თასის დაღვევა. არზოტივნები პირაქათელ ხევისურებს დასცინიან, რომლებიც ამბობენ: „ამაღლების ღამეზე ერთს თასში უნდა გაუთენდასავ კაცსავ“. ვითომ ამაღლებას ღამე პატარაა და კაცი ისეთი დინჯი უნდა იყოს, რომ მთელ ღამეს ერთი თასი უნდა ექიროს, ისაუბროს და ნელ-ნელა დალიოს, სასმელის დაღვევა არ უნდა ეჩქარებოდესო). ჯარზე არა მარტო ერთი და ორი იმღერებს, თითქმის ნახევარი ჯარი მაინც. მერე გაეზმის ისევ ამ სიმღერების ირგვლივ ბაასი — ეს ამბავი ასე ყოფილა და ეს ასეო.

მისამბარეო. ჯარზე რომ ეს წესი სრულდება, ამ დროს ჯვარიონნი თავის საქმიანობაში არიან გაბმულნი. ამაღლებას ცხვრებს უკვე ბატკნები ჰყავთ, ამიტომ ყველა ეშურება, რომ ამაღლებას მიიყვანოს ესა თუ ის საკლავი, როგორც მკითხავი დაარიგებს. მაგალითად, „მისამბარეო“ ასე იციან: მიიყვანენ ჯვართან მისამარებ ბავშვს და საკლავს. საკლავს იჭერს ერთი დასტური, მეორეს მისამარები ბავშვი უქირავს. ხუცესი შეუდგება ხუცობას. რომ დაამთავრებს, დაკლავს საკლავს, ნავშვს იყვანს ხელში, მიდის დროშასთან ახლოს და იტყვის: „დიდებულო მიქიელო, შენ გვედრების (სახელი), შაიხეწი. შენდ შამაუგორებავა-დ მუშარება, დალოცილო, შენს კარშია — კამალაში შამაუგორებავა-დ შენ უშველი, შენ დაიცი, შენ დაიფარი ველთაცა, შინაც. შენ გაზარდი, შენ გამაიყვანი კაი კაცი, დედ-მამათ სარგებელი ქენ, დალოცილო“. ბავშვს სამჭერ შეაგორებს ამ ლაპარაკით და სამჭერვე ხელში აიყვანს. მხოლოდ სისხლი კი საკლავის დაკვლის დროსვე აქვს ბავშვს მოცხებული შუბლსა და გულზე. მერე ბავშვს უგზავნს თავის დედას, რადგან ქალები შორს სხდებიან. საკლავის დაკვლისას და ბავშვის შეგორებისას იქ მყოფნი ამწყალობნებენ შიბარებულს: „გწყალობდას მენჯეწურს, საწალმართოდ მაგიარას, მშვიდობით შაგინახას, სიხარულად გაგიჯადას, გაგზარდას, კაის ბედის კაც გამაგიყვანას“. მერე მიბრუნდებიან და დაამწყალობნებენ დედას და თუ ვინმე ნათესავი ქალი ჰყავს თან მოყოლილი. ხუცესი იტყვის და მერე სხვებიც გაიმეორებენ: „გწყალობდასთ, მანდილოსნებო, საწალმართოდ მაგიარასთ, მშვიდობით გამყოფნასთ, ბედი-დავლათ დაგაჯმარასთ დალოცილმ ორმავ ბატონმ“. მერე დედას ბავშვს ჩააბარებენ. მანდილოსნებს გაუტანენ ლუღს და დააღვეინებენ. ბოლოს მანდილოსნები წაკლენ. დასტურხელოსნები დაუთახებენ: „წყალობა წაალით, მანდილოსნებო, ორისავ ბატონისა. წაღმ გამაიყვანასთ ორისავ ბატონის დავლათი, სიხარულად

გაგიჟადასთ ზღვნობა, ყმობა-მსახურობა“. ამ სიტყვებზე ქალები პირ-
ჯვარს იწერენ და მიდიან შინ.

დაკოჭვა. შეიძლება ვინმემ მოიყვანოს „სამკოჭაო“. სამკოჭაო ნიშ-
ნავს შემდეგს: თუ რომელიმე ქალი ჭკუაზე იშლება, ან სიზმარში ელან-
დება რამე საშინელი, ცუდი, მაშინ მკითხავი ეტყვის: „გორს დააკოჭვი-
ეთ. უფრისგან ასა-დ გორულ ჭვარი მათორებს“.

მიიყვანენ ამ ქალს ჭვარში, მიაყოლებენ ერთ საკლავს, იყიდიან
ხელსახოცს (ქალი ამ დროს ძალიან სუფთად უნდა იყოს ტანდაბან-
ლი და ჩაცმული), მიიყვანენ ჭვართან ახლო (ადგილია დანიშნული,
სადაც სხვა დროს ქალი ვერ მივა) და ჯდება იქ. მედროშავე ააბძანებს
დროშას, რომელსაც ჭვარი და ზარი აქვს შებმული და მივა ქალთან.
იქვეა ხუცესი და დასტური, რომელსაც საკლავიც უჭირავს. ხელოსანი
ქალს თავზე ხელსახოცს გადააფარებს, დაიდგამს დროშის ტარს მარ-
ჯვენა ფეხზე, დროშას დაიჭერს გადახრით ქალის თავთან მაღლა და
დროშის ზარს აწკარუნებს, ხუცესი კი შეუდგება ხუცობას: „ღმერთმა
ადიდას შენ ძალი, შენ სახელ-სამართალი, ჯაჭველო კმელის გორი-
საო. შენა სამთავროდ, შენა გასამარჯოდ მიიქმარი ეს სამსახური, პირის
საბანი, შენის მეხვეწურისად (დაუშვათ — ელენა) ელენაისად საშვე-
ლოდ, სამწყალობნელოდ მაიქმარი. უშველ: დალოცვილო, ელენას. შა-
გიძლავ დევ-კერპთან ბძოლაი. მიწრიელ-ქვეცრიელ დაუღაგმე, მავ-
ნე მათორი, შენის ძალითა, დიდებით, ლახტითა, მათრაკით. გეძახს
ელენაი, გეხვეწების. შაიხვეწი, ნაძახნები გაუგონი. ღმერთი შენს ძალ-
სა დიდებას მაუშატებს“ და მერე აგრძელებს ჩვეულებრივად ხუცო-
ბას და ამ სიტყვებით დაამთავრებს: „შაგაგზეწნივ ელენაი-დ შენს
კალთაში შამაუფარებავ თავი, დალოცვილო, შაიხვეწი, შენ დაიცი. შენ
დაიფარი ველთაცა, შინაც, ჟამსაცა, უჟამობაააც, მავნე მათორე, მეწა-
ღმართე, მცველ ანგელოზი დაუყენი ისრემც გაგემარჯვებეს შენის გამ-
ჩენის ხთის კარზე“. შემდეგ საკლავს ყელს გამოსჭრის. ქალი სისხლს
ხელს „მიუჭერს“ (მიუშვებს) და ხუცესი თითით შუბლზე სისხლის
ჭვარს გაუყეთებს. დასტური საკლავს ცალკე დადებს. ჭერ ხუცე-
სი და მერე ყველანი იტყვიან: „გწყალობდას, ელენავ, შენის გულსა
გიყოს დალოცვილომ ჯაჭველომ, მავნე მათორას. შაუძლავ დალოცვილს
შენ მავნე დალაგმას, გიშველას, სიხარულად გაგიჟადას, ზღვნობაი-დ
მსახურობა, ნურა შაგანანას, კლოვ უკეთი გულით გიშახუტრას. თქვენ
მაგვასთ წყალობა ჭვარიონთ, დასტურსა-ველოსანსაც, დასტურს დას-
ტურობა ნუ შაგანანას. ხუცესს ენა-პირ გიკუთხბას, შაუტოღვრად,
შაუწყინრად შაგინახას. კელოსან დიდხანს გაგიყოლას“. ამ დამწყა-
ლობნებას რომ მორჩებიან, ხუცესი „კელისაკოცს“ მოხსნის ქალს თა-
ვიდან. ქალი ადგება, დაიწერს პირჯვარს: ხელოსანი კი დროშას ისე
დაიჭერს, რომ მისი რამე ნაწილი ქალს არ შეეხოს, მხოლოდ ამ ხელ-

სახოციო ტუნებს მოიწმენდს და აკოცებს დროშის ჯვარს, ისეთი შიშით და ხათრით, თითქო ძალიან რამე დაუშვებელი ამბავი ჩაიდინა. წასვლის დროს კიდევ დაამწყალობებენ: „წყალობა წაიტანი ჯაჭველსაი, ორისაჲ ბატონისა, ელენავ, წყალობა, წალმ გამაგყვას ჯაჭველს დაველთი, ის წყალობა გიბოძას, რასაც შენ გულ გამაელის. ნუ შაგანანას დალოცვილმ სამსახური, კლოვ უკეთი გულით გიმსახურას“. ხელსახოცი, რომელიც ქალს თავზე ეფარა, თუ კარგია, რჩება დროშის სამკაულად, თუ არა, შეიძლება მისცენ ხუცესს, ხელოსანს, ან დასტურს. ჩვეულება იყო წინეთ, რომ ხელსახოცს ყელზე შოიხვევდნენ და ისე ატარებდნენ. მედროშავე დროშას „წაიყვანს“ და ისევ თავის ადგილზე, სხვა ორ დროშასთან მიაყუდებს. ორ დროშას წუბები იქითაქეთ უყუდია. შუაზე კი ჯვარით და შებმული ზარით მორთულ დროშას მიაყუდებენ.

„სანათლაჲ“ აშაღლებას თითქმის ყველა მამაკაცს მოჰყავს, რადგან ნაშინ ბატკნები მოგებულია და საკლავის შოვნა არის. სანათლაჲს ვინც მიიყვანს, დაკვლის დროს ახლო დგას ხუცესთან. ხუცესი ჩვეულებრივ ხუცობს, მხოლოდ ამ სიტყვებს ჩაჴრთავს: „მუჴათ სანათლაჲზე გადიღას, გაგაძრიელას ღმერთმა (სახელს იტყვის, ვისი სანათლაჲიც არის, მაგ. ივანე), ივანეზე მდგომო, მავალო ანგელოზო, ჯაჭველო კმეღლის გორისაო, შენა სამთაფროდ, შენა გასამარჯოდ მაიწმარი ეს სამსახური, პირის საბანი, მუჴათ სანათლი“.

ამ სიტყვების გარდა ხუცობა ჩვეულებრივია. მხოლოდ როცა საკლავი დაიკვლის, ვინც ინათლება, ის ხელებს დაიბანს სისხლით, ხუცესი კი შუბლზე და გულზე სისხლიანი თითით ჯვარს გაუკეთებს. საკლავისა ჯვარში მარტო თავი რჩება; ტყავი და ხორცი პატრონს მიაქვს. ვისი სანათლაჲც იყო, მისგან არ შეიძლება გატყავება, სხვა გაატყავებს. სისხლიან ზელებს განათლული სუფთა ადგილას დაიბანს, სადაც კაცის ფეხი ადვილად არ ხვდება.

სანათლაჲ წელიწადში ერთი აუცილებელია, ზოგი მეტსაც კლავს. სანათლაჲ იცან კიდევ; როცა ცოლი „ქოხიდან შემოვა“, ე. ი. შობს შვილს და ერთი თვის შემდეგ შინ დაბრუნდება. მაშინ ერთს სახლის სანათლაჲად დაკლავენ, ერთს კი თავის სანათლაჲად დაკლავენ კაცი. სახლის სანათლაჲ ივლება სახლის ბანზე. საკლავის სისხლს დააყენებენ ჯამში და ჩაღის „ქუჩით“ მოაკურებენ მთელ სახლსა და კარმიდამოში. ამის შემდეგ გაწმენდილად ითვლება სახლიც და კაციც. ახალმომსვლელი ხელოსანი კი წელიწადში ცხრაჯერ გაინათლება, თითქმის ყველა დღეობაში.

„სამიგმდგომო დღე“ დაღამდება და მოვლენ ქავთართა და ოჩი-აურთ დასტურნი, რომლებიც ჩვეულებრივად შოიტანენ ღამისამთელი და შესრულდება ღამისთევის ყველა წესი. შუა ხუცობაში ხელო-

სანი ზარს დარეკავს. ხუცობა რომ დამთავრდება, იწყება ფეხზე მღერა, აქ ახსენებენ ისევ „ჯაჰველო, გიორგი კმელის გორისანო“ და სხვა. რომ დაღამდება, ქავთარნი და ოჩიაურნი, ყველანი, მოვლენ (მაჰაკაცები) და მთელის ღამის განმავლობაში სვამენ ლუღს. სხედან, მუსაფობენ ძველ ამბებზე და მღერიან ფანდურზე საგმირო სიმღერებს. ამ ღამეს განსაკუთრებული წესი არაფერი აქვს. მეორე დღეს თენდება დღეობის მთავარი დღე — „ამაღლება“. ეს დღე ყოველთვის ხუთშაბათს მოდის. კარგა ხნის დროსტარების შემდეგ ქავთარ-ოჩიაურნი წავლენ. დარჩებიან მარტო ჯვარიენები და ისინიც დაჰჩინებენ ზოგი დროშებთან, ზოგი დარბაზში. მეორე დღე ამაღლებაა.

საკელო. დასტურები დილით ადრე ღვებიან და თავის მოსარჩენ არაყს საღმე იშოვიან. ლოგონში დააღვივებენ ხუცეს-ხელოსნებს. ხელოსანი წავა და კიდევ გაიბანება ცხრა წყაროზე (აქ წყაროები ბევრ ადგილას არის). ეს ინიტომ, რომ, თუ ახალმისვლელი ხელოსანია, ამ დღეს „საკელოში უნდა ჩადგეს“, ე. ი. „საკელო უნდა გადაიხადოს“. ამისათვის საჭიროა სიწმინდე (საკელო ჰქვია შემდეგ: ვინც პირველად მიდის ხელოსნად, მიდის თავისი ნებით კი არა, არამედ ან ავად გახდება ან ოჯახის წევრი გაუხდება ავად. მკითხაჟა იცის, რომ ეს კაცი ჯერ ხელოსნად, ე. ი. მედროშავედ, არ ყოფილა, ამიტომ განოუცხადებს: ხელოსნად უნდა მიხვიდე, თორემ საქმე ცუდად წავაო. ქავთარ-ოჩიაურთ გვარში ყველა ვალდებულია „საკელო ქნას“ ახალგაზრდობის ასაკშივე და მერე იქნება მუდმივი მედროშავე, მხოლოდ რიგით მოჰყვება. როცა ახალი აღარავინ არის მიძვლელი, მაშინ ვისი ჯერიც არის, ამაღლებას ის ნიჯა მედროშავედ და ძველი განთავისუფლდება. ამ მოვალეობას ასრულებს ამაღლებიდან ამაღლებამდე. თავისი ხელოანობის წელს მას განსაკუთრებული სიწმინდე მართებს).

ახლა შევეხებით ახალ მიმსვლელ ხელოსანს და სახელოს. სახელოსათვის ცხევა დიდი ზომის თხელი პურები იმდენი, რამდენიც სოფელში მცხოვრებია. დილას ხელოსანი რომ ცხრა წყაროზე იბანს ტანს, ის ამ დღეს ცოტა არაყს დაღევს, სხვას არც არაფერს სვამს და არც არაფერს ჭამს. გამოიცილოს ტანსაცმელს. ჯვარიონი რომ ეამს სწირავენ, მაშინ მოიყვანენ ერთ სამი წლის მოზვერს და ერთ ცხვარს (ახალი ხელოსანი ერთი თვით ადრე გამოვა „საწმიდარ“, ცხოვრობს დარბაზში. ის სოფელში აღარ გაივლის და სოფლიდან რაც სჭირდება, მისთვის სხვებს მიაქვთ). კურეტს რომ მოიყვანენ, ხელოსანი მზად არის. ხუცესი კურეტს სანათლავად მოახსენებს, დაკლავს და იხუცებს შემდეგი განსხვავებით ჩვეულებრივი ხუცობისაგან: „შენა სამთავროდ, შენ მესაკელოსად (სახელი) საშელოდ, სამწყალობნოდ მაიჭმარი...“ გაგრძელება ხუცობისა ჩვეულებრივია, მხოლოდ აქ თქმული სიტყვები ჩაერთვის. ბოლოს მოზვერს ყელს გამოსჭრის და ხე-

ლოსანი სისხლით ხელებს დაიბანს. მესახელოეს გული გახსნილი აქვს, ხუცესი მოზერის სისხლს იღებს თითით და ხელოსანს შუბლზედაც და ვულზედაც სისხლის ჭვარს უკეთებან. მერე საკლავსაც აქვე იხუცებს და ხელოსნის სამხვეწროდ დაკლავს. ასე ახსენებს: „პირის საბანი, სამსახური სამწყალობნოდ მაიჭმარი, მეხვეწურისად, მესაჯელოსად“, და შემდეგ ჩვეულებრივად წავა ხუცობა. დასტურები ორივე საკლავს იქით გადააგორებენ. ხუცესი მობრუნდება და იტყვის: „გწყალობდას მესაჯელოეს, საწაღმართოდ მაგიაარას (იქ მყოფნი ყველანი ამ სიტყვებითავე აქოთქოთდებიან), მშვიდობით შაგინახას, ნუ შაგანანას ზღვნობა, ყმობა, მსახურობა, სიხარულად გაგიჯადას დალოცვილმ, ნურა შაგანანას“. ხუცობა რომ შოთავდება, ახალგაზრდები გაატყავებენ მოზერსაც და ცხვარსაც. იქვე დგას დიდი ქვაბით წყალი, ასო-ასოდ დაკრილ ხორცს შიგ ჩაყრიან და დაუნთებენ დიდ ცეცხლს. კურეტის ტყავი, როგორც სანათლაფისა, შინ იგზავნება, ცხვრის ტყავი კი ჭვარში რჩება. აქვე დაამზადებენ სანთელს იმ ვარაუდით, თუ რამდენი კაცი იქნება სოფლიდან აქ მომსვლელი. ხორცი რომ მოიხარშება, ამოიღებენ ფიცრებზე და იოგებიდან დაჭრიან ცალ-ცალკე. ამ ღროს სახელოს პურებიც მოაქვთ და აწყობენ დაბლა ბალახზე წრიულად. ერთ ადგილას უტოვებენ შესასვლელს. პური არის ამ სოფლის კოპლთა რაოდენობის მიხედვით. მიიტანენ მოხარშულ ხორცსაც და დააწყობენ პურებზე, ყველაზე ერთნაირად (სახელოს პური ცხვება იმათთვისაც, თუ მესახელოეს ჰყავს და ან მამიდა გათხოვილი). ყველაფერი რომ გამზადდება, ერთერთი იქ მყოფი სოფელს მაღალი ხმით დაუძახებს: (ვთქვათ, მესახელოე გიორგია) „სოფელო, გაიგონეთ! საჯელიო აქე გიორგის. შეედიო, ნულარ დაღვიანდებით, ვისაც არ მაგდისო, ერთმანეთს გააგებეთ. წყალობა უთხარით, თუ გწყალობსო ორიე ბატონი. ნულარ დაღვიანდებით, კაცი, დიაცი ყველა წაშეედით“. ამ ძახილზე სოფლიდან ყველა წაშოვა — კაცი და დედაკაცი. კაცები მივლენ ჭვარში, ქალები თავის განკუთვნილ ადგილზე, საღამდინაც შეიძლება მათი მისვლა. მესახელოეს თავისი ლუდი აქვს დაამზადებული. ამ კოლიდან გამოიტანენ დიდი ქვაბით და დადგამენ სახელოსთან. გამოიტანენ აგრეთვე დარბასიდან თსებს, აავსებენ ლუდით და აძლევენ ხელში ყველა იქ მყოფს, აგრეთვე თითო ღერ სანთელს. თასებს დააკრავენ სანთელს და სახელოს პურებზე დადგამენ. მესახელოე, ხუცესი და დასტურები შევლენ პურებისაგან გაკეთებული წრეხაზის შიგნით და იქიდან დაამწყალობნებენ მესახელოეს, მერე მანდილოსნებს.

ამის შემდეგ ხუცესი შეუდგება ხუცობას. ხუცობა ჩვეულებრივია — ჭვართ ავედრებს მესახელოეს. ხუცობის ბოლოს ყველანი ამწყალობნებენ ისევე, როგორც ზემოთ ითქვა. გაიმართება სმა. ქალებსაც გაუტანენ სახელოს ლუდს და დაალევინებენ, რამდენიც შეუძლიათ.

მერე ორ კაცს დააყენებენ და კომლზე თითო პურს დაარიგებენ ზედ დაწყობილი ზორციით. ეს პურები ბავშვებს მიაქვთ ქალებთან, რომელთაც საპნისოდ მიტანილი აქვთ რაღე ჭურჭელი, შიგ ჩადებენ და როცა სმას გაათავებენ, წაიღებენ თავიანთ სახლებში. თუ ვინმე შემთხვევით ვერ მოვიდა, სხვას დაავალებენ სახელოს პურისა და ზორცის მიტანას. დამრიგებლები აძლევენ დამბარებლის კუთვნილ პურს და მას მიაქვს სოფელში. პურის არწაღება არ შეიძლება, ეს არის მტერობა მესახელოესათვის, ამიტომ იგი ყველას მიაქვს. ქალებიც და კაცებიც — ყველანი პირველად მესახელოეს სამწყალობნელ სადღეგრძელოს დალევენ აუცილებლივ. მერე გრძელდება თავისუფალი სმა მესახელოეს ზარჯზე. ამის შემდეგ ეს კაცი დროშას ატარებს ყოველ დღეობაში და ღამისთევაში მეორე ამალლებამდინ. როგორც ვთქვით, შეიძლება მეორედაც შეზვდეს ხელოსნობა რიგით, მხოლოდ მივა ჭვარში და დროშას ისე იბარებს, რომ სახელოს აღარ იხდის. სახელო არის მხოლოდ პირველ მისვლაში.

სახელო ჯაქველში ამალლებას იციან, მთიშეშაგში კი ათენგენას. სხვადასხვა ჭვარში იგი სხვადასხვა დროს იციან. ხელოსანს დროშა აბარია, უვლის და სადაც საჭიროა. ყელგან ატარებს მას, მაგ. ღამისთევაში და ა. შ. აქ საჭიროა ვთქვათ, რა არის ღამისთევა და რატომ მიჰყავს ხელოსანს დროშა.

ღამისთევა ჰქვია ჭვარში ღამისთევასაც და სახლში ღამისთევასაც. სახლში ღამისთევა ხდება შენდგენაირად: რომელიმე ოჯახს შეთქმული ექნება ღამისთევა რომელიმე ჭვარისათვის. ან შეიძლება სამოთხი ჭვარიონნი მოიწვიონ სხვადასხვა ჭვარებიდან. ღამისთევა შეთქმული აქვთ უფრო ავადმყოფობის ნიადაგზე. გახდება ვინმე ავად და მკითხავსაც ეს უნდა. გაიგებს თუ არა, მიზეზსაც მალე გამოიგონებს და ეტყვის: მომავალ ამალლებას მაინც, თუ მანამდინ ვერა, ღამისთევები გინდათო. დაუსახელებს — ამა და ამ ჭვარების დროშები უნდა მოიყვანოთო. ბევრი არის, რომ „ძენგლადაც აძე“ რომ წელგამოშვებით უნდა გადაიხადოს ღამისთევა. ზოგი კი ყოველწლიურადაც იხდის. მაგრამ ეს გამონაკლისია. წელგამოშვებით კი აუცილებლივ იხდიან ღამისთევას. ამას ამალლებასთან იმიტომ აკავშირებენ, რომ მაშინ არის საკლავების შოვნა, დროც თავისუფალი აქვს გლეხს წელიწადის სხვა დროსთან შედარებით და სხვა.

ღამისთევისათვის ოჯახი ადუღებს ლუდს და არაყსაც დაამზადებს იმ ვარაუდით, რამდენი ჭვარიონნიც უნდა მოიწვიოს. შეიძლება მოიწვიოს არხოტის ჭვარის დროშა და ამას მოჰყვება ხუცესი, მგდროშავე და ორი თუ არა ერთი დასტური მაინც. ასევე ჯაქველისა. მთიშეშაგს დროშა არა აქვს. სამაგიეროდ „სახუტო კოჭობის“ წაღება იციან. სახუტო კოჭობი სხვა ჭვარიონებსაც მიაქვთ, მაგრამ რადგან

მთიშეშავს დროშა არა აქვს, დროშის მაგიერ კოკობს სცემენ პატრებს. მივლენ აგრეთვე იახსარის ჯვარიონნი. გარდა ამისა, ოჯახი თავის სოფელს დაპატიებებს და ქალი და კაცი ყველა მივა. ეს გათვალისწინებული აქვთ და იმდენს დაამზადებენ ლუდს, რომ კიდეც დარჩეს. შეიძლება მარტო ერთი ჯვარიონნიც დაპატიონ, ე. ი. მარტო ერთი ჯვარი ისტუმროს (ჯვარის სტუმრობას ეძახიან დროშის მოყვანას და ღამისთვის გადახდას). ხდება ხანდახან ისეც, რომ ჯვარში მიიტანს სვეს და ფქვილს. როცა დასტურები საჯვარო ლუდს ამზადებენ, მაშინ ისიც შიგ აურევს თავის სვეს და ფორის ფქვილს, შეშა-საე მიიტანს და მოეხმარება დასტურებს. დღეობაში ღამის მთეველს მისცემენ იმდენ ლუდს, რამდენიც მის მიტანილ სვეს და ფქვილს ეკუთვნის. ეს კაცა ჯვარში მიიტანს ღამისამთელს და ეამსაწირს, აქ შეასრულებს ჩვეულებრივ ღამისთვის და ეამსაწირვის წესებს, დაკლავს ერთ საკლავს და გაუმსპინძლდება მარტო ჯვარიონთ. ეს ხდება ხელმოკლეობის გამო და არც არის დიდად მიღებული. მიღებულია ბანზე დროშების მიყვანა და აქ მრავალი ხალხის მიერ წარმოქმული წყალობა.

დროშების მოყვანით სახლს ვითომ შორდება ყოველგვარი მავნებელი, უშმაკი და სხვა.

ღამის მთეველი აიტანს ლუდს, რამდენ ჯვარსაც ისტუმრებს, იმდენ საკლავს და იმდენსავე შეერულ წემის კონას მაღალბანის წვერზე. მაღალბანს ეძახიან ჭეროხს ანუ ზემო სართულის ბანს. ის ყოველთვის წმიდად არის დაცული. მასზე ქალი ფეხს არ შესდგამს მენსტრუაციის შემდეგ მესამე დღემდე, რადგან ასეთ ქალზე უწმინდურად არავინ და არაფერი ითვლება. არის ისეთი მაღალბანებიც, სადაც ქალები სულ არ გაივლიან. მავალითად, რომელ ჭეროხშიც საჯვარო ნივთი რამე ინახება და ან „ჯვარის კელაკი“ ცხოვრობს (ჯვარის კელაკი ჰქვია ხუცესს, ან ხელოსანს და შეიძლება მკითხავიც იყოს, თუ ის მამაკაცია). ეველაფერს რომ გაათავებენ, მაშინ ყველა ჯვარიონთან წავა თითო კაცი „მაწვეარი“ (მოპატიე). მოსალამოვდება და დროშებით მოვლენ ჯვარიონნი (ჯვარიონთ მოწვევა ხანდახან დღეობაშიც ხდება, უფრო კი დღეობა რომ გათავდება, მაშინ იწყებენ, მხოლოდ ეს აუცილებელი დღეობასთან უნდა იყოს დაკავშირებული, რადგან დროშა თუ დღეობაში არ ააბეს და მაშინ არ გამოაზრძანეს, სხვა დროს დროშის აბმა არ შეიძლება. ყოფილა შემთხვევა, როცა არხოტში ამალლებას გაუტანიათ არხოტის ჯვარის დროშა და ჯვარიონნი სასტუმროს (ასე უწოდებენ ღამისთევებზე წასვლას) ათენგენამდის ძლივს მორჩენილან. ათენგენიდან პირდაპირ ჯვარში მისულან (ამალლებიდან შვიდი კვირა არის ათენგენამდინ). ღამისათევა — ეამსაწირვა ერთი შეიძლება ერთ დღე-ღამეში, მაგრამ მაშინ, როცა ვეღარ მოთავებულა და მეორე დღეობას მოუწევია, ორ-ორი

ლამისთევა გადაუხდიათ. შეიძლება ლამისთევა გაყრილმა ძმა-პიძე-შვილებმა საერთოდაც გადაიხადონ.

ჯვარიონთ ვარაუდით იციან თავიანთი მისვლის დრო, გზადაგზა ერთიმეორეს ელოდებიან და ერთბაშად მოვლენ დროშების წყარუნით ყველანი.

ლამის მთეველს ჯვარიონთ მოსვლის დროს თავისი გვარის ხალხი ყველა აქ ჰყავს მოყვანილი — კაციც და ქალიც. ჯვარიონნი სოფლის შუაგზებზე, საიდანაც დადიან, არ გაივლიან. მოუვლიან სოფელს ვარშემო, საიდანაც შეიძლება წმინდა გზაზე გავლა და ისე მივლენ; თუ სახლი ისეთ ადგილას არის, რომ მისასვლელი გზა გადასჭრის სოფლის შუა გზას, მაშინ ფიცრებს გააწყობენ და ისე გადავლენ. უკიდურეს შემთხვევაში დროშიან კაცს ზურგით გადაიყვანენ. ავლენ მაღალ ბანზე. ხალხი ქუდმობილი და გაჩუმებული შეხედება პირჯვარს წერით. ქალები ბანის გარეთ ისეთ ადგილას დგანან, სადაც დროშა ახლოს არ ვაივლის და იქ იწერენ პირჯვარს. ჯვარიონები გაჩერდებიან შუა ბანზე, მედროშენი დახრიან დროშებს დაბლა და ზარების ძალზე წყარუნით ბანს გარეშემო შემოუვლიან. ხმას არაეინ არ იღებს. დროშები რომ უვლიან, სახუცო კოჭობები ხელში უჭირავთ დასტურებს და დგანან. მხოლოდ მთიშეშავს, რადგან მას დროშა არა აქვს, მის ხელოსანი დროშებს მიჰყვება სახუცო კოჭობით ხელში. შემოუვლიან და ბანის წვერზე დაწყობილ შეშის კონებში ჩაარკობენ დროშებს ტარით: შუაში არხოტის ჯვარის დროშას და იქით-აქეთ სხვა ჯვარის დროშებს (დროშები ჯვარში სამ-სამია ყველგან გამობძანებული, მაგრამ ლამისთევაზე მარტო ერთი დროშა მიაქვთ, რომელზედაც ზარი და ვერცხლის ჯვარი არის გაკეთებული). დროშებს რომ დაარკობენ, მიბრუნდებიან ბანზე მდგარი ხალხისაკენ და ეტყვიან: „წყალობა მაგიტანეთ მგზავრების ანგელოზებისა, წყალობა!“ აქ მთელი ხალხი აქოთქოთდება: „გწყალობდასთ, მამაშვილებო (თუ შვილები ჰყავს), მგზავრების ანგელოზების დაელოთი, საწალმართოდ მაგიარასთ, მშვიდობით შაგინახანასთ, ნუ შაგანანასთ ლამის თევა, მსახურობა. კლოვ უკეთი გულით მაგეკრძასთ. თქვენ გწყალობდასთ ყურით მაყურებლებებს ჯვარიონთა, დასტურსა, კელოსანს, შაუცოდვრად, შაუწყენრად შაგინახანასთ“. ახლა ქალებს ეტყვიან ყველანი: „გწყალობდასთ, მანდილოსნებო, მგზავრების ანგელოზების დაელოთი, სიხარულად გაგიკადასთ ლამისთევა, მსახურობა. კლოვ უკეთი გულით მაგეკრძასთ“. ქალები პირჯვარს იწერენ და ჩუმად ამბობენ: „თქვენი იყოს მწყალობელი. თქვენს თავს სწყალობდას“.

დამწყალობნებას რომ მოთავებენ, აქვე მზად არის იმდენი საკლავი. რამდენი ჯვარიც ისტურეს, ყველას ჰყავს მოყოლილი თავ-თავისი ხუცესი, დასტური და ხელოსანი. დასტურები თავისი ჯვარისათვის

დასაკლავს წააყენებენ დროშების ახლო, დააყენებენ პირალმოსავლეთი-
 ლკენ და თვითონ მარჯვენა მუხლზე დასხდებიან მწკრივად და
 ისე უჭირავთ საკლავები. ხუცესები თავ-თავის დასტურს და საკლავს
 მარცხენა გვერდზე მოუდგებიან ამოღებული ხანჯლით ან გრძელი სასა-
 კლავე დანით ხელში. შეუდგებიან ხუცობას; ყველანი ახსენებენ თავ-
 თავის ჭვარს და ახვეწებენ ღამის მთეველს. მაგ., არხოტის ჭვარის ხუ-
 ცები იტყვის: „ღმერთმა აღიდას შენ ძალი, შენ სახელ-სამართალი, დი-
 დო მიქიელო. შენა სამთავროდ, შენად გასამარჯოდ მაივმარი ეს სამსა-
 ზური ზირასაბანი, შენ ღამისმთევლად“ და ასე შემდეგ... ჯაჭველის ხუ-
 ცები ამბობს ამავე დროს ამავე სიტყვებს, ოღონდ ახსენებს — „ჯაჭვე-
 ლო ქმელის გორისაო“, მთიშეშაგის ხუცესი ახსენებს: „მთიშეშაგ წყა-
 როსთავისაო“, იახსრის ხუცესი: „ლადო იაქსარო“ და სხვა. ყველანი
 ხმამალა ერთბაშად შეუდგებიან ხუცობას. ხუცობაში დიდი მნიშვნე-
 ლოვანი ვარჩევა არ არის, მხოლოდ იაქსრის ხუცესი ურთავს: „კაცი-
 სად, საქონისად, ორფეკ-ოთხფეკისად“. სხვები დასცინიან — ოთხფეხი
 ძაღლს ჰქვია და თქვენი ხუცობა სწორი არ არისო. ყველანი ერთად
 ნოკლე-მოკლედ დაამთავრებენ ხუცობას, მხოლოდ ცდილობენ, ვინ
 უფრო კაი ხმაზე იხუცებს და მიიპყრობს ხალხის ყურადღებას. ბოლოს
 საკლავებს ყველა გამოსჭრის ყელს ჩვეულებრივად საკლავის დაკვლის
 სიტყვების წარმოთქმით. დასტურები საკლავებს გვერდზე გადააწყობენ
 და ყველანი ერთხმად დაამწყალობნებენ: „ღამისმთეველნო, გწყალობ-
 დასა, საწალძართოდ მავიარასთ“... და სხვა. მერე მანდილოსნებსაც და-
 ამწყალობნებენ ჩვეულებრივად. როგორც ზემოთ არის ნათქვამი. საკ-
 ლავის სისხლს ყველა თავთავის დროშას ცოტათი აპყურებს. კოდი
 აღრე არის „მოქიჯული“ და მოტანილია ერთი საწდე ლუდი. კოჭბებს
 ავსებენ ლუდით, დააკრავენ სანთელს და მისცემენ ხუცესებს. ხუცესე-
 ბი მოხსენებან იტყვიან მოკლე სიტყვებით, ყველანი ერთად, მაგრამ
 თავ-თავის ჭვარის სახელს ახსენებენ. მაგალითად, იახსრის ხუცესი იტ-
 ყვის: „ღმერთმა აღიდას შენი ძალი, შენ სახელ-სამართალი, ლადო იაქ-
 სარო, შენა სამთავროდ, შენა გასამარჯოდ მაივმარი ეს ჭიქა-ბარზიმი,
 სადიდებელო, შენ შენთ მახვეწურთად, ღამისმთეველთად, მამაშვილე-
 ბისად სამველოდ, სახოიშნოდ, სამწყალობნოდ მაივმარი, შენდ ღამის
 თევა არ დაუყრავად შენ შენს წყალობას ნუ დააკლებ, დალოცვილო,
 შენ უშველი ველთაცა-დ შინაც, შენ დაიკსენ ყველა გაჭირვებისაგან, ხა-
 ლიზ მიეც. ბალინჯი მათორი, ღმერთი შენს ბატონობას გაუმარჯვებს“.
 სხვა ხუცესებიც ასეთსავე სიტყვებს წარმოთქვამენ და ახსენებენ თავ-
 თავიანთ ჭვართ სახელს. ბოლოს ყველანი ასწევენ თასებს მალა და იტ-
 ყვიან: „მაგითამც დიდნი ხართ თქვენის გამჩენის ხთის კარზე, თქვენიმც
 ძალი, სახელი დიდებისა, კსენდების“; და ბოლოს: „ჯვართ დიდებაი,
 მებვეწურთ წყალობაი“ — ასეთი სიტყვებით დაღევენ ყველანი ლუდს.

ამ თასების სმაში აუცილებელია ფეხზე მდერა. უმისოდ ღამისთვის სადიდებლის თასებს არ დალევენ. დასტურები საკლავებს გაატყავებენ, ტყავს თვითონ შეინახავენ, ხორცს კი ყველანი ერთ ქვაბში ჩაყრიან და მოხარშავენ. ეს დასტურის მოვალეობა არის. ჭვარიონნი დასხდებიან სუფთად დალაგებულ ჭერხოში, უნთიათ შუა ცეცხლი და სვამენ. მერე მოიტანენ ღამისამთელს ტაბლით და დგამენ კოჭებით ლუდს (ღამისამთელს იქნება იმდენი, რამდენი ჭვარიონნიც არიან). ყველას თავთავისი დასტური ემსახურება და აწყობს, არიგებს, რაც საჭიროა. თასებს ლუდით ავსებს და სანთელს დააკრავს, ხუცეები ღამეს უთევენ; ნოხსენება და ხუცობა ისევე ჩვეულებრივი წესით არის, მხოლოდ თავთავის ჭვარის სახელს ჩაურთავენ ხუცობაში და ასე მოათავებენ ღამისთევას.

ღამისთვის ბოლოს სადიდებელ თასებში მდერაც ჩვეულებრივად იქნება და ყველაფერი მთავრდება ისე, როგორც ღამისთვის წესია. ღამისთევა რომ მოთავდება, ხორციც მოიხარშება. დასტურები ამოიღებენ და დააწყობენ ტაბლაზე, დაანაწილებენ, დაჭრიან, დალაგებენ იქვე დაწყობილ პურებზე, ამას ჰქვია „სატაბლო პურები“. დიასახლისებსაც მზად ექნებათ კეცეულები და მოიტანენ. (ოჯახის დიასახლისს ეხმარებიან ნათესავი დიასახლისები, აცხობენ ყველისა და ხორცის გულიან ხაჭაპურებს, რომელთაც კეცეულები ჰქვია. დასტურები და ადგილობრივი ზედამდეგები დაუდგამენ ტაბლას ჯერ ჭვარიონთ და მერე ყველა იქ მყოფებს; მანამდე ხომ ლუდისა და არყის სმა იყო როგორც ჭვარიონთან, ისე თავისი გვარის ხალხთან და სხვა სტუმარ-მეზობლებთან). ტაბლა დაიდგმება ხორცილსა. კეცეულებსაც დაჭრიან, ერბოს დაადნობენ და ბაქნებით დააწყობენ. ამ დროს ზედამდეგები კარახანას არიგებენ ყველას წინ დაუდგამენ ლუდიან თასს. პურის ჰამას ვინც გაათავებს, თასს იღებს ხელში და ილოცება: „ღამის მთეველნო, ავაშენასთ, ბარაქა მაგცასთ, მშვიდობით გამყოფნასთ, ზალიზ მაგცასთა-დ ბალინჯ მაგაშორასთ, კლოვ უკეთესი გულით მაგეკრძასთ, თქვენ მაგცასთ წყალობა სტუმარსაცა, სახლის კაცსაც (სახლის კაცი მოგვარესა ჰქვია), წეულსა მწყვდეულს. ჭვარიონებს მაგცასთ წყალობაი, დიდხანს გაგიყოლნასთ“. ამის შემდეგ დალევს კარახანას. ამას მოჰყვება ზედამდეგების მიერ მდერა, შემდეგ ჭვარიონებისა და ა. შ. იმართება ღამის.

ბოლოს დამთავრდება ღამისთვის წესები და დაიშლებიან. ზოგი დროშებთან დაწევა, ზოგი ჭერხოში, დილას მასპინძელი ადრე ადგება, სადილაო არაყს მოიტანს და ლოგინში დააღვინებს ჭვარიონებს. ყველანი ადგებიან, მოვა ჟამისსაწირები, დააწყობენ ტაბლაზე, დადგამენ ლუდიან თასებს სანთლებით. ხუცეები იხუცებენ სრულიად ჩვეულებრივად. შეასრულებენ ჟამისწირვის წესებს. ჟამისწირვას მოჰყვე-

ბა ტაბლის დადგმა. დასვამენ სმაში ფეხზე მდგარ ხალხს და დაუდგამენ სუფრას, მიართმევენ კარახანებს, რომელთაც პურის ჭამის შემდეგ და-
ლევენ. ამას მოჰყვება კარახანებზე მღერა. მერე თასები გამოიცლება
და ამით გათავდება პურისჭამა. შემდეგ კიდევ იმართება ლუდის სმა.
სვამს ყველა, ვისაც რამდენი შეუძლია; ზოგს ძალდატანებითაც ასმე-
ვენ. ბოლოს, ყველა წესები რომ შესრულდება, ჯვარიონნი მოემზადე-
ბიან წასასვლელად: ავლენ მაღალ ბანზე, აიტანენ ფანდურს და იმარ-
თება სმა და ცეკვა, თამაშობენ მარტო ვაეები, ქალები კი შორს დგანან,
რადგანაც იქ დროშა ახლოა და ქალების მისვლა არ შეიძლება. ბოლოს
თასებს ავსებენ: ხუცესები შეუდგებიან ჯვართ გადიდებას. ყველა ახსე-
ნებს თავ-თავის ჯვარს და დაამწყალობნებენ ღამის მთეველს. მერე
აიღებენ დროშებს (თასების გამოცლის შემდეგ) და წავლენ ჯვარში
ყველანი ერთად. წასვლის დროს დროშებს რომ ააბქანებენ, ბანს გარ-
შემო შემოუვლიან დროშის წკარუნით და მერე გადავლენ ბანიდან შეპ-
დევი ჰიტყვებით: „წყალობა გაგიწირეთ მგზავრთ ანგელოზოაი“. „ოქვენ
იყოს მწყალობელი“, — უბასუხებენ ღამის მთევლები და ლუდსა და
არაყს კარგა გზაზე გააყოლებენ. ჯვარიონები ერთად მანამდე მიდიან,
სანამ ერთი გზა აქვთ. მერე გამოემშვიდობებიან ერთმანეთს.

ახლა დავუბრუნდეთ ისევ ამაღლების სხვა წესებს. ამ დროს ძრო-
ხების მწყემსებს ყველა ერბოს უდგამს გუდაში. ამ დღეს „ერბობა“
ჰქვია. აუცილებელია რამე ჭურჭლით ერბოს გატანება; აგრეთვე იახსარ-
ში იციან ყველა კომლზე ადუღებული რძის შიტანა, იქ, ვისაც უნდა,
დალევს. ამას ჰქვია „ზისცვრობა“ (ზისცვარი — რძე). პატრონი ჯვართ
ახეწებს ძროხებს და მათი ღალის ნაწილი იახსარში მიაქვს, ახილში
კი მწყემსს აძლევენ ერბოს. ებრალებათ, რომ დღეობის დროს ძრო-
ხებში მიდიან, ხალხი კი აქ დროს ატარებს.

ამაღლება-დღე მოთავდება ამ წესებით. საღამოს მოვლენ „მზვიძის“
დასტურნი, მოაქვთ ღამისამთელი და სანთელი. ხუცესი მათ კოდს მოს-
ქიკავს და მერე შეუდგებიან ღამისთევას. ღამისთევა და ყველა მისი
წვრილმანი წესები შესრულდება ჩვეულებრივად (სხვაგან არის ნაჩვენ-
ები ეს წესები). ამ ღამეს გააბამენ სმას და მეორე დილა თენდება „მზვი-
ძე დღე“. დილას კიდევ მოვლენ დასტურნი, ცოტა არაყს სადმე იშოვ-
ნიან და ჯვარიონებს ლოგინშივე დაალევიანებენ. აქვე არიან ჯაჭველის
და შიგმდგომნი დასტურნი, სტუმრები და ბლომად მოიყრის თავს
ხალხი. მერე შეუდგებიან ჟამისწირვას. ჟამისწირვა, როგორც ზემოთ
არის აღწერილი ისეთივე წესით ჩატარდება. მას მოჰყვება თასები, თა-
სებზე საგმირო სიმღერების მღერა და სხვა: მოვა სადილობის დრო და
ჯვარიონნი ისადილებენ ჩვეულებრივ ტაბლით. ჯვარიონნი რომ შოა-
თაეებენ პურის ჭამას, დასხდება სოფლის ჯარიც (აქვეა საამისოდ ბალან-
ზე სუფთა ადგილები). გაგზავნიან მელუდეს, მოიტანენ ლუდს და იმარ-

თება ჯარზე მღერა. მღერიან ისევ საგმირო სიმღერებს — ზმირად ერეკლეთ მუხის, ზურაბ ერისთავის და სხვა გმირების შესახებ. ასე სრულდება ჯარის ყველა წესი. ბოლოს მოთავდება მღერაც. სმაც და წავლენ თავთავიანთ სახლებში. მხოლოდ წასვლის დროს მოიხდიან ჭეჭას, დადგებიან პირით კოშკებისაკენ, სადაც დროშა არის, და მადლს მოსთხოვენ ჯვართ: „ხთისაგან გაგემარჯვასთ თქვენის გამჩენისაგან, ჯაჭველო გიორგი კმელის გორისანო. ჳირ მავხპარი თქვენს ძალასა, თქვენს სახელ-სამართალს. ნურაით შამისწყინდებით, ნურაით შამიცოდვებთ, ნურაის ინაბარს ჩამიდებთ. თურას გაწყენთ, ზღვნითა, სანთლით მაცდიეთ, ჳურუმით მაქნიეთ, კაცით ნურას გადამაჯდეეთ, მეწაღმართე ანგელოზ გამამაყოლეთ, დალოცვილნო“. დაიჩოქებენ, მიწას აკოცებენ და წავლენ. წასვლის წინ ჳვარივნებს ეტყვიან: „ჯვარ გეწერასთ ჳვარსაც, კაცსაცად ჳვარიონთაც“. „ჯვარის წყალობა გქონდასთ, წყალობა წაიღეთ ორისაგ ბატონისა — წყალობა, წაღმ გამაგყვასთ ორისაგ ბატონის დავლათი“ — იტყვიან ჳვარიონნი და ბრუნდებიან უკან ცოტა გზაზე გაცილების შემდეგ. ასე მთავრდება აქ ამალლების წესები.

ხ ლ ა რ ჳ ვ ე ბ ა

ამალლებიდან ათი დღის შემდეგ მოცა „ხალარჯება“. ხევსურებს ისე სწამთ, რომ ამალლებას ქრისტე ღმერთი ამალლებულა და ანგელოზებიც თან გაჳყოლიან, ქვეყანაზე კი ეშმაკები დარჩენილან. ხალარჯებამდე ისინი ქვეყანაზე თავისუფლად დათარეშობენ და ბევრ ზიანს აყენებენ ადამიანებს. ამიტომ ამ ხანებში ბავშვებსა და ქალებს ეშინიათ შორს წასვლა სოფლიდან. ხალარჯება უფრო სულს დღეობად ითვლება. ამ დღეს ქალები ტირიან მიცვალებულის ტალავარზე. ჳირის პატრონი არაყს ამზადებს. ქალები იტირებენ, ისულეთებენ და შემდეგ მასპინძელი კარგად გაუმასპინძლდება სასმელ-საჭმელით. ხალარჯებას ლუდი ჳვარში არ იციან, მხოლოდ სოფელში აკეთებენ ახალი სულის პატრონები და ქალსა და კაცს მთელი სოფლისას გაუძასპინძლდებიან. მერე საფლავებზე წავლენ და წაიღებენ სასმელ-საჭმელს. იქ იმართება სუფრები, რაც ილოცება იმ მიცვალებულებისათვის, ვისთვისაც მიტანილია სანოვაგე. საფლავებზე შიდიან მარტო კაცები. ქალები ვერა, რადგან ჳვართ ახლოს არის სასაფლაო. ხალარჯებასვე იციან მიცვალებულისათვის დოდის გამართვა, ე. წ. „დოდნი“. მიცვალებულის პატრონი, თუ კაი მცხოვრებია და ემეტება თავის მკვდრისთვის პატივისცემა, დამატებით ხალარჯებას კიდევ არბოლებენ ცხენთ. ცხენთ მიცვალებულს ურბოლებენ ჳერ მაშინვე, როცა მოკვდება, მერე იმ მიცვალებულისათვის განკუთვნილ ხარჯებში „საქნარში“ და აი კიდევ ხალარჯებას. ცხენტრბოლების წესი ასეთია:

ცხენებს მოაგროვებენ ხუთიდან თხუთმეტამდე, როგორც ვის ემეტება მიცვალებულისათვის, რომ ოჯახიდან ბევრი რამ დაიხარჯოს. ცხენის გარევა შეუძლიათ სახლის კაკებს, სოფელს, ნარევთ (ნარევი — ვინც დასაფლავების დროს ეზმარებოდა), დედულთ, ე. ი. დედიძეთ, ცოლეულთ, დას, მამიდას, ძმობილს და შეიძლება განსაკუთრებულად ვისკე — იმ მკვდრისათვის პატივის მცემელსაც. ცხენის გარევა ნიშნავს შემდეგს — მათ ჭირის პატრონი შეუთვლის: ამა და ამ დღეს ცხენთ ვარბოლებ. ხარჯები მექნება და ცხენი დაამზადეო. დოღის ცხენები ხევსურეთში კარგად ჰყავთ შენახული, სულ კარგ თივას და ქერს აჭმევენ. როცა დოღისთვის ამზადებენ, მათი განსაკუთრებული მოვლა ჰპირთებთ — ერთი კვირის განმავლობაში ყოველდღე ბანენ ცივ წყალში, აქნევენ ბლომად ქერს და ყოველდღე არბენენ. ცხენი რომ შინაც ჰყავდეს. ის ვის ცხენსაც ურევენ, თუ საიმიერო არ არის, იშოვის ისეთ ცხენს. რომელიც სახელგანთქმულია. ცხენებს „დოღვი“, ე. ი. ჯილდო. აქვს დაწესებული. წინ მომსვლელს ერთ ღროხამდინ, მეორეს ნაკლები და ბოლოს დაახლოებით ერგება ციკანის, ან ბატკნის ნაფასური. დოღვად აყენებენ ძროხას, ცხვარს, ხბოს, ქვაბს, თუნგს, ხმალს, ხანჯალს, თოფს, ფარდაგს, ტყავის ქურჭს და სხვა. ფული იშვიათად იციან. ხალარჯებმა დილას ყველას მიჰყავს ცხენები იმის კარზე, ვინც დოღს მართავს. მოსულებს კარგად დაუხვდებიან ლუდით და არაყით. ცხენები დაბნულია ისეთ ადგილას, რომ პატრონი ხედავდეს და სვილი არავინ აჰაწოს (სვილი — ჰვეავი). სვილს რომ ჰამს ცხენი, ველარ დარბის გზაში იბერება და შეიძლება მოკვდეს კიდეც. მასპინძელი მოიყვანს სულის ბუცესს და გახსნის კოდს იმ წესით. როგორც ნათქვამია ზემოთ სულისათვის კოდის დალოცვაზე. დაილოცება მიცვალებულისათვის დამზადებული ლუდიც და ტაბლაც. დალოცავენ ჩვეულებრივად. დალევენ ცოტას, მერე გაიტანენ ცხენ-ტაბლას, იქ მოგროვდებიან ცხენ-მხედრები. მოიტანენ ქვაბით ლუდს, არაყს და იმდენ ხავეწიან ქადას, რამდენი ცხენიც არის (ამას ჰქვია „სანერბიელო“). სანერბიელოები დაწყობილია ერთ ტაბლაზე, ერთი ტაბლა კი კუბატ-ქადისკვრებით არის საკსე. ამ ორ ტაბლას გაიტანენ სოფლის განაპირა თავისუფალ ადგილზე, აქვე იქნება ერთი საწდღე ლუდი და თიხის სურით არაყი (ამ სურას ხევსურულად ჰქვია ჭურჭელი). გაშლიან ფარდაგს და დაყრიან ზედ ბლომად ქერს. იქვე ცოტა მოშორებით ქალები განლიან მიცვალებულის ტალავართ, შემოეხვევიან გარეშამო და ატყდებან ერთი ტირილი: ზოგი ხანჯალს იღებს ხელში და მას დასტირის, ზოგი ტანსაცმელს და სხვა (ტალავარში შარვალს არ დებენ). აქვე არიან ხმით მატირლები (მოთქმას, როცა ყველანი ტირიან, ჰქვია „ძახილი“, როცა ერთი ხმით მატირალი ტირის, „ხმით ტირილი“ ჰქვია). ქალები რომ ტირიან. ამ დროს მოიყვანენ ცხენებს. მათ ფაფარი და ძუა დაწ-

ნული აქვთ, ფაფარზე სხვადასხვა სამკაულებია ასხმული — მძივი, ლილი და სხვ. მიუშვებენ ქერზე და აკმევენ. (ცხენებს ნალოცი, ე. ი. შელოცილი, მძივები უკეთიათ ყელზე, რომ თვალმა არ ავნოს და ცხენი არ დაეარდეს. მძივი იციან ურძნისა. ურძენი წვრილი ხეა და რბილი ქერქი აქვს. ისე სწამთ, რომ ურძენს თვალი ვერ ეკიდება). მხედრები ტაბლასთან მოგროვდებიან, აცვიათ მარტო პერანგები, თავზე წაყრული აქვთ თავშულები. პატრონი ამ ხარჯისა დარიცხვას მისცემს: ამა და ამ გზით წახვალთ, იქაც ტაბლა დაგხვდებათ და დაისვენებთ იქაცო და ა. შ. მხედრები მივლენ, კისერზე მოხვეულ ქალის სარტყელს შეხსნიან ცხენებს და მუცელზე შემოაქრავენ (რადგან ცხენები უუნაგროდ არიან, რბენის დროს დაღმართში რომ მხედარი წინ არ წაცურდეს, სარტყელში ჩაუგდებს ხელს). სარტყელს რომ მოახვევენ, უცბად ყველანი ცხენებზე შესხდებიან. დედა მიცვალებულისა, ან ცოლი, ან სხვა ნათესავი ვინმე დაიქვრს ლაგამს ხელში და წინ გაუძღვება იმ ცხენს, რომელიც მიცვალებულისათვის არის დაკურთხებული (დაკურთხების წესი აღწერილია ზევით). მას თან მიჰყვებიან სხვა ცხენებიც. სამჯერ გარშემო შემოუვლიან სატირალს და ქალებს. მესამედ რომ შემოუვლიან, გაუშვეს გამძლოლი პირველ ცხენს. მანამდე სოფელი ხედავს, ცხენებს ძალზე გააჩიბრებენ ერთმანეთს, თან ხალხი მისდევს კივილითა და ყიყინით. სოფლებზე თუ აქვთ გზა და ცხენთაში ამ სოფლიდან ცხენი ურევია, ან მოკეთე ვინმე ჰყავთ, ის ტაბლას ამზადებს. გამოაცხობს პატარ-პატარა კუბატებს, გულიან ქადისკვერებს, დადგამს ტაბლაზე ერბოს, ადუღებულ რძეს და არაყს. ტაბლა მოსასველელ გზაში დგას და ხალხიც არის მოქუჩებულო, რადგან ყველას აინტერესებს დოდის ყურება. ყველა ტაბლასთან ისვენებენ, მხოლოდ ტაბლას რომ მიახლოვდებიან, აქ სცემენ ცხენებს მათრახებით და ჭენებით მივლენ. სვამენ სასმელს და ახლა სხვა ტაბლაზე წავლენ. ბოლო ტაბლაზე რომ მივლენ, ზოგი აღარცკი ჩამოვა ცხენიდან, ისე მოაბრუნებს უკან. თუ ძალიან შორი მანძილი აქვთ, ნელ-ნელა წამოვლენ, თუ არა და ძალზე გამოაჭენებენ.

ცხენებზე შესხდომამდინ ჯიბეში იწყობენ კუბატებს და ქადისკვერებს, რასაც გზადაგზა ბავშვებს გადაუგდებენ. მხედრებს ეს უხარიათ. ბავშვები შესძახებენ: „გამარჯვება ცხენ-მკედართ, კელიმც მაგემართებისო“. ასეთივე გამარჯვებას შესძახებს ყველა შემხვედრი. სხვათა შორის, თუ აღმართები აქვთ ასაყლევი, მაშინ გზადაგზა აღმართში „მგებრები“ დაუდგებიან (მგებრი, ვინც მხადარს შეენაცვლება). ვისაც ენდობიან, რომ ცხენს არ უღალატებს, იმას დაავალებენ: ამა და ამ ადგილას რომ მოვალ, იქ დამხვდი და შენ შემენაცვლეო. თუ შორი გზა არის, ორი-სამი შემცვლელიც დადგება აღმართში შორი-შორს, რადგან აღმართში ძალზე იღლება ცხენი. ხანდახან მხედრები

ვადმოტეზიან და ცხენს სალოათ წინ წაიგდებენ. ცხენიც დაჩვეულია და ვზას გაჰყვება. ამას ჰქვია „შექვეითება“. ცხენს ძალიან ეხმარებოდა ქვეითობით მარდი და მუხლადი ბიჭები. ცხენები პირველად ძალიან ნელ-ნელა მიჰყავთ: ხან შეჯდებიან, ხან ფეხით მიდიან. მხოლოდ სოფელს რომ მიუახლოვდებიან, იქ შესხდებიან და გააჰყენებენ. ბოლო ტაბლიდან კი. სადაც მიჯნა აქვთ, რაც შეუძლიათ ცხენს აღარ დახოვავენ. უკანასკნელ ტაბლაზე რომ მივლენ, თუ მათრახები არა აქვთ ვინაჟსოვის ჩაბარებული, არეულ-დარეულად ბრუნდებიან (დალატათ რომ არავინ გამოიქცეს და სანახებრად საქმე არ გაუხდეს, ამიტომ იქვან მათრახების ჩაბარება ერთი კაციისათვის, რომელსაც მასპინძელი დაავალეს). უკანასკნელ ტაბლაზე, საიდანაც „ძალს იქმენ“, ის დაუბრუნებს მათრახებს და ერთბაშად გამოაჰყენებენ ყველანი (ძალის ქნა — უკანასკნელად რაც შეიძლება მოაჰყენებენ ცხენებს, მანამდე კი მზავრულად მიდიან). მხედარი როცა ცხენს შეამჩნევს, რომ დაიძალა, თუ აღმართია, ცოტახანს გადმოხტება, ცხენს წინ წაიგდებს, მერე ნოახტება ისევ და მიაჰყენებს. ამასობაში მივა პირველ მგებართან, მგებარი ცხენს ჩამოართმევს და შეუქვეითებს, ახლა მეორე მგებარი, მესამე და ბოლოს მიაღწევენ მიჯნამდე, მოსულს მიეგებებიან, გაშარჯვებას შესძახებენ. მხედარი გადმოხტება და ჩამოართმევს ცხენს, რომელსაც მაშინვე ლაგანს მოაშორებენ, წეკრულ ძლას. გაუხსნიან და ატარებენ იქით-აქით, რომ უტბად გაჩერებული არ გაცივდეს; როცა ოფლი შეაშრება, გადააფარებენ რამეს, დააბამენ და მისცემენ საჭმელს. სხვა ცხენებიც მოვლენ. ქალები კი ისევ სხედან და ტირიან; ხმით მოტირლები რიგ-რიგობით იტირებენ მხოლოდ ქალების თხოვნით. არა მარტო იმას ტირიან ხმით მოტირლები, ვისიც ტალავარნია, არამედ სხვა მკვდრებსაც შეატირებენ. შეიძლება აქვე მოჰყვეს სულთანობაც (სულების ენით ალაპარაკება), მითუმეტეს, რომ აქ ცოტას დალევენ და მესულეთე შეიძლება შეგულიანდეს.

ცხენნი ხანდახან ღამეთენებით წავლენ პირიქითში და მაშინ იქ ათევენ ღამეს, სადაც უკანასკნელი ტაბლა აქვთ. კარგად უხვდებიან მხედრებს, ღუდიც ექნებათ დამზადებული, ვისთანაც ღამეს ათევენ. მასპინძელი უსათუოდ უნდა იყო მახლობელი მოკეთე მიცვალებულისა, ვისიც დოღია. — დისწული, დედიძმა, მამიდა ან ცოლეული, ე. ი. ცოლისძმა. დიასახლისი ღამიანად ადგება და დააცხობს კეცეულებს, რომელთაც „სანაყროები“ ჰქვია. სანაყრო ნიშნავს საუზმეს. პურს რომ ჰკმენ და დალევენ, გამოისტუმრებენ.

ყველა მხედარი რომ დაბრუნდება, სატირელსაც აალაგებენ. მხედრებს ცალკე სახლი წაიყვანენ და ერთი ზედამდეგი დაუდგება. მოუტანენ ღუდს, არაყს, ხაფიწს ჭამებით და პურს. პურის გატეხისას

იტყვიან: „ღმერთო, უშველი მასპინძელს, მარკეს ნულარას მისცემ, ლხინზე შაუცვალი ეს მაკეთებია სოფლებიდან-დ სუფრაიც“. დაილოცებთან სჯერათოდ ყველა მკვდრის ხარჯს ასე: „ააშენას მასპინძელი, ბარაქა მისცას, მარკე ნულარა მისცას, ლხინზე შაუცვალას ეს სუფრაიცა-დ სოფლელ-მაკეთებიც. თქვენ დაგლოცნასთ, გადღეგრძელნასთ, მარკეზე ნულარაზე ვინ დაგხარჯნასთ. შაუნდნას, ვისადაც ილოც, მაკმარას ღმერთმ“:

თუ რომელიმე მხედარმა უღალატა, გზიდან დაბრუნდა ან გაიპარა და მიასწრო, იმას უტეგრად არ გაუშვებენ. მხედრებს ძალიან ხშირად მოსდით ჩხუბი, რადგან ყველანი ახალგაზრდები არიან და სიჩქარის და ღელვის გამო ხდება ღალატი, გზიდან ცხენის დაბრუნება და სხვა. დამნაშავეს თუ მისვლისთანავე არ ტყემეს, დოღეს, ე. ი. ჯილდოს, არ დაანებებენ და მაშინ მაინც მოუვათ ჩხუბი. ხანჯლები არ აქვთ და დაჯილდოვებით სცემენ ერთიმეორეს თავპირში (დაჯია არის ცერზე გასაკეთები წვეტებიანი სათითური). ხანდახან მხედრებმა დოღის გაზიარებაც იციან — მოილაპარაკებენ: დოღვი სწორად გავინაწილოთ და ნებაზე ვიაროთ. რომ ერთიმეორე ჯიბრით არ დაგვაზიანოთო. ეს მასპინძელს არ ეოსწონს, მაგრამ თუ პირიქითს წაეიდნენ და ცუდი გზებია, მაშინ კი არ უშლის დოღვის გაზიარებას.

მხედრები სმა-ჭამას რომ მოათავებენ და ლაპარაკითაც გაძლებიან, გამოვლინ გარეთ. სადაც სოფლის ხალხი სხედს ტაბლასთან და მათში აირევიან. ზედამდეგები მათაც დაუდგამენ ტაბლას: ხავიწს, პურს და ყველს. ყოველივე სასმელი და საკმელი ჯერ კოდთან დაილოცება და შემდეგ აქ. რამდენიც საწლე გამოვა ლუდიანი, ყველას შენდობას ეუბნებიან სხვადასხვა მათი ნათესავი მიცვალებულისათვის (დალოცვის წესი აღწერილია ზემოთ, მხოლოდ გამოტოვებულია დოღვის დაწყობის და მისი დალოცვის წესები). დოღვის დასაყენებლად ბიძაშვილს და სოფელში რომელიმე კაცს დაუძახებენ, ვისაც ამისთანა საქმეში მეტი გამოცდილება აქვს. მასპინძელი მოიტანს და დააწყობს იქ იმას, რაც ემეტება მიცვალებულისათვის: ფარდაგი, შეკერილი ტყავი, ქვაბი, თუნგი. იარაღი და სხვა. აგრეთვე ეტყვის, რომ ეს ძროხა არის დაყენებული, ეს ცხვარი, ხბო და სხვ. კაცები აწონდასწონიან ყველაფერს და შეათასებენ. ცხენებს ინგარიშებენ რაპდენია და დოღეს ისე დააყენებენ, რომ ერთ რამეში ორსამ ცხენს ჰქონდეს წილი. მაგ., ძროხა ხან ორი ცხენისათვის დგება დოღვად (ჯილდოდ), ხან სამისათვისაც. კაცებმა ისე იციან ამის ანგარიში, რომ წინ მომსვლელს ამ ძროხის საფასურიდან რამდენიმე მანეთით მეტი წილი ეკუთვნის, მეორეს ამაზე ნაკლები და მესამეს სულ ნაკლები. ასევე სხვა რამეებში აქვთ სხვადასხვანაირად წილი. ჭირისპატრონი ცდილობს, რაც შეიძლება მეტი დოღვი დადგეს, რადგან თავისი მი-

ცვალებულისთვის ემეტება. მაგრამ დოღვის შემფასებელი და დამყენებელი კაცები ბევრ რამეში ეწინააღმდეგებიან. დოღვს რომ დააყენებენ, მერე რაც დაჩება ჭირისპატრონის მიერ მოტანილიდან, იპას გვერდზე გადააწყობენ, დოღვს კი ცალკე. მერე მოიტანს ჭირისპატრონი საწლით ლუღს, ხანთელს და დალოცავენ ლუღსა და დოღვს ერთად; თასს აავსებენ, რომელიმე უფროსი კაცი იღებს თასს და იტყვის: „ღმერთო, დიდება შენდა, ღმერთო, მადლი შენდა, ღმერთო, უშვილი მასპინძელსა-ღ მარჯეს ნულარას მისცემ. ღმერთო, შენი დიდებითა, ჩემის სიტყვის მავსენებით, სააქაოს ნათქვამი თუ საიქიოს მიდიოდას, წესი მართებული იყოს ხთის წესითა, მღღღის წესითა, იერუმსაღეთის ნათელით, ქრისტეს გარაგებით, მანდაურის წესითა-სამართლით, სადაც შენ ხარ, (დაუშვათ მიცვალებული სახელი დავითი), დავითო. შენ სულის ყოფაი ას, შენიმც საქმარი ეს დოღვი, შენამც საიალოი სწორ-ამხანაგშიამც ზღვებარ, სწორთამც ნურაით მიღნატრი, ცოტადიდად, რიომ წმიდად, ეს საწღეი თასიც შენამც გეკმარის, ნუმცარა დავაღონებს, შავინდნასა, მაგაკმარას ქრისტიანობის გამჩენმ ღმერთო“. ასე იქნება დოღვი დალოცვილი. ბოლოს მხედრები დოღვს მოიკითხავენ დამყენებლებისგან და მიიღებენ განაწილების თანახმად.

მხოლოდ სადოღვე პირუტყვს ყურს მოსჭრიან და ასევე შენდობას ეტყვიან მიცვალებულისათვის როგორც სხვა დოღვს.

ხალარჯობა დღეს განსაკუთრებით ეძახიან სულის დღეობას. მაშინ სულები მესულთანეებს ზშირად ალაპარაკებენ, ე. ი. ასულეთებენ. საიქიოდან არიგებენ სააქაოში მცხოვრებლებს, თავ-თავიანთ ოჯახებს. აუწერენ საიქიოს ცხოვრებას: აქ ციხე არის და ახალგაზრდები ციხის ზეთვალში (ზემო სართულში) ვართ ძალიან მხიარულებაშიო, ხთის ულუფა მოგვდის — მზა სასმელ-საჭმელი, მღერა-მხიარულება და თამაშობა ბევრი გვაქვსო. თქენ რასაც ჩვენთვის ლოცავთ, ის შენდობა მოგვდის და ჩვენი სული ამით ბრწყინდება. ძალიან კარგია, ვისაც აქ ეხენი ჰყავს, ჩვენ, მგებრნი, დავდივართ. ცხენიანები ჩქარა წავლენ და ჩვენ, უცხენოებს. მისვლა გვიგვიანდებაო (მგებრნი — როცა კვდება ვინმე, საიქიოში ეს აშბავი თითქოს ყველა სულმა იცის და წავლენ მის შესახვედრად, მისაგებებლად. პირველად საიქიოში შემოსულ სულს შეხვდებიან). აქ არ არის მტერობა და შური. მხოლოდ დაყოფილი ვართ „ანდაბებლად“ (ანდაბი, ე. ი. ერთი ნათესაობა ერთ ჯგუფად). აქაც კიდევ იყოფიან სულები: ბავშვები, როგორც ანგელოზები, სულ ცალკე არიან, ახალგაზრდები ცალკე, იაღში (იაღი: უფრო ბედნიერად, სილაღით და სიხარულით მყოფი საიქიოში), ხნიერი ხალხი კიდევ ცალკე არიანო.

თუ ავად ვინმე არის, მასაც ანუგეშებენ სულის „ნათქვამით“: ხთის კარზე მივალ და ვთხოვ მაგის მორჩენასაო. ვინმე თუ მოკვდა.

იმზეც იტყვიან (სულის მაგიერ: ხთის კარზე ვიყავი და ვერაფერი ვარ-
გე, ხთიდან გაცემული ყოფილიყო. ჩვენ თქვენის გულისთვის ხთის
კარზე მუდამ მივდივართო (ხთის კარზე, ე. ი. ღმერთთან). თქვენს მწუ-
ხარებაზე სამ დღეს საბნელოს ვიჭექი და მერე გამომიყვანესო. ამის-
თანებს ლაპარაკობს მესულეთე, ვითომ სული ალაპარაკებს. გაჰკვირ-
ნამაღლა, თვალები დაბუჭული აქვს და ცდილობს, ცრემლი გადმოე-
დინოს.

ასე ამოიწურება დღეობა ხალარჯობა, ჯვარში ამ დღეს არაფერი
წარუღდება. სოფელში ჭირის პატრონის გარდა, მცხოვრებლები სა-
დილს მაინც დაამზადებენ და მიცვალებულისათვის შენდობას ეუბნე-
ბიან „სახელის დებით“ (სახელის დადება ეწოდება ტაბლისათვის შენ-
დობის თქმას ოჯახში). ამავე დღეებში დააყენებენ სათიბეს. მანამდე
სათიბეებში დადის ცხვარიც და ძროხაც. ხალარჯობის მეორე-მესა-
მე დღეს კი ხუცესი მოიწვევს სოფლის კრებას და გამოუტყხადებს:
„სოფლელებო, თუ გწყალობსთ არხოტის ჯვარი, დროი ას ექსლად,
რო საქონმ გაღრიდასა-დ მთაში წავიდას, სათიბეებსაც მაშორდას. თუ
ექსლა არ დაისვენ სათიბემა-დ ბალახ არ მავიდ, როსად მავ. საქონო-
ბისაიცი წილ გავეყარათ“.

აქამდე საქონელი თავ-თავის მწყემსს დაუდიოდა, ახლა კი სოფ-
ლის საერთო მწყემსი იქნება მესაქონე, ე. ი. მენახირე; შეიძლება
რიგ-რიგობითაც იარონ ნახირში.

ამავე კრებაზე გადაწყდება უქმის დაყენების საქმეც. ზაფხულის
პერიოდში ზევსურები უქმე დღეების გარდა კიდევ სხვა უქმეებს იჩე-
ნენ და უქმობენ; უქმე არის კვირაში ოთხი დღე, საქმის დღე კი სამა:
უქმობენ პარასკევს, შაბათს, კვირას და ორშაბათს. საქმის დღეებად
აქვთ სამშაბათი, ოთხშაბათი და ხუთშაბათი. პარასკევით ამბობენ,
მთავარანგელოზისთვისა გვაქვს ნაპატივარიო, შაბათი, კვირა და ორ-
შაბათი გვჭირდება უქმეებადო. საქმის დღე რომ იყვეს, არ შეიძლება
იპიტომ, რომ მუშაც უნდა შევეყაროთ, სამგზავროზეც უნდა წავიდეო.
უქმში არც სამგზავროდ წასულს მოგვიცდება საქმე და არც მუშაში
ვინმე მოგვეშველება.

მაგრამ უქმით სარგებლობს უფრო შეძლებული ხალხი. უქმში
მუშას რომ შეყრის ვინმე, მაშინ უნდა დაკლას ციკანი, ან სხვა რამე
საკლავი. აგრეთვე მუშას უნდა გაუმასპინძლდეს ერბოთი, კეცეულე-
ბით და სხვა. ამის შეძლება ღარიბ კაცს არა აქვს. მდიდარი კაცი ღა-
რიბს აძლევს სულ უმნიშვნელო ფასს და ამუშავებს — მაინც უქმეა
და ტყუილად მოცდებიო. ამას ეძახიან „უქმის მუშას“. „საქმის მუშა“
უფრო ძვირი ღირს.

უქმი თუ გატეხა ვინმემ და იმუშავა, იმას სოფელი მოიკვეთს, მის
ძროხებს ძროხებში აღარ გაირევენ, ცეცხლი რომ გაუჭრეს, ცეცხლ-

საც არ მისცემენ და ხმასაც არავენ გასცემს. ესეც ხდება მდიდარი ხალხის ზეგავლენით, რომ უქმი გამაგრდეს. ხევესურეთში უქმი რომ არ იყოს, შეძლებული ხალხი ძალიან იზარალებს.

უქმეებს ნიხავენ მარტო თიბვის და მკის დროს. დანარჩენ დროს არ იციან უქმი არც შენოდგომაზე, არც ზამთარში და არც გაზაფხულზე. თუ სოფელი სასოფლო საქმეზე სადმე გაგზავნის ვინმეს, მაშინ იციან მისთვის უქმის მიცემა. უქმის მიცემა ნიშნავს იმას, რომ სოფელი ეტყვის: თუ ამა და ამ საქმეზე წახვალ და შეგვისრულებ, ერთი დღე უქმე იმუშავებ (საკლავის დაუკლავად). საკლავის დაკვლას ჰქვია „უქმის ნათვლა“ და სოფელი ვისაც უქმს მისცემს, მას უქმის ნათვლა აღარ უნდა, ისე ამუშავეებს მუშას. ამითაც ისევე შეძლებულები სარგებლობენ. შეძლებულ კაცს ჰყავს ცხენი და სადაც სოფელს წასასვლელი ექნება სასოფლო საქმეზე, აქაც შეძლებული კაცი მიდის და უქმიც მას რჩება.

პირაქეთ ხევესურეთში იციან წვრილმანი უქმეები, მაგ. „ხნულა“, „მეღვარობა“ და სხვა. ამ წვრილმან უქმეებში თავის ადგილში არ მუშაობენ, სხვა სოფლის ტერიტორიაზე გადავლენ, იქ მუშაობენ. უფრო ქალები მიდიან თავისი ხელსაქმით. ამას ჰქვია „საუქმიობა“. გაზაფხულზე და ზაფხულში, ასეთ წვრილმან უქმეებში კაცმა რომ ხევესურეთის გზაზე გაიაროს, ხშირად ნახავს მესაუქმე ქალებს გზის პირზე. ისინი სხედან და ხელსაქმობენ, კერავენ ტანსაცმელს: ქარგავენ და სხვა.

ა თ ე ნ გ ე ნ ა

ხალარჯობის შემდეგ მოდის ხევესურეთში ცნობილი, ყველაზე დიდი დღეობა ათენგენა. იგი გრძელდება ერთ კვირას. აუცილებლად მოდის ძველით ივლისის ცანეტ რიცხვში. წასული სამი დღეობა, — აკვსება, ამალება და ხალარჯობა მოძრავი დღეობებია, ათენგენა კი მუდამ დადგენილ დროს მოდის.

ათენგენისათვის დასტურებს წინასწარი სამზადისი აქვთ. აღრევე შეუდგებიან ფორების გაკეთებას. ათენგენის ერთი კვირით წინ დაიწყებენ ლუდის დუღებას. იღუღებს თითო ჯვარში რამდენიმე ქვაბი ლუდი. მაგალითად, არზოტის ჯვარში სამოკამდე ჩხუტი ლუდი დულს. ზელოსნები და ხუცესები ორი კვირით „საწმიდარ“ მიდიან. მხოლოდ სახელო მთიშენაგში ათენგენას იციან და მისი ზელოსანი ერთ თვემდე არის საწმინდარში. საწმინდროვის დროს აკრძალულია ისეთ ადგილზე გავლა, სადაც ქალის ფეხი ხშირად ხედება. მაგ., ხილზე გასვლა ყოველად შეუძლებელია. აკრძალულია აგრეთვე ისეთი საქმის კეთება,

სადაც ოფლი მოუვა, რადგნ ხელოსნისათვის ოფლის დენაც აკრძალულია. აკეთებენ წვრილმან ხელსაქმეს, უფრო წნავენ მუშისაგან საბლებს (თოკს). მუში არის ცაცხვის ქერქისაგან დამზადებული სათოკე მასალა. გაზაფხულზე როცა ხეს წყალი ჩაუდგება, ააძრობენ ცაცხვის ნერგებს ქერქს; ორად გაყრიან: ცალკე აცლიან უვარგის ქერქს, ცალკე რჩება ძალიან კარგი და მაგარი მასალა თოკისათვის. ის უნდა ჩადონ დაგუბებულ, ქაობის წყალში დააბლოებით ოცი დღე, დარბილდება და ბევრ ნაწილად დაიხევა. გააშრობენ, დახევენ წვრილად და გრეხენ ან წნავენ თოკებს. ხელოსნები მუშისაგან საწმიდროვის დროს ბევრ საბლებს ამზადებენ.

ხელოსნებს სოფლიდან მოსდით საქმელი — ხინკალი, კეცეული, ზორცი და სხვა. ამას ჰქვია საკვლევი. ისე კომლი არ რჩება სოფელში, რომ ხელოსანს, უფრო ახალს, ერთხელ მაინც არ მიუტანოს საკვლევი. ზოგი ორჯერ-სამჯერაც გაიკვლევს, ვინც ხელოსნის ნათესავია ან კარგი მეგობარი. არაყსაც მიუტანენ. ხელოსანი ყველას დაიხსოვებს, დღეობის ბოლოს მოიკითხავს და ლუღს გაუვზავნის თითო კოშს.

საწმიდროვის დროს ხელოსანი დღეში თითოჯერ აუცილებლივ დაიბანს ტანს ცივ წყაროზე. ტანის დაბანა იციან უბრალოდ, საპონი არ აქვთ და არც საცვალი. ცივი წყლით დაიხველებენ ტანს და ჩაიცვამენ ზედ შალის პერანგს. ხელოსნები საწმიდარ არიან, როცა დასტურებს მოაქვთ ფქვილი, სვე და აყრიან ქვაბებს. ლუღს ადუღებენ ჩვეულებრივად: სისწვენს გააციებენ ლაბაში, გაიტანენ დარბასში და გადაასხამენ კოდში. აქ მისკემენ სისწვენისაგანვე დამზადებულ საფუარს. მოაკრავენ პირზე ფარდას და საბელს. ათენგენის წინა დღეს, საღამოხანზე, დასტურები გარეცხავენ ჭვარში რაც რამ არის — თასები და სხვა ჭურჭლეული და დალაგებენ საამისოდ გაკეთებულ თაროებზე. ერთი დასტური წავა დიასახლისის მოსაყვანად. დიასახლისი მომზადებული დახედება. მას გამომცხვარი აქვს ბოჭოლები და მასანთობები, რომლებიც გულში უწყვია, შეკრული აქვს თავის საგებ-სახურიც. მასანთო საკვირაოსავით საქვრეთათი არ არის დაქრელებული, მხოლოდ ხუთ ადგილას აქვს თითის დანადგამი, გული ხავიწისა აქვს. ბოჭოლა კი უგულო. უბრალო საქუთხედი პურია, რომელსაც სამივე გვერდზე ცოტა ჩაზნექილი აქვს. დასტური და დიასახლისი რომ მივლენ მწვერის საფლავის (სადაც ნიშია მისი) პირდაპირ, ხატის ყორის გადაღმა მხარეს დიასახლისი ერთ ბოჭოლას და ერთ მასანთოს ერთიმეორეზე აწყობს და ანთებს მუშს, ეხვეწება ლაშქარ-მწვეჯარო. ბოჭოლას იქ დატოვებს. მასანთო თან მიაქვს. მერე ჭვარში გადასახედში გალავანზე ანთებს, მერე ქვევრი დგას და იქ, შემდეგ საქვაბეში და ბოლოს ანთებს სადიასახლისოში. დასტური აქ დაანთებს ცეცხლს და შეუდგებიან ხავიწის დუღების სამზადისს. ხავიწისათვის მოტანილ

ერბოს აქვს თავისი საწყაო. ერთ ღამესამთელს, უამსაწირს და გამო-
საშალს ზვირდება დაახლოებით შვიდი გირვანქა ერბო, საწყაო
წვილი და მაღალი ქვაბია და მას ჰქვია „გაჭალათეულა“. ე. ი. გა-
ჭალათაგან შემოწირული.

დასტურებს დღეობები განაწილებული აქვთ და ვისაც როდის
შეხვდება, მაშინ მიაქვს ერბო საკუთარი ოჯახიდან. წლის განმავლო-
ბაში არის ორი მთავარი დღეობა, ათენგენა და წელწადი. ამ დღეობებ-
ში კი სამივე დასტურს მიაქვს ერბო განსაზღვრული რაოდენობით.
ერბოს აწყავენ და ამაზე დასაყრელ ფქვილსაც. იციან ვარაუდი, რამ-
დენ ერბოს რამდენი ფქვილი უნდა და ხავიწი რამდენი დადგება. ხა-
ვიწს ადუღებენ შემდეგნაირად: ერბოს გაადნობენ, ადუღებენ და
მერე დააყრიან რამდენიც საჭიროა, იმდენ ფქვილს. მოადუღებენ და
გადმოდგავენ ქვაბს ცეცხლიდან. როცა ცოტათი შეიყინება, კიდევ
აწყავენ ხავიწს საკუთარი საწყავით, რომელსაც ჩანახს ეძახიან. ჩანა-
ხი არის სპილენძისაგან გაკეთებული. ორჯამიანზე დიდი. რამდენიც
ღამისთევა და უამსაწირვა აქვთ, იმდენ ჩანახს ავსებენ. ერბოს აწყვი-
დანვე იციან, რამდენი ჩანახი ხავიწი გამოვა და რამდენია საჭირო. ჩა-
ნახში ხავიწი გაიყინება. პირქვე წამოაბრუნებენ და ფიცარზე აწყო-
ბენ ჩანახში დაყალიბებულ ხავიწს. თითოობით გადმოიღებს დასტუ-
რი, როცა საჭიროა, და ჩათლის დანით სპილენძის ბაქანში. დიასახლისი
კი მას ჩაუდებს გულად ქადას. იგი აცხობს აგრეთვე ხმიადებს და
საკვირაოებს. ბოლოს ყველას გაბანს წყალში, გაპოხს ერბოთი, გვე-
რდზე დააწყობს ერთიმეორეზე ერთ დიდ ქადას, ცხრა ხმიადსა და ოთხ
საკვირაოს. საკვირაო არის ხავიწის გულიანი და საკვრეთათი დაკრე-
ლებული პატარა ქადა. ხმიადს კი გული არა აქვს. იგი თხელი პური,
ხელით რამდენიმე ადგილას ჩაღრმავებული (ხელს დაადგამენ გარე
გვერდით და ასე მოხრილად დაკვრეთილი გამოდის). საკვირაოზე რომ
დაკრელებულია, ასეთ ორნამენტს ეძახიან „თიჯნის ყურას“.

ამ სამზადისში როცა არის დიასახლისი, დარბაზშიც ემზადებიან:
ხელოსანი გაინათლება ისე, როგორც ზემოთ ნათქვამია. იგი ხმას ამო-
იღებს და დროშას ისე აბამს. ორ დროშას განსაკუთრებული სახელი
არ აქვს, მხოლოდ რომელსაც ზარი და ჭვარი უკეთია და განსაკუთრე-
ბით კარგად არის შემკობილი, მას ჰქვია „მგზავრი დროშა“, რადგან
ღამისთევეებზე ის დროშა დაჰყავთ მარტო. ორი დანარჩენი დროშა
შუბებით ადგილობრივ რჩებიან. ხელოსანი დროშას რომ აბამს, პირ-
ჯვარს დაიწერს, შეევედრება მიქიელს, იღებს სამივე დროშას ერთად
და დროშის ზარის წყარუნით შემოუვლის დარბაზს. ბოლოს გარეთ ვა-
მოვა, ხუცესიც და დასტურებიც თან გაჰყვებიან. დარბაზის კარს კი-
დევე შემოუვლის დროშების წყარუნით და ბოლოს მიაყუდებს მათ-
თვის გაკეთებულ ადგილზე, მობრუნდება და ეტყვის იქ მყოფებს:

„წყალობა მაგიტანეთ დროშათ მკავის ანგელოზისა“; „შენ იყოს მწყალობელი“ — ეტყვიან. შევლენ დარბაზში და ანთებენ სანთელს. ხუცესი კოდს „მოსკიკავს“. დასტურები ხუცესს რელის ჩხუტას და სანთელს მისცემენ. ხუცესი ერთ სანთელს კოდზე დააკრავს, ერთს კი სახუცო კოკობზე და იხუცებს, როგორც ზემოთ აღწერილია. ხუცობას რომ მოათავებს, ლუღს გემოს გასინჯავს და სხვებსაც მისცემს ამავე თასით. ყველა დაილოცება, ეტას დალევენ და იტყვიან როგორი ლუღია, რა აკლია ან რა მეტრ აქვს. მერე ლუღს რელის ჩხუტათი გამოიტანენ. აქვე გამოტანილია სადიახახლისოდან ტაბლა. დგამენ ზედ და ხუცესი შეუღდება ხუცობას. შუა ხუცობის დროს ხელოსანი ზმამოუღებელივ გაეა დარბაზიდან, დაიწერს პირჯვარს და დარეკს ზარს ნელ-ნელა. ბოლოს დაიწერს პირჯვარს სამჯერ, სამჯერვე ძალიან გვიან-გვიან შემოკრავს ზარს და იტყვის: „ხთისაგან გაგემარჯოს შენის გამჭენისაგან, ზარის მკაო მფარაო ანგელოზო, მიქიელ მთავარ-ანგელოზო. ნურაით შამიწყნთ, დალოცვილნო, ნურაით შამიოდვებთ“. ზარის რეკას რომ გაათავენ, დარბაზში შემოვა და იტყვის: „წყალობა მაგიტანეთ ზარის მკავის ანგელოზისა“. ხუცესი ხუცობას განაგრძობს. სხვა იქ მყოფნი კ თავს დაუკრავენ ხელოსანს. ხუცესი გაათავენს ხუცობას და ამწყალობნებენ: „სწყალობდას საყმოსა-დ საგლებოს, საწაღჯართოდ მაუარას, მწვიდლობით შინაზნაჲ, ბევრ ათანგენა მადგვარას მწვიდობისა, კარგა ყოფისა“ და ა. შ. მერე დასტური იღებს თანებს, ხუცესს მისცემს სახუცო კოკობს, ხელოსანს და ერთ დასტურს — დანარჩენ ორ თასს და ხუცესი კიდევ „გაადიდებს“ ჯვართ: „ამ ჭიქა-ბარზიმზე შენ გადიდას, გაგიმარჯოს ღმერთმა, მიქიელ მთავარანგელოზო!“ და ასე აზნენებს მთიწმეაგს, კვირაეს. მერე ყველანი იტყვიან: „ზაგითამც დიდი ხართ თქვენის გამჭენის ხთის კარზე, შენიძე ძალი, სახელ დიდებისა ესენდების“. „ჯვართ დიდებავი, მებეწურთ წყალობა“ — იტყვიან კიდევ და დალევენ ეტას. აქ ჩვეულებას არ გადაუხვევენ და უთასონი, რომელნიც ფეხზე დგანან, მღერაიან ფანდურზე საგმირა სიმღერებს. ასეთივე სიმღერით პასუხობენ თასიანები. ყველა წესის შესრულებით დაამთავრებენ ღამისთევას და ბოლოს დასხდებიან ჯვარივები. ერთი-ორი დასტური დადგება მარტო ფეხზე, ისინი უვლიან დანარჩენებს: ლუღს ასმევენ, ტაბლას დაუდგამენ და სხვა.

ამავე დროს არხოტის ყველა ჯვარნი ისეთივე წესები სრულდება, როგორც აქ არის აწერილი ღამისთევაზე. ჯაკველში შიგმდგომი დასტურნი და ქავთარ-ოჩიაურნი აღუღებენ კიდევ სამიგმდგომოს. სამინდორისჯვარო და მხვიმე არ იციან. მთიწმეაგში მარტო ერთ დღეს დღეობობენ და მაშინაც ლუღი საწდებებით მიაქვთ არხოტის ჯვარიდან.

არხოტის ჯვარში ღამისთევა რომ მოთავსდება, ხალხი წავა. ზოგი იქვე იძინებს. ხუცესი, აქაური ხელოსანი და მთიშეშაგის ხელოსანი სულ აქ არიან. დილას შეუდგებიან უპირველეს ყოვლისა ჟამისწირვას. ჟამისწირვა არის ჩვეულებრივი, დიასახლისი გამოაცხობს სამ ქადას, ოთხ ხავიწიან საკვირაოს და ცხრა ხშიადს, რასაც დასტურები გაიტანენ დარბასში. ხუცესი შეუდგება ჟამისწირვას. ღმერთს ახვეწებს საყმოსა და საგლეხოს.

ჟამისწირვისა და დასტურ-ხელოსნების პურის ჭამის შემდეგ იწყება მეზღვნეების მოსვლა. ათენგენას ბევრი მეზღვნე მოდის, რადგან ვზები გახსნილა და ბარად ჩასახლებული ზევსურები ყველა მჩრიდან მოდიან სალოცავად. ძველ დროს მოდიოდა აუარებელი ხალხი — „მეკულუხენი“. მეკულუხეს ეძახდნენ ჩასახლებულთ, ვინც მოდიოდა და მოჰქონდა ღვინო.

ღვინო მოჰქონდათ ახმეტიდან. იქ არხოტის ჯვარს თავისი ვენახი და მარანი ჰქონდა. გადმოცემით, ვენახი მაშინ შეწირული ყოფილა, როცა კახეთიდან, ბახტრიონიდან, ახმეტიდან და სხვა ადგილებიდან თათრები განდევნეს. ჩვენს წინაპრებს იქ ბრძოლაში მონაწილეობა მიუღიათ, თუმეები ალვანში დასახლებულან. ჩვენებმა თურმე იქ დასახლებაზე უარი განაცხადეს, ამიტომ არხოტის, გუდანის და იახსარის ჯვარებს ვენახები შესწირესო. ყოველწლიურად იქიდან მოჰქონდათ ღვინო ერწოში და კახეთში ჩასახლებულ ხალხს და ამათ ფშავლებიც მოჰყვებოდნენ. ახიელში პატარა მინდორია და, იტყვიან. იმდენი მოდიოდა მეკულუხე, რომ ეს მინდორი სულ ეკირაო: იმ დროს იმდენი იყო ვერცხლის თასები, რომ სადიდებელნი როცა დაიდგომოდნენ, თითო თასი ყველას შეხვდებოდაო. ქისტების შემოსევების გამო სულ დაკარგულა ეს განძი.

მეზღვნეებს გაუმასპინძლდებიან ლუდით და არაყით. ცხვარი და სხვა წვრილი საკლავი რაც იკვლება, ყველა ტყავ-ხორციანად ჯვარიონთ რჩებათ. რაც კურეტი დაიკვლება, ტყავიც და ხორციც ორად ნაწილდება (ჯაჰველში კი მარტო ხორცი იყოფა, ტყავი პატრონს მიჰქვს). მეზღვნის მოსვლის, საკლავის ხუტობის და დაკვლის წესი ყველაფერი აწერილია ზემოთ. მხოლოდ შესაწირავ საკლავს ხანდახან ვერცხლის შესაწირავს რამეს შეაბამენ რქებზე. დაკვლას დროს ამას ხუცესი შეხსნის და მისივე (საკლავის) სისხლით განათლავს. მერე მას ან სახუტო კოჭობს შეაბამენ, ან შეინახავენ ტაგრუცში, სადაც ასეთი წვრილმანი შეწირულება ინახება. ამ შეწირულებას ჰქვია „ლილბორაყი“. მას ხუცესი ასე იხსენიებს: „ლილბორაყის შემომწირავთ სწყალობდი“. ზოგი ვერცხლის ფულს შესწირავს, რომელსაც ხუცესებსა და მკითხავების ენით „თეთრული“ ჰქვია. ხუცესი ასე ამწყალობნებს: „თეთრულის შამამწირავს და თეთრულში გამარევს სწყა-

ლობდიო“. ზოგი რავე ვერცხლის ნიშანს გამოიცივლის ჯვარიდან, (უფრო ჯაჭველიდან), მიიტანს ვერცხლის ფულს ან ყაწიმს, ქამრის ბალთას, ქალის საყურეს ან შიბს (ძეწკვი) და შესწორავს ჯვარს, სამაგიეროდ იქიდან რავეს მისცემენ — ყაწიმს ან დაფერილ ვერცხლის ფულს და სხვ. მას ძაფზე აცემევენ და ყელზე შეიბამენ. ეს ნიშანი თუ ქელზე აქვთ, ეშმაკი აღარ მიეკარებათ, ნამეტნავად ჯაჭველიდან გამოცვლილს, რადგან ჯაჭველი ეშმაკებს აშინებსო. იშვიათად იყო ისეთი ქალი და ბავშვი, რომ „გამოცვლილს“ არ ატარებდა. მამაკაცებიც კი ატარებდნენ მას (გამოცვლილს ეძახიან „ჯვარის ლიშანსაც“). განათვლის დროს იმასაც სისხლს მოუსვამენ და ასე განაოლავენ. ხანდახან ვერცხლის ფულს ან სხვა ვერცხლის ნიშანს პერანგის გულზედაც დაიკერებენ და ისე ატარებენ. ეს უფრო ხუცესებზეა იციან. ცდილობენ, რომ სახუცო კოჭებს შეაბან შეწირული სამკაული, რადგან ის ხშირად იხპარება და მასზე სალოცავები ხსენდება. ამიტომ არის, რომ ზოგიერთი სახუცო კოჭობი სულ დაფარულია შეწირი ვერცხლეულით. სასახელოდ მიაჩნიათ, რომ ბევრი სამკაული ჰქონდეს სახუცო კოჭობს. იტყვიან: როგორი სახუცო კოჭობი ჰქონდა, სიმძიმისგან ასაწვეი არ იყოო. თუ კოჭებს ბევრი სამკაული არა აქვს. იტყვიან: ყველაფერი კარგი იყო, მაგრამ სახუცო კოჭობი არ უვარგოდა, ძალიან ღარიბი იყოო.

ფულის შეწირულება რომ გროვდება, ამას ხმარობენ ისევ საჯვარო საქმეზე. მაგ., სალუდე ქვაბს ძირი რომ დაეწვება, მასალას იყიდნიან და გამოუცივლიან. ლათბა თუ გაფუქდა, გააკეთებენ და ა. შ. ფული თუ დააკლდათ, ხალხიდანაც აკრეფენ. იციან დროშისათვის ხელსახოცის ყიდვა ყველა შეწირულებას ერთნაირად მოიხსენებს ხუცესი. ააცსებს თაჟს, დადგამს ფიცარზე, ფულს და სხვა ვერცხლეულსაც იქვე დააწყობს და იტყვის: „ღმერთმა აღიდას შენ ძალი, შენ სახელ-სამართალი, ჯაჭველო კმელის გორისაო (ან სხვა რომელიმე სალოცავი, სადაც არიან). შენა სამთავროდ, შენა გასამარჯოდ მაიკმარიე თეთრეული (თუ ფულია თეთრეულს იტყვის და თუ სხვა ვერცხლი რამეა, „ღიღ-ბორაყს“), შენის მეხვეწურისად (სახელი) საშველოდ, სახოიშნოდ, სამწყალოზნოდ მაიკმარი. შამაუწირავ, დალოცვილო, თეთრეული, თეთრეულში გაუტრევა-დ შენ შენს წყალობას ნუ დააკლებ. უშველ, დალოცვილო, შენის ბედისადა, დავლათისად შამაბეწილი ასა-დ შენს ბედსა, დავლათს ეძახას-დ შენ ბედი, დავლათი დაკმარი გელთაცა, შინაც, ჟამსაცა-დ უჟამოსაც, ღმერთი შენს ბატონობას გაუჰმარჯებს“.

აქ ხუცობა არ იციან. მობრუნდება ხუცესი და დაამწყალობნებს. მერე ყველანი ერთბაშად აწყალობნებენ: „გწყალობდას მეხვეწურს, თეთრეულის თეთრეულში გამრეგს, საწალმართოდ მაგიარასთ, მშვი-

დობით შაგინახნასთ, ნუვის თვალ-გულ მაგწივასთ. თქვენ მაგცასთ წყალობა ყურით მაყურებელს, ჯვარიონთ, დასტურსა, კელოსანს. ხუცესს ენა-პირ გიკურთხას. შაუტოდვრად, შაუწყენრად შაგინახას“.

ჯვარიონნი რომ ამ ამბავში არიან, სოფელი ჯაჭველის ჯვარში მოიყრის თავს და იქ დასხდება ჯარი. მოაქვთ არხოტის ჯვარიდანაც სოფლის ჰვედრი ლუდი და აქ დღეობობენ, მხოლოდ ხარანი ემზადებიან მთას ასასვლელად, მთიშეშავში. ათენგენას მთას, ზარათ გარდა, კიდევ ბევრი ხალხი მიდის. ზოგს ლამისთევა აქვს შეთქმული და ლამითაჲ მიდიან, ზოგს კი მეორე დღეს საკლავები მიჰყავს დასაკლავად. მთიშეშავს ილოცავენ სამ ადგილას: ერთი სოფლის გვერდზე აქვთ გამოყოფილი ციხესთან ახლო სადღეობო ადგილი, მეორე სოფლის ზემოთ არის კოშკი აშენებული, ამას „კვრივი“ ჰქვია; როცა დღეობა არ არის, აქ კლავენ საკლავს და მესამე მთას იციან დღეობა ათენგენას. ნაა არის სოფლიდან დაახლოებით ორი კილომეტრის მანძილით დაშორებული. იქ სამი კოშკი დგას. ერთზე ზარი ჰკილია და ორი ისე არის. მისულები კოშკზე დროშას მიაყუდებენ (მთიშეშავს საკუთარი დროშა არა ჰყავს და ამ დღეობაში არხოტის ჯვარის დროშა მიჰყავთ, როგორც მოძმისა). კოშკები აშენებულია მკვრივად, მხოლოდ ერთსა აქვს ზარს ჩამოსაკიდი ადგილი დატოვებული. მალლა სათიბ მთაში პატარა ვაკე ადგილია და იქვე არყის ხეები დგას. ერთ გვერდზე მღ-დარი ტყეა, ამავე მთიშეშავის კუთვნილი. აქედან სახრესაც არავინ წაიღებს. ათენგენის დაწყების მეორე დღეს ადიან მთას ლამის სათევად მთელი ხარათ გვარი და სხვა ლამისმთევლებიც. წინასწარ იმ ტყეში წავა „მრეკელი“. მრეკელი ჰქვია იმას, რომ მთელი სოფლის ახალგაზრდები წავლენ მთის ჯვრის ტყეში თოფით შეიარაღებულნი. ტყეში გაშლით გავლენ, ხმაურით. აქ შეიძლება მტერი იყოს დამალული, ან დათვი და ღამე ლამისმთევლებს დაეცეს თავს. მრეკელი რომ ამ ტყეს კარგად დაათვალიერებენ, დაბრუნდებიან არხოტის ჯვარში. აქ ხარათ თავისი საკუთარი კოდი აქვთ ლუდიანი და მოსულ მრეკელს ლუდით გაუმასპინძლებიან. მერე ორი ან სამი კაცი ასწევენ ლუდიან ქვაბს კედით და წაიღებენ მთას. ძალიან დიდი აღმართია და მელუდები, ე. ი. ლუდის წამლებლები, ძალიან იტანჯებიან. საღამოზე მივლენ, ლუდსაც მიიტანენ. ლამისმთევლებს არაყიც მი-აქვთ და ლამისამთელო — უამსაწირიც. მიდიან ნაბდებით და ღამეს იქ ათევენ მარტო მამაკაცები. უშუა აღრევე არის მოტანილი დასტურებისაგან და დიდ ცეცხლს ანთებენ. ჯერ უთევენ საჯვარო ლამისამთელოზე ღამეს და მერე ლამისმთევლები, ვინც არიან, თითოობით ყველა ლამისამთელოზე უთევენ ღამეს.

ლამისთევა ჩვეულებრივი ხუცობით და მღერით მთავრდება. მისული ხალხი მთელ ღამეს არ იძინებს. იქვე სადღეობოში არის დიდი

არყის ხეები; დააკრავენ ცეცხლის შუქზე იმ ხეზე პატარა ქალაღს, ან პატარას ჩამოათლიან, რომ თეთრად გამოჩნდეს (ამას ეძახიან „თოფისწვერას“, რადგან თოფისწვერის დამეტრი აქვს, და იმას ესვრიან თოფებს — სანადლეოზე. გამარჯვებულს ჭილდოსაც უყენებენ: ერთ კოშ ლუღს, ან ერთ საკლავს, შეიძლება ფულიც ვინმემ დააყენოს ჭილდოდ). მთელი დამის განმავლობაში არის სროლა, მღერა და ფანდურზე ცეკვა. გათენებამდინ ასე ატარებენ დროს მედლეობენი. დილას ახალგაზრდები კიდევ წამოვლენ არხოტის ჭვარში ლუღის მოსატანად; სოფელშიც ბევრი ეშხადება მთას წასასვლელად, ქალებიც და ვაჟებიც, რადგან იქ სადლეობოდ კარგი მდებარეობაც არის და მერე წელიწადში ეს დლეობა ერთხელ მოდის. ამიტომ ყველა ეშურება ამ დლეობაში მივიღეს. ჭაქველში და არხოტის ჭვარში, ჭვარიონთ გარდა, თითქმის ბევრი აღარ რჩება.

მთას თუ ახალი ხელოსანი მრვიდა და სახელო აქვს, მაშინ ყველა მიმსვლელი თითო სახელოს პურს მიიტანს, ვინაიდან საკლავების აყვანა იქ ძნელია. წესად აქვთ, რომ ერთი ფარა სოფლის ცხვარი ამ დღეს მთას უნდა ავიდეს. ყველა ის ცხვრები, რომლებიც მთას უნდა დაიკლას, ამ ფარაშია გარეული და იქ თავ-თავისას იჭერენ და კლავენ.

მთიშეშავის ხელოსანი ერთი თვით საწმინდარს არის და ყოველ დღე ტანს იბანს, როგორც სხვა ხელოსანი. ასეთი წესებით ეშხადება იგი სახელოსათვის. დილას, ხალხი რომ მოგროვდება, მოაყვანენ კურეტს, რომლითაც ხელოსანი ინათლება. ხუცესი ხუცობს და ახსენებს მთიშეშავს: „შენა სამთავროდ, შენა გასამარჯოდ მაიჭმარი ეს სამსახური, მუჭათ-სანთელი, დიდო მთიშეშავ წყაროს თავისაო, მოამევე მიქიელისაო: შენ შენის მეხვეწურისად, მესახელორისად (სახელი) საშველოდ, სამწყალობნოდ მაიჭმარი. მე შენდ შამამიხვეწებავ, დალოცვილო. შენ შენს გამჩენს მორიგეს ღმერთს შაახვეწი! შენდ სამსახურ არ დაუყრავად-ღ შენ შენს წყალობას ნუ დააკლებ, ღმერთი შენს ბატონობას გაუმარჯვებს“. და ა. შ. ამ დროს ახალგაზრდები მიეშველებიან, კურეტს წააქცევენ, თოკით შეკრავენ და ისე დაიჭერენ. მესახელოე იქვე დგას და ხუცესიც. ხუცესი კურეტს წააქცევს, შემდეგ კიდევ შეუსახელებს — ამოღებულ ხანჯალს კისერთან მიუახლოვებს და იტყვის: „შენა სამთავროდ, შენად გასამარჯოდ მაიჭმარი, მთიშეშავ წყაროს თავისაო, მოამევე მიქიელისაო, ეს სამსახური, მუჭათ-სანთელი საშველოდ, სამწყალობნოდ მაიჭმარი გიგვიასად, მესახელორისად, შავის თავისად, ჭალაფობისად. სახოიშნოდ მაიჭმარი; ისმინე, გაიგონი, გამარჯვებას შენსად-ღ შენის გამჩენის ბოისას“ და ამ სიტყვებით ხუცესი კურეტს ყელში გაუყრის ხანჯალს. ახალგაზრდები კურეტს იქით გადაათრევენ. ჭერ ხუცესი და მერე ყველანი ერთხმად დაამწყალობენ მესახელოეს. ხუცესი კურეტის სისხლში ხელებს შეიღებავს

და მესახელოეს ჯვარებს უკეთებს გულზე და შუბლზე; მერე აწყალობნებენ: „გწყალობდას, გიგაავ, მესახელოეს მთიშეშაგის დაეღათი, საწაღმართოდ მაგიაარას, მშვიდობით შაგინახას, სინარულად გაგიჟადას ზღვნობა, ყმობა, მსახურობა. კლოვ უკეთი გუღით მაგაერ-ძას“. ქაღები შორს სხედან. ხუცესი მათკენ მიბრუნდებდა და ეტყვის: „გწყალობდასთ, მანდილოსნებო, საწაღმართოდ მაგიაარასთ, მშვიდობით შაგინახასთ, ბედს გიმბატასთ, ბოლოს სარჩოსად სარგებელს. თქვენ მაგცასთ წყაღობა ყურით მაყურებელს. ჯვარიონთ მაგცასთ წყაღობა, ხუცესს ენაპირ გიკურთხას, შაუცოდვრად, შაუწყენრად შაგინახასთ“. ასე გაინათლებდა ხელოსანი და კურეტს გადასცემენ ახალგაზრდებს გასატყაველად. ისინი დაქრიან ხორცს, ჩაყრიან ზარჩამავალ დიდ ქვამწი და მოხარშავენ. ხელოსანი სახელოს წუნების შესრულებამდე მშვიდრია, ვერც ლუღს დაღევს და ვერც ქამს. არაყს კი დაღევს ცოტას. ლუღს ახალგაზრდები მოიტანენ და იმართება სმა. მამაკაცები თავისთვის ქეიფობენ, ქაღებსაც მიუტანენ და დააღვეინებენ ლუღს. იმართება ლხინი — მღერა, ცეკვა, ფერხისა და სხვა. მონადირეები ღურბინდებით გაჰყურებენ საჯიხვე კღღებებს. ამასობაში გაღის დრო და ხორციც მოიხარშება. მანამდე ჯვარიონნი ხოცავენ მეზღვნეების საკღავეებს. იციან შეწირვა ვერცხლის, ბაღდაღების, ფუღის, სანთლისა და სხვა. ხუცესს მთელი დღე მოსვენება არა აქვს, სულ ფეხზე დგას და ხუცობს. იქ საკღავსა კღავს, იქ უამსა სწირავს, იქ სხვადასხვა შემოწირუღებას ხუცობს და სხვა. მონარშვის შენდგე ზორცს ამოიღებენ საზორცით (საზორციე არის ორტოტა მოხრილი წვეტიანი რკინა), სუფთა ქვის სიბებზე აწყობენ და წვრილ-წვრილად დასქრიან. აქვე ბუნსოზე წრეხაზის სახით აწყობენ სახელოს პურებს (როგორც აწერიღია ჯაქვეღში, სახელო კეთდება სულ ისეთივე წესით). პურებს რომ აწყობენ, მოაყოღებენ და ზედ დააწყობენ ხორცსაც. პურებთან თასებსაც დაღგამენ, დააკრავენ სანთელს, ავსებენ ლუღით, თითო ღერ სანთელს ყვეღა იქ მყოფს მისცემენ და აანთებენ. პურების წრის შიგნით შევეღენ, ე. ი. საჯელოში ჯერ ხუცესი, მერე მესახელოე და მერე ერთი-ორი დასტური. ხალხიც ქუღმონხდიღი მათთან ახლო დგას. ქაღებიც ადგებიან. ხუცესი იწყებს ხუცობას: „ღმერთმა აღიდას შენ ძალი, შენ სახელსამართალი, მთიშეშაგ წყაროს თავისაო, მოძმე მიქიელისაო. შენა სამთავროდ, შენად გასამარჯოდ მაიხმარი ეს სეფე-სანთელი-სადიდებელი. შენ შენის მეხვეწური-სად, მესაჯელოისად გიგიაისად საშვეღად, სახოიშნოდ, სამწყალობნოდ მაიქმარი. გევედრების გიგიაი-დ გეხვეწების — შაიხვეწი. მე შენდ შამაიხვეწებავა, შენ შენ გამჩენს მორიგეს ღმერთს შაახვეწი. სახელიან ზღვენი — სანთელ აიტანი, ღმერთი შენს ბატონობას გაუმარჯვებს“.

ამას მოჰყვება, როგორც ეიცით, ჩვეულებრივი ბუცობა და ხელ-
ბის გათავების შემდეგ, ჯერ ხუცესი და შემდეგ ყველანი ამწყალობ-
ნებენ მესახელოეს: „გწყალობდას, გიგიაგ, მთიშეშაგას დაველათი, საწა-
წალმართოდ მაგიარას, მშვიდობით შაგინახას, სიხარულად გაგაკა-
დას ზღვნობა, ყმობა, მსახურობა“ და სხვ. მერე ყველანი ქალები-აქვენ
მოიხედავენ და დაიძახებენ: „გწყალობდასთ მანდილოანებს, საწა-
მართოდ მაგიარასთ, მშვიდობით შაგინახასთ, თავის ბედი. დაველათი
დაგავმარასთ“. ქალები პირჯვარს იწერენ და იქ ჩუქად ამბობენ:
„თქვენ იყოს მწყალობელი“. „თქვენ თავს სწყალობდას“. მერე მოჰ-
ყვება ყველა ის წესი, რაც ჯაჭველში ამადლებას არის აწერილი სა-
ხელოს შესახებ. ბოლოს ორი კაცი დადგება და სახელოს პურებს და-
არიგებს. წაიღებენ ზოგს ბავშვები და ზოგს ქალები. თუ რომელიმე
მეკომური დააკლდა, სხვას მაინც დაავალებს სახელოს პურას წაღე-
ბას. პურზე რაც მოხარშული ხორცია, ისიც წინ მიაქვთ. მერე რო-
გორც კაცებს, ისე ქალებს მესახელოეს ლუდს ყველას დააღვინებენ
მესახელოეს ანუ ხელოსნის სამწყალობნოდ. ყველა დაილოცება ასე-
თი სიტყვებით: „გწყალობდას, გიგიაგ, მთიშეშაგის დაველათი, საწა-
მართოდ მაგიარას, მშვიდობით შაგინახას, დარიგება მაგცას. კას საქმე-
ზე დაგარიგას, კლოვ უკეთესი გულით გიმსახურას. თქვენ დაგლოც-
ნასთ ყველა; გადღეგრძელნასთ, ვისაც ჩემ კმა მაგდისთ, მწვინობით
გამყოფნასთ, ბევრ ათენგენა მშვიდობისა მაგგვარასთ, კარგად ყოფი-
სა“. ამ სიტყვების წარმოთქმის შემდეგ ხელოსანი სამწყალობნელს
უცხად, სულუქცევრად დაღვეს. ზღვნები რაც იხოცება, მათი ტყავიც
და ხორციც ჯვარიონთ რჩებათ. სანათლაგის ტყავ-ხორცი კი პატრონს
მიაქვს სახლში. საკლავების ხორცი იხარშება მუზღვნეებს და ყველა
იქ მყოფი ხალხისათვის. მანამდე ხორცი მოხარშება, ხალხი დროს
ატარებს — სვამენ ლუდს, მღერაინ, ცეკვავენ. ღამისმთევლებს არა-
ყიცა აქვთ და ასმევენ ხალხს. დადგამენ თოფისწვერას, გაიმართება
სროლაში შეჯიბრი. ახალგაზრდები მივლენ ქალებთან, დაუტრავენ გარ-
მონს და ერთად ცეკვავენ. ამასობაში მოიხარშება ხორციც და ხალხს
ყველას დასვამენ „ბუნსოზე“. დაუდგამენ ტაბლას, ხორცსაც დაუწყო-
ბენ „ბორტზე“¹, მარილს პატარა პურის ნატეხზე დაუყრიან. დაატუ-
რებს მოტანილი აქვთ სატაბლო პურები და იმას უღებენ ტაბლაზე.
ორი-სამი ზედამდეგი დადგება ფეხზე, ამოიღებენ კარახანებს და
იმასაც ტაბლაზე დადგამენ. ზედამდეგები ჯერ ჩუმათ არიან და პუ-
რის ჭამას როცა ათავენ ხალხი, მაშინ ფანდურზე რომელიმე საგმი-
რო სიმღერას მღერაინ. სიმღერის დროს კარახანას იღებენ და ილო-

¹ ფშაურად „ბუნსო“ და ხევსურულად „ბორტვი“ ეწოდება მოხუნავ (გა-
უნძრეველ) მიწას, რომელზეც ბალახია ამოსული.

ცებიან: „გაუმარჯვას მთიშეშავსა, იმის წყალობა გქონდასთ ყმათ, მეზღვნივს, ჯვარიონთ. საწაღმართოდ შაგირასთ, შვიდობით შაგინახნათ. ბედს გიმატასთ — ბოლოს, სარჩოსა-სარგებელს, ბევრ ათანგუნა მაგვეარასთ მშვიდობისა, კარგა ყოფისაი“. შოიგონებენ მკვდარს, ვინაც ეკუთვნის ეს ღლეობა და იტყვიან: „შაუნდას (მაგ. ბერდია) ბერდიას კი, კას ყმას ეს თასი, მააკმარას“ და ცოტას დაღევენ ფეხზე მღვომეზი. ასევე იქცევიან ყველანი. ჭამას რომ გაათაებენ, უკანასკნელ ღუქმას დაიჭერენ ხელში და იტყვიან: „ღმართო, გაუმარჯვი მთიშეშავსა! მთიშეშავო შენ სწყალობდი შენთ ყმათ, მეზღვნივსა-დჯვარიონთ. დასტურ — ელოსნებს. დააღეგ წაღმ, შენი წყალობით შაინახენი!“ და შექმენ. შემდეგ იმართება კარახანებზე საგმირო ლექსებია მღერა და სხვა.

ანასობაში მოსალამოვდება. ყველანი ადგებიან, დადგებიან პირ კოშკებისაკენ და იტყვიან ყველა თავ-თავისთვის: „ბთისაგან გაგემარჯვას შენის გამჩენისაგან, მთიშეშავ წყაროსთავისაო. ნურაით შაგვიწყენ, ნურაით შაგვიცოდებ დალოცვილო, კაცით ნურას გვაჯდეგ, ზღენითა, სანთლით გადაგვაჯღიეთ, თქვენ ყმანი, თქვენ მიწა-მტვერნი ორთ დალოცვილო, მეწაღმართე ანგელოზ გამაგვაყოლეთ, ჭირ მავხპარი თქვენს ძალსა, თქვენს სახელ-სამართალს“. თითოეული დაიწერს პირჯვარს, ემთხვევა მიწას და წამოვა, თან ქუღმონხილი ჯვარიონთ ეტყვის: „ჯვარ გეწერასთ ჯვარსაც, კაცსაც, ჯვარიონთაც“. — „ჯვარის წყალობა გქონდასთ, ეკლ მაგიმართასთ, წყალობა წაილით მთიშეშავისა“, ეტყვიან ჯვარიონნი. ჯვარიონნი ასეთივე სიტყვებით მწყალობნებენ ქალებსაც. ქალები მთიშეშავს ეხვეწებიან: გვიშველეო, მხოლოდ შის სახელს არ ახსენებენ. საერთოდ ქალები როგორც სოფლის უფროსი კაცების სახელს არა ამბობენ, ასევე ჯვარის სახელის თქმას ერიდებიან, როგორც უწმინდურნი. მეღლეობე ხალხი ჩამოვა სოფელში, სადაც ჯარია დამსხდარი და სმა არის ლუღისა. მამაკაცები ისევ ღლეობაში წავლენ, ქალები კი თავ-თავიანთი სახლებში, მთიდან წამოსული ჯვარიონნი სოფელს რომ მოუახლოვდებიან, იქ ერთ ადგილას ერთიმეორეზე დაწყობილი ქვებია, რომელსაც ჰქვიან დროშაის საბთანი. აქ მთიშეშავის დროშა ისვენებს და ვინც მთას ვერ წავიდა, აქ მოიყვანენ და დაკლავენ ზღვენს. აქვე მიაქვთ კომლის აშალი (სოფელში ყველა მეკომური გამოაცხობს აშალს). აქვე სოფლის ბავშვები ელოდებიან. ხუცესი მოახსენებს აშალს (ასე ეწოდება აშლის დაშლის ლოცვას), შეახვეწებს მეხვეწური (მეხვეწური ჰქვიან, ვინც მოიტანა აშალი ან თუნდა ზღვენი და ეხვეწება ჯვარს შველას) და გადაუყრიან ბავშვებს აშალს (აშლის დაშლის და გამოცხობის წესი აწერილია ზემოთ).

აქ რომ ეს წესები შესრულდება, მთიშეშაგის ხელოსანი დროშას მხარზე დაიდებს და წამოვლენ ქვევით არხოტის ჯვარისაკენ. აქ მათი გზა ჯაქველის კარზე გაივლის და მთიშეშაგის ჯვარიონთ გზაში მიუკვებებიან ჯაქველის ჯვარიონნი, მიიტანენ ლუდს, დადგაჲნ გზაში, მონხდიან ქუდებს, დაიწერენ პირჯვარს და იტყვიან: „დალოცვილო მთიშეშაგო—დ მგზავრო ანგელოზო, შენ გევედრებითა—დ გეხეწებით. შენი ძალით შაგვინანენი, ნურაით შაგვიცოდვებ, დალოცვილო“. მთის ჯვარიონნი ეტყვიან: „წყალობა მაგიტანეთ მთიშეშაგისა. წყალობა. წალმ მაგეგებათ მთიშეშაგის დავლათი“. ხელოსანი მარჯვენა ფეხზე დაიდგამს დროშისტარს და აწკარუნებს დროშას. ჯაქველის ჯვარიონნი ამოიღებენ ლუდს და მისცემენ თასებს მთიშეშაგის ჯვარიონებს. მთის ჯვარიონნი დაილოცებიან: „გამარჯვება ჯაქველსა—დ მთიშეშაგისა. იმათ წყალობა გქონდასთ ჯერ იმათ ყმათ, მემრ ჯვარიონებს, დასტურ-ველოსნებს. მშვიდობით გამყოფნათ, ბევრ ათენგენა მშვიდობისა მაგგვარასთ კარგად ყოფისა, ყური მაყურებლებს გწყალობდასთ ორისავ ბატონის დავლათი“. აქვე შეიძლება მოიგონონ ვინმე მცვალებული და იგივე თასი დალოცონ მიცვალებულისთვისაც: „ნაუნდნას ეს თას (სახელი) კას ყმას, მააჲმარას ღმერთმ“ და ასე დაიწყებენ სმას. დაღვეენ, იმღერებენ კიდევ და ბოლოს ერთიმეორეს მაღლს გადაუხდიან. მთიშეშაგის ჯვარიონნი წავლენ, ჯაქველის ჯვარიონნი კი რჩებიან თავის ადგილზე. მთიშეშაგის ჯვარიონნი მივლენ არხოტის ჯვარში. აქაური ჯვარიონნიც მიეგებებიან მათ ასეთივე სიტყვებით და წესით, ბოლოს ხელოსანი მიაბძანებს დროშას თავის ადგილზე და დააყუდებს იქ, სადაც ორი შუბიანი დროშა აყუდია. დაიწერს პირჯვარს. ემთხვევა მიწას და წამოვა უკან.

არხოტის ჯვარში და ჯაქველში ამ დღეს განსაკუთრებული წესი არაფერია. ზღვენი წვრილფება რაც არის, სულ ჯვარიონთ რჩება ორივე ჯვარში, კურეტის ტყავის და ხორცის ნახევარი არხოტის ჯვარიონდან პატრონს მიაქვს, ნახევარი კი ჯვარიონთ რჩება. გორს ე. ი. ჯაქველში კურეტის ხორცი იყოფა, ტყავი კი პატრონს მიაქვს.

ამავე დღეს ს. ამლაში იციან იახსრის დღეობა „ზეთუკობა“ ძალიან მაღალ მთაზე—ზეთუკას.

ამბობენ, რომ იახსარი პირველად იქ დაარსებულა. პატარა კოშკი ღვას, აქაც იახსარს წელიწადში მარტო ამ დღეს აქვს დღეობა. მიდიან მარტო ამღივნები — მთელი სოფლის მამაკაცები. ყველას ხავეწიანი ქადა მიაქვს სასანთლედ, სანთელი, ღანისამთლო და ჟამსაწირი. ლუდი მიაქვთ ტიკებით. ქალები დღეობაში არ მონაწილეობენ. ქისტებთან ეს ადგილი ახლოა და ძალიან ფრთხილად არიან. წინა დღითვე იგზავნება მზვერავები. მიდიან ღამით, რომ გათენებამდე მიაღწიონ ისეთ ადგილას, საიდანაც მტრის მოსასვლელი გზები ჩანს. ღურბინდებით

ათვალისწინებენ მთელი დღის განმავლობაში ამ მთების მიდამოს. ახლო ჯიხვებიც იცის და თუ ძალიან საადვილოს არ შეხვდა, ჯიხვებს თოფს შორიდან ყარაული არ ესვრის. ერთხელ ასეთმა ყარაულებმა — ბაბუტამ და გიორგიმ ორი ქისტი მოჰკლეს, მაგრამ ტყუილად, გამოირ-ეკა რომ ერთი ცალფეხა ქისტი ყოფილიყო ხის ჯიხვებით მომავალი, ახალაზხო მთების დასაქირავებლად (რადგან არხოტიენებს ბევრი საბოვარა მთები ჰქონდათ, ამიტომ ქისტები ქირით აყენებდნენ ზაფხულ-ნი თავის ცხვარს).

ყოფილა შემთხვევა, რომ ჯიხვებიც წამოსდგომიათ თავზე ყარაულებს. დაუბოციათ და როცა სადამოზე ღამის სათევად ხალხი მოსულა, ჯიხვის ტყავ-ხორციით და რქებით სავსე სადღეობო დაუხვედრებიათ.

სადამოს უამზე ამოვა დანარჩენი სოფელიც. იქ უიარალოდ კაცი არ წავიდოდა, ვისაც იარაღის ზიდვა შეეძლო. ღამეს უთევდნენ ჩვეულებრივ. ღამით რაც შეიძლება კაი დროს ატარებდნენ, მხოლოდ ახალაზრდები რიგ-რიგობით ეცვლებიან და ცეცხლიდან შორს მანძილზე ყარაულებს ქისტების მისასვლელ ადგილებს, ცეცხლი უნთათ დიდი, პირიქითას თათხელი ჰქვია და შეშა იქიდან ამოაქვთ.

გათენდება დილა ისე, რომ ბევრს არც კი დაუძინია. ყარაულიც ეხსნება, რადგან ისეთი მოტიტლებული მთა არის, რომ დღისით კაცი ჩუმად ვეღარ მოვა. სვამენ ლუდს, არაყს, სწირავენ უამს და ახსენებენ ახსარ წვერისანგელოზს. მერე დააყუდებენ ხავიწიან ქაღებს და დაიწყებენ თოფის სროლას. ქაღები დადგმულია საკმაო შორ მანძილზე და ვინც ტყვიას მოარტყამს, ქადა მას რჩება. თოფის სროლაც რომ მოთავდება, მართავენ ცეკვას, მღერას და სხვა. ძველად იქ ქაღებიც უფრო მეტი მიდიოდნენ, ბავშვებიც მიჰყავდათ აკვნით, მაგრამ ერთი უბედური შემთხვევის გამო მოსპეს ქაღების იქ სიარული; ერთმა ქაღმა თურმე აკვნით წაიყვანა ვაჟიშვილი, როცა სახლში ბრუნდებოდნენ, ფეხი აუსხლტა, დაეცა, აკვანი ხელიდან წაუვიდა, დაგორდა და ბავშვი მოკვდა. ამის შემდეგ მოსპეს ქაღების სიარული.

ყველაფერი რომ მოთავდება, ბრუნდებიან სოფელში. რომ მოუახლოვდებიან, იქ მამული არის, რომელსაც როსტიის ყანას ეძახიან, სოფ. ამღას ზედ დახედავს, როგორც ჯამში ჩაიხედო. იქ რომ ჩამოგროვდებიან, სოფელში ვინც დარჩენილია, გაუშლიან მამულში ნაბადს და არის იქიდან სროლა. ესერიან ამ ნაბადს. იქაც გაუფენენ რამეს და აქედანაც ესვრიან. მერე ჩამოვლენ სოფელში, სადაც დახვედებან ჩვეულებრივი დღეობა.

აქლაში სამივე ჯვარში აქვთ დღეობა, იახსარში, იახსარ სვეტად ჩამოსულში და რკენას პეტრეში. დღეობა ყველგან ჩვეულებრივი წესით მიმდინარეობს.

დავუბრუნდეთ ისევ დღეობებს არხოტის ჯვარსა და ჯაჭველში. არხოტის ჯვარში ვინც მათს არ იყო, მოიყრიან თავს სადღეობო ადგილას (ბუჟნაია ბალახიანი) და იქ დასხდება ჯარი. მოიკითხავენ ლუდს და რამდენიც ეკუთვნის, ჯვარიონიც აძლევენ. ლუდს დადგამენ საწდით და დაიწყებენ ჯარის წესით სმას.

დადამდება და ღამისთევა ყველგან ჩვეულებრივის წესით მიმდინარეობს. ათენგენის მეორე დღეს ეამს რომ სწირავენ და მეზღვნეებაც მოვლენ, მოვა თემიც (კიმლის და ამლის მოსახლეობა). ეს დღე არის თემობა-დღე და ყველანი მოდიან. დასტურებმა წელწადში წინა შუადღეს ღალა რომ აკრიფეს, ამ ღალის ლუდი წელიწადში ორჯერ მზადდება: წელწადში და ათენგენას, და თემი ორჯერვე მოდის არხოტის ჯვარში. მათ საჯარე ადგილები აქვთ თავთავისთვის და იქ დასხდებიან. ლუდი ეძლევათ განსაზღვრული რაოდენობით. სასმელი ბევრი ეძლევათ, მაგრამ საქმელი სულ არაფერი აქვთ. სვამენ ლუდს, პატიუბენ სხვა სოფლის ჯარიდან ერთიმეორეს, ფანდურზე საგმირო სომღერებს მღერიან და ასე ატარებენ საღამო ხნამდინ დროს. როცა მოსალამოვდება, მოიხდიან კიდევ ქუდებს და შეეხვეწებიან არხოტის ჯვარს: „დალოცვილო, თუ რამე გაწყენინეთ, გვაპატიე და მეწადმართე ანგელოზი გამოგვაყოლე“. რომ წავლენ, ჯვარიონნი გააცილებენ ცოტა მანძილზე. გააყოლებენ ლუდს და ძალდატანებით დააღვიინებენ. ბოლოს გამოემშვიდობებიან ერთიმეორეს და დაიშლებიან. ამავე დღეს არის ჯაჭველში შიგმდგომ დასტურთ დღეობა. სოფ. ახელელები სვამენ საშიგმდგომო ლუდს. წესი ასეთია, რომ, როცა თემი მოდის, მაშინ არხოტის ჯვარის დღეობა მათ განკარგულებაშია და ახიელელები ხელს აღარ უშლიან. შიგმდგომ დასტურები თუ ვინ არიან, ეს აღწერილია ამაღლებას. ისინი ამაღლებას და ათენგენას ორჯერ აღულებენ ლუდს და თითო დღეს სოფელი მათ ნადულარ ლუდსა სვამს. თვითონ კი დღეობის ბოლომდინ ჯაჭველში არიან. მათ ტყავ-ხორცში და ყველაფერში ისეთივე წილი აქვთ, როგორც ადგილობრივ ჯაჭველის დასტურთ. ამაღლების აღწერილობაში არ არის ნათქვამი, თუ შიგმდგომი დასტურნი რომელი პურიდან აღულებენ ლუდს; მათ აქვთ ერთი საუკეთესო მამული დაჩემებული. დასტურობა რიგით მოდის სოფელში და ვისი რიგიც იქნება, ისინი მოხნავენ ამ მამულს, გაღეწვენ და ამ პურიდან მზადდება ლუდი ამაღლებას და ათენგენას. ეს სწორედ ის მამულია, რომელზედაც წელწადის აღწერაშია ნათქვამი — საბეკურა ჰქვია: აქ მდგარა ქისტი მებეკური და ამიტომ დაერქვა საბეკურა. მერე მისცეს შემდგომ დასტურებს, რაკი მებეკური შოისპო.

ჯვარის მამულებს ბევრსა აქვს თავის დანიშნულება და ისინი იშორებენ ამა თუ იმ დღეობის ხარჯებს პურით. მაგ. „სასულთაკრეფო“, რომელიც დანიშნულია სულთაკრეფისათვის და განსაკუთრებით იმ დღის ლუდისათვის ხმარობენ მის ნალაღურს, აგრეთვე „სამინდორისჯვაროს“ ნალაღურსაც მინდორის ჯვარის დღეობისათვის ხმარობენ. აგრეთვე, როგორც ნათქვამია, საიფქლეების პური იხარჯება განსაკუთრებით ღამისთევისა და უამისწირვის ქადებისათვის, ხოდაბურების ღალა კი ხმარდება ლუდს. ხოდაბური ჰქვია მამულს, რომელსაც სოფელი კოლექტიურად ხნავს და მკის. საიფქლეებს თვითონ დასტურები ხნავენ. გაღწევა-მოტანაც დასტურთ ევალებათ.

ათენგენას დღეობა იციან ქიშვილები. ეს არხოტის თემის სოფელია. მისი მთავარი სალოცავია ქიშველის ჯვარი, რომელსაც უწოდებენ „მიქიელ-ქიშველისას“. ქიშველი ადგილის სახელია, ძალიან დიდი გაშლილი სათიბი მთაა. იქ ერთი კოშკი დგას. ლოცულობენ მარტო ერთ დღეს. ამ დღეობას ქიშველობა ჰქვია. აქაც ბევრი ხალხი მიდიოდა ათენგენას: ქალი და კაცი. დღეობა ჩვეულებრივად ტარდება და ახალი არაფერია. აქ ერთი წლით ორი დასტური დგება. ქიშველის ჯვარს ემსახურება მთელი სოფლის სამი გვარი — გაბუური, გიგაური და თეთრაული. დასტურობაც სამივე გვარიდან მორიგეობით არის, ბუცესი და ხელოსანი თავისი ჰყავს.

აქე მოთავდება ათენგენის დღეობა არხოტში. მხოლოდ თემობა დღეს კიდევ სრულდება ერთი წესი მგელას საფლავზე, რაზედაც ადრე იყო საუბარი.

ათენგენის დღეობის დამთავრების შემდეგ მეზღვნე ხალხი სახლში ბრუნდება. შორიდან მოსულებს ჯვარიენები გააცილებენ და გააყოლებენ ლუდს. რა თქმა უნდა, მანამ აქ არიან ჯვარიონნი, მათ სამეზღვნეო ტაბლას დაუდგამენ (აწერილია გიორგობის დღეობაში). წაწვლის დროს კი გაცილებისას იმართება გასაცილებელი ფენზე მღერა. ჯვარიონნიც უმღერებენ და წამსვლელებიც საგმიროს მსგავს საქმერებს, ანდა საქებს.

მაგ:

„თქვენ ჩვენად რამ ჩამოგყარნათ, არწივნო, ქუშნო მთისანო,
სასტუმროდ საყვარელნი ხართ, მასპინძლად შექნო მზისანო“.

* * *

„ვეაკაცსა შენისთანასა განა აგრია სწა უნდა
დილ-დილა მალ-მალ ადგომკ გრილსა რკინასა ცმა უნდა,
საც ქობაქ აყეფდებიან, სოფელს სიმირგვლოვ ვლა უნდა“.

სტუმრებიც ასეთივე სიმღერებით უპასუხებენ და თავის თასს ყველას ჩამოურიგებენ:

„მე აქა მასვლა არა ვთქვი, მაძოვა ამ ბალახისა.
ეხლა წასვლ არა მწადის, გაწირვა ამ ქალაქისა“.

ასეთი სიმღერები მრავალია. მათი გაცვლა-გამოცვლით და ლუ-
დის სმით ერთიმეორეს გამოემშვიდობებიან. ამ დღეობებში ხშირად
აქვს ადგილი ჩხუბს და ხანჯლით ერთიმეორეს დაჭრას. პირიქით ხევ-
სურეთში უფრო ხანჯალს ხმარობენ, პირაქეთ ხევსურეთში კი ხმალს,
ფარს და ლაჯიას, რაც პირიქითში არც ერთი არ არას გავრცელებული
და თითო-ოროლას თუ აქვს. ერთი კაცი რომ მეორეს რაშეს დაარტყაშს,
მას სხვა მიეშველება და ბოლოს მთელი ორი გვარი ჩაებმის ბრძო-
ლაში. თუ სხვადასხვა სოფლები არიან, შეიძლება ორი სოფელიც ჩა-
ებას ჩხუბში. დღეობაში სიმთვრალის მიზეზით ასეთი ამბავი არა
მარტო ერთხელ და ორჯელ მომხდარა. მე მრავალჯერ დავსწრებო-
ვარ ისეთ ჩხუბს, რომ ორივე გვარში დაჭრილა ოცამდინ კაცი, შე-
იძლება მეტიც. მაგ., ერთხელ გუდანში მოუხნდო ჩხუბი არაბულებსა
და ჭინჭარაულებს. ეს იყო წელწადში და სამოცი კაცი დაიჭრა. ერთი
კაცი მოკვდა ჭრილობისაგან, დანარჩენები გადარჩნენ, მაგრამ ბევრი
დასახიჩრდა: ზოგს ხელი გაუხმა და ზოგს ფეხი. წარმოიდგინეთ, ამ-
დენ დაჭრილებს ხევსურულის წესით რამდენი შერიგება, რჯული და
ძროხების გადახდა დასჭირდებოდა. ჩხუბში გამშველებლის მთავარ
როლს ქალები თამაშობენ, რადგან მამაკაცები ქალს ხათრიანად ექ-
ცივიან. თუ ქალმა გასაშველებლად ხელი მოჰკიდა მოჩხუბარს, ის
მაშინვე ჩერდება და მოპირდაპირეს ეტყვის: მოიცა, ქალის ხელში
ვარ და როცა მამაკაცი დამიჭერს, მაშინ გიჩვენებ სეირსო. ანდა ქა-
ლი ორ მოჩხუბარს თავის მანდილს გაუშლის შუაზე და მანდილს პა-
ტივისცემით მოჩხუბარნი შეჩერდებიან, ამოღებულ იარაღს ისევ ქარ-
ქაშში ჩააგდებენ და ეტყვიან: ახლა ამ მანდილოსნის ხათრი იყო და
მეორედ რომ შევიყრებით, მაშინ ვცადოთ ერთმანეთით. სწორედ ეს
არის მიზეზი, რომ ჯვარში შუღლი ხდება; იქ ქალები ვერ მიდიან. კა-
ციები ერთიმეორეს წაექომაგებიან, გამშველებელი ცოტა რჩება და
ხალხი სულ ერთიმეორეს ჩებავს ხანჯლებით. ამიტომ არის, რომ ხევ-
სურს ვერ ნახავთ ან ხელით არ იყვეს დასახიჩრებული, ან ფეხით. ან
თვალთ, პირისახე და თავი ხომ სულ დაჩხილი აქვს ყველას. ზოგი-
ერთს, რომელიც უფრო მამაკობით იყო ქებული, თავზე თითი არ და-
ედებოდა, რომ ჭრილობა არ ჰქონოდა მიყენებული. ისეთი გმირი წი-
ნათ სახელქებული იყო. ვინც ბევრს დასჭრიდა და ბევრს დაეჭრევი-
ნებოდა. დაჭრა პირაქათელ ხევსურებმა მსუბუქად და აუჩქარებლად
იციან: კაცი ისე რად უნდა აჩქარდეს და შეშინდეს, რომ იარაღი მაგ-
რა დაკრასო — იტყვიან პირაქათელი ხევსურები, პირიქითაულები კი
ასე არ ამბობენ: თუ ამოვიღებ, ისე დავკრავ, რო კიდეც ეტყობოდე-

სო. შატილის ხეცსურები იტყვიან: „კაცს ისეთ უნდა გაზდოს, რო ჭლიან ფეკ შიგ ჩალიოდასო“ ე. ი. ისე მაგრად უნდა დაარტყას, რომ ჭლანიანი ფეხი ჭრილობაში მოთავსდესო. ისინი პირაქეთელებს დასცინიან: ციცასავით კაწვრა იციანო. წელიწადი ისე არ გავა, რომ ხეცსურეთში ხუთი-ექვს ადგილას და მეტიც გვარი გვარს არ დაეჯახოს ღლეობაში სიმთვრალის დროს. ღლეობის შემდეგ შეხვედრილნი ჰკითხავენ ერთიმეორეს: როგორი ღლეობა გქონდათ, ჩხუბი ხომ არაფერი იყოო. ისე როგორ გაიყრება სმა, რომ ჩხუბი არ მოხდეს. სიმთვრალე იციან ხეცსურებში მეტისმეტი, რადგან ერთიმეორეს პირში ძალად ასხამენ სასმელს. დაათრობენ და მერე, რა თქმა უნდა, შეგნებულნი კაციც გაგიჟდება. მხოლოდ ჩხუბით ან სხვა რამით არეული საქმეც ისევ ჭვარში ბოლოვდება. თუ გამიწვდა და ვერ მოხერხდა მოდევნა შერიგება, მაშინ მიმართავენ ჭვართ საშუალებით შერიგებას. რადგან ჭვარისა და მისი გამძლოების ხათრი ყველას აქვს. თუ ამანაც არ გასჭრა, მაშინ პირდაპირ ჭვარში მოახდენენ შერიგებას.

როცა ჩხუბი მოუვიათ, შორე დღეს უფროსი კაცები დაიწყებენ შუაქაცად სიარულს. ჭერ მივლენ უფრო დაზარალებულთან და ჩაშოვდებენ ლაპარაკს: ძალიან სამწუხაროა, რომ ეს ამბავი მოახდინეთ და ერთიმეორე ასე გაიმეტეთ, მაგრამ სისხლი სისხლით არ ღაიბანებაო — ნათქვამია, ამიტომ წარსული უნდა დაივიწყოთ და შეგარიგოთო. დაზარალებული, ე. ი. დაჭრილი, თავის სათქმელს ეტყვის: მარტოდ-მარტო შევხვდებით ერთიმეორეს და ერთმანეთს გამოვცდით, მაშინ შევრიგდებით, თუ არა, ჩვენი შერიგება შორს არისო. შუაქაცები მერე დამნაშავესთან წავლენ და იმასაც ლაპარაკს დაუწყებენ შერიგებაზე. შეიძლება ისიც მუქარაზედვე იყოს, ან საყვებურის თქმაზე, მაგრამ შუა კაცები აიძულებენ დაზარალებულს „პატივი მისცეს“ და თუ ღამისო ჭრილობა არის. საკლავ-პატივიც (ჭრილობების შედასების წესები აწერილი არის). შუაქაცებმა იციან ჭრილობა რა სახისაც არის, „საკლავ-პატივი“ ეკუთვნის თუ „ხმელი პატივი“, „ხმელი საკლავ-პატივი“ თუ „სისხლიანი საკლავი“ და იმ სახისას გამოართმევენ (ხმელი საკლავ-პატივი არის ექვსი აბაზი ვერცხლის ფული. ხმელი პატივი ერთი აბაზი, სისხლიანი საკლავი — ხბო, ბატკანი, ან ცხვარი. გააჩნია ჭრილობას, როგორი საკლავი ეკუთვნის).

შუაქაცები ბრუნდებიან დაზარალებულთან და შიაკვთ პატივი. თან ეტყვიან: ძალიან დაღონებულია და დანაშაულს ნანობსო, ამბობს, რომ ეს რომ არ ჩამედინა და ჩემი ხელით თავი მომეკლა, ის მერჩინაო. დაუწყებენ ასეთ ლაპარაკს და ამითი გულს მოულობენ დაზარალებულს. მერე ის პატივსაც იქერს და შერიგებაზედაც თანხმდება. თუ ღლეობა არის წაიყვანენ ჭვარში და იქ შეარიგებენ, თუ არა და დამნაშავეს მიიყვანენ დაზარალებულთან და იქ შეარიგებენ. თავის

სახლში მისულს დაზარალებული არაფერს აღარ ეტყვის. დამნაშავე ბოდიშს მოიხდის. დაზარალებული მარტო ამას ეტყვის, რომ არ მომხდარიყო კარგი იყო, მოხდა და აღარაფერი ეშველება. ექიმი დამაყენე და მომარჩინეო. დამნაშავე ვალდებულია ექიმი მოუყვანოს და გადაიხადოს სააქიმო. თუ ჯვარში შეარიგეს, დამნაშავე მიართმევს ლუდიან თასს და ეტყვის: „ეს თას შენ პატივ იყოს, დავლი (ე. ი. დავაშავე) შენთან საქმეი, არ მამკდომიყვ, კა იქნებოდა, მამიჯდა, ქვე აღარა ეშველების ნანობითო. მე იმედი მაქვ, რომ მაპატიებ, მე წინ გიდგეორ, თეთრი ოქროთ აგილესავ“. ვითომ მე ძვირფასი რაბით გადავიხდი მაგ შენი კრილობის ფასსაო. დაზარალებულიც ცოტას დაემდურება, გამოართვანს თასს, მასვე აღდგეორძელებს და დალევს. ეს არის პირველი შერიგება. კრილობის მორჩენის შემდეგ დასვამენ რჯულის კაცებს და საბოლოოდ მაშინ გაიჩვენა საქმე (კრილობების ფასები და რჯულის წესები ყველაფერი სხვა ადგილას არის აღწერილი). ჯვარში შუღლი ხშირ შემთხვევაში მოსისხლეობამდე მიდის, ე. ი. „მამკლავ-მამკვდრობამდინ“, და აქვე ჯვარში თავდება ეს მტეობაც.

ჯვარისავე საშუალებით ღდება ხანდახან ქალის დანიშვნაც. ხანდახან ქალს რომ ვერ ურიგებდნენ ვინმეს შუაქაცების საშუალებით, ხუცესს გააგზავნიდნენ, რომელიც წააღებდა სახუცო კოჭობს, ან სხვა რაზე პატივსაცემ განძს რომელიმე ჯვარიდან. ამის ხათრის გამო საქმეს არიგებდნენ და ქალს ათხოვებდნენ (თუ მშობლები და ნათესაეები მოისურვებდნენ, ქალს გათხოვება სულაც არ ეკითხებოდა, თვითონ ათხოვებდნენ, სურდა თუ არა ქალს). ჯვარის გამძლო მშობლებს და ნათესაეებს დაითანხმებდა და ქალი ხმის ამომღებაც არ იყო. ასე ბევრი რაჲ იყო დაკავშირებული დღეობებთან და ჯვართან.

თ ი ბ ი ს თ ა ვ ი

ათენგენის შემდეგ მოდის „თიბისთავი“.

თიბისთავის დასტურობაც სოფელში რიგით მოდის. დასტურები ორნი არიან. ისინი ამზადებენ მარტო თიბისთავის ლუდს. პური მიუქეთ არხოტის ჯვარიდან და სვეც დაზადებული აქეთ საამისოდ. საკლავები კი სოფელს ჰყავს ნაშოვნი — ოთხი. ამ ოთხ საკლავს, თუ მთავი ვისიმე ცხვარი დგას, იმის საბალახეში აიყვანენ, თუ არა, მაშინ სოფელი ყიდულობს ნატურით, უფრო პურით, სამ საკლავს. ერთი საუკეთესო მსუქანი და დიდი ჭედლია კი „მემთემ“ უნდე მისცეს სოფელს და ამას „სათაო“ ჰქვიან.

ლუღა რომ იღულებს, ხუცესი ამ ლუღს საქვაბეში წახყრის და აქ აფუეკლებს. ამ ღლეობაში არც დიასახლისი მივა და არც ხაიწიანი ქადა იციან. ღამისამთელი-ჟამისაწირად გამოაცხობენ ყველის ან ხორცის ქაღებს. აცხობს სოფელში დასტურის ოჯახის წევრი დიასახლისი და მიაქვთ ჯვარში. ხორცის ტაბლისათვის სოფლიდან ყველას მიაქვს თითო სატაბლო პური.

თიბისთავი ათენგენის მოკლე ხანში იციან. ეს ღლეობა მოძრავია და როცა სოფელი გადაწყვეტს, მაშინ იღლეობებენ. მხოლოდ თიბვის წინ უნდა იყოს. თიბისთავი იმიტომ ეწოდება, რომ თიბვად გასვლის სამხვეწწროდ არის განკუთვნილი. ჯვარს სთხოვენ მშვიდობიან თიბვას. დასტურები თიბისთავის წინა საღამოს იბიტიანენ ღამისამთელს. ხუცესი ლუღიან კოდს ხსნიან ისე. როგორც აწერილია სხვა ღლეობაში. კოდის გახსნის შემდეგ უთევენ ღამეს და შეასრულებენ ყველა იმ წესებს, რაც აწერილია გიორგობის ღამისთევასში. მეორე დილას ჟამისწირვაც ასეთივე წესით ჩატარდება. ჟამისწირვის შემდეგ მოვა სოფელი, მარტო მამაკაცები. სოფელი მოიყვანს ოთხ საკლავს. საკლავები უნდა იყოს ძალიან მსუქანი. ყველაზე უკეთესი, სათაო არხოტის ჯვარისათვის იკვლება. ჟამისწირვის შემდეგ ხუცესი პირველ საკლავზე ახსენებს არხოტის ჯვარს და ჩვეულებრივ ხუცობას უმატებს: „წელ მშვიდობისა დაუყენი, დალოკვილო. მშვიდობით აღებულ ცელი, ნამგალი მშვიდობით დაადები“.

საკლავის დაკვლის შემდეგ ჯერ ხუცესი დაამწყალობნებს და მერე ყველანი ერთხმად აქოთქოთდებიან: „გწყალობდათ ახიელთ ტახტის ყმათ (თიბისთავი არხოტის ჯვარში იციან). საწალმართოდ მაგიაირასთ, მშვიდობით შაგინახასთ მიქიელის დაკლავთ. წელ მშვიდობისა დაგიყენასთ, თვალი-გულ ნუ ვისა მაგრიოსთ, მშვიდობით აღებულ ცელი, ნამგალი, მშვიდობით დაგადებიოსთ. თქვენ მაგცასთ წყალობა წეულს¹, მწყედელულს², კემწიფის კარის მლოცავს. ჯვარიონთ მაგცასთ წყალობა. დასტურს დასტურობა ნუ შაგინახას, ხუცესს ენა-პირ გიკურთხას, შაუცოდრად, შაუწყენრად შაგინახას, კელოსან დიდხანს გაგიყოლას“. ეს დამწყალობნება რომ მოთავდება, გაატყავებენ საკლავს თიბისთავისათვის.

მეორე საკლავი აქვე იკვლის მთიშეშაგისათვის, მესამე საკლავი კვირაისათვის (იქვე არხოტის ჯვარში არის კვირაის ნიში ცალკე), და მეოთხე ჩაქველისათვის. გიორგის საღლეობო ახლოს არის, იქ მოჰყავთ საკლავი, რომელსაც ჩაქველის ხუცესი კლავს. სამს საკლავს კი არ-

¹ „წეულს“ — წვეულს, მოწვეულს.

² „მწყედელული“ — შემთხვევით, მოუწვევლად აქ მოხვედრილი, ამ დროს იქ მყოფთა სურვილის გარეშე.

ხოტის ჯვარის ხელოსანი ანუ ხუცესი დაკლავს (ხელოსანი მედრო-შავეს ჰქვია, მაგრამ ზოგიერთ შემთხვევაში ხუცესსაც უწოდებენ). საკლავს სხვა ჯვარის ხელოსანი სხვა ჯვარში იშვიათად დაკლავს. აბობენ, რომ სხვა ხელოსანს ე. ი. ხუცესს ნება არა აქვს სხვა ჯვარის საკლავი იხუცოსო და თუ უკიდურეს შემთხვევაში იხუცა, ძალიან ეხვეწება ჯვარს — ანუ განიწყრები შამაბახილზე და ხსენებაზეო.

საკლავები ყველა ჩვეულებრივი წესით იკვლება, ხუცობაც ჩვეულებრივია და დამწყალობნებაც. დასტურები ატყავებენ საკლავებს, ტყავებს შეინახავენ, ხოლო ხორცს მებორცეებს აბარებენ. მებორცეები ხორცს დაქრიან ასო-ასოდ და ოთხივე საკლავს ერთ ხარჩამავალ ქვაბში მოხარშავენ. ვიდრე ხორცი მოიხარშება, ჯარი სხდება და იმართება სმა, ფანდურზე საგმირო სიძლერების მღერა, ფეხზე შეძლერება და სხვა. ხორცი რომ მოიხარშება, დააგებენ ტაბლას: პურებს დააწყობენ გრძელ ფიცარზე, ხორცსაც დაანაწილებენ და დააწყობენ პურებზე, თასებს გაავსებენ ლუდით, დააკრავენ სანთელს და დადგამენ ტაბლაზე. ხუცესი დადგება და იხუცებს. ხუცობის მოთვეების შემდეგ დაამწყალობნებს ხუცესი და მერე ყველანი აპყვებიან: „გწყალობდასთ ახიღელთ ტანტის ყმათ, საწაღპართოდ მაგიარასთ, მშვიდობით გამყოფნასთ, წელ მშვიდობისა დაგიყენასთ. მშვიდობით აღებულ ცელი, ნამგალი მშვიდობით დაგადებვისასთ, ყლრი მაყურებელს მაგცაათ. წყალობა წუელს, მწყყდეულსა-დ, კეჭიფის კარის მლოცავს, ჯვარიონთ გწყალობდასთ. დასტურს დასტურობა ნუ შაგანანას, კვლოსან დიდხან დაგიყოლას. ხუცესს ენა-პირ გიკურთხას. შუტოღვრად, შუწყინრად შაგინახას“.

მერე აიღებენ სადიდებელთ ხელში და ერთბაშად ყველა კიდევ მოახსენებს: „თქვენა სამთავროდა. თქვენა გასამარჯოდ შავმარეთ, მიქიელ მთავარო ანგელოზო, მესუფრენო ანგელოზნო და დიდო კვირაე, ეს სადიდებლები, პურასუფრა. თქვენ თქვენს მეხვეწურთ ახიღელთ სამწყალობნოდ ხთის კარზე შაიტანეთ, მაგითამც დიდი ხართ თქვენის გამჩენის ხთის კარზე, თქვენიმც ძალი, სახელ დიდდებისა-დ კსენდების“. ყველანი თასებს მალა ააწუნენ და იტყვიან: „მაგითამც დიდნი ხართ თქვენის გამჩენის ხთის კარზე“. ცოტა ხანს შეჩერდებიან და იტყვიან: „ჯვართ დიდებაი, მეხვეწურს წყალობაი“ და დაღევან ყველანი, ფეხზე მღერა არ მოპყვება, რადგან პურის ჭამა უნდა დაიწყონ და მღერა უნდა კარახანის დაღევამი.

ხალხი დასხდება. ზედამდეგები ყველას პურს გაუტეხენ ხელში და იტყვიან: „ღმერთო, გაუმარჯვი მიქიელსა, მესუფრეთ ანგელოზთ. თქვენი წყალობა მიეცით ახიღელთ, დაადვით წაღმ. გაუმარჯვეთ ფეკზე მდგომებსაც, თქვენი წყალობით შაინახენით, კელ-ფეკ მტერზე მააკამართ შორიელზე“ და შეუდგებიან ჭამას.

სუფრაზე ზედამდეგები კარახანას დადგამენ. ჰამას ვინც გაათავებს, კარახანას იღებს ხელში და ილოცება: „გამარჯვება ჯემშიფესა მესუფრეთ ანგელოზთ, ჩმის წყალობა გქონდასთ ყმათ, საწალმართო მაგიარასთ, მშვიდობით მაგინახანასთ, წელ მშვიდობისა დაგიყენასთ, მშვიდობით აღებულ ცელი, ნამგალი მშვიდობით დაგადებიკასთ, სტუმარს მაგცასთ წყალობა, ჩენჩი დამწყვდეულს, სასტუმროდ სანახავად ნუ დაგლივასთ“. (აქ ვინმე მოსულია სხვა სოფლიდან, სტუმრად ის ითვლება). ამ სიტყვების შემდეგ დაღევს ცოტას. ამავე დროს ერთი ზედამდეგი უკრავს ფანდურს და იმართება ფეხზე საგმირო სიმღერების მღერა. იმღერენ ჯერ ზედამდეგები და მერე თასიანებიც, რომლებიც თავ-თავიანთი თასებიდან ზედამდეგებს ასმევენ ლუდს. სმით და ყველა წესების შესრულებით მთავრდება ეს სუფრა. ამის შემდეგ ზედამდეგებს დასვამენ და აქმევენ პურს ყველა ტაბლის წესების დაცვით, როგორც არის კარახანა, ფეხზე მღერა და სხვა. ბოლოს ჯვარს მადლს მოსთხოვენ და წავლენ თავ-თავიანთ სახლებში. სათიბად ყველა ერთბაშად გავა სამშაბათ დღეს.

თ ი ბ ვ ი ს ს ა მ შ ა ბ ა თ ი

თიბის სამშაბათისთვის ხალხი ამზადებს მამაკაცებისათვის ცელებს, დედაკაცებისათვის ნაჰგლებს. მამაკაცები თიბავენ ცელით მთაში, ხოლო ქალები ბარში ნამგლით, რასაც ეწოდება „ტენცვლა“.

სამშაბათისათვის ახალი მიცვალებულს პატრონი ამზადებს არაყს და სუფრას (ახალ მიცვალებულად ხევისურეთში ითვლება, რომელსაც სიკვდილის შემდეგ ერთი წელიწადი არ გათავებია). ასეთი მიცვალებულის პატრონის ხათრით დილით სამუშაოზე არავინ წავა. იგი დილას სოფელში ყველას დაპატიჟებს—ქალსა და კაცს. კაცები დასხდებიან თავისთვის, ქალები კი გაშლიან „ტალავართ“ და ტირიან; თუ ვაჟაკია, ასე მოთქვამენ: ადექი, ხალხი სათიბად ემზადება, შენ კი წეხარ და სხვ. ტირილის გათავების შემდეგ ყველას აქმევენ პურს. ხაიწი ექნებათ დამზადებული, ან ფაფა და იმას დაუდგამენ ტაბლაზე ჯამებით. არაყსაც დაალევიანებენ. ეს ყველაფერი ილოცება მიცვალებულისათვის იმავ წესით, როგორც სულთაქრეფას არის აწერილი. ამ ოჯახს თუ მუშახელი არა ჰყავს, პურის ჰამის შემდეგ მთელი სოფელი წავა მის სათიბზე და ყველა უშველის თიბის სამშაბათ დღეს. თუ მუშახელი ოჯახში საკმარია, მაშინ კი თავ-თავიანთ საქმეზე წავლენ. თიბისთავი იციან მარტო არხოტის ჯვარში. ვიდრე აქ თიბისთავი არ იქნება, არც ერთ სოფელში სათიბად არ გავლენ. ამის შემდეგაც უყურებენ იმ სამშაბათს, როდესაც ახიელები გავლენ სათიბად და დანარჩენი ორი სოფელიც მაშინ გავა. ეს იმი-

ტომ, რომ არხოტის ჯვარი მთელი თემის საერთოა და ახიელები უფრო მახლობელ ტახტის ყმად ითვლებიან. მათ უფრო უნდა უხელო-ძღვანელონ ასეთ საერთო სათემო საქმეს. მანამდე სათიბად გასვლა არხოტის ჯვარისა და მის ყმათ წინააღმდეგობას ნიშნავდა. ეს აზრები კი ოჯახის დაქცევის მომასწავებელია. დასტურებს იქვე, სოფლის ახლო-მახლო, აქეთ ჯვარის შამულების ყაშირები და ყანის პირები მოსათიბი, სხვა ხალხს — თავ-თავიანთი სათიბი მთაში და ბარში. სამ-შაბათიდან შეუდგებიან და მუშაობენ სამშაბათს, ოთხშაბათს და ხუთშაბათს. პარასკევი, შაბათი, კვირა და ორშაბათი, ოთხი დღე, უქმე დღეებია თიბვა-მკრს დროს (ამისი მიზეზი და წესები აღწერილია ზემოთ).

„უქმის ნათვლა“ იციან ცხვრით, ციკნით და თბითაც. თხას და ციკანს ვინც დაკლავს, აძლევენ ორი დღის მუშაობის ნებას და ვინც ცხვარს — საბი დღის მუშაობისას.

ციკანს ორნი საზიაროდ დაკლავენ და ორივენი მუშას შეჰყრიან. ერთერთი ახლა დაკლავს, მეორე კი მეორე მუშის შეყრის დროს. ორჯერვე ორივე მეკომური ამუშავენს მუშას. დანარჩენი წესები ზემოთ არის აწერილი. უქმის გამტეხს მოკვეთანდინ მიუვა საქმე. სოფელი ბოიკოტს გამოუცხადებს და მას აღარაფერში გაიკარებენ სა-ახლოვეს, საქონელსაც კი გამოუჩრევენ სოფლის ნახირიდან.

მ ა რ ი ა ნ ო ბ ა

თიბისთავის შემდეგ მოდის დღეობა „მარიანობა“.

მარიანობა ისეთივე ჩვეულებრივი დღეობა არის, როგორც სხვა პატარა დღეობები. მარიანობა იციან მარტო არხოტის ჯვარში. პირ-აქეთ ხევსურეთში იგი სათემო ჯვარებში უფრო იციან. ამ დღეობას განსაკუთრებული მნიშვნელობა არსად არა აქვს. ღამისთევა, ჟამის-წირვა, მეზღვნების მოსვლა, ამ დროს ხუცობა და ყველა წესების შესრულება ისეთივეა, როგორც გიორგობას არის აწერილი. მარიანობა არის უძრავი დღეობა, არ ააცილებენ მარიამობის თვის თხუთმეტს. დღეობები მოძრავია, რომლებსაც ავსებდასთან აქვს კავშირი. მაგ. აღება, ავსება და მარხვაში პატარა-პატარა უქმე-დღეობები: სულ-თაქრეთა, კუდიან-წუხრა, თაგვ-ჩიტთ უქმი, მგელთუქმი, ამადლე-ბა, ხალარჯება, ურწყინი. ეს დღეობები ჰყვება ავსებას. დანარჩენი დღეობები კი უძრავნი არიან. თიბის სამშაბათი, თიბისთავი და სხვა ასეთები ხალხის გადაწყვეტაზეა, თუ როდის მოისურვებენ. მარიანობას დროში არხოტის ჯვარში არ გამოჰყავთ. ჯაჭველში და მთიშეშაგ-ში ხომ ეს დღეობა საერთოდ არ იციან.

მარიანოსის შემდეგ მოვა დღეობა „ენკენია“.

ენკენიაც არის ძალიან პატარა დღეობა. სრულდება მარტო არ-ხოტის ჯვარში. სიტყვა ენკენია რას ნიშნავს, ვერაფერს მითხრა. ეს დღე აუცილებლად ხვდება თოთხმეტ სექტემბერს (ქრისტიანულად მაშინ არის „ჯვართ ამაღლება“). ამ დღეობაში იციან ყველა ის წესე-ბი. რასაც ასრულებენ სხვა დღეობებში. ენკენიას არხოტის ჯვარში ძველ დასტურს უკველი გაუდის და ახალი ენაცვლება. ძველი დასტურ-ები ამ დღეობაში ყველაფერს აბარებენ ახლებს ანგარიშით — რო-ვორც არის თასები, პური, სხვადასხვა განძეული. დასტურები გა-დაბარების დროს ერთ თხას კლავენ მიქიელის ლაშქარ-მწევართად და სოხოვენ პატიებას, რაც აწყენინებს ამ ერთი წლის განმავლობაში. ამ დღეობაში დასტურები ძველებიც არიან და ახლებიც. ძველებისაგან ახლები ღებულობენ დარიგებას, თუ როგორ უნდა მოიქცნენ ჯვარ-ში. რამდენი დასჯირდებათ ერბო, სვე, ქერი, შეშა და სხვა; აგრეთვე ასწავლიან შიგნით დარბასში რა წესით უნდა მოიქცნენ, რა ევალებათ მათ, რა არის უფრო საშიში, რომ არხოტის ჯვარი არ განრისხდეს. განაწილების დროს ნახორი, ხორცი, ტყავი და სხვა ვის რა ეკუთვ-ნის: ერთი სიტყვით, ძველ დასტურთ რაც თავზე გადახდენიათ, ყვე-ლაფერს უჭანიან და უამბობენ მომავალ დასტურებს. ძველ დასტურთ ევალებათ მარტო ერთი ქვაბი ლუდის დუღება. ლუდს ადუღებენ წელწად-ღამეს მეკვლეთათვის. ამ დასტურთ ჰქვია მეკვლე-დასტურ-ნი. მეკვლეთ წამოსვლამდე არიან იქ და მერე საბოლოოდ თავისუფ-ლდებიან. მეკვლეთ დასტურნიც თან გამოჰყვებიან და მიდიან შინ. ენკენიას გამოლოცვის დროს დიასახლისა კლაფს ერთ ჰაყლაფს და ნათლავს სისხლით ყველა იმ გზას, სადაც ჯვარში დადიოდა, იქიდან მოყოლებით, სადაც პირველად ბოჭოლებზე ანთებდა. ყველაფერს სისხლსა სცებებს, რაც ჯვარში მას ხელში აუღია, მაგ., ვარცილი, საცე-რი, ასტამი, ზედგანი და სხვა. ენკენია არის უკანასკნელი დღეობა. ხუცესი კი მუდმივია. ხუცესი შისული კარის ჯვარში ყოველთვის გიორგობას. როგორც ზემოთ ნათქვამია, ახალი დასტურები მიდიან მკითხავების რჩევით, აგრეთვე მედროშე-ხელოსანიც.

თუ ახალგაზრდა ავადმყოფობს და ის ხელოსნად არ ყოფილა, მკითხავეი მაშინვე ხელოსნობას უმკითხავენს. თუ მემკვიდრეობით ხუცესები იყვნენ მისი წინაპრები, მაშინ კი ხუცობას ეტყვის. დას-ტურობა კი, როგორც ზემოთაა ნათქვამი, რიგ-რიგობით მოუდით. დასტურები შულტს და ჩხანჩხს თვითონ მოიყვანენ, ვინც სურთ, რაკი იმედი აქვთ, რომ ესმით რამე ჯვარში სამსახურისა, საჯარო წესები-სა და ამავე დროს გამრჩელნიც არიან. ასეთია ენკენიას დღეობა.

ენკენიის შემდეგ მოვა „ქარსუქმი“. ქარსუქმი არის ამავე ენკენიის თვეში, დაახლოებით ენკენიის სწორზე. მას ხევისურები ძალიან მაგრად უქმობენ. სწამთ, რომ ვინც ქარსუქმს არ იუქმებს, იმის ძნებს 'და თივებს ქარი სულ გაანადგურებს, ნამეტნავად არხოტში ძალიან ქარი იცის, კავკასიონის ქედზე თითქმის ყოველდღე გადმოწვება ნისლები. შემოდგომით და ზამთარში ისეთი ძლიერი ქროლა იცის, რომ მიწა იძვრისო — ეგონება კაცს, და აუცილებლად აზარალებს თივას, ძნას და სხვა. ამიტომ თუ ვინმე ქარსუქმს გატეხავს, სულ იმას დააბრალებენ: მაგან უქმი გატეხა და იმაზედ მოუვიდაო.

ქარსუქმს ახვედრებენ ყოველთვის ხუთშაბათ დღეს. პარჭკევი, შაბათი, კვირა და ორშაბათიც ხომ თიბვა-მკის ღროს აქვთ შენახული და ხუთშაბათიამდ დროთ კვირაში ხუთი უქმე გამოდის. ოთხშაბათს შუადღის შემდეგ დაიუქმებენ და ამიტომ ეძახიან ამ კვირას „დღენახევაართ“, ვითომც საქმის დღე ამ ქარსუქმის კვირაში დღენახევაართ არისო. ხევისურები ქარსუქმის კვირაში შიდიან ყველგან, სადაც სამგზავროდ უნდათ წასვლა. ნამეტნავად ის პირიქითელი ხევისურები, რომლებიც კავკასიონის მთის ჩრდილო კალთებზე მოსახლეობენ. სექტემბრის თვის გასულს კავკასიონი ამ მხარეში უკვე მოთოვილია და გზები შეკრული მანისს გასვლამდე. ამიტომ არის საჭირო, რომ შატლის და არხოტის თემების ხევისურებმა სექტემბრის ბოლო რიცხვამდინ ზამთრისათვის ყველაფერი მოიმარაგონ — ნავთი, მარილი, თუ აკლდებათ პური, მატყლი ზამთარში ქალებს ხელსაქმისათვის.

აი, ამ მიზნით იყენებენ ხევისურები ქარსუქმის დღეებს. დატურები ამავე უქმეებით სარგებლობენ და მოაქვთ სვე კავკავიდან და კახეთიდან. ამით ამოწურება არხოტში დღეობათა წლიური რელიგიური კალენდარი — გიორგობიდან გიორგობამდე. გიორგობა პირველ დღეობად იმდროს არის აღებული, რომ დასტური მანის იცვლება.

წვრილმანი სალოცავები არხოტში

ხევისურეთს მთავარი სალოცავები ყველა აღწერილია. საპიროდ მიმაჩნია წვრილმანი სალოცავების აღწერაც. მაგალითად: სოფელში ზოგიერთი სალოცავები აღარ არის, რაიმე მიზეზის გამო გაქრა, დაიკარგა; მაგ., გვარი შემეცირდა და დაანებეს თავი ლოცვას, ამიტომ ეს სალოცავი აღარავის ახსოვს. ზოგიერთ ადგილებში ისევ არსე-

ბობენ ასეთი წვრილმანი სალოცავები. მეტ ნაწილს ამგვარი სალოცავებისას მუშს უნთებენ, ზოგს კი სანთელს.

ხთიშობელი. სოფ. ახიელში ყოფილა სალოცავი „ხთიშობელი“, შუა სოფელში. ხთიშობელს მარტო ბალიაურები ლოცულობენ. აქ ძეგლივე გაძლიერებული ლოცვა ყოფილა, როგორც სხვა ჭვარებში და ისევე ყველა წესები სრულდებოდა დღეობებში, როგორც სხვაგან. ყველაზე დიდი შესაწირავი ზარია და ამ ჭვარში ხარსაც კი კლავდნენ (ხარს პირველხარისხოვან ჭვარებში კლავდნენ). იყო ერთი მოხუცი ქალი — ბალიაური მზია, რომელიც ჭვარის აშბავს ხშირად მოყვებოდა ხოლმე. ამბობდა, თუ როგორი დღეობა იცოდნენ, როგორ ლოცულობდნენ და სხვა. ამასთანავე ყოველთვის გულმტკივნეულად და ჭავრიანად იტყოდა: ჩვენ ხთიშობლის ლოცვას არ მოვიშლიდით, მაგრამ დათვიათ 'გადმოთხარა და ჩვენაც თავი დავანებეთ. ვამბობდით — თუ ძალა გაქვს, შენ საქმეს თვითონ მოუარე და შენს გადმომთხრელს სამაგიერო „სიკეთე“ გადაუხადეო.

დათვია თურმე სთხრიდა სახლის საძირკველს და სასახლე ადგილში მოჰყვა ამ ჭვართ ნიშიც. ბალიაურებს გვარი არ ჰყავდათ. იმ დროს მარტო ერთი კაცი იყო დარჩენილი — ვაგა და მან დათვიას წინააღმდეგობა აღარ გაუწია. უკანასკნელმა სახილი გაიკეთა და ვაგამ უთხრა: შენ იცი ღა მაგ სალოცავმაო. ამბობდნენ, რომ დათვიას კარგად არ წაუგონა ამის გამო საქმე, ცოლ-შვილიანად ამოწყდა, რადგან ხთიშობელი ჰყავდა გამწყრალიო. მზია იტყოდა: მასსოვს, ბოლო დროს ამ სალოცავში თეთრი ხარი დავკალითო. გადმოთხრის შემდეგ კი აღარაფერი დავგვიკლავს 'და არც დღეობა გადაგვიხდიაო.

დღესაც ახსოვთ მცხოვრებლებს, ეგ ადგილი სად იყო. ბავშვებს ამ ჭვართ წამყოფ ადგილზე არ უშვებენ. ამბობენ, ეს ადგილი რომ გადმოთხარეს, მერე სალოცავიც „გამიწრივლდაო“. გამიწრივლება ჰქვია იმას, რომ აღრე ანგელოზის სახით მყოფი ზატი მას შემდგომ, რაც რაიმე მიზეზით ხალხი მის ლოცვას თავს დაანებებს, ეშმაკად გადაიქცევა. წინათ თუ მას აღსმიანისათვის დახმარება შეეძლო, ახლა ვნებოს მეტი აღარაფერი შეუძლია. ბალიაურთ ჭვარნი რო გამიწრივლდნენო, — ამბობენ მკითხავეები, — იქვე მდგარ ქვითკირის ნანგრევები კუთხეში ცხოვრობს ქალის სახითო. ქალს ვხედავთ ამ ნანგრევებშიო, იტყოდნენ. ამ ქალს მწვანე ტანსაცმელი აქვს და ეძებს, თუ რა ვის ავნოსო. ამ გამიწრივლებული სალოცავის სახელზე ხანდახან იცოდნენ მოლოცვა მუშის ანთებით მზის ამოსვლისა და მზის ჩასვლის დროს. იმ ადგილის ახლოს ბავშვებს არ უშვებენ. ხევსურების რწმენით, თუ ამ დროს ბავშვმა გაიარა ამ მხარეს და ეს ჭვარ-ეშმაკი შეხვდა, „დოყვი“, ე. ი. მუწუკები, დაედებაო. თუ მუწუ-

კი რომელიმე ბავშვს გადაედო, მკითხავი ეტყვის და ამ ეშმაკს „სალოცავებს“ მოუწებენ.

ერთი დიდი ქვა არის ჩვენი სახლის ეზოში და აქ ყოფილა პატარა სალოცავი, რომელსაც მუშს უწებდნენ. იმ ადგილზე ქალის ახლო მისვლა არ შეიძლებოდა. მამაკაცებიც თურმე ერიდებოდნენ ამ ადგილს მისი წმიდად დაცვის მიზნით, ბოლოს ერთ ქალს, საბუნლად ნანუკას, შემოუტანია სამრელოში ნაცუაში „უწმიდური“ სადი-აცო და იმ სალოცავის კლდეზე დაუდგია. იმის შემდეგ გაქრაო, იტყუდნენ ის სალოცავიო. ნანუკა ძალიან ჭკვიანი ყოფილა და სწორედ იმ მიზნით დადო იქ ის საქლიაცო, რომ ეს „დობილნი“ მოეშორებინათ (ასეთ ჯვარებს „დობილთ“ ეძახიან) და მოიშორა კიდევ. ახლა აღარ არის მისი ხსენება.

ერთი დობილი კიდევ არიან ჯაჭველის სალოცავის მარჯვენს, მარიემწმიდასთან. იმ არე-მარეზე ქალები სულ არ გაივილიან, მხოლოდ სალოცავებს მოილოცავენ მუშის ანთებით. „სალოცავებს“ გამოაცხოზენ (პატარა-პატარა ყველს ან ხაქოს გულიანი ნამცხვარი) ხუთ ცალს. მოხუცი ქალი მივა, დააწყობს ქალებს, აანთებს მუშს და დობილთ შეეხვეწება: „გვიშველეთ, დალოცილონო, ჩვენს კაცსა-დ საქონსაც, ნუ რაით დაგვამარცხებთ, ნუ ვის ფეკის ნალით“. მუშს აანთებს და როცა დაიწვება, პირჯვარს დააწერს და დაბრუნდება უკან. თუ გზაში ბავშვები შეხვდებიან, ამოიღებს უბიდან სალოცავებს და თითოს დაურიგებს, ამიტომ ბავშვები რომ დაინახავენ, სალოცავებს ვინმე ანთებსო, გზაში შეხვდებიან, რადგან მათ ამ სალოცავებით დაასაჩუქრებენ.

თათართ ჯვარანი. ჯაბლუმანურებმა გადმოცემით იციან, რომ მათი წინაპრები თათრები ყოფილან და მერე გაქრისტიანებულან. სასაფლაო მათ გვარს დღესაც ცალკე აქვს სხვა დანარჩენი თემისა და სოფლის მცხოვრებთა სასაფლაოსაგან. ამბობენ, რომ თამარ მეფე როცა არხოტში მოსულა, მაშინ ხალხის ყრილობა მოუწვევია და უკითხავს: აქ რამდენი ქართველი ქრისტიანი ცხოვრობს და რამდენი თათარიო (მაშინ ის თათრები ისევ მაჰმადის რჯულზე ყოფილან). ხალხს უთქვამს, ვინ რამდენიც იყო. მერე თამარ მეფეს უთქვამს: ცალკე თათრები დადექითი და ცალკე ქართველებიო. ისინიც ცალ-ცალკე დამდგარან.

თამარ მეფეს ცალკე მოუზომია ქრისტიანებისათვის სასაფლაო და თათრებისათვის ცალკე. ქრისტიანების სასაფლაო უკურთხებიანთ, თათრების სასაფლაო კი ისე მიუჩენია მათთვის. მას აქვთ ახიელებს ცალ-ცალკე აქვთ სასაფლაო. რაკი თამარის მიერ არის მიჩნეული ეს სასაფლაოები, იმ ადგილს არც გასცილდებიან. ამიტომ ზოგიერთ

საფლავში ხუთი-ექვსი ადამიანის ჩონჩხი აღმოჩნდება ხოლო. ახალს დამარხავენ და ძვლებსაც იქვე ჩაყრიან ძველი მიცვალებულისას.

ამ თათრებს სალოცავიც ცალკე ჰყოლიათ სოფლის მოშორებით. მას „თათართ ჯვართ“ ეძახოდნენ. მისი დარბასის ნანგრევი კიდევ არსებობს და დღესაც ძველი სახელი აქვს შენარჩუნებული ამ ადგილს. მაგრამ იქ ლოცვა სრულიად აღარ არის. ეტყობა, როცა მოქრისტიანებულან, მას შემდეგ დაუნებებიათ ამ ადგილში ლოცვისათვის თავი. თურმე აქ ძალიან კარგი დღეობა სცოდნიათ: აღუღებდნენ ლულს, დაპატიებდნენ სოფლიდან სხვა ხალხსაც და ატარებდნენ დროს ძალიან დიდ ხანს. ზოგიერთი დღეობა კი კვირით-კვირობამდე გრძელდებოდა, იტყვიან. ეს სადღეობო ადგილი სოფლიდან ერთი კილომეტრის მანძილით არის დამორებული. ძვლები იტყოდნენ: იქ ისე ხმამაღლა მღეროდნენ ფანდურზე, რომ სოფელში აჰმოდაო.

დღეს კი იმ ადგილზე ერთი ნასახლარი ეტყობა, რომელშიც მამონ დარბასი ჰქონიათ. შათი ჩამომავლობიდან ორი კომლი კიდევ არის არსებში, სოფ. ახიელში. იმ თათართ ჯვართ მიდამოებში მათ ისევ აქვთ მამა-პაპისეული შამულები. მამა-პაპის სალოცავის ლოცვა კი დავიწყებული აქვთ. ახლა ამ გვარის ხალხი შემკვიდრეობით ხუცუნები არიან არსოტის ჯვარში.

თავიანთ ჯვარანი. სოფ. ახიელში ერთ ნასახლარში იყვნენ „დობილნი“. იქ მისვლას ან ქვის სროლას ძალიან გვიშლიდნენ ბავშვებს. ხნიერი ქალები და დედები გვეტყოდნენ, რომ იქ ვინც ქვას ისვრის, ან დაღწ, იმას „დოყვი გაუჩნდება, დაიჯელთებაო“ (გაგვიუბებო). იქაც იცოდნენ სალოცავების მოლოცვა მუშით. ამ დობილთ „თავიანთ ჯვართ“ ეძახდნენ, რადგან მის ახლო ცხოვრობდა ერთი ოჯახი, რომელთაც თავიანი ერქვა. თავიანთ ამოწყვეტას ამ დობილთ აბრალებდნენ. ბოლო ხანს ამ ოჯახმა სახლი სხვაგან გადაიტანა დობილთ შიშით. სახლის დანგრევის შემდეგ იმ სალოცავისთვის ყურადღება არავის მიუქცევია, ყველას დაავიწყდა და მოისპო. ახლა ამ ადგილზე კარტოფილი ითესება.

არსოტში იცის მოცვი, რომელსაც იქაურად შალშავს ეძახიან. შალშავის დასაკრფელად ბავშვები დაიარებიან. იმ გზაზე სალოცავია, რომელსაც „უ ფ ა ლ ა თ“ ეძახიან. იგი წამოპირილი კლდეა. ბავშვები იმ უფალთ შეეხვეწებიან: „დალოცვილნო უფალნო, ნუ დაგვიშლით დაწილულს (მოკრეფილს), ნუ დაგვიშლით (ნუ დაგვიბნევთ) შალშავასა-დ, რომ გამოვივლით, თქვენს წილს არ გაგყრით“. წავლენ, შალშავით აავსებენ კურკელს და იმავე გზით დაბრუნდებიან. სალოცავთან რომ მივლენ, ამოიღებენ „კოფადან“ (ხის პატარა კასრი) შალშავს, წაუსვამენ უფალთ კლდეს და იტყვიან: „ნუ დამიშლით, უფალნო, კლოვაც კიდევ მაგისობთა“. შალშავი კლდეს სულ შავ ფე-

რად შეღებავს. ბავშვებს სწამთ, რომ თუ არ წაუსვამენ „უფალათ“, შალშავი დაებნევათ.

საკვირაო. საკვირაო არხოტის თემში სოფ. ამლაშია. აქ მღონარის პირზე ერთი ძალიან ცივი წყარო არის. მთაში ამისთანა ცივი და უწყინარი წყარო არ მოიპოვება. ამ წყაროს „საკვირაოს“ ეძახიან, რაკი ხალხური თქმულებით აქ კვირიასაც ილოცავდნენ. ახლაც „ნაწყაროვალს“ ეძახიან ამ ადგილს. ამბობენ, რომ ეს წყალი წმინდად ყოფილა დაცული (სიწმინდის ხევესურული გაგებით). ამ წყაროზე ქალებიც მიდიოდნენ, მაგრამ სარეცქს არ გარეცხავდნენ; ქალური უწმინდურობის დროს არ მოვიდოდნენ. მაგრამ ამ წყაროში ერთხელ ქალს სამრელოში ნაცვამი საღიაყო გაურეცხია და მამინ ეს წყალიც დაეარგულა იმ ადგილიდანო. შკითხავის რჩევით, დამნაშავეს მიუყვანია წყაროს ადგილთან ერთი საკლავი, დაუკლავს, მაგრამ წყალი მაინც აღარ ამოსულა. იგი იქიდან დაახლოებით ორზოცი საყენის დამორებით მდინარე ასას პირზე აღმოჩენილა. ამ წყაროს ძალიან უვლიან და წმინდად ინახავენ. ქალები, სამრელოდან შემოსვლის შემდეგ მესამე დღემდინ აქ არ მივლენ, ამ წყალში გასარეცხს არაფერს მოიტანენ.

ჯვარის ტყე. ყველა სალოცავს აქვს საკუთარი ტყე. ამ ტყით კერძო მცხოვრებლებს არ შეუძლიათ ძარგებლონ — შეშა მოჭრან და ან სხვა ზის მასალა რამე გამოიტანონ. რომ შეხედოთ, მაშინვე შეამჩნევთ, რომ ის ჯვარის ტყე არის. სხვა ტყესთან შედარებით იგი ძალიან გაზრდილია. ამგვარ ტყეში პირიქით ხევესურეთს მაგ. არხოტში, ისეთი მსხვილი ფოჭვები მოიპოვება, რომ ერთი ხიდან ერთი სახლის საკმაო მასალა გამოვია. აქვეა საუკეთესო ცაცხვი, არყი და სხვა ხეები. ჯვარის ტყეში წინათ საქონელსაც არ უშვებდნენ. აქას გარდა, ის დაცული იყო ყოველგვარი უწმინდურებთაგან. აქ არ შეიძლებოდა სამრელოს ნამყოფი ქალის შესვლა. მაგრამ ერთი ტყეა, რომელსაც განსაკუთრებით დიდ პატივს სცემენ, ეს ტყე ეკუთვნის არხოტის ჯვარს, იგი დღესაც დაცულია. ამ ტყეში არ შეიძლება არც სამრელოს მყოფი ქალი და არც სამრელოდან ახალშემოსული. საზოგადოდ, ხევესურეთში ქალი ყველაზე უწმინდურ არსებად მიაჩნიათ და სამლოცველო და წმიდა ადგილებში მარტო მას (სხვას არავის და არაფერს) ეკრძალება გავლა. ჯვარის ტყეში რომ მთელი ოჯახის კუთვნილი პირუტყვი შევიდეს და ქალმა იცოდეს შველი ყველას შეჭამს, თუ ღამე იქ დარჩა, იგი ამ ტყეში თვითონ მაინც ვერ შევა. წავა და სოფლიდან ან ბავშვს, ან მამაკაცს ვისმე მოიყვანა ძროხების გამოსარეკად. ეს ჯვარის ტყე არის ახიელის პირდაპირ. მასში ძალიან დიდი არყს ხეებია, ადამიანთაგან გამოუყენებელი. ახლა კი ხალხი თანდათანობით გათამამდა და ამ ტყიდან სარგებლობენ, სა-

სოფლო საქმისათვის გამოაქვთ, ხიდების მასალა და სხვა. წინათ კი ასეთია რამ სასტიკად აკრძალული იყო.

არის კიდევ ტყეები ჭვარისა, შავ. მთის ჭვრის ტყე, რკენის ფიჭვნი და სხვა.

მთის ჭვრის ტყე ეკუთვნის მთიშეშავს. იგი კარგად არის დაცული. ამ ტყეში მოიპოვება მოზრდილი ფიჭვებიც. სოფელი ამ ტყიდან ფულით ყიდულობს ხეებს სასოფლო და საჯვარო სააღმშენებლო ნაპალად. ამ ტყეში ქალები არ შედიან შარტო სამრელოს ყოფნის დროს, ხოლო სამრელოდან შემოსვლას მესამე დღეს კი შეუძლიათ იმ ტყეზე ვაგლე იქ იდგა ერთი უზარმაზარი გამხმარი ფიჭვის ხე, რომელსაც „გამხმარ ფიჭვს“ ეძახდნენ. იგი განსაკუთრებულად წმინდა ხედ მიაჩნდათ. ქალი ამ ხის შიახლოვეს არ გაივლიდა არასდროს. ხალხს რწმენით, ეს ხე მთიშეშავსაც ძალიან უყვარდა. იტყოდნენ, რომ მთიშეშავს ამ ხეზე დაჯდომა უყვარს და თავის საბრძანებლად ინახავსო. ეს ხე იმიტომ გახმა, რომ ვიღაცა უწმინდურმა ქალმა მის ახლო გაიარა. ამაზე გაჯავრებულმა მთის ვეშავმა დასაჯა ის ქალიც და ხეც გახმაო. მერე იგი მოჭრეს დასტურებმა ჭვარის ლუდის სადუღებლად. ამის შემდეგ ერთ მათგანს ცოლი მოუკვდა და ამას დააბრალა მკითხავმა: ამ ხეზე მე ანთებული სანაული მიწახავს, ეს მთიშეშავი იყო და ამ ხის ნოჭრა როგორ შეიძლებოდაო. მერე სხვებმა ამ ხის ძირი ამოთხარეს კვარად საზმარებლად, რასაც აქ „ჩირახს“ ეძახიან. ერთი მათგანი გაცივდა და ავად განდა. მკითხავმა ამითაც ისარგებლა და მთიშეშავს დააბრალა. ჩირახის კუნძი მისმა შშობლებმა ჭვარში მიათრიეს და „ჭურუმად“ ერთი საკლავიც დაკლეს.

რკენის ფიჭვშიც ქალები არ მიდიან. იგი ს. ამლაშია, ეკუთვნის იახნარს.

ОТ РЕДАКТОРА

На современном этапе развития этнографической науки, ввиду познавательной и практической значимости, особое внимание уделяется изучению народных празднеств. В них сохраненные древнейшие религиозные верования и представления, идеологическое наложение разных эпох, часто являются первоисточниками в деле изучения духовной культуры народа.

Грузинские народные календарные празднества, в которых древнейшие религиозные формы переплетаются с христианскими, образуя единую систему, охватывают богатый материал о мифологии, о религиозных обрядовых представлениях, социально-религиозных институтах, о хозяйственных работах, связанных с культом, о хозяйственном и календарном циклах, обрядо-зрелищных ритуалах, о фольклоре и т. д.

Отсюда очевидно то значение, которое имеет этот материал для специалистов разных отраслей гуманитарных наук, и понятен их интерес к ним.

В данной книге представлена часть собранного Ал. Очнаури в Пшав-Хевсурети материала на религиозную и социальную темы, в 30-х, 50-х годах нашего столетия, среди которых значительное место занимает тема празднества (Эти материалы хранятся в Институте истории, археологии и этнографии им. И. Джавахишвили Академии наук Грузинской ССР).

Ввиду большой объемности материала, охватывающего религиозные празднества пшавских и шатильских хевсуров, а также Архотского ущелья, не удалось его полное издание; в книгу вошли только празднества Архотского ущелья. Остальная же часть материала готова к отдельному изданию.

В отличие от записанных Ал. Очнаури устных рассказов описание Архотских религиозных празднеств принадлежит непосредственно ему. Он, как уроженец этого края, является лучшим знатоком всех сторон местного быта, участником и исполнителем, описанных в книге всех обычаев и обрядов.

Его описания, не умещавшиеся в узкие рамки, представляют празднества как единую систему жизненных интере-

сов, норм поведения, социального и общественного строя горцев.

Собрать подобного рода уникальный материал в настоящее время совершенно невозможно. Отдельные, прослеживающиеся фрагменты древнейших религиозных празднеств видоизменены, обеднены и внутренне истощены.

Уникальность же материалов Ал. Очиаури в их полноте и завершенности.

В последнее время в прессе и отдельных изданиях неоднократно говорится о повышенном интересе к изучению народной культуры родного края.

Надеемся, книга и в этой области окажет услугу заинтересованным лицам и широкой читательской общественности.

საძიებელი*

ბიოგრაფიული სახელები

- ალვანი — 174
ამერიკე — 129
ამლა — 89, 91—93, 104, 117, 120, 121, 123—126, 146, 173, 182, 183, 198
არხოტი — 3, 6, 17, 61, 81, 86, 174
ახიელი — 35, 49, 51, 57, 60, 69, 70, 75, 77, 81, 92, 93, 98, 104, 114; 116, 117, 125, 146, 173, 174, 183, 196, 197
- ბახტრიონი — 174
გულანი — 69, 81
ზეისტერი — 137
თათელი — 182
თუშეთი — 123
იერუსალიმი — 41, 43, 77, 80, 90, 95, 98, 125
კაკავე — 25, 26
კალთაბა — 196
კახეთი — 25, 175
კვირიწმინდა — 60, 69, 70, 132
- ლიქოი — 81
მათურა — 60, 61
ნეთხიზი — 51
ოძალი — 44
პირიქით-ხევსურეთი — 197
როშკა — 81
ტერლოს ქალა — 83
ფშავე — 60, 92
ლილო — 120
შატილი — 81, 82
ქილა — 89, 92, 104, 117, 146, 183, 184
ქიშველი — 60
ხახმატი — 81
ხევსურეთი 8, 11
ხევსურეთის ქალა — 133

საკულტო სახელები და ტერმინები

- ათენგენა — 58, 60, 92, 104, 124, 157, 170, 173, 176, 179, 180, 183, 184, 187, 188
ალვისტანი — 11
აწაღლება — 10, 58, 147, 142, 155, 157, 170, 183, 191, 198
- აღლის ჭვარი — 126
ანგელოზთ დავლათი — 105, 106
ანგელოზი — 8, 10, 11, 105, 121, 194
ანდაბი — 125
ანდრეზი — 54, 88, 122
არგანი — 136

* საძიებელი შეადგინა გ. გოგიაეამ

არხოტის ქვარი — 5, 12, 13, 35, 36, 39, 40, 42, 51, 53, 55, 57, 58, 59, 60, 61, 65, 69, 70, 82, 89, 92, 93, 99, 104, 114, 117, 119, 123, 124, 140, 169, 176, 177, 181, 183, 187, 188, 191, 192.

აღდგომა უფლისა — 9

აღება — 26, 114, 116, 118, 122, 124, 126, 127

აშალი — 45, 46, 180

ახალი წელი — 71, 77, 111.

ახალი წელი — 67, 68

ახიელელთ ქარი — 98

ავჯება — 135, 138, 170, 173

ბადათ დღეობა — 57

ბაქმის შეგორება — 67

ბაკანი — 6, 31, 85, 161, 172

ბაღნაჯი — 39, 161

ბეგარა — 9

ბედი — დავლათი — 152

ბედისკერა — 112

ბედისკერაობა — 111, 114

ბედნი — 46

ბერი — 5, 10

ბერიკას ნიღაბი — 70

ბიქონი — 129, 135

ბორაყი — 139

ბროლის ქვა — 98

ბუსნო — 173, 179

ბუე-ხევისიფრნი II მბჰე კვეისბერნი — 81

გაბრიელ შახარობელი — 10

გაბრიელ შთავარანგელოზი — 54, 60

გაღიღება (ქვართა) — 17, 116

გამასამალოე — 65, 110

გამაწრიელეზული სალოცავი — 194

განათლვა — 149

გამცხადება — 105, 107

განძი — 174

გაქილიკება — 133

გუარის გაყრა — 100

გველისდერი — 91, 126

გიორგი — 9, 10, 96

გიორგი ხმელისგორისა — 57, 58, 146, 148, 155

გიორგობა — 13, 26, 27, 29, 30, 31, 35, 36, 41, 43, 44, 85, 54, 55; 59; 63; 71, 114, 126, 150

გოდორი — 26

გობა — 130

გორული ქვარი — 60, 96, 149, 150

გოქნათ სამანი — 98, 99

გუდახის ქვარი — 81, 82, 174

გუდანური — 71, 84

გურჯინა — 140, 141

დავლათი — 158

დაკოქვა — 153

დამრიგე ღმერთი — 9, 22

დამწყალობნება — 11, 33, 35, 43, 56, 66, 74, 75, 116, 126, 141, 157, 159

დარბასი — 23, 24, 26, 33, 34, 37, 38, 39, 41, 52, 58, 59, 62, 63, 66, 73, 77, 78, 81, 83, 84, 88, 90, 97, 104; 106, 110, 124, 128, 139, 149, 192, 196

დარბასის კარი — 37, 39, 42, 43, 45, 52, 63, 64, 78, 79, 85, 86, 94, 106, 108, 110, 115, 139

დარისხება — 12

დასტური — 5, 6, 11, 12, 13, 16, 17, 18, 19, 20, 21, 22, 23, 25, 27, 30, 31, 32, 33, 34, 35, 36, 37, 38, 39; 42, 43, 44, 45, 46, 48, 49, 50, 51, 52, 53, 54, 55, 56, 58, 59, 60, 62, 63, 64, 65, 67, 68, 69, 70, 71, 72, 73, 74, 75, 76, 83, 84, 89, 90, 91, 93, 97, 100, 103, 105, 108, 110, 111, 114, 116, 117, 119, 124, 125, 127, 139, 159, 161, 162, 172, 173, 174, 176, 178, 180, 181, 184, 187, 188, 189, 192; 193;

დასტურ — ხელოსნები — 24, 36, 37, 43, 47, 49, 56, 64, 65, 67, 79, 84, 109, 115, 118, 152

დაქლოვა — 196

დედამარიეში — 142

დედამარღმობა — 140

დედა ქეშმარიტი — 10

ღევი — 50, 51

ღევი-ჭერები — 153

ღიასახლისი — 5, 6, 11, 12, 13, 16; 21; 24, 25, 26, 30, 31, 35, 36, 47, 48, 49, 54, 55, 62, 65, 71, 72, 74, 83, 85,

- 104, 109, 110, 111, 114, 117, 119,
124, 138, 147, 171, 174, 192
- დიდება — 34, 47, 56, 59
- დიდმარხეა — 127
- დობილი — 45, 195, 196
- დობილ-ძმობილი — 131
- დოღვი — 163, 164, 168
- დონანი — 131, 134
- დრაშა — 82
- დროშა — 38, 49, 50, 52, 53, 62, 67,
110, 123, 124, 149, 152, 153, 154,
157, 159
- დროშათ აბშა — 52
- დროშათ განათვლა — 50
- დროშათ მკაუი ანგელოზი — 110, 149
- დროშათ საბძანი — 180
- დროშათ ყარაული — 151
- დროშის ზარი — 110
- დროშის ტარი — 139
- დროშის ჭვარი — 154
- ღღე დღესინდელი — 8, 17, 23, 55, 74
115
- ეხო — 110
- ენკენა — 31, 192, 193
- ერბოობა — 162
- ეშმაკი — 10, 128, 136, 137, 194
- უცაობა — 130
- ვაიი — 130, 131
- ვეშაღი — 61
- ზარი — 49, 52, 58, 62, 67, 83, 110, 139,
149
- ზარის მაკური ანგელოზი — 151
- ზღამღევი — 20, 21, 22, 24, 35, 41,
66, 75, 79, 98, 109, 141, 161, 179,
84, 190
- ზღეგანი — 5, 48, 109, 192
- ზისცერობა — 162
- ზრო — 138
- ზღენობა 64, 67, 156
- თაგე-ჩიტო უქმი — 129, 134, 191
- თათართ ჭვარნი — 195, 196
- თაიციული ზღენი — 63
- თასი — 16, 17, 18, 19, 20, 23, 24, 29,
34, 36 40, 41, 42, 44, 81, 83, 87,
88, 95, 96, 104, 105, 106, 107, 109,
116, 119, 123, 125
- თასის დალოცვა — 20
- თაქიათ ჭვარანი — 196
- თბე — 130
- თუთრი გიორგი — 142
- თემი — 35, 81, 104
- თიბისთავი — 187, 190, 191
- თიენისაფურა — 172
- თმა-წვევრის მოპარსვა — 53
- თხის თავი (ნოლაბი) — 70
- თასულნი — 17, 32
- თასხარი|თაქსარი — 7, 87, 89, 90, 91,
125, 126, 162, 174, 181, 182, 198
- თაქსარის ქადაგი — 91
- თაქსარის ყმანი — 91
- თილალი — 136
- თალო — 26
- თამალა — 37
- თარახანა — 20, 25, 35, 44, 98, 109, 161,
162, 179, 180, 190, 198
- თარის მეზობელი — 56
- თარ-თამალი — 152
- თარნი-თათანი — 10
- თეთილის კაზმევა — 11
- თეციული — 48, 76, 141, 161, 169, 171
- თერა|თეირაე — 6, 8, 10, 14, 17, 18, 22,
32, 41, 43, 55, 116, 117, 173
- თეირაის ნიში — 188
- თეირაის ძალი — 83
- თერიგი — 176
- თიღობანი — 11, 25, 26
- თილონი — 130
- თილტენი ზეუფლისანი 15
- თილი — 29, 33, 51, 55, 58, 68, 72, 111,
115, 172, 176
- თილის გახსნა — 55, 58
- თილის კურთხევა — 55
- თილ-სამკურთხეველი — 55, 58, 125
- თილ-საფურარი — 14, 15, 33, 55, 56, 65,
66, 116
- თილა — 196
- თიში — 14, 21, 28, 29, 33, 35, 149,
171, 177.
- თიშკი — 42, 55, 67, 69

კოკობი — 149, 158
კუბატი — 112, 165
კუბატ-კადისკეცები — 164
კუდიანი — 136, 137
კუდიან წუხრა — 135, 137, 191
კუმბეტი დილა 85
კუმბეტი — 84
კუმბეტი წუხრა — 88
კურბეტი — 42, 155, 177, 178, 181
კურთხევა — 8, 9, 10, 11, 14, 15, 16,
22, 23, 33, 34, 37, 39, 57, 58, 59,
64, 66, 67, 72, 74, 83, 85, 103, 126

ლაბა — 28, 171, 175
ლაშქარი 108
ლაშქარ-მწვევართ დღეობა — 122, 124
ლაშქარ-მწვევარნი 118, 128, 171
ლაშქარნი — 30, 45, 49, 60, 122
ლატი — 153
ლუღი — 12, 13, 16, 18—22, 24—27,
33—36, 38—41, 43—45, 47, 48, 81,
83—88, 95—98, 101, 104, 106—108, 110,
114, 115, 116, 119, 124, 125

მადლის მოთხოვა — 48
მაენე — 153
მაკეთე — მაკიდული — 131
მახლაე-მაშვედარი — 79
მარანობა — 141
მაროშქიდა — 142, 143
მარტულელა — 131
მარხეა — 48, 127
მარხილი — 89, 90, 92
მარხოშამე — 48
მარხოშუობა — 48
მასანთო — 30, 49, 71, 170
მასური — 173
მებერი — 165, 166
მეზაერი დროშა — 172
მეზეტური — 90
მეზეტურობა — 93
მედარბასე ანგელოზი — 47
მედროშაე — 38, 52, 53, 62, 111, 153
მედროშაე ანგელოზი — 139
მედროშაე — ხელოსანი — 192
მეინე — 132
მეზღენე — 38, 41, 43, 44, 45, 63—65, 68,
106, 108, 109, 119, 145, 151

მეთამე — 26, 89, 93, 95, 106, 108,
125
მეთაქეთ თასი — 81
მეთასენი — 81, 88, 99, 106, 107, 110
მეთაისუფლე — 64
მეთვალყურენი — 90
მეცაბარქე — 10
მეკლე — 72 73, 74, 75, 76, 77
მეკლე-დასტურნი — 192
მეკლე-წუხრა — 72, 76
გეკულუხე — 174
მეზარცულენი — 25
მეშთე — 187
მესანთლე — 126
მესარიგოე — 37, 38, 39, 43, 63, 146
მესაწულთე — 65, 66, 67, 68
მესახელოე — 155—157
მესმინაე — 137
მესულეთე — 132, 133, 134, 166, 169
მეჭენგლე — 52, 53, 54, 60, 61, 62, 69
მეზორცენი — 22, 24
მზისწვერნი — 45, 46
მზე — 10, 19, 21

მთვარანგელოზი — 19, 20, 24, 37, 39,
40, 42, 52, 54, 61, 80, 89, 96, 101,
102, 128
მთის ვეშაგი||მთის ვეშაგ წყაროსთავისა
|| მთიშეშაგი — 6, 18, 22, 24, 35, 36,
54, 60, 61, 96, 116, 139, 157, 176,
177, 178, 179, 180, 181, 188, 191
მთის ჭერის ტყე — 198
მინდორის ჭვარი — 57, 58
მინდორის ჭვარის დასტურები — 147,
149

მისამბარეო — 151, 152
მიქიელი — 7, 12, 14, 16, 17, 18, 21, 24,
31, 50, 51, 52, 55, 61, 63, 67, 72,
73, 74, 80, 115, 116, 119, 122
მიქიელ კარის მეზობელი — 55, 57, 60
მიქიელის ლაშქარნი — 7, 46, 46, 115
მიქიელის მწვევარნი — 6, 115, 116, 117,
118, 119, 122
მიქიელ-მთვარანგელოზი — 6, 14, 15,
17, 21, 23, 32, 33, 37, 39, 42, 43, 61,
65, 67, 74, 102, 119
მიქიელ წყალშუისა — 7, 60

- მიქელ ჰიშველია — 7, 60
 მიწათიკათ შაწირვა — 69
 მიწრელ — ქვეცრიელი — 9, 14, 153
 მკითხავე — 42, 45, 50, 53, 69, 70, 81,
 91, 101, 121, 126, 128, 133, 152, 153,
 155, 198
 მონდავი — 66, 67
 მორიგე ღმერთი — 14, 17, 23, 38, 65
 მუში (მუშის ანთება) — 30, 49, 71,
 130, 171, 194
 შუქათ სანთლი — 52, 154
 მუხლით დაჭდობა — 19, 21, 54, 57, 62,
 79, 80
 შვილდის საბაძი — 130
 შწევარნი — 49, 61, 91, 119, 122
 შწევარის საფლავი — 30, 49, 120, 171
 შწეალსისხლიანი — 115, 117, 118
 მხვიმე-ღღე — 162
 მხვიმის დასტურნი — 147, 148, 151, 162

 წარეენი — 164
 წაცივარი სახლი — 124
 წახორი — 47, 110, 111
 წების ბეგარა — 115

 ოჯი — 135
 ოჯრის სულმკვდარი — 136

 პატივის მიტანა — 95
 პირისაბანი — 67, 102, 156

 ტამი — 121, 122
 ეამისწირვა — 23, 24, 29, 35, 48, 50,
 60, 62, 63, 67, 85, 93, 104, 108, 127,
 141, 143, 150, 162, 174, 148, 149, 151,
 198
 ეამსაწირი — 13, 22, 31, 36, 54, 55, 58,
 62, 71, 104, 105, 114, 148, 149, 151,
 158, 172, 176

 რივის ეენება — 55
 რჯული — 88, 110, 114, 185

 სააქაო — 98, 125
 საბეკური — 90, 92, 93, 183
 საბურღულხაო — 125, 126
 საღარაუდრო — 147, 164

 საღიასახლისო — 49, 73, 171
 საღიადო — 112, 195, 197
 საღიდებელი — 15, 16, 55, 56, 58, 65,
 74, 75, 105,
 საღიდებლის თასი 117, 119, 125
 საღროშავე კოშტი — 149
 საზარე კოშტი — 150
 საზონის ვაცი — 130
 სათოფე — 132
 საიშედრო — 125, 126
 საიჭიო — 98, 133
 საიფქლევი — 12, 13
 საევირაო — 5, 11, 16, 13, 23, 31, 33,
 47, 62, 65, 85, 104, 110, 126, 172,
 197
 საევევი — 141, 142, 171
 საეღავი — 13, 21, 23, 27, 30, 31, 32,
 34, 38, 39, 42, 43, 48, 59, 50, 51, 57,
 62, 64, 66, 67, 68, 69, 72, 73, 106,
 108, 117, 118, 127
 საეოდე — 13, 23, 33, 36, 58, 68, 71,
 139
 საეობი — 135
 სალღე მაშულევი — 12
 სალღე პური 89, 92
 სალღე ქერი — 29
 სალღე ქვაბი; 27, 28, 117, 120, 140
 სამამაცი — 112
 სამამკლო — 13, 16
 სამამფიტირო — 103
 სამანი — 99, 100, 101
 სამარცვლე — 25
 სამეხა — 15
 სამეხის ქვარი — 146
 სამეზღენეო ლუდი — 64
 სამეზღენეო ტაბლა — 64
 სამეკვლეო კოდი — 72
 სამჯადრეო — 123
 სამჯოქაო — 151, 153
 სამრელო — 17, 123, 195, 197, 198
 სამხეწრო — 156
 სანათლავი — 49, 52, 54, 151, 154
 სანერბიელო — 164

სანთელი — 13, 16, 33, 34, 47, 83, 115,
116, 119, 125, 126
საძაღო — 97, 108, 109
სარიგო — 37, 38, 62, 63, 118, 146
სასაღღლრე — 26
სასაღღლრე სიპი — 22, 33, 39, 51, 64, 72
სასაღღლრე 56, 11, 13, 35, 48, 58, 72,
73, 75, 126
სასოფლო ღელი — 78
სატაბლო პური — 24, 64, 161
საუფროსო სეამი — 39
საფლავზე შავდრომა — 103.
საქაბე — 58, 73, 84, 115, 124, 171
საქმის მუშა — 169
საყმო — 11, 18, 21, 147
საყმო-საგლეხი — 8, 16, 17, 18
საწიგარო ღელი — 78, 91, 94
საწლე — 19, 20, 22, 23, 40, 81, 86, 87,
88, 95, 98, 104, 106, 116, 119, 125,
126, 186
საწინაო — 46
საწინდარ გასვლა — 58, 148, 155
საწლე — 63, 64, 65, 67, 68, 69
საწყევი — 25, 27, 172
საქვრეთა — 5, 171
სახატო მამულები 12, 25
სახელის დადება — 131
სახელი — 154, 155
სახელის პური — 156
სახელში ჩადგომა — 155
სახლის სანათლავი — 124, 154
სახმთო გუდანის ქუარი 8.
სახუცო თაზი 17, 34, 75
სახუცო კოჭობი — 14, 16, 17, 23, 33,
47, 53, 58, 59, 62, 74, 110, 116, 119,
149, 150, 159, 173, 175
საქარე — 183
სეფე-სანთელი — 6, 7, 8, 10, 16, 34, 47,
65, 74, 75, 83
სეე — 129
სისწყენი — 29, 70
სმინაობა — 137
სოფლის ქარი — 60, 61, 76, 79, 80, 81,
86, 97, 98, 104, 105, 106, 110, 119,
126, 129, 132, 151
სულთაქრეთა — 29, 131, 134, 184, 190,
191
სულთაქრეთის დასტური — 129

სულით ტირილი — 127
სულის კურთხევა — 126, 129
სულის ხუცესი — 133, 164
სულის ხუცობა — 125
სულეთი — 132
სულეთობა — 132 133, 134
სულუქციევი — 96
სწორფრები — 86, 96
სწორფრობა — 105
ტაბლა — 6, 13, 15, 21, 25, 33, 36,
39, 44, 48, 53, 54, 55, 57, 62, 64, 65,
66, 76, 83, 85, 90, 98, 99, 109, 110,
116, 125, 131, 161, 165, 166, 173, 179,
189
ტაგრუცი — 110, 139, 174
ტალავარი — 114, 134, 163, 166, 190
ტალავართ გაშლა — 114, 127, 132, 135
ტახტის ყმანი — 14, 15, 17, 18, 38, 116,
117, 122
ტაბილი — 28
უკენაშუაღლე — 103, 104
ურწყის ორშაბათი — 127, 128, 129
ურწყინი — 29, 128
უფალანი — 196
უქმი — 129, 193
უქმის გატეხა — 193
უქმის მუშა — 169
უქმის ნათელა — 191
ულელღრებულნი — 32, 33
ურბენი — 165, 191
ფანდური — 18, 19, 20, 24, 34, 41, 44,
81, 83, 87, 150; 151
ფანდურის გატეხა — 34, 41
ფერხისა — 78, 124
ფეხზე მღერა — 20, 34, 37, 83, 85, 139
ფეხონი — 121
ფორი — 27
ქადა — 11, 20, 23, 26, 30, 31, 35, 36,
47, 49, 54, 58, 62, 68, 71, 104, 112,
117
ქადაგი — 61, 82, 83, 91, 114, 126, 127
ქარისუქმი — 193
ქეაბის დაყრა — 27, 114
ქეევი — 173
ქეევის გახსნა — 146

- ქრისტე — 9, 15, 16, 41, 43, 90, 95, 98, 125
 ქრისტე (შობა) — 48, 49, 50, 56, 57, 58, 59, 60, 61, 63, 64, 65, 68, 69, 71, 74, 76, 77, 80
 „ჩქურდი“ დასტური — 96, 97
 ღალა — 89, 104, 183
 ღალანგურ წმიდა გიორგი — 7
 ღამის სამთელო — 13, 16, 19, 21, 23, 33, 35, 49, 53, 54, 55, 57, 58, 71, 72, 83, 109, 114, 116, 139, 148, 150, 154, 158, 172
 ღამისთევა — 21, 28, 29, 33, 36, 50, 53, 54, 57, 58, 59, 66, 99, 127, 138, 149, 150, 157, 159, 161, 170
 ღაჯია — 185
 ღილ-ბორაყი — 174, 175
 ღმერთი — 6, 7, 8, 9, 10, 14, 15, 16, 18, 21, 29, 32, 89, 95, 110, 111, 112, 113, 115, 117, 125, 150
 ღორლა — 142
 ყალანი — 14, 17, 115
 ყაწიმი — 175
 ყველიერის კჯირა — 127
 ყველიერის შაბათი — 127
 ყვერფი — 31
 ყიანი — 130
 ყულრო — 9, 14, 17
 შანლობა 48 85, 86, 107
 შასახლემა — 33, 110
 შერიგება ჯვარში — 86
 შერისხება 74, 75, 99
 შიბი — 175
 შიბუ: — 48
 შიგისაწეჯო — 26, 104, 148
 შობა — 48,
 შოთხი (ხე) — 138
 შუაკაყი — 87, 186
 შულტა — 69, 94, 111, 192
 ჩაბაკაურთ ჯვარი — 146
 ჩამა — 28
 ჩანახი — 172, 198
 ჩირახი — 33, 198
 ჩხანჩხი — 69, 70, 94, 111, 192
 ჩხუტი — 19, 28, 29, 33, 34, 36, 39, 117, 138, 170, 173
 ცალურბელთ შტავი — 147
 ძაღლის კვალი — 77
 ძაღლით მოყვება — 1100
 ძენგლი — 50, 51, 52, 69, 70
 ძმობის სამანი — 99
 წელწალი — 56, 59, 64, 65, 68, 69, 70, 71, 74, 76, 77, 80, 81, 83, 84, 85, 92, 93, 97, 103, 104, 106, 108, 110, 111, 122, 123, 172
 წელზად — ქრისტე — 95, 99, 112
 წერილა — 22
 წილი — 140
 წინა შუადღე — 89, 93, 99, 103, 105
 კის მცველ ანგელოზნი — 83
 წული — 63, 64, 65, 66, 67, 68
 წყალოქვრთხევა — 108
 ჳდის ამოგდება — 101, 102
 ჳერხო — 27, 39, 86, 97, 118, 124, 134, 143, 161
 ჳიკოკოლაობა — 135
 ჳირის პატრონი — 34, 39, 41, 55, 57, 71, 76, 77, 78, 79, 113, 127, 131, 132, 134, 168, 169
 ჳირნახულის სამხეჯრო — 146
 ჳიქა-ბარძიმი — 17, 18, 47, 116, 117 119
 ჳიშეელის ჳვარი — 184
 ჳიპი — 29, 33, 115
 ხაეწი — 31, 49, 62, 71, 138, 139
 ხალარჯება — 163, 164, 168, 169, 170, 191
 ხარი — 8, 9, 42, 61, 82, 89, 92, 99, 146, 194
 ხართ შამაყრა — 99
 ხატი — 12, 13, 21, 25, 26, 38, 41, 66
 ხატის მამული — 13
 ხატის ტყე — 26
 ხატის ყანა — 21
 ხარათ ჳვარი — 59
 ხელის მოშვიღე — 102

- ხელეძრავი უქმი — 135
 ხელოსანი — 11, 12, 21, 22, 103, 37,
 39, 44, 47, 49, 50, 52, 53, 54, 56, 62,
 63, 64, 65, 67, 71, 74, 75, 84, 97,
 105, 109, 110, 116, 139, 150, 155, 157,
 172, 173, 174, 177, 178, 179, 180, 181,
 184 189
 ხთიშობელი — 194
 ხთისკარი — 6, 7, 8, 52, 55, 56, 75, 105,
 116, 117, 158
 ხთის იასაულნი — 9, 56, 115
 ხმალი — 31, 36, 49, 54, 56, 58, 62, 85,
 104, 131
 ხმაღლ-საკვირაოები — 23, 111, 139
 ხმით ტირილი — 127, 132, 164
 ხმით მოტირალი — 127
 ხიფხოლა — 140, 141
 ხოდაბურები — 24, 25
 ხოტი — 28
 ხუცესი — 5, 6, 8, 11, 12, 13, 14, 16,
 17, 19, 21, 22, 23, 24, 25, 27, 30, 31;
 33, 34, 35, 36, 37, 38, 39, 40, 41,
 42, 44, 47, 49, 50, 51, 52, 53, 54, 55,
 56, 57, 58, 59, 63, 64, 65, 66, 67, 69,
 71, 72, 73, 77, 79, 83, 84, 90, 93, 98;
 103, 104, 105, 109, 115, 116, 119, 125,
 162, 169, 172, 173, 174, 175, 177,
 178, 179, 184, 187, 188, 189, 192
 ჭაბუშანურთ ბანერა — 55
 ჭაბუშანურთ ჭვარი — 56
 ჭვარი — 9, 10, 13, 15, 16, 19, 23, 29, 30,
 34, 39—41, 43, 48—53, 55—60, 63,
 64, 66, 68, 69, 71, 72, 74—76, 78—
 86, 89, 93, 97, 98, 101, 107—109, 114,
 118, 119, 123—125, 127, 128, 139,
 140, 149, 180, 181, 180
 ჭვარიონი — 11, 12, 18, 19, 21, 22, 24,
 25, 38, 45, 47, 50, 52, 54, 59, 60, 62—
 66, 68, 69, 71—75, 78—80, 97, 98,
 106—108, 110, 116, 117, 119, 124—
 126, 138, 161, 162, 174, 176, 178,
 179, 183.
 ჭაქველი — 22, 35, 36, 57, 59, 60, 134,
 139, 154, 57, 173, 175—177, 181,
 183, 191
 ჭაქველის ლაშქარნი — 58
 ჭაქველი კმელის გორისა — 6, 51, 59,
 150, 156, 160
 ჭვართ გადიდება — 24, 59, 173, 189
 ჭვართ ნიში — 194
 ჭვაროს გამძლო — 44
 ჭვარის ტყე — 197
 ჭვარით შერიგება — 81
 ჭვარის მამულეები — 64, 68, 69
 ჭვარის ყანა — 5, 11, 40
 ჭვარის კელაჯი — 129, 158
 ჭიხვის თავ-რქანი — 82
 ჭურჭმი — 198

შ ი ნ ა ა რ ს ი

შესავალი	3
ჯვარის მამულების ხენა არხოტის თემში	5
გიორგობა	36
ქრისტე (შობა)	48
საწულეობა	65
წელწადი	68
კუშეტი	84
წინაშუადღე	89
უკენაშუადღე	103
წყალკურთხევა	108
აღება	114
საბურღუხაო და საიმედურო	125
სასანთლეობა	126
დიღმარხვა	127
ურწყის ორშაბათი	127
თაგვ-ჩიტთ უქმი	129
სულთაყრეფა	129
მგელთუქმი	134
მარხოშეობა	135
კუდიან წუხრა (კიაკოკლაობა)	185
აკვსება	138
პირნახელის სამხევეწრო	146
ამაღლება	147
მისამბარეო	152
დაკოკვა	153
საჯელო	155
ლამისთევა	157
ხალარყეება	163
ათენგენა	170
თიბისთაეი	187
თიბის საშაბათი	190
მარიანობა	191
ენკენია	192
ქარისუქმი	193

წერილმანი სალოცაეები არხოტში	193
ხთიშობელი	194
თათართ ჭვარანი	195
თაქიათ ჭვარანი	196
საკვირაო	197
ჭვარს ტყე	198
От редактора	.199
საძიებელი	201

სბ 3768

გამომცემლობის რედაქტორი რ. ფეიქრიშვილი
მხატვარი მ. მათიაშვილი
მხატვრული რედაქტორი გ. ლომიძე
ტექნიკური რედაქტორი ე. ბოკერია
კორექტორი ლ. ჯიქია
გამომშვები ელ. მაისურაძე

გადაეცა წარმოებას 25.12.87;
ქალაქის ზომა 60×90¹/₁₆; ქალაქი № 1; ბეჭდვა მაღალი;
გარნიტურა ვენური; პირობითი საბეჭდო თაბახი 13.0;
პირ. სალ. გატ. 13.3; სააღრიცხვო-საგამომცემლო თაბახი 11.7;
ტირაჟი 2000; შეკვეთა № 4125;

ფასი 2 მან. 20 კაპ.

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

საქართველოს სსრ მეცნ. აკადემიის სტამბა, თბილისი 380060, კუტუზოვის ქ. 19
Типография АН Грузинской ССР, Тбилиси, 380060, ул. Кутузова, 19